

# COMPOSITIO TIONIS TOTIVS ARTIS

DI ALECTICAE AD VSVM TRADVCTAE

*editio secūda, novē libris explicata, qui Ari-*

*stoteleis ordine respōdent: suntq; ad eosdē*

*non solum Isagogici, sed locuple-*

*riſſima enarrationes.*

AVTORE

Petro Monçono Valentino.



S  
A  
D  
M  
O  
D  
I  
S



BIBLIOTECAM  
ROMAM  
VITTORIO EMANUELE

VALENTIAE,

Ex typographia Ioannis Mey:

1566.

Capuccinorum — Roma.

**IACOB I FALCONI**  
equitis, ad autorem.

Hic, Moncone, labor toto celebrabitur orbe;  
Parcere si poterit, quæ magnis parcere rebus  
Invidia ignorat. Iuvenes assurgite libro,  
Qui docet ante omnes, vero secernere falsum:  
Qui reliquas artes ducit: qui clausa Platonis,  
Clausâq; Aristotelis magni penetralia pandit.  
Non hîc ambages, prætermissum ve videbis  
Vtile quicquid erat: breuibus complectitur autor  
Omnia præceptis: præcepta vocauit in vsum:  
Sic liber autorem, librum cõmendat & autor.

**LAURENTIVS CIMON**  
studioso lectori.

Si cupis exactè logicam callere, Platonis,  
scriptâq; Aristotelis tempore scire breui:  
Hunc eme, quem cura vigili Monconus, & acri  
ingenio, & clara composuit methodo.  
Dogmata vera docet, paucis & plurima tradit:  
hunc igitur versa nocte dieque librum.

CLARISSIMO  
ET AMPLISSIMO VIRO  
DOMINO MICHAELI EX ILLUSTRISSI-  
ma Moncadarum familia oriundo, singulari dignitatis nobi-  
lium ornamento, Petrus Monconus. S. P. D.



**S**Æ P E mecum cogitavi, Mi-  
chael omni laudis genere cumu-  
latissime, inter tot ac tā præcla-  
ras, tum corporis, tum animi do-  
tes, inter tam multa gloriæ insi-  
gnia atque ornamenta, quæ in te  
vniū omnia & Deus & homines congesserunt, quid  
præ cæteris suspicere ego & admirari deberem,  
teq; immensæ Dei immortalis liberalitati maximè  
in perpetuum obligarit. Cùm sint enim omnia sum-  
ma & in summo dignitatis gradu locata, nihil est  
profectò, quod cum cæteris de principatu contendere  
non posse videatur. Nam ut ab eo ordiar, quod &  
in maximo prætio habetur, & tui ordinis homines  
commendare illustrareq; vehementer existimatur,  
quis generis claritatem, & Moncadarum familiæ  
vetustatem non nouit? Quis generosissimam stirpem

EPISTOLA:

pariter & antiquissimam non prædicat ac veneratur? Minima profectò in hac parte tuarum laudum portio est, quòd te in veteri dignitate fortunaq; natum, genere, ac nobilitate ciuitatis huius facile priuū & agnoscant omnes, & confiteantur. Non hoc dico temerè, de quo loquar video. Cùm omni semper culpa vacare conatus sim, nihil vnquàm magis curavi, quàm in assentatoris vitium delabi, nullamq; infamiã tantopere reformidaui. Quare nisi ita esse planè scirem, non adeò stultus essem, ut vellem hoc quasi publico testimonio mendacij nulla necessitate argui. Sed nihil est, quod in tuis laudibus minus vereri debeā: cum sciam non solùm nostrorum, hoc est, Hispanorum, sed aliarum quoq; gentium maximum de præstantibus tuis virtutibus, & generis nobilitate consensum. Gallia quàm multos genuit familie tue summos illustresq; viros, & rerū omnium præstantia excellentes? Apud germanos quàm celebris est Moncade nominis amplitudo? Fulget profectò vbiq; terrarum tuorum natalium splendor, & in omnibus ferè orbis partibus maiores tui rerum gestarum gloria maximè floruerunt. Hac verò non literariis



teratis hominibus solum & historicis , sed populo  
& imperitæ multitudini nota sunt. Itaq; non est mi-  
hi nunc memoria nobilitatis tuæ ex annaliū vetusta-  
te, sed ex recenti hominū sermone eruenda. Viuit ad-  
buc & supereſt etiā num in omnium pectoribus, pa-  
trui tui illuſtriſſimi ac fortiſſimi viri Vgonis à Mon-  
cada recordatio : qui non modò eorū hominum , qui  
ſuo tēpore floruerunt , gloriā , ſed etiam antiquita-  
tis memoriā virtute ſuperavit. In quem vnum Caro-  
lus Imperator ſapientiſſimus honores omnes , &  
omnia laudis ornamenta ita congeſſit , vt vnū di-  
gniſſimum eſſe , ad quē omnia deferrentur, iudica-  
rit. Nimirū in vno virtutes omnes enituerunt : ac  
non ſolæ Imperatoriæ, quæ vulgò exiſtimātur, labor  
in negotijs , fortitudo in periculis : induſtria in agen-  
do, celeritas in cōficiendo , conſiliū in providēdo: quæ  
tanta in eo fuerunt , quanta in omnibus reliquis Im-  
peratoribus, quos aut vidimus, aut audiuiſimus , non  
fuerunt. Teſtis eſt Sicilia, quam Prorex multis an-  
nis ſummo conſilio & prudentia ſingulari guberna-  
uit. Teſtis eſt Italia, quæ legato, & imperio ac pote-  
ſtate alteri Carolo perpetuò obtēperavit. Teſtes verò

iam omnes ora, atq; omnes exteræ gētes ac nationes.  
 Deniq; maria, tum vniuersa, tum in singulis oris o-  
 mnes sinus atq; portus. Quis enim in toto mari locus,  
 quàm diu ille classibus vniuersis præfuit, tam firmū  
 habuit præsidium, ut tutus esset? aut tam fuit abdi-  
 tus, ut lateret? Quis ex hostibus per hos annos nauig-  
 auit, qui non se aut mortis, aut seruitutis periculo  
 committeret? Porro Hispania, Italia, & Christiani  
 orbis ora omnes, quàm à prædonibus eo tempore li-  
 beræ fuerunt? Portus ciuitatesq; omnes maritimæ,  
 quàm tutæ, quàm secura omnia & pacata? Sed quid  
 ego amplissimi viri ornamenta, & res præclarè ge-  
 stas studeo percensere, cuius virtuti par oratio non  
 potest inueniri? aut quorsum splendore generis tui, ac  
 maiorum tuorum gloria, qua maximè floruerūt, com-  
 memoranda detineor, cū is sis, qui illis virtute tua  
 præluxeris: ut, si prius noti non fuissent, à te vno po-  
 tuerint accipere initium memoriæ suæ? Iam inde à  
 primis annis magnam tui expectationem concitasti.  
 Nam è ludo atq; pueritiæ disciplina in aulam Impe-  
 ratoris eximij Caroli profectus, ipsi ac Philippo filio  
 charissimus ijs artibus, quæ nobilem ac ingenuū de-  
 cent,

cent, magna cum laude, & omnium admiratione bene  
nam illius ætatis partem traduxisti. Ineunte verò a  
dolescentia bello maximo, quod cum potentissim  
Gallorum rege, & acerrimis hostibus Christiani  
minis felicissimè gestum est, Imperatoris auspici  
sequutus, quàm prudenter, quàm strenuè te in omni  
bus gesseris, norunt illi, quos vnà tecū eiusdem bel  
fortuna exercuit. Hæc te ad gloriam erexerat, &  
virtus extulerat ad laudē. Utinam hunc cursum, i  
quo eras, ad perpetuam nominis immortalitatē cer  
tissimum conficere licuisset. Ea erat tui omniū ex  
pectatio, strenuum militem summi Imperatoris, ma  
ximi exercitus ipsum Imperatorem breui futurū  
qui non solū conferri cum maioribus posset & æ  
quari: sed omnium honore & virtute gloriam supe  
raret. Hæc sanè & alia longè maiora de te sibi vni  
uersi proposuerant, & pollicebantur. In qua spe per  
spectis tum animi, tum corporis dotibus quotidie mi  
gis ac magis confirmantur. Vident non illa solū  
quæ veteres fortunæ ascripserunt ac naturæ honore  
affluentia opum, singularē Principū gratiam atque  
favorem, vires corporis ingentes ac robur eximium

iudicium syncerum & acre, ingenium præstans atq;  
 illustre: sed alias quoq; virtutes animi multas & ma-  
 gnas in te suspiciunt & admirantur, scientiam rei  
 militaris, auctoritatem summam, fidem, facilitatem  
 tantam, ut is, qui dignitate principibus excellis, fa-  
 cilitate infimis par esse videaris. Ad hæc seuerita-  
 tem & gravitatem cum summa humanitate con-  
 iunctam, constantiam miram, firmitatemq; animi,  
 & æquabilitatem in omni fortuna, tum liberalita-  
 tem præstantem & eximiam, quæ te tantopere com-  
 mendat: ut quemadmodum nil habet fortuna tua ma-  
 ius, quàm ut possis, ita nil natura tua melius habeat,  
 quàm ut velis prodesse quàm plurimus. Sunt ista fa-  
 ctæ maxima, fateor, quæq; maximam laudem pro-  
 merentur: sed dicam quod sentio, ad innumerabiles  
 virtutes tuas, singularem ego ad literas & bonarum  
 artium studia animi propensionem, maximum ac-  
 cessisse cumulum, certò mihi persuasum deo. Ut enim tur-  
 pe est in homine nescire, turpissimum verò ignoran-  
 tiæ tenebras, cum possit, à se totis viribus non depel-  
 lere, qua nulla maior labe & ignominia: ita nil pul-  
 chrius & magis expetendum, nullum maius aut  
 præ-

præclarius ornamentum animi esse duco, quàm literarum cognitioni ac studio vacare, & honestis disciplinis animum excolere: quarum tantus fructus ostenditur. Ex quibus etsi sola delectatio peteretur, esset tamen hæc animi remissio humanissima & liberalissima iudicanda, quæ temporum est, ætatum omnium, atq; locorum. Felices illi, quos ab his nullo unquam tempore aut commodum, aut otium abstraxit, aut auocavit voluptas, aut denique retardavit somnus. Hæc sanè virtus, meo iudicio, aliarum omnium, quibus te natura locupletavit, lumen est: hæc me tibi potissimum deuinxit: hæc deniq; compulit, ut hoc opus, quod in communem studiosorum omnium utilitatem scriptum est, tuo nomine euulgare. Scio equidē multis de causis nulli alij, quàm tibi fuisse mittendum: nam si amicus quærendus, quem te ego mihi amiciorē putem, qui nouum aliquod quætidie in me tuæ beneuolentiæ signum ostendis, nec unquam benè de me mereri desinas? Si is, cui plurimum deberem, ea sunt tua in me merita, ut ne ad habendas quidem tibi gratias parem me esse sentiam, ac proinde de beam, nisi ingratus haberi velim, quacunque

## EPISTOLA.

ratione possum, optimā meam voluntatem tibi ceterisq; qui tuorum in me beneficiorum conscij sunt, ostendere. Si is, qui possit esse praesidio, si quis in id forte conetur inuadere, norunt omnes, qui te cognitū habent, quanto studio & ardore animi soleas, negotia & famā amicorum tueri. Ad haec omnia accessit singulare tuum in hanc artem studiū, & flagrans eius cognoscendae desiderium, cuius me praeeunte vestibulum ingressus es, ac prima tyrocinia delibasti. Multis itaque de causis hoc volumen ad te pertinet: sed ob hoc quoque tibi dicandum fuit, & nomini tuo consecrandū, quòd cum in multis rebus opera tua & consilio usus sim, in hoc negotio studiū tuum & fidele & utile mihi sum expertus. Accipe igitur verè tuū hunc librū, & tibi multis nominibus debitū, illumq; & auctore, ut soles pertuò tuere. Vale.

NOVEM

NOUEM LIBRORUM DE  
*compositione Dialectica argumentum,*  
*ac totius operis præfatio.*

**M**ulli de obscuritate librorum Aristot. uehementer conquæ-  
runtur: quos aiunt de industria esse inuolutos, ut à nemi-  
ne intelligantur, uel ipsius testimonio. Nam cum Alexander aggre-  
ferret, libros Acroamaticos in uulgus editos fuisse, respondit Ari-  
stot. à nemine eos libros intelligi posse, qui uoce præceptoris in his  
non esset institutus. Hic eius epistolæ locus calumniæ occasionem  
præbuit nonnullis, quam ex facili & falsa adeò causa undecunq;  
aucupatur. Docent, & scriptis etiam testari non ueretur, ex Ari-  
stot. operibus nil minus hauriri posse, quam rationem differendi:  
quòd difficillima sint, absq; certa methodo, & innumera comple-  
ctantur superuacanea, quorum in arte nullus est usus. His ego re-  
spondere in præsentia non statui, longiorem enim hoc negotium  
postulat oratione, & à nostro instituto est quàm maximè alienū.  
Quin illud ingenuè fatebor, desyderare Aristot. auditorem soler-  
tem, ingeniosum, qui iudicio ualeat, & labori non parcat. Et ut  
de libris Dialecticis agamus, ad quos ista parantur, inest quidem  
in eis difficultatis non parum, quam ex hominis improbitate ortā  
esse, quòd scilicet, ueram eorum intelligentiam posteris inuidisset,  
falsò sibi multi ipsius testimonio persuaferunt. Scribendi enim  
apud ueteres duo genera extitisse comperiuntur, τὰ ἀκροαματικά,  
τὰ ἱστορικά, ut ea interim prætermittamus, quæ ὑπομνήματα νο-  
cabant. Acroamatica dictionem habent altiore, ac rationes fir-  
miores frequentioresq; ut in quibus nil nisi grauitè demonstra-  
tum afferri oporteat. Sic autem uocabantur, quasi disciplinaria,  
siue quia suis discipulis scribebatur ab autoribus cuiusq; sectæ, siue  
quia uoce præceptoris opus haberent, & idcirco à nemine eorū,  
qui in scholis Philosophorum uersati exercitatiq; non fuissent,  
legi



# ARGVMENTVM.

legi cognosciq; possent. Exoterica uerò ad uulgi utilitatem institutionemq; scripta sunt: non lectorum tantum, ac familiarium scribentis discipulorum. In quibus omnia facili stylo, non exacta illa ratione docèdi, qualis in acroamaticis exigitur: sed ad uulgariu captum disputantur: & ob hanc solam causam ita sunt appellata. Nam & ipsi scholæ olim appellabant, quicumq; alicui sectæ Philosophantium se non addixissent. Vtroq; scribendi genere Aristotel. usum fuisse, multaq; literarum monumentis consecrasse, ipsemet locupletissimus est testis. Octo libros de principijs naturalium rerum & causis, acroamaticos inscripsit: ad quod genus, qui de Dialectica extant, pertinere, neminem dubitaturum esse credo. Exotericorum in secundo de cœlo nominatim meminit: cuius generis esse uidetur, qui de mundo inscribitur, modò sit huius auctoris. Quod igitur de prioribus illis ad Alexandrum Aristote. respondisse fertur, non innuit sanè ab ipsomet de industria fuisse inuolutos: quod Cicero de Heraclito commemorat, qui & notivò ob eam causam perhibetur: sed (quod diximus) non cuius uulgatum patere, uerum peritioribus, qui se aliquantum in scholis exercuissent, uocemq; ac præceptoris operam postulare. Ego obscuritatis, quam præ se ferunt & continent Arist. opera, præsertim Dialectica, alias ac non paucas esse causas existimo. Ea in primis ex rerum ipsarum natura, & qua docentur methodo nasci uideatur. Est Dialectica multis referta præceptionibus, ipsdemq; spinosis, cui tradendæ acroamaticum scribendi genus, hoc est, quod firmissimis rationibus ac frequentioribus utitur, quâ rerum natura patitur, Arist. accommodauit. Iam Mathematica exempla tam multa, quæ passim in opere Dialectico occurrunt, non paruam difficultatem facessunt lectori. Acceditur enim ad rationem discernendi artibus illis ne à limine (quod aiunt) salutatis. Vtinâ perniciosâ hæc cōsuetudo, quæ in scholis mordicus tenetur, penitus obsolescat: fieret enim ut communibus studijs esset longe melius consultum, & disciplinis, quarum tantus fructus ostenditur, à multis opera

opera impenderetur. Ego cum ex earum ignoratione quantum  
 nascatur incommodi Arist. disciplina candidatis toties expertus  
 agnouissem, sedulo conatus sum huic malo occurrere. Itaque elemē-  
 ta Geometriæ, & Arithmeticæ ex Euclide decerpsti, quibus institui  
 ti adolescentes ad Dialecticorum acumina, & Aristot. libros pa-  
 ratissimi accedant. His sat scio, quæ ex Mathematicis exemplis  
 nascitur obscuritas, prorsus è medio tolletur. Sed sunt aliæ obscu-  
 ritatis causæ non exiguæ, quod nimis fuerit Aristoteles, & mul-  
 ta supernacua, quorum nulla propemodum est utilitas, tradide-  
 rit: quodque præceptorum usum uix explicarit. Ac priori quidem  
 incommodo permulti homines excellenti ingenio, & singulari e-  
 ruditione præditi occurrere conati sunt: quorum extant institu-  
 tiones Dialecticæ, & compendia non pauca, breuiter artis præ-  
 cepta complectentia, & ad Aristoteleam disciplinam Isagogicæ:  
 quibus, etsi multa omiserint ad rationem differendi pertinentia,  
 danda uenia est. Cum enim id tantum instituisent, ut Dialecticæ  
 candidati prima artis tyrocinia delibarent, quò uel sic uia illa  
 ad Aristotelis opera & aditus pateret, præclare sanè suo functi  
 munere uidentur. Illud uerò alterum, quod ad usum præceptorum  
 artis Dialecticæ pertinet, paucissimis uideo curæ extitisse, atque in-  
 eo uix unum elaborasse. Cum sit, meo iudicio, nihil aut utilius, aut  
 magis expetendum: cuius ignoratio multos à perdiscenda arte  
 pulcherrima retardauit, multos auocauit. Nec sanè immerito: hæc  
 enim parte neglecta, nihilo magis uniuersa Dialecticarum præ-  
 ceptionum moles ac congeries profutura est, quàm instrumentum  
 quantumuis elegans, & omnibus suis partibus absolutum, quo  
 pacto eo utendum sit artifice penitus ignoranti. Hæc sanè causa  
 me potissimum adhortata est ac compulit: ut qui iuuandi commu-  
 nia studia ingenti semper flagraui desiderio, animum ad præsens  
 opus scribendum appellerem: & si quid possem in hac parte, non  
 dubitare de optima iuuetute bene mereri. Hic mihi primum uideo  
 totius mei consilij ac instituti rationem esse explicandam. Sed cum  
 in ipsa

# ARGVMENTVM.

In ipsa operis inscriptione sit cōprehensa, optimū fuerit ad ipsam  
mox exponendam accedere. Opus præsens Compositionem inscri-  
psimus totius Dialecticæ. Non enim elemēta tantum et præludia  
artis huius, quod serè ab omnibus, qui se in hoc scribendi genere  
exercuerunt, factum animaduerto: sed uniuersa differendi præ-  
cepta necessaria, et qua fieri poterit breuitate, tum methodo pul-  
cherrima et facillima compositionis persequi, ac tradere consti-  
tuit: ut tyrones et dialecticæ candidati, qui ad disciplinam Arist.  
aspirant, in hoc uno uel mediocriter exercitati, nihil offendant,  
quod difficile uideri, et ipsorum studia possit retardare. Is uerò,  
qui sola artis cognitione uolent esse contenti, aut quibus libeat  
aliquando redire ad Dialecticorum acumina, et eorum, quæ for-  
tè exciderāt, memoriam reficere, liceat citra magnam temporis  
iacturam uoti compotes euadere: nec tot annos necesse sit per ar-  
dua Aristot. opera, et per anfractus ægrè superabiles ire ac diria-  
pi. Porro cū præceptionū artis finis sit usus, cui destinatur: cuius  
potissimum cognitio desyderatur ab omnibus, estq; cum pri-  
mīs necessaria, in eo explicando maximè elaborauimus: ac cura-  
uimus seculò Dialecticam, quæ in sola contemplatione posita esse  
uidebatur, ad usum traducere. Ac de inscriptione et instituto ha-  
ctenus. Nunc quod superest huius proœmij breuiter perstrin-  
gamus. Cū tradendis artibus aptissima sit compositionis metho-  
dus, eamq; omnium consensu obseruauerit Aristot. multis ratio-  
nibus adductus, eandem quoq; tenendam esse nobis iure optimo  
existinauimus. Postulat autem constructionis ordo, ut à minimis  
et simplicissimis initium sumatur: qualia esse, quæ in Categorijs  
disputantur, ex cōtrario ordine resolutionis perspicuum euadit.  
Ita exemplo Aristot. à Prædicamentis inchoauimus: quæ disputa-  
tio lib. 4. suscepta est. Hunc librum sequitur, qui de Interpreta-  
tione inscribitur, in quo, quæ ad enuntiationem pertinent, partes  
cuius, formæ omnes, ac differentias, affectiones: et quæ sunt in om-  
nibus ueri ac falsi inueniendi ratio, diligentissimè sumus persequi-  
turi.

## A R G U M E N T V M.

quuti. Huic succedit proximè disputatione de argumentandi for-  
 mis, Ratiocinatione, Inductione, Enthymemate, Exemplo. Què  
 enim simplicium uocum rationes nouit, & quo pacto ex his enū-  
 tiata coalescant, proximū est, ut qua uia ex enuntiatis conficien-  
 da sit argumentatio discat, quæ uerum est ac legitimum Dialecti-  
 corum instrumentum: quod sextus docet huius operis liber. Iam  
 cum sint ratiocinationum formæ duæ, quibus sit rebus fides, &  
 probatur quod in questione est positum, altera necessaria, altera  
 probabilis, septimus prioris conficiendæ rationem tradit, poste-  
 rioris octauus, qui ad inuentionem pertinet, & locos docet, ex  
 quibus probabilis argumentatio ducitur. Postremus modum ostē-  
 dit & componendæ & dissoluendæ captioni Sophisticæ. Con-  
 ueniebat enim eum, qui auditorem ad inquisitionem ueritatis in-  
 stitueret, non solum ea, quæ ad hanc conferrent præmonstrare,  
 sed eorum quoq; commonescere, quæ huiusmodi inquisitionem  
 turbare possent ac impedire. Hic librorum ordo est Aristotele  
 respondentium, hæc summa eorum quæ complectuntur. Adieci-  
 mus tamen de diffinitione & diuisione librum unum, Arist. quoq;  
 in eo sequuti, qui de diuisionibus librum unum, tres autē de diffi-  
 nitionibus scripsisse perhibetur: quos depopulata est uetustas.  
 Hunc uerò in prima editione disputationi simplicium uocum  
 subiunximus, ob eam, quam explicauimus, causam. Sed in  
 hac secunda aliam sequuti rationem secundo loco collocauim-  
 us. Porro ante librum tertium, qui initium est totius Dia-  
 lecticæ, & prima artis elementa complectitur, duos colloca-  
 uimus: quorum alter tractationem quinque uocum continens,  
 ad exactam cognitionem decem Categoriarum pertinet: Prior  
 uerò ea omnia comprehendit ac pertractat, quorum mentio  
 fit insequentibus libris frequentissima: quæq; longiorem desy-  
 derant explicationem, quàm ut de ijs pro dignitate in ipso ser-  
 monis progressu obiter, & aliud agentibus liceat reddere ratio-  
 nem. Ea sunt, quæ sit Dialecticæ finis, quæ materia, quæ partes,  
 quod

## A R G V M E N T V M.

quod nam artificis officium, quibus instrumentis exerceatur: & alia non pauca quæ hys explicandis ac pernoscentis utilia mihi uisa sunt & necessaria. Sed ante omnia de methodo ac ordine tradendarum artium pauca dicenda putauimus: ut quis potissimum docendæ arti Dialecticæ esset accommodatior, perspicuum fieret. Vt ab eo autem exordiremur, mouit in primis, qui ex præclara eius rei cognitione percipitur fructus uberrimus. Hortatus est Galenus artē medicam ab eodem auspicatus. Compulit demum Aristot. quem uideo omnis Philosophiæ naturalis, moralis, diuinæ, ab ordinis explicatione initium fecisse. Cuius exemplum cum in alijs rebus permultis nos sequi oporteat, non fuit in hac parte, qua cæteris antecelluit, negligendum. Sed hic sit huius proœmij finis, quo horum nouē librorum cum sententia, tum ordo, quæ seruauimus, breuiter explicatur. Forsetian alia ad rē eandem pertinentia desiderabit curiosus lector, quæ in singulis libris apponere sedulò curabimus..

Compositionis

# COMPOSITIO TOTIVS AR-

TIS DIALECTICAE AD V-  
sum traductæ, nouem libris explicata, qui Aristo-  
teleis ordine respondent: suntq; ad eosdem  
non solum Isagogici, sed locuple-  
tissimæ enarrationes.

*Magnam esse uim ordinis in rebus omnibus,  
ac præsertim in artibus.*

## CAPVT I.



VANTA sit dispositio uir-  
qua omnia inter se commissa de-  
uinciuntur, illi probè intellexisse  
uidentur, qui naturâ stare ordi-  
ne putât: quo sublato, peritura  
sunt omnia. Cœlestia pulcherri-  
mo ordine constituta sunt, siue  
collocationem partium species, siue motiones corpo-  
rum, & statos syderum cursus. Mortalia quoq; & ca-  
duca quicquid habent dignitatis & ornamenti, ordi-  
ni debent. Nam in corporibus nostris, si quam partem  
permutes, & aliò transferas, tametsi habeat omnia illa  
quæ antea habebat, prodigiū sit uerius, quàm animal.  
Porro orationis, hæc potissima uirtus est. Quod pul-  
chrè Socrates in Phædro Platonis his uerbis expressit:  
Sed hoc arbitror te dicturū, oportere orationē omnem



orationis  
 virtus po  
 tissima,

tanquam animal quoddam cōstitui, ut suum quodam-  
 modo habeat corpus, quod neq; sine capite sit, neq; pe-  
 dibus careat, sed habeat media, atq; extrema sibi inui-  
 tem, & toti conuenientia. Hæc intelligētiam adiuuat,  
 & memoriæ maximè lumen affert. Hac si careat ora-  
 tio, tumultuetur necesse est: & ut ait Fabius, nocte in  
 altissimis tenebris errans, casum potius, quàm consiliū  
 sequatur. Artes quoq; quæ sine ordine ac certa metho-  
 do traduntur, inutiles sunt prorsus, & uix tueri artiū  
 nōmen possunt. Quæ sit autē in docendis artibus ser-  
 uanda methodus, unus Arist. multū quidem omni lau-  
 de, sed ordine plurimū admirāndus, suis operibus effin-  
 xisse uisus est: quem nos in hac parte, aliorum omnium  
 exemplo, imitabimur, ac sequemur. Et quoniam, cur  
 quidq; præcipiatur in arte, intelligi non potest, nisi or-  
 do quoq; quem seruat, qui artem tradit, cognitus sit,  
 atq; perspectus, primum quæ methodus tradendæ Dia-  
 lecticæ magis conueniat, paucis aperiamus.

De uarijs Dispositionis, & Methodi  
 significationibus.

CAP. II.

**Q**uam sit secutus methodum Arist. in tradendæ  
 Dialecticæ, nō omnino constat. Sunt qui Analy-  
 si in uniuerso opere Dialectico usum fuisse Mathemati-  
 cos imitatū, constanter affirmant, & pertinaciter ma-  
 gis, quàm uerè. Alijs uisum est tradidisse omnia, quæ ad  
 Philosophiā, & differendi rationē pertinent, methodo  
 compositionis, utpote quæ sit maximè naturæ consenta-  
 nea. Vtraq; sentētia autoribus nititur nō cōtemnēdis,  
 & rationibus fulcitur uerisimilibus, quas discutere ac  
 examina-



examinare non prius cōuenit, quàm quid methodus sit, quot eius formæ paulò diligētius consideremus. Methodus, dispositio, & ordo rem fermè eandem notant: sed explicanda est dispositionis homonymia. Dispositio in *Primæ dispositio* Categorijs ab Aristot. uocatur affectio, quæ citò euane- *dispositio* scit, ab habitu affectione iam confirmata, sola perma- *significatio* nentia & diuturnitate diuersa. Quinto autem Meta- *Significatio* phy. diffinitur, Ordo rei, quæ partes habet, secundū lo- *significatio* cum, speciem, aut potestatem. Nobis in præsentia idem significat, quòd ordo, & bifariā dicitur, quemadmodū Inuētio. Vocatur dispositio, quæ definitur à Fabio, a- *Tertia signi-* pta rerum in locos distributio. Est quoq; nomen partis *ficatio* unius Rhetorices: cuius officium & munus est, quid in *Quarta signi-* unoquoq; loco sit aptè collocandum, præmonstrare. *ficatio* Methodus, uia quædam est compendiaria, & qua gene- *Quid me-* rale nomen est, ac latè patens, rationem significat, qua *thodus,* inueniuntur occulta, & docentur, atq; explicantur. *qua gene-* Sumitur & paulò contractius, quatenus idem est, quod *rale est no-* apud Galenum initio artis Medicæ, doctrina ordini hæ- *men.* rens, hoc est, ratio, seu uia, quæ in tradēdis artibus ob- *Methodus* seruatur. Hæc sunt præcipua nominis significata. *contractus* *sumpta.*

Varie ac multiplices methodi diuisiones,

ex uarijs autoribus.

CAP. III.

**M**ethodi diuisiones multæ uulgò afferuntur. Plato *Duplex methodus* ex Plato. duas docēdi rationes maximè probauit, diuisionem, & compositionem. Compositionem uocat, colle- *Lego Pla-* ctionem multorum in unam cōmunem ideam, & illius *ton. Sophi-* rursus & aliorū, quæ sub eodem genere continentur, in *stam, Pha-* aliam communiorē, quousq; ad aliquod summum ge- *drū, et Ga-* *ic. 9. de pla-* *citiū Hip.*

nus peruentū est. Diuīſio huic contraria diſpoſitio eſt, qua initio ſumpto à ſummo aliquo genere, per intermedia ad ultimas ſpecies descendimus. Compoſitionis exemplum erit, ſi particulares homines in communem hominis formam reuocemus: hominem & bruta in cōmune genus animal: animal & plātā in id quod uiuit, uſq; ad ſubſtantiā. Qui uerò contrario ordine à ſubſtantiā exorſus, ad hominem, equum, & alias ſpecies descenderit, diuiſione utetur. Diuiditur quoq; methodus in methodū diſciplinæ, & prudētiae. Illa eſt diſpoſitio à generali- bus principijs ad res particulares ſubiectas: hæc, quæ habetur ratio, aut perſonæ, aut loci, aut tēporis. Similis eſt huic, quæ ab autore ad Herēnium aſſertur in eā, quæ ab inſtitutione artis proficiſcitur, & quæ ad caſū temporis accommodatur. Seruatur prior ab Oratoribus, quādo in dicēdo præcepta artis ſequūtur: ut exordio, narratione, diuiſione, confirmatione, cōſutatione, & conſuſione utantur. Poſterior autem, quādo ab artificioſo ordine recedendum eſt: quod Oratoris iudicio, ac prudentiæ relinquitur. Alij tres ~~fecerunt~~ diſpoſitionis partes: naturalem, arbitrariā, & artificioſam. Naturalis eſt, quam natura ſequitur in rebus procreādis: quæ à minutioribus partibus ac ſimplicibus exorſa, ad maiores progreditur, quonſq; totum tandem abſoluat. Arbitraria eſt, quando nō ſequimur rerum ordinē, ſed ut una alij cōmodē ſubtexi poteſt, ita ſubiungitur. Exemplum extat apud Porphyrium, qui cū debuiſſet poſt explicatam generis naturam, de differētia agere, ut poſte que ſecundū in ea diſputatione locum ſibi uendicet, prius tamen de ſpecie diſſeruit: quòd id aliter commodē fieri

*Nota*

*Secunda*

*methodi*

*diuiſio.*

*Tertia de*

*uiſio me-*

*thodi.*

*Tres alie*

*formæ me-*

*thodi.*



bem, & nubes in aqua, agente, quod in regione aëris in-  
 est, frigore, & halitus illos ui sua cogente. Itaq; nubes  
 proxima causa est, ex qua pluuia gignitur. Oriuntur au-  
 tem ac procreantur nubes ex terra halitu calido & hu-  
 mido: is uero ex partibus terre educitur solis calore,  
 quæ sanè prima est huius effectus causa analysi quadã  
 (ut demonstratũ est) inuestigata. Est quoq; in actioni-  
 bus quidã resolutionis modus, quã secundã esse diximus  
 analysi formã, cũ fine proposito ac statuto, de quo nul-  
 la est deliberatio, ea, quæ in finẽ perducunt, ordine quo-  
 dam indagantur, quousq; ad primũ aliquod sit peruen-  
 tũ, quod sit & resolutionis finis, & actionis principiũ.  
 Sic architectus domũ erigere parans, primũ sibi finẽ,  
 cuius gratia domus edificatur, ante oculos ponit, defen-  
 sionem scilicet à uento, imbris, & cœli iniurijs. Mox  
 quoniam ista fieri absq; tecto nõ posse intelligit, de eo  
 extruendo cogitat, & ita progrediendo ratiocinatur:  
 Tectum fieri nequit absq; parietibus: neq; hi fient, nisi  
 iacta sint fundamenta: & hæc non iacentur, nisi prius  
 effosa sit terra. Quo loco cessat speculatio, & fit initiũ  
 actionis. Primũ nãq; terra effoditur, inde cetera ordi-  
 ne fiunt. Hoc genus resolutionis, similimũ est huic nostro  
 de quo instituta est disputatio, quod in hũc modũ aptẽ  
 diffinietur: Resolutio, est continua quedam prosecutio  
causarũ ex causis, initio sumpto à fine, quousq; sit per-  
uentũ ad prima principia rei, de qua quæritur. Exem-  
 plũ in hac ipsa Dialectica, quã nobis Arist. reliquit scri-  
 ptam, sumi potest cõmodissimum: quæ finem sibi & sco-  
 pum fidem statuit, quam rebus differendofacimus. Hũc  
 ad prima artis elemẽta ita reuocabimus: Fides argumẽ-

Resolutio-  
 nis modus  
 in actio-  
 nibus.

Quid reso-  
 lutio.

tatione paratur, & aliqua ratiocinationis forma, uel probabili, uel quæ ex necessarijs coalescat, quam demonstratorem appellant. Demonstratio autem ratiocinatio est: Ratiocinatio ex pronuntiatis cōficitur, & coalescit: pronuntiata ex uocibus constat simplicibus ad aliquid significandū institutis. In his resolutio tandē finitur, & absoluitur. Priora enim ac simpliciora nulla sūt in differendi ratione, quæ ex simplicium uocū diuisione oriuntur. Cōpositio contraria est resolutioni, quemadmodū Græcis σύνθεσις τῶ ἀναλύσεως, sic quoq; compositio- nis ordo contrarius erit resolutionis ordini. Est enim progressio à minutissimis partibus ac simplicissimis ad cōpositiores, quousq; ad finem sit peruentum. Exemplū potest aptè ex resolutione peti, ut in ea, qua proximè uisi sumus: si quemadmodū à fine artis ordiebamur, ita à simplicibus uocibus auspicemur, & per eosdē gradus procedamus ad finē. Tertius ordo est, ex finitionis dissolutione, qui generalē artis diffinitionē proponit, partes eius omnes quibuscū uelut capitibus continētem: quas rursus in partes dissoluit, hasq; iterum in alias, nec ab eiusmodi sectione, & omniū diligenti explicatione desistit, donec omnia, quæ arte cōtinētur, absoluerit: ut sit idē & artis finis, & ordinis ac methodi. Hunc ordinē seruabit, qui artē Grāmaticam ita tradiderit, ut ipsam in primis hoc, aut alio nō dissimili modo diffiniat: Grāmatica est, scientia literarū, syllabarū, dictionum, & orationū. Deinde singulas diffinitionis partes suis quoq; explicet diffinitionibūs, & in alias diuidat: literas in uocales, semiuocales, & mutas: syllabas in longas, & breues: dictiones in nomina, uerba, participia, & alias ora-

*Nota  
Cōpositio  
quid.*

*Quia ordo  
ex finitione  
nis dissolu-  
tione.*

tionis partes: orationes in congruas & incōcinnas; nec ab huiusmodi diffinitionibus, ac diuisionibus cesset, donec omnia ad Grāmaticam spectātia plenē absoluerit.

Quæ methodus quibus artibus tradendis conueniat, quæq; sit potior, ac præstantior.

## CAPVT V.

**F**inibus profectō nostri instituti excederemus, si omnium, quotquot extant, sentētias hac de re in mentem adferre niteremur. Quod ergo grauissimis autoribus placuit, & à nobis omnia diligētī examine hinc inde perpendentibus Aristoteli. & uerō magis consentaneū uisum fuisse iudicabitur, proposuisse sat fuerit. Principiō inueniendis artibus resolutionis methodum utilem admodū fuisse, & ualde accōmodatā affirmāt grauissimi quique: quorū sentētia subscribere Galenus uidetur, cum methodum secundam fieri ex eorum compositione scribit, quæ sunt per resolutionē inuenta, his uerbis resolutionem inuentioni rerum manifestē accommodās: Quod non solum in operarijs artibus, & ijs, quæ operis aliquid post se relinquūt, nullis corporis uiribus indigentes, ut exerceantur, sed in illis quoque inueniendis fuit obseruatum, quarum finis sola est cōtemplatio, ac cognitio ueri. In omnibus finis regula est eorū, quæ sunt ipsis artibus cōprehensa. Is præclara ueterum ingenia & ingentes illos animos ad studium, & inquisitionem causarū compulit. Quæ cum uiderent, aut ad quotidiana nos humane uitæ usus esse necessarium, aut ipsum rem esse præclarā, ac excellētia mentis nostræ longē dignissimam, ingenij acumine & solertia, quæ diligentia atq;

Ratio ar-  
tium inue-  
niendarū.



usu uehementer adiuuarunt (quibus instrumentis ingenia hominum artes inuenerunt) excogitarunt multa, ad finem consequendum adminicula, ea in primis, quæ proxima ipsi, & quasi coniuncta esse uidebatur, mox alia remota, sed quorum præsidio indigere priora non agnouerant: ex his rursus alia, sine quibus priora consistere non posse credebantur: nec ab huiusmodi inquisitione destiterunt, donec ad primum aliquod suit peruentum, quod ex alio nullo pederet, sed ex ipso omnia. Hæc ab eodem uno per uaria experimeta collecta, uel collata cum aliis, præcepta efficiebant, quæ etiam alios in re simili iuuarent, multa uerò simul coniuncta, quæ ad aliquem finem uitæ utilem spectarent, artem uocarunt. Hæc planè artium inueniendarum uia fuit & ratio, quam esse analysim & resolutionem ex ea, quæ à nobis paulò ante reddita est, finitione, perspicuum euadit. Fuit sane primæ artium inuentioni resolutionis ordo & utilis, & in quibusdam, his scilicet, quæ præsentī ac urgenti necessitati opem tulerunt, per necessarius: cuius generis sunt, quæ quo modo uellenda lana, nenda, texenda, aut construenda ædificia, fodienda terra, aranda. præstandaq; omnia illa docuerunt, quæ operibus rusticis exercentur, sine quibus uita, nec diem quidem unum posset propagari. Ceterum spectatiuas, quæ intra cognitionis fines sese continent, ut hoc quoq; ordine fuisse excogitatas magna ex parte uerò est simile, ita crediderim contrario ordine compositionis aptissime inueniri potuisse non paucas. Nam (ut alias prætermittamus) Geometriam, Arithmetica, quæ solæ puræ ac synceræ sunt Mathematicæ, quid metat ex natura ipsa, in qua latebant, ita hominū industria

*Instrumenta quibus inueniuntur sunt artes*

*Spectatiue artes compositionis*



Inuenien-  
da Geome-  
triae mo-  
dus.

*Nota*

Diffinitio  
nis & cō-  
positionis  
ordines a-  
ptissimido-  
cēdū arti-  
bus.

An conse-  
rat ad do-  
cendas ar-  
tes resolu-  
tio.

stria in lucem prodijisse, ut sint primo loco initia illa & firmamenta earum, quibus nitūtur, iacta, deinde ex his paulatim & multorum opera theoremata illa omnia, quo tradūtur ordine obseruato? Enimuero cū nō simul, sed per incrementa, & longa temporum successione ad summū decus & fastigiū artes peruenerint, existimare possumus, ab ijs, qui Geometriae inueniēdae studuerūt, principia, & quae haec proxime sequūtur fuisse excogitata, quibus alij alia non pauca adiecerunt: quae Euclides omnia in ordinem, aptissimāq; methodū redigēs, & suis inuentis tradita à maioribus mirum in modum augēs, & illustrās, artem efficit omnibus numeris absolutā. Sed de his satis. Nunc quod propositū nobis est hoc capite exequamur. Ordines diffinitionis & cōpositionis aptissimos esse docendis artibus, testes sunt locupletissimi Arist. & Galen. quorū opera cū multa commēdant, multisq; nominibus digna uisa sint, quae tot seculis, tam fecundis bonorum ingeniorum in summo pretio atq; honore haberentur, sola, quae scripta sunt, methodus efficit admirāda. Et alter quidē diffinitionis ordine medendi artē se traditurū pollicetur: alter eā Philosophiae partem, quae de natura est, & uniuersam, disse- rēdi rationem omnium consensu cōpositoria methodo scriptis mandauit. Haec certiora sunt, quā ut explicatōne maiori indigeant. Illud nō est omnino manifestū, ac exploratū, sitne ad docēdas artes utilis resolutio, an potius (quod multorū fert opinio) ad eas dūtaxat inue- niēdas pertinere uideatur. Qua de re id profectō nobis statuendū est, quod ratio ipsa praescribit, & magni no- minis Philosophi suis operibus docuerūt. Si rationē du-

cem sequi oporteat, nō dubiū est, posse disciplinas etiā eas, quæ in sola contemplatione uersantur, resolutione doceri. Nā qui eas resolutionis methodo inuenerūt, & docuerūt seipsos, & ordine eodē, quo ipsi inuenta perceperūt, tradere alijs cōmodē ualebunt. Quod obseruatum fuisse à summis Philosophis, Aristotele, & Galeno comperimus. Hic facultatē medendi se analysi tradidisse affirmat, illum forsitan librum intelligens, quē de Artis medicæ constitutione inscripsit: Aristoteles uerò disciplinam de moribus magna omniū admiratione ordine eodem diligētissimē est persecutus. *Eam* enim à fine, hoc est, summi hominis boni disputatione auspicatur, qua absoluta, ad uirtutum explicationem se transtulit: in quarū actione consistere beatitudinem existimauit. Erūt igitur omnes hæ, de quibus diximus, methodi aptæ & accōmodatæ tradendis artibus, non ex æquo tamen, nec singulas cuius docendæ utiles esse conuenit existimare. Quæ in actione uersantur, aut aliquid operis efficiūt, diffinitionis ordine, aut resolutionis doceri possunt. Nā ea, de quibus differunt, nō usq; adeo certa sunt, ac sibi constāt, ut per demōstrationes exactissimas tractari queant, quibus compositio frequentissimē utitur: cuius generis sunt res morali Philosophiæ subiectæ, iustæ scilicet & bonestæ actiones, de quibus certā tradi disciplinam non posse, primo Ethico. testis est Aristo. Præterea in huiusmodi artibus non est ea rerū connexio & colligatio, ut perpetuò alia ex alijs pendeāt ad finem usq;. At *contēplatrices*, quæ certa methodo ac ratione scriptæ sunt, compositione traditæ, omnes ad nos peruenerūt, ut Geometria & Arithmetica Euclidis, &

*Philosophia  
fina magna*

*Cōtemplatrices sunt  
omnes si  
prius cōposi  
tione inar  
data,*

Aristo.

Aristotelis ea Philosophia pars, quæ de natura differit  
 & eiusdem differendi ratio. Ex his perspicuum euadit,  
 de quo multi dubitant, ex his tribus ordinibus, quæ nã

*Prima ratio.* ceteris dignitate antecellat. Cum enim inter omnia di-  
 sciplinarum genera speculatiue, omnium cõsensu, princi-  
 patum obtineat, has autem methodo cõpositionis scri-  
 ptis esse mandandas grauissimi homines existimauerunt,  
 aperte sanè hãc nã ceteris anteferri debere, indicare  
 uisi sunt. Accedit quod hæc sola est maximè naturæ cõ-  
*Ratio 2.* sentanea, cuius ars ipsa æmula est & imitatrix. Natura

*Tertia ratio.* enim non repente opus suũ perficit, sed à partibus mi-  
 nutissimis orsa paulatim ad maiores progreditur, quo  
 usq; totum tandem absoluat. Iam cõpositionis modus  
 præstantiam tradentis ostendit ingenij, quod necesse sit  
 eũ qui cõponit, omnia habere in numerato atq; ordine  
*Postrema ratio.* disposita, ante quàm animum ad docendũ appellat. Po-  
 sistremo qui cõpositione artem tradit, is sanè uel solus (si

Aristote. credimus) perfectè rerum scientiam ipse con-  
 sequitur, & communicat alijs. Nã cum ex his, quæ prio-  
 ra sunt naturæ ordine, ad posteriora procedat, & ex  
 causis effecta cõmonstret, demonstratiõis genere perpe-  
 tuò utitur, quod τὸ διὰ τοῦ, hoc est, cur res sit declaras ap-  
 pellatur, quæ sola, Arist. iudicio, & omniũ cõsensu pro-  
 prium est ac legitimũ parandæ scientiæ instrumētum.  
 Ex his, & alijs non paucis, quibus breuitatis studio su-  
 persedendum ducimus; facile quiuis credat cõpositionis  
 ordinem & præstātissimum esse omnium, & tradēdis  
 artibus maximè accommodatum. Habent tamē & aliæ  
 methodi hoc nomine compositoria inferiores, uirtutes  
 suas, & propria quædã ad eam, aut parũ admodũ spe-

ciantia,

*ſtātia, aut ab ea longè aliena. Reſolutio (ut diximus) id ſibi quaſi iure ſuo uendicat, ut ſit artibus inueniendis aptiſſima: finitionis autē diſſolutionem cōferre maxime ad totius cōprehenſionē & particulariū memoriā autor eſt Galenus. Siquidē finitione una omnia artis capita comprehenduntur, quam tenere, & memoriæ mādare, non eſt difficile. Exiſtunt hoc loco quaſtiones duæ de numero, in quem ordines tradendarum artiū rede-  
 gimus, qui minor à nobis, quā res poſtulet, uidetur eſſe conſtitutus. Nam in primis diuiſio, quæ à Platone tato-  
 pere extollitur, methodus quædam eſſe uidetur artibus cōſtituendis perneceſſaria, quæ cō medio ſublata, ceteris, illi præſertim, quæ finitionis diſſolutione rē docet, nullus omnino locus relinquitur. Deinde demōſtrationis uia, quam ἀνωγεινὰ nominant, & Euaſtratus in cōmētarijs librorū de moribus, tribus illis putauit eſſe adiſciendā, tradēdis artibus maximè utilis eſt, quæ Geometriam & Arithmeticam Euclides perſecutus eſſe uidetur. Scio multa hic à plerique reſponderi, quæ aut falſa ſunt, aut ad rē ipſam minimè ſpectantia. quibus omiſſis, quod res eſt paucis dicamus. Ad priorē igitur quaſtione-  
 ſtione ita reſpōdendum eſt. Eſt quidem magnus in omni methodo diuiſionis uſus, quā ſi ſuſtuleris, neceſſe ſit alias labefactari, & corruere: ſed ea inſtrumentum eſt tantum & miniſtra diſciplinariū, non generalis methodus, quæ doceantur artes. Eadē ſecundæ quaſtioni adhiberi poteſt reſponſio. Nam demōſtratio inſtrumentū eſt, quemadmodum diuiſio, quo ad demōſtrandas aſſertiones de rebus ipſis artes utuntur: ipſa autem cōmuniſ ordo non eſt docendæ artibus accommodatus. Quod.*

Quid reſolutionis pro-  
 prium.

Quid pro-  
 prium finitionis.

Quaſtiones duæ.

Reſponſio  
 ad priorē.

Solutio ſecundæ quaſtione.

Fin

si in unam artem multæ demonstrationes congerantur, quemadmodum in duabus illis Geometria & Arithmetica factum esse cernimus, necesse est proculdubio, modo ars ordine aliquo nitatur, compositionem seruari in toto artis progressu, aut resolutionem. Exemplo hæc ipse esse possunt, quas modò nominauimus: quarum demonstrationes hoc ordine traduntur, ut ex generalibus theorematibus, ad specialia progressio fiat, quam esse compositionem nemo dubitabit: & ut sit demonstratio apta docendi methodus, compositione, aut resolutione contineatur necesse est. Duo enim sunt demonstrationum genera: unum, quod τὸ ὀπίσθιον à Græcis nominatur, quo rem esse tantum demonstramus: id quod fit, si ex effectibus causæ colligantur: in quo seruari analysis methodum supra ostendimus. Alterum, quod τὸ ἀπὸ τοῦ ὀπίσθιου uocant, cum contrà ac in superiore, à causa ordimur, & ad ea, quæ ex ea manant descendimus: quod compositionis ordine fieri notum est satis & perspicuum. Quare tres erunt duntaxat uiae ac methodi tradendarum artium ordini hærentes, ac præter has, aliam condere minimè oportebit. Quod si quæ sint à ueteribus literarum monumentis consecrata, in quibus nullus ex tribus ordinibus obseruari uideatur, cuius generis Hippocr. aphorismi, & Arist. problemata esse perhibentur, illa methodi expertia planè iudicabimus: existimabimusq; à summis Philosophis, absq; certa ratione, esse tradita, non quòd docendi, aut scribendi uiam ignorarent, cuius ipsi magna ex parte autores extiterunt: sed quòd rerum, quas huiusmodi opera continebant, ea esset diuersitas, ut comprehendi ordine aliquo non possent: qualia esse, quæ attigimus, notius est, quàm ut longiorè desideret explicationem. Quæ

Demonstrationum  
duo genera.

Quæ methodus tradenda Dialectica  
maximè conueniat.

## CAP. VI.

**E**X tribus illis docèdi generibus, quæ explicauimus, Aristoteli cōpositorium maximè probauit. Hac itaq; methodo totā differendi artem scriptis mandauit: quā etiam in tradēda ea Philosophiæ parte, quæ de natura est, tenuisse, cōpertum est, uel mediocriter exercitatis. Quibus autem rationibus adductus compositionē ceteris omnibus docèdi rationibus usq; adeo prætulit, ut hanc potiùs obseruandam esse existimauerit, dictum iam est à nobis præcedēti capite: ubi multis nominibus præstare cōpositionis methodum alijs omnibus, rationibus nō paucis cōfirmauimus: quas ex eo loco petere licebit. Hoc loco dissimulandum profectò mihi silentio non est, quod multos malè habet, multisq; calumniandi disciplinam Aristoteleā occasionem præbuit, quī factum sit, ut dexterrimus tradendarū artium magister, qui hoc pontissimū nomine cōmendatur, crediturq; ceteris antecellere, quòd in artis formam, & pulcherrimam methodū omnia redegerit: methodi tamen, aut ordinis uix in suis scriptis ullam fecisse mentionē legatur. Ad hæc, quo pacto quasi ex abrupto Dialecticam artē sit aggressus, nihil omnino de ea arte præfatus: eum debuisset in ipso statim (quod aiūt) uestibulo, aut diffinitionē facultatis reddere, aut aliqua ratione quale id esset, de quo agere parabat, explicare. Hinc pleriq; (quemadmodū dixi) arrepta occasione hominē, qui tot seculis omnibus fuit admirationi, insectari conuitijs non uerentur. Clamāt confundi omnia ab Arist. & nil magis inordinatū esse.

Quæstio  
prior.

Contra Arist.  
m. l. de meth.  
da. tr. p. 1. c. 1.

Altera  
quæstio.



Et uacare methodo, quàm quòd scripsit author metho-  
 di, et inuentor ordinis. Ego nec in Aristo. uerba iura-  
 ui, nec me illi totum ita addixi, ut seclanda esse ipsius  
 placita, in sistendumq; uestigijs perpetuò existimè, pro-  
 pter solam hominis, cui alioqui maxima habèda fides  
 est, autoritatè et amplitudinè nominis. Sanè, nisi me  
 ratio, qua nititur, eò cōpelleret, nihilomagus Aristo. cre-  
 dendum esse putarè, quàm Parmenidi, aut Democrito,  
 aut alicui ex ueteribus Philosophis: quorum ipse senten-  
 tias reijcit ac explodit. Sed hos tã iniquos rerū aestima-  
 tores, quis possit æquo animo ferre? quis sit tã à cōmu-  
 ni hominum sensu alienus, qui leui causa, et futili argu-  
 mento persuasus, à sententia recedat tot annorū mili-  
 bus recepta atq; probata? Verū hos, qui se hostes disci-  
 plinae Aristoteleae et profitètur palàm, et prædicāt, alio  
 loco suis (ut aiūt) coloribus depingemus: nūc quæ pro-  
 posita sunt diluamus. Dubitatio prior ex ignorance  
 ordinis, què sequutus est Aristoteles in tradèda ratione  
 differèdi, orta est. Cùm enī compositionis methodum,  
 non eam, quæ est ex finitionis dissolutione, tenuerit, mi-  
 rum non est, si à uocibus simplicissimis, quod postulat  
 cōpositio, non à diffinitione artis duxerit initium. Illud  
 uerò alterum qui obijciunt, primum ignorare uidètur  
 hæc, quæ nōmine Arist. circumferuntur opera, minimā  
 esse eorum partē, quæ scriptis mādauit. Nam ut ea præ-  
 termittamus, quæ ex libris ad rationē dicèdi ac persua-  
 dendi pertinentibus, ad morālē, ciuilemq; Philosophiā,  
 ad naturalem et supernaturalem interciderūt, quorū  
 maximum esse numerum scribit Diogenes Laërtius, in  
 Dialecticis cētum desyderari idem est autor: In quibus  
 quàm

*Nola*



quàm multa credèdū est hominem ingeniosissimum, singularis diligentiae, & laboris indelessi ad posteros transmisisse: quæ si extarent, iuuaret maximè communia studia, & nullum detractoribus male dicèdi locum reliquissent. Multa in his de ordine & tradendarum artium methodo fuisse exposita, declarant ac testantur quorūdam inscriptiones. Nam alij de doctrina, alij methodici inscripti feruntur. Sed omittamus quæ perierunt monumenta, quæq; depopulata est uetustas. De ordine ac docèdi ratione quàm multa leguntur in his, quæ ad nos peruenierunt? Secundū caput primi libri de Moribus ea potissimum continet, quæ ad ordinem ac modum pertinent Morali Philosophiæ accommodatum. Naturalē Philosophiā ab ordinis ac methodi aptissimæ arti expositio-  
ne inchoauit. Et ne singula persequamur, primus liber de partibus animalium totus penè ad disputationē ordinis collatus est. Ex quo loco, quàm sit compositionis modus, non utilis modò, sed necessarius propemodū docendis artibus, & (quod ad nostrum pertinet institutum) facultati differendi, ex ratione, qua uiam ostendit disputationi de partibus animalium, & earū causis, atq; adeò de tota natura congruentē perspicuum euadit. Eius hæc summa est, ex eodem libro subducta: in naturæ contemplatione ab uniuersis, & quæ omnibus cōmuniter accidunt, exordiendum est: atq; ex his ad speciales rerum naturas, quasi per gradus quosdam descendere conuenit. Si quis enim alia methodo utatur, scilicet de substantijs singulis primum differat, ut de natura hominis, aut leonis, aut bouis, cogetur sanè de iisdē rebus sæpe uerba facere. Nā cum sint multa ys omnibus formis, & alijs genere diuer-

*Nota*  
Multa ab  
Aristo scri-  
pta: & or-  
dine l. gū-  
tur.

*Ratio A-  
ristot quā  
probat  
cōpositio-  
ap. istius  
off. tractat  
de Dialo-  
eticæ.*

C      s. com

sis cōmunia, ut somnus, uigilia, ortus, interitus, spiratio,  
 accessio, decessio, ad hæc reliqui id genus affectus & dis-  
 positiones: in singulis hæc omnia erunt explicanda, quod  
 quàm turpe sit in quouis orationis genere, nemo est tam  
 rudis qui non intelligat: aut tam patiens, quem res eadē  
 toties inculcatae grauitè non offendant. Hoc eodem ar-  
 gumento Compositione quoq; docendam esse rationem  
 differendi confirmare aptissimè licebit. Cùm enim in eo  
 uersetur, ut conficiendæ ratiocinationis uiam ostendat,  
 sintq; ratiocinationum formæ permultæ, quibus cōmu-  
 ne est ex enuntiatis cōstari proximis partibus, enuncia-  
 ta autem ex uocibus simplicibus coalescāt, quæ minimè  
 sunt ratiocinationum partes, nisi ab his minimis ac sim-  
 plicissimis initium ducatur, cùm de formis ratiocinatio-  
 num erit differendum, de ijsdem rebus sæpe uerba facere  
 cogemur. Ex his constat Aristoteli in his qui extant libris,  
 multa de ordine tradendarum artium scripsisse: & ex  
 tribus illis Compositoriū docendæ Dialecticæ, uel ipsius  
 testimonio aptissimum esse, quod nobis propositū erat  
 demonstrare. Caterū tametsi in tota arte explicandæ  
 constructionis ordinem Aristoteli tenuerit, in pertractandis  
 partibus non eundem esse obseruatum perspicuū est sa-  
 tis rem ipsam diligentius intuenti. Nam partem inueniē-  
 di ea methodo, quæ est ex finitionis dissolutione, perse-  
 cutus esse uidetur. Libros enim Topicorum, quibus eam  
 complexus est, à diffinitione methodi, quam tradere pa-  
 rabat, est auspicatus. Propositum (inquit) nobis est, uia  
 tradere & methodum, qua instructi de omni Problema-  
 te possimus ex probabilibus differere, & disputationem  
 sustinentes aptè respondere. Quibus uerbis diffinitio  
 partis

Nota

Nota

Pars inue-  
 niendi ab  
 Arist. dif-  
 finitionis  
 methodo  
 tradita.

partis inueniendi cōtinetur, cuius partes mox explicat,  
 & in alias diuidit, quemadmodum ordo, qui est ex dis-  
 solutione finitionis, uidetur postulare. Ex quibus relinqui-  
 tur posse in explicandis partibus artis aliam teneri me-  
 thodū & rationem docendi ab ea, quæ toti arti traden-  
 de accommodatur. Nam (quod modo diximus) pars inue-  
 niendi diffinitionis ordine docetur, cū in toto artis pro-  
 gressu obseruetur compositio. Quod idem cernitur in al-  
 tera iudicij parte, quam eādem Constructionis methodo  
 ab Arist. traditam agnoscimus. & tamen quæ potissi-  
 ma eius pars est, modum conficiendæ demonstrationis  
 præscribens, longè diuerso ordine, diffinitionis scilicet,  
 cōtinetur.

De multiplici Dialecticæ nominis significatu.

CAPVT VII.

**A**lexander diligentissimus Arist. interpres, nomen  
 Dialecticæ, cuius homonymia ex eiusdem præscri-  
 pto distinguenda primū est, non idē apud omnes Phi-  
 losophos significare, satis copiosè explicauit. Stoici Dia-  
 lecticam diffinierunt, Scientiam benè dicendi: & eos de-  
 mū benè dicere statuerunt, qui in ueritatis & conue-  
 nientiæ narratione aptè uersarētur. Quod cū propriū  
 Philosophi esse uideatur, relinquitur profecto solum Phi-  
 losophiam de illorum sententia eo nomine esse appellan-  
 dam, ac solum Philosophum esse Dialecticum. Plato di-  
 uisionis methodum, qua ex uno multa fiunt, & multa in  
 unum coguntur, Dialecticam uocauit. Arist. cū sepi-  
 mē Dialecticæ mentionem fecerit, uno solum modo, ac  
 in una tantum significatione ea uoce usus fuisse uidetur,  
 Dialecticam facultatem de rebus omnibus probabiliter

Significa-  
 tio nomi-  
 nis prima

Secunda  
 ex Plato.

Tertia de  
 sententia  
 Arist.

## COMPOSITIONIS DIALEC.

differendi perpetuo appellauit: & Dialecticum artificē,  
 cuius officium est, argumentis probabilibus & rationi-  
 bus, non ex proprijs cuiusq; rei petitis, sed ex communi-  
 bus, rebus quibusuis propositis fidem facere. Posset id à  
 nobis facile confirmari ex uarijs Aristo. locis, & ex Dia-  
 lecticis libris, & ex Philosophicis depromptis: sed unum  
 aut alterum in medium adduxisse sat fuerit. Secundo ca-  
 pite prioris libri de reprehensionibus Sophistarū in hūc  
 modum scribit: Sunt ad differendum quatuor argumen-  
 torum genera, unum est eorum, quæ proprie ad docendū  
 sunt accommodata. Alterum eorum, quæ Dialectica uo-  
 cantur. Tertio genere cōtinentur ea, quæ ad probandū,  
 & examinandum alterum adhibentur. In quarto gene-  
 re sunt, quæ contentiosa appellantur. Atq; illa quidē ad  
 docendum sunt accommodata, quæ constant ex proprijs  
 cuiusq; discipline principijs, nec uim habēt ab eo, quod  
 respondentī probatur. Credere enim, & indubitatam fi-  
 dem habere eum oportet, qui discere uelit. Dialectica  
 autem sunt, quibus utraq; pars contradictionis ex pro-  
 babilibus, & communi hominū consensu concluditur.  
 Decimo capite eiusdem libri Sophistam à Dialectico his  
 uerbis distinguit: Atq; ille quidē, qui non in specīe modō,  
 sed reuera communia peruestigat, & exquirat, Dialecti-  
 cus est: qui uerō id facere uidetur, nec facit, Sophista. Iam  
 cū ad rem aliquam confirmandā communia ac proba-  
 bilia affert argumenta, Dialectica illa uocat, & differen-  
 di artifici accommodata: ut in prim. de Cœlo. 7. ca. cū  
 rationibus ex proprijs naturalis Philosophiæ principijs  
 desumptis non esse corpus infinitum ostendisset, alias cō-  
 munes, ad rem eandem pertinentes allaturus, licet etiā  
 (inquit)

Locus pri-  
 mus.

Locus se-  
 cundus ex  
 10. cap.

(Inquit) rationes afferre, ad artificem differendi magis accommodatas. In procenio quoq; de animo eas definitiones, quæ exactæ non sunt, neq; in cognitionē ducunt affectionum rei, quæ definitur, sed probabilem tantum ac communem quandam intelligentiam gignunt, dictas esse differendi modo, affirmat. Ex quibus omnibus constat, quid nomine Dialecticæ intelligi uoluerit Arist. scilicet facultatem eam, qua instructi, ex communibus quibusdā, et ex probabilibus disputare utramuis partem cōtradictionis apte possumus, Dialecticam appellat, et qui ea utitur, Dialecticum. Sed offert se dubitatio non dissimulanda, cuius explicatio rei propositæ, de qua agimus, maximum luxū affert. Libri posterioris Analyseos, in quibus conficiendæ demonstrationis præcepta traduntur, in Dialecticis numerantur: hi uero non ex probabilibus, aut ex communibus, sed ex proprijs cuiusq; rei principijs, et ex necessarijs, differendi rationem ostēdunt. Nam disputatio de reprehensionibus Sophistarum, pars quædam est Dialecticæ, uel ipsius Arist. testimonio, qui in cap. prioris libri ita scribit: Ex his ergo perspicuum est, Dialectici esse, notatos habere omnes locos, unde reprehensiones ex communibus constantes ducuntur, cuiuscunq; generis illæ sint, hoc est, siue ueræ, siue in speciem tantum reprehensiones sint. At uero pars hæc non id sane præstat, ut ex probabilibus rebus propositis fidem facere possimus: sed ex his tantum, quæ sunt in speciem probabilia. Quare necesse est alterum ex his duobus consequatur, ut aut nō sint disciplina de demonstratione, et quæ de Sophistarum reprehensionibus traditur, inter partes Dialecticæ recensenda: aut Dialecticæ uocabulum

Dubitatio.

paulò contractius sumptum esse, quàm res postulat: scilicet quâ nomen est, non artis totius, sed partis dumtaxat. Scio non deesse, qui aut hoc argumento cōuicti, aut alijs rationibus persuasi, libros de Demonstratione non apte fuisse insertos Dialecticis, & eo nomine grauiter reprehendendum esse Aristote. affirmant. Sed cum non sit ars alia, cuius de huiusmodi formæ præcepta tradere inter esse uideatur, & esse aliquam oporteat, quæ id præstet, quæq; conficiendæ omnis ratiocinationis modum ostendat, fatendum est proculdubio, disputationem de demonstratione non minùs esse Dialecticam, quàm de Syllogismo probabili. Quod uel hac etiam ratione perspicui potest: De genere, & formis, quas sub se complectitur, disputare, unius artis est: ut de triangulo, isoscele, æquilatelo, ac scaleno Geometriæ: De numero, & partibus eius, ut binario, ternario Arithmeticæ: Est autem ratiocinatio genus quoddam, cuius formæ sint ueræ, ac legitime, necessaria ratiocinatio, & probabilis: at de genere, hoc est, ratiocinatione differere, Dialecticæ artis munus est, quare uiam & rationem docere, quâ formæ ipse confici debet, eiusdem planè intererit. Rationi igitur sic est occurrendum, ex diuisione partium, quas libris Dialecticis complexus est Arist. & Dialecticæ uocabulū sub se continet paulò generalius sumptum. Hæ enim cum ex differentijs ratiocinationum sumantur, quarum tres esse formæ comperiuntur necessaria, uerè probabilis, & in specie probabilis, tres quoq; sint oportet: quarum prima necessaria cōstitutionē docet, scilicet demonstrationis: altera probabilis: tertia eius, quæ est tantam in specie probabilis. Hæc autē argumentorū genera ita sunt inter se composita

Falsa re-  
sponsio re-  
gitur.

Dubita-  
tionis ve-  
ra solutio.



composita, ut tametsi modus, quo confici debet, unius sit artis (quod paulò ante diximus) usus tamen non est eiusdem, nec ad eundem pertinet artificem. Nam demonstratione uti uniuscuiusque artis est & discipline, & specialis artificis, in ea materia, in qua uersatur. Quod Arist. 8. cap. prioris libri de Sophistarum reprehensionibus his uerbis significauit: At debet quidē quisque artifex omnes, quæ ad suam artem pertinent, reprehensiones considerare, siue sint illæ ueræ reprehensiones, siue specie tantum habeant uerarum: & quamobrem talis sit unaqueque explicare. Vti autem captiosa, & fallaci ratiocinatione, Sophiste interest: probabili uerò, & quæ ex communibus coalescit, Dialecticus utitur: quem artificem esse & à demonstratore, & à Sophista longè lateque differentē, cum alijs multis locis, tum maxime. 4. Metaphysico apertissime docuit Arist. Ex his ratio colligi potest, quæ factum est, ut eam solum partem, in qua præcepta conficiendæ probabilis argumentationis traduntur, Dialecticam peculiari nomine appellauerit Aristot. & eum solum, qui his præceptis fuerit instructus, Dialecticum: scilicet, quia non solum illa docere ad differendi rationē spectat: sed quoniam uti argumenti genere, ad quod parantur, eiusdem munus est & officium. Potest tamen Dialectica uocabulum paulò latius sumi, ut partes omnes notet, & complectatur, quæ ratiocinationis omnis construendæ uiam doceant, necessariae, probabilis, & quæ apparet probabilis. In qua significatione eo nomine nunquam usum fuisse Aristotelem legimus. Quare in priori usurpabitur à nobis. Quod si quando in hac postrema sumendum fuerit, diligenter annotabimus.

Quare Arist. partē differendi probabiliter Dialecticā appellat.



**Q**uantum interstet inter artem, & quod arte præstatatur, ac efficitur, nõ erit difficile nouisse ei, qui hæc ita seiuncta esse ac separata natura intellexerit, ut haberi alterum sine altero à multis possit. Quod ex singulis artibus perspicuum euadit. Ante inuentam Rhetoricam laudabant homines, quæ laude digna iudicabant, uituperabant contraria. Accusabant, defendebant, & quæ utilia arbitrabantur, persuadere studebant. Antequàm effecta esset ars differendi, in prima scilicet hominum origine, argumentis utebantur, qui sua confirmare, demoliri aliena, ac euertere conabantur. Hinc fit, ut nec simul ista coeperint, nec sint ab eodem fonte & principio profecta: sitq; longè diuersa quæstio, quæ de origine artis disputatur ab ea, quæ origo operis, aut actionis queritur ex arte profecta. Ac nos quidem priorem illam quæstionem hoc capite suscepimus explicandam. Nā posterior satis aperta est, & minimo negotio dissolui potest. Cum enim sit artis Dialecticæ opus, differere de rebus argumentis, id profectò unà cum ipsis hominibus natum est, quos certò constat nullis prorsus artis præceptis instructos, illud aliqua ratione præstitisse. Et quod de ratione dicendi scribit Fabius, idem in hac quoq; Dialecticæ actione uerum esse credendum est. Vtriq; dedit initium natura. Nā in utroq; sese permulti exercuisse muniti naturæ præsidij, ingenio, & iudicio, comperiuntur: qui usu, & exercitatione multum quidem in eo profecerunt, facultatem autem exactam, & dexteritatem summam, ex arte sunt consequuti. Non enim in id parantur, & inuenta sunt

Opus artis  
Dialecticæ  
una de profectum.

te sunt artes, ut res quouls modo fiant: sed ut certa ratione fiant, & absq; errore. Prior autem quæstio multiplex est, aut enim in ea queritur quo tempore cæperit, & quisnam tanta laude dignus sit, ut eius inuentor à nobis debeat existimari: aut quid ipsi arti dederit initium, naturane, an quidpiam aliud longè à natura diuersum. At, ut à posteriori quæstionis sensu exordiamur, facile is quidem explicari ex illis potest, quæ de origine Rhetoricæ artis, breuiter quidem, sed uerè & acutè tradita sunt à Fabio. Initium (inquit) dicendi natura dedit, artis obseruatio: Sic quoq; in Dialectica statuendum est: disputare, differere, ac rebus fidem facere, à natura profecta sunt: artem uerò ipsam, cuius illa sunt officia, peperit, nō natura, nec naturalis usus eorum, qui interrogant, aut respondent, quod alijs uisum est, sed sola obseruatio. Id uerò quo pacto factum sit, pulcherrimè, ut solet, Aristot. 1. Rhetoricorum his uerbis significauit: Omnes utriusq; artis quodammodo participes sunt; Rhetoricæ scilicet, & Dialecticæ: Omnes enim usq; ad certum finem tum querere, ac reddere rationem, tum defendere & accusare conantur. Verum multi hæc temerè, nonnulli exercitatione, & consuetudine commodius faciunt. Quæ quoniam utroq; fieri modo possunt, patet, posse hæc in certam rationem & uiam redigi: cum eius causam inspicere possimus, quo tam qui exercitatione, quam qui natura ducti, sponteq; sua dicunt, quod uolunt adipiscantur: id uerò artis esse officium, omnes rectè concedent. Quibus uerbis ortam esse utraq; artem ex obseruatione eorū, quæ præstant, qui actionem artium exercent, apertè demonstrauit: ut ars differendi tūc demum effecta est, cum

Quod artis dederit initium de sententia Fabij.

Quomodo effecta ars differendi.

In his, qui interrogabant, & respondebant, ea annotata sunt, quæ ab utroque recte ac præclare agebantur: tu illa, quibus alter alteri in eo officio & munere exercendo præstare uidebatur. Hæc obseruata diligenter, & in generalia quædam præcepta redacta artem effecerunt. Eadē obseruatio Rhetoricen genuit: quod Cicero. 2. lib. Oratorio his uerbis firmè ex Arist. mutuatis, eleganter explicauit: Etenim, cum plerique temere, ac nulla ratione casu in foro dicant, nonnulli autem propter exercitationē, aut propter consuetudinem aliquā callidius id faciant, non est dubium, quin si quis animaduertit quid sit, quare alij melius, quàm alij dicāt, id possit notare. Ergo id qui in toto genere fecerit, is si non planè artem, at quasi artem inuenerit. Atque hæc breuiter de priori questionis sensu dicta sint. Quod uerò ad alterum spectat,

Quando  
experit  
ars, &  
quo antea  
ra.

hoc est, quando ars cœperit, & quò potissimum autore, uix, ut par est, possumus de eo ferre sententiam, ueterum monumentis uetustate, & casibus alijs innumeris e medio sublati, ut ad nos peruenire nō potuerint. Vniuersi propemodū primæ inuentionis laudem Arist. detulerūt, quam sibi in fine libri. 2. de reprehensionibus Sophistarum, quasi suo iure ipse uidetur uendicare. Ac de arte quidē Rhetorica satis (inquit) multa à ueteribus tradita habuimus: de hac autem differendi ratione nil planè habuimus, quod alijs acceptum referamus: sed nos longo usu singula inquirendo, multum temporis magno cum labore consumpsimus. Et paulò ante ita scribit: At uerò huius artis, in cuius explicatione uersamur, non pars quædam iam ante inuenta, & elaborata erat, pars altera minus explanata: sed omnino nil in eo genere adhuc

ab alijs traditū extabat. Quid igitur, dicet aliquis, cum ueteres Philosophi multa disputaret, sapissimeq; sese multis interrogationibus, & responsionibus exercerent, nulla ea de re tradita esse ab ipsis praecepta est uero similes Questionem hanc, & quid maiores in eo praestitissent, his uerbis explicat: Illi, ad disputandū, orationes ediscendas discipulis tradebant de his rebus, in quas saepius suos utriq; sermones inducebant. Vnde efficiebatur, ut discipuli celeriter illi quidem, sed citra ullam artem, quae ab illis tradebantur, discerent. Illi enim ita demum se recte docere existimabāt, si omissa arte, ipsam artis opus proponerent. Vt si quis se profiteatur artem traditurū, quae ne pedes postea ullus offendant, effecturus sit, ac postea nō sutoriā ille quidem doceat, neq; unde parari possint, quae ad eam rem sunt necessaria, ostendat: sed magnā calceorum omnis generis multitudinem proferat. Ex quibus, si Arist. credimus, perspicuum sit, eos, qui ante Arist. philosophati sunt, opus artis frequentissime exercuisse, ea uero, quae ad constitutionem artis sunt necessaria, non animaduertisse, nec obseruasse. Primumq; id fecisse Aristot. atq; ipsum diligenti illa obseruatione usum fuisse, quae dedit artis initium. Sit igitur, habeaturq; à nobis Dialectica inuentor Arist. coepisseq; artem unā cum ipso credamus, & ab eodē omnibus suis partibus fuisse ita absolutā: ut in tāta ac tam numerosa bonorū ingeniorū multitudine, quorū fixcūdisima fuit uetustas, nemo adicere se quicquā inuentis posse sperarit, detrabere autem aliquid, paucissimi nescioquo iure tētarint. Poterat hic esse finis eorū, quae ad praesens caput spectare uidentur, nisi hic haec quae de origine Dialecticae artis, tanquam certa

& explora-

Quaestio  
de ordine  
tradenda  
qñ artiū.

Geome-  
tria &  
Astrono-  
mia ab  
Aegyp-  
tys inuen-  
ta.

& explorata asserta sunt, hortarentur, ut breuiter, ac  
ueluti aliud agens pauca de ordine, quem in docendis ar-  
tibus obseruare conueuit, attingerē: explicaremq; sit ne  
Dialectica ante Mathematicas tradenda, an contra sint  
primo loco docendae Mathematicae. Enimuero si uera  
sunt, quae de origine artis differendae scripsimus, prius  
quam inuenta haec ipsa esset, cuius autorem fecimus A-  
ristotele, Arithmetica, Geometria, Astronomia effectae  
iam erant, & maximo in pretio habebantur. Geometriā  
& Astronomiam pepererat Aegyptus: illam necessitate  
compulsa, pereuntibus scilicet illi inundatione finibus,  
& collimitijs agrorum: hanc coeli occasione, ad eam rē  
paratissimi, quod apud Aegyptios nusquā nubibus ob-  
ducitur, sed perpetua nil et serenitate. Pythagoras de nu-  
meris multa scripserat: Euclides, quae extant apud nos ab  
ipso de Geometria, & Arithmetica scripta, & alia for-  
tasse multo plura, iam euulgarat. Haec si ita sese habent,  
quae plane uera esse nullus diffitebitur, necesse est, aut co-  
gnitione exacta harum disciplinarum, omnes illos, quos  
modo nominauimus, & qui ab ipsis docebantur, caruisse.  
aut posse Mathematica absq; ratione differēdi aptissi-  
me disci. Iam plena sunt Philosophorum scripta, Mathe-  
matica fuisse puerorū exercitamenta, & in his primum in-  
stitui solitos, ut ad eorum acumina, uelut ad cotē, mētis  
aciem acuerent. sicq; ad reliquas artes capeffendas para-  
tissimi euaderēt. Plato Mathematicas  $\pi\rho\tau\alpha\iota\delta\epsilon\iota\alpha\varsigma$  ap-  
pellat, hoc est, priores institutiones: in cuius gymnasio  
scriptū erat, ne quis huc ingrediatur expers Geometriae.  
Hinc obscurissimas quasq; disputationes, numerorū &  
figurarum similitudine explicauit. Arist. uerò praecepta  
omnia

omnia Dialectica exemplis Mathematicis illustravit: quod sane inepte ac temere fecisset, nisi intellexisset audientes, quibus illa tradenda erant, Mathematicas iam artes percepisse. Sic igitur fuit apud ueteres Philosophos in more positum, ut prius adolescentibus, imò uerò pueris disciplina Mathematica proponeretur, & ex his cognitis, ad differendi rationem, & reliquas artes perdiscendas traducerentur. Ergo (si Dijs placet) non à consuetudine, quæ grauissimis Philosophis tantoperè probata est, recedendum putabimus, & antiquum morem & ratione & iudicio atq; autoritate totius uetustatis innixū, leuibus quibusdam causis adducti, obsolescere patiemur. Mibi certè standum esse maiorum sententiæ in hac parte uidetur, tradendaq; elementa saltem Mathematicum adolescentibus primo loco: quibus destitutis, ad uersanda, ac pernoscenda Aristoteli opera Dialectica, uix ullus patebit aditus. Scio mihi protinus obijcient aduersarij: Dialectica instrumentum est omnium artium, & organū instrumentum autem prius est his, quibus adhibetur: unde effici putant, prius esse discendam Dialecticā. Sed hos animaduertisse oportuit, diuersa esse admodum artem constituturæ, ac inuenire, & artem tradere iam constitutā, aut discere. Sanè artium constitutio cognitionem exposculabat præceptionum Dialecticarum. Oportuit enim eos, qui artes inuenerunt, ac effecerunt, diuidendi, diffiniendi, ac colligendi rationem intellexisse, quā Dialectica præscribit. At easdem discere uolentibus, non est huiusmodi cognitio necessaria: nō enim ut trianguli, aut quadrati, aut circuli natura intelligatur, quid definitio sit non esse est necesse: nec demonstrationes addiscenti, quid sit demonstrationis



monstratio, & ex quibus constet. Hæc ad illos pertine-  
runt, qui diffinitiones, ac demonstrationes nobis inuene-  
runt, quos constituendæ diffinitionis ac demonstrætionis  
modum exacte tenuisse, fuit admodum necessarium. Ad-  
discentes autem credere tantum oportet, & inuēta per-  
cipere. Afferunt quoq; locum Arist. ex. 2. Metaphysico,  
qui sic habet: Absurdum est, simul scientiam, & sciendi  
modum querere: quorum alterum referri ad Dialecticā  
existimant, quæ sciendi modus quidam esse ab illis existi-  
matur. Sed quæ paulò ante in ipso capituli initio docet  
Aristo. satis aperte declarant, longè aliud esse nobis per  
sciendi modum intelligendum. Illud idem querit, quod in  
principio primi Ethici, quæ ratione accipi debeant, quæ  
à Metaphysico proponuntur, & quale doctrinæ genus  
ab ipso expectandum sit, ac postulandum. Sunt enim (in-  
quit) qui non admittunt, nisi Mathematicè loquentem:  
quidam uerò non nisi utentem exemplis. Quidā dignum  
ducūt, ut testis producat aliquis Poëta. Quosdā uerò  
tedet certitudinis, aut propterea quòd non possūt asse-  
qui, aut propter curiositatem. Habet enim certitudo ta-  
le aliquid. Ex quibus colligit, quæ propter institutum esse  
oportet auditorē Metaphysicæ, & nouisse iā antea quo-  
modo singula sint admittenda. Cuius causam reddēs, ad-  
iecit: Nā absurdum est, simul scientiam querere, & scien-  
di modum. Quare sciendi modus nil profectò minus no-  
bis indicat hoc loco, quàm Dialecticam: sed methodū do-  
cendi, & disciplinæ genus, quod in tradenda illa arte te-  
nendum est. Hoc enim uariū esse deprehenditur, ac mul-  
tiplex. Alterum summum, & exactissimum, quod per de-  
monstrationes necessarias perpetuò progreditur: Alte-

rum longè inferius, in quo rebus probandis non exactissimum demonstrandi genus adhibetur, sed minùs efficax, in quo res tantùm esse ostendatur, non cur sit. Est autem ab unoquoq; artifice illud expectandum, ac postulandũ, quod sit materia, in qua uersatur, consentaneũ, atq; ac commodatum. Prius illud à Mathematico & Metaphysico, quia in rebus uersantur necessarijs, & à materia auulsis: hoc alterum à Rhetore, à Morali Philosopho, cui subiectæ sunt iustæ & honestæ actiones, uariæ & inconstantes, de quibus certa disciplina tradi nullo modo potest. Hæc de questione ista sint à nobis obiter dicta.

*Quenam sit Dialecticæ materia.*

CAP. IX.

**O**MNIS ars, modò sit certa methodo & ratione cõstituta, disciplina omnis, ac scientia finem habet aliquem propositum, cuius gratia & inuenta est, & ad discitur. Tum etiam in certo aliquo genere rerum, & materia uersatur, & hæc quidem communia sunt omnibus, omnibus, quotquot sunt, pariter conueniunt. Quæ uerò post se operis aliquid relinquunt, habent præter illa, instrumenta aut ab eadem arte cõposita, aut ex alia desumpta, quibus artifex & officio suo ac munere fungatur, & opus cõstituatur arti propositũ. Huius posterioris generis esse Dialecticã paulò post demonstrabimus, cũ de fine ipsius disputabimus. Nũc tanquã certũ sumatur, & exploratũ. Erit igitur finis aliquis Dialecticæ propositus in quẽ uniuersa præceptionũ collectio est referenda. Versabitur quoq; in aliquo genere rerũ, & materia. Præstabit demũ instrumenta, quorũ adminiculo Dialecticus officium suum

suum exerceat, & finem, quem ars respicit, cōsequatur: de quibus omnibus ordine dicendum est nobis. Materia, & quod Latini interpretes subiectum uocant attributionis, idem sunt. Dicitur autem materia bifariā. In primis solemus materiam artiū appellare id, quod ipsis artibus docetur, & de quo præcepta traduntur. Ita Astronomie materia cœleste corpus est, Arithmetice numerus, Geometrie magnitudo. Dicitur etiā materia id, in quod officium suum explicant artifices: ut statuarij æs, lignum, marmor, & illud omne, ex quo potest statuā conficere. In ratione differendi utrunq; cernitur materiei genus. Materia, quā docet, & de qua differit, statui potest argumentatio in toto genere sumpta, si Dialecticæ nomē in postrema significatione usurpetur: si uerò id notet, quod apud Aristotelem significat (quomodo ea uoce hic utemur) probabilis argumentatio. Id ita esse, lex & natura subiecti generis declarat. Ea est, ut ad illud citra finem referantur omnia. Quam perspicuum est argumentationi conuenire, & illi, quæ probabilis est. Ad illam enim pertinent, quæ traduntur omnia de simplicibus uocibus, de enuntiatis: ad hanc uerò, quæ in ea parte docetur, ac explicatur, & quæ diximus omnia. Oportere autem certum aliquod genus subiectū esse Dialecticæ, hoc argumento demonstratur: Omnis ars, cum sit multarum comprehēssionum collectio, intra certos limites, ac fines contineatur necesse est: constat autem artem esse Dialecticam (quod & postea sumus ostēsuri) necesse est igitur in certa aliqua materia rerū uersetur: id enim est intra certos limites consistere. Adhæc, si non esset certum ac definitum genus rerum, quod Dialectica doceret: sed sola rerum

Quod sit  
certū ge-  
nus Dial-  
subiectū  
1. ratio.

2. ratio.

sola rerum omnium notiones teneret, aliæ omnes essent planè superuacuae. Porro materia, in quam potest Dialecticus opus suum, & officium explicare, nō est certis finibus comprehensa, sed latissimè patet, & res omnis est. Id uerò Aristote. docuit multis in locis, quos omnes longum esset persequi ac percensere. Duo hæc tantum eius testimonia sat fuerit adduxisse, quia eræditionis sunt plena, & causam rei propositæ declarant: alterum ex quarto Metaphysico, alterum ex undecimo capite prioris libri de reprehensionibus Sophistarum. Illic Metaphysicum, Dialecticum, & Sophistam communes ac generales constituit artifices, & omnia curæ illorum subijcit, ac considerationi. Circa idem, inquit, genus, & Sophistica, & dicendi facultas, & Philosophia uersatur. Quid igitur, dicet aliquis, inter primā Philosophiam, & duas illas artes, Dialecticam, ac Sophisticam intererit? Et hæc quo pacto, quæue ratione distinguuntur, cum sit omnium una, & communis materies? Discrimina ipsemet Arist. subiunxit statim. Ab altera, inquit, facultatis modo, ab altera uerò electione uitæ differre Philosophia uidetur. A Dialectica, differt facultatis modo: utraq; enim de ente, deq; ipsius accidentibus disputat, & syllogismo utitur, ac ratiocinatur. Sed Philosophia hanc ratiocinandi facultatem habet uerorum demonstratricem: Dialectica uerò, de quibus Philosophus demonstrationem habet, ac scientiam, probabiliter ratiocinatur, & hæc experitur, hoc est, periculum facit eorum, qui hæc se intelligere iactant, cum eā minimè intelligant. Quod quidem experimētum, cum non sit ex his, quæ propria sunt his, de quibus in ipsa scientia disputatur, sumptum, sed ex acci-

Quid diff-  
ferat Mo-  
taphysica  
à Diale-  
ctica &  
Sophisti-  
ca,

dentibus eorum, quæ uel non habenti sciētiam nota esse possunt, non protinus ostendit, qui utitur ipso, hunc sciētia præditum esse. Electione autem Philosophus à Dialectico non differt, quoniam & Dialecticus, cum experitur, sintne scientia præditi, quam profitentur, an non, in utilitatem spectat Philosophantium: ipsos enim exercet. A Sophistica uerò Philosophia distat electione uitæ atq; proposito. Nam Philosophus id agit, ut eorum, quæ ad se pertinent, doctrinam nāciscatur: Sophista uerò, ut eam habere uideatur. Idq; etiam Dialecticum ab eodem Sophista distinxit. Ita locum Arist. Alexander eleganter enarravit, & interpretatus est. In. ii. uerò cap. lib. prioris de reprehensionibus Sophistarum ita legimus: Nunc autem Dialecticus nullum certum genus habet, in quo quasi in subiecto sibi proprio uersetur: nec ulla in re demonstrationes adhibet, nec talis est artifex, qualis is, qui omnium rerum considerationem suscipit, hoc est, Metaphysicus. Huius rei causa & ratio proximis uerbis explicatur. Nulla earum artium, quæ in tractanda certa quadam natura uersatur, & demonstrationibus utitur, percontando differit, & suas probationes accipit ex interrogatione. Nam fit hoc fine interrogatio, ut ex utraque parte à respondente concessa, qui interrogat ratiocinationem connectat. At accommodata ad rem docendā, & necessaria ratiocinatio, qualis demonstratio est, fieri ex utraq; parte contradictionis nullo modo potest. Dialectica autem percontatrix est, & totam uim habet ex interrogatione, neq; in differendo demonstrationes adhibet: non igitur in certo aliquo rerum genere, nec in certa materia uersatur. Idē etiā ex ui nominis & notatione pro-

ne probari potest. in reliquis enim artibus, ipsis nominibus certa genera continentur: Arithmetica numerū, Astrologia astra, Physica naturā, ceteræq; certa genera, quæ proposita habent, cōplexu suo cōtinent, & uocibus ipsis exprimunt. Dialectica uerò omnino dicitur, nullūq; genus nomine suo complectitur; quod etiam de Rhetorica scribit Arist. Dicta est enim à διαλέγεσθαι, quod Latine differere, disputareq; significat. Itaq; non à certo genere & præscripta aliqua materia nomen habet. Sed ut hæc uera sint, nullum scilicet genus rerum subiectum esse Dialecticæ, ita difficilis admodum hinc quæstio exortur, quæ ut explicetur, danda à nobis opera est. Si tā late tendimus Dialecticæ materiā, ut curæ eius ac considerationi omnia subiiciamus, ceteris artibus nil profectò loci relinquetur, oportebitq; fateri, hanc solā esse necessariam, reliquas esse superuacuas, cū ea omnia, quæ aliæ pollicentur, hæc una præstet. Quod si ita sit, huius solius studio uacandū erit, neq; fuerit necesse nos per alias artes tanta animi cōtentione, tot annos ire, ac diripi. Posset forsità huic quæstioni breuiter ex finitione materiæ, quam tradidimus, ita occurri: Subiectam quidem esse rē omnem Dialecticæ, ut materiam, non quam doceat, & de qua præcepta nobis certa præscribat. Id enim si præstaret Dialectica, ut de numero ageret, naturam magnitudinis, astrorum, rerumq; aliarū omnium substantias, ac proprias affectiones exquireret, atq; mōstraret, certè aliæ omnes frustra essent inuenta discipline, & cōmodo tollerentur. Sed quod diximus, de altero materiæ genere intelligi oportet. Quia rem omnē potest disputare, tractareq; probabilibus argumētis, propterea rem omnem

Ex vi nominis probatur dialectica ea uero genere proprio

Dubita-  
tio.



dicatur habere subiectam. Vnum tamen certum ac definitum genus docet, scilicet argumentationem, cui consuetudine præcepta destinantur. Vtque hoc modo (quemadmodum diximus) solui hæc quæstio potest: sed penitus re scrutari cõuenit, ut quid ab alijs artibus differat Dialectica, pernoscamus: quid aliæ artes sibi suo iure uendicent, & quæ sit Dialecticæ præscripta possessio, Rodol-

*Quid differat Dialectica à ceteris de Rodolphi sententia.* phus Agricola, uir sanè acerrimi iudicij, & diligentie singularis sumpto initio ex ea methodo, qua effectæ sunt artes, quæstionem explicat. Artes paulatim & per incrementa inuentæ sunt, ac constitutæ. Initio una, aut altera experientia annotabatur: deinde ex multis experientijs collecta sunt uniuersa ac generalia præcepta: ut in naturali Philosophia cum uiderent ex homine hominem gigni, ex igne ignem, sicq; reliqua, quæ gignuntur, causam aliquam habere efficientem, concluderunt, omne quod fit, ui alicuius efficientis fieri. Eadem methodo aliarum artis principia, & firmamenta artis inuestigarunt. Deinde ex principijs illa omnia, quæ naturalis Philosophiæ sunt, paulatim concluderunt: & ratiocinando, ac colligendo tandem effecerunt artem. Hinc quid sibi naturalis Philosophia uendicet, & quid à Dialecticis sit petendum, uideamus. Sanè principia, & quæ ex ipsis deducta sunt, naturalis Philosophiæ propria uidentur: ratio autem colligendi, & parandæ fidei ad Dialecticum spectat. Id ipsum in explicandis quæstionibus facili aliquo exemplo demonstramus. Sit quæstio, Consistat ne summum bonum in uoluptate, quæ fuit Epicurij sententia: de ea differere uolenti, cui usui erit Dialectica? Quid præstabit id nimirum, ut quæ spectanda sint ad inuenienda argumenta

commen-

commonstret, & quauia in certam argumentandi formam inuenta redigi debeant. Docebit in primis querendam esse summi boni diffinitionem, genus, causas, effectus, & quæ summo bono in iunt omnia. Atq; hæc eadem de uoluptate esse querenda, conferendaq; diligenter cum prioribus: & ubi ista omnia fuerint inuenta, modum cōficiendæ ratiocinationis ostendet. Quenam autem sit diffinitio summi boni, quod genus, quæ causæ, ista tradere speciatim ac docere, non interest Dialectici: sed ab ea Philosophiæ parte petenda sunt, quæ de moribus agit. Res igitur, de quibus Dialecticus differit, & ex quibus differit, propriæ sunt artium: colligendi autem modus, & ratio explicandæ quæstionis accepta referenda sunt arti differendi. Sunt hæc sanè uerè & acute dicta, sed quibus non omnia discrimina, quæ Dialecticam ab alijs separant, continerentur, quæq; minùs, quàm par est, facultati tribuunt differendi. Adijcienda ergo alia erunt discrimina, & quod est Dialecticæ proprium, ipsi tribuere oportebit. Primum differt Dialectica à cæteris illo eodẽ discrimine, quo Aristoteles (quemadmodum præcedenti capite expositum est) Metaphysicam ab eadem distinguit, scilicet facultatis modo. Nam reliquæ facultatẽ quidem habent differendi, sed illam habent uerorum demonstratricem: & unaquæq; de subiecto sibi genere rationibus disputat necessarijs, quæq; sumptæ sunt ex proprijs rei, de qua agitur, principijs. Ita partem alteram tantum contradictionis concludunt, uerã, utranq; non possunt. At Dialecticus in rebus omnibus eademtaxat sentatur, & exquirat, quæ cōmunia sunt, quæ probabilia: propria ipsi artibus relinquit. Ex illis uerò utrãq; par-

*Alia discrimina præter ea quæ tradit Rodolphus. Prima diffrentia.*

rem contradictionis, ueram & falsam, usus proprio munere, concludit. Ita Dialecticorum argumenta ad docendas artes non sunt accommodata. Nam cum non nitantur proprijs artium principijs, uim habent, aut ex cōmuni hominum consensu, aut ex his, quæ respondent i probantur. Hinc constat nō solam rationem colligendi propriā esse Dialecticorum, sed ad eos quoq; pertinent in explicandis quæstionibus probabilia & cōmunia. Afferitur etiā & hoc alterū discrimen: reliquæ artes in rebus ipsis ueritatem spectāt, Dialectica uerò probabilitatem tantum. His (ni fallor) satis abunde intelligi potest, quantum inter Dialecticā & reliquas artes interfit, nec solam illam esse necessariam, reliquas uerò superuacaneas: tum quæ sint Dialecticorum propria, & quæ sibi uendicent artes aliæ. Sed alia superest quæstio difficilior explicatu, quonā modo Dialectica ad Rhetoricā affecta sit. Sunt enim earum similitudines permultæ. Habent in primis eandē materiam communem, rem omnem scilicet. Finis quoq; idem utriq; uidetur esse propositus uerisimilitudo. Postremo facultatis nomen habent eundem: nam ex uerisimilibus, & probabilibus, quod uolunt, efficiunt, atq; cōcludunt. Negari planē non potest, maiorem esse Dialecticæ & Rhetoricæ similitudinem, quā aliarū artium: sed inter eas dissimilitudines multæ, ac differentię cernuntur. Primum quid de ijs senserit Aristote. uideamus. Rhetorica ab eo dicta est à τῶν ἰσχυρῶν Dialecticæ, hoc est, quæ si altera ex parte Dialecticæ respondens, ut uertit Cicero: quorum uerborum sensum & causam statim subiungit: Nam utraq; (inquit) de ijs est, quæ omnium quodammodo communia, & nullius definitæ scientiæ esse cognoscuntur.

Altera  
differentia

Alia quæ  
stio.  
Similitu-  
dines Dia-  
lecticæ &  
Rhetoricæ.

Dissimili-  
tudines  
ex uerbis  
Aristotē.  
sumptæ.

scuntur. Secundo uerò capite primi libri Rhetoricorū Rhetoricam germen, & propaginem uocat Dialecticā, & ciuilibus scientiæ. Mox eandem partem appellat Dialecticā. Primum illud ad similitudinem pertinet harum artium: hæc uerò, quæ proximè dicta sunt, differentias continent, quibus distinguuntur. Quæ quoniam latent quodammodo, & obscurè dicta sunt, explicanda erunt breuiter, & euoluenda. Rhetorica uis est, qua quid in quaque re probabile est perspicitur. Ea probationibus utitur permultis: quarum aliæ sine arte sunt, aliæ arte cōstant. Quæ ratione parantur persuasionum genera sunt tria. Nam alia consistunt in moribus eius, qui dicit, alia in auditore modo quodam afficiendo, alia in ratione ipsa, cū demonstramus, aut demonstrare uideamur. Cū igitur si des his omnibus modis fiat, constat Rhetori omnia ista esse capiunda, ut facultatē habeat ratiocinandi, ut mores ac uirtutes consideret, ut affectus contempletur, quid quisque sit, ex quibus nascitur, & quo pacto. Ex his cōcludit Arist. Rhetoricam propaginem esse ac germen Dialecticæ. Quod qua ratione debeat intelligi, non est difficile uidere, si quæ præfati sumus considerentur. Cū Dialectica modum ratiocinandi ostendat, hanc autem ab ipsa Rhetorica mutuetur, & alias præterea faciendæ fidei uiam ac rationes excogitet, nititur profectō Dialectica, & ab ipsa nascitur, quemadmodū ex arbore germē. Germen sursculus est prægnans frondes gerēs, qui ab arbore detrahatur & resecatur ad alias arbores producēdas. Id ipsum est sanè Rhetorica i dialecticæ cōparata. Ab illa enim producit, & originē ducit, & plura quā Dialectica comprehendit. Hæc ipsa quoque, quod paulō post Arist.

Explican-  
tur ver-  
ba Arist.

tribuit Rhetoricæ, scilicet partem esse quandam Dialecticæ, multosq; qua ratione accipi debeat, uehementer torquet, interpretantur atq; declarant. Quæ ratione Dialecticæ germē Rhetorica appellatur, pars eius quæ dā esse cōcluditur: quia ex ipsa nitatur, ac ex ipsa effici, pendereq; quodammodo uideatur. Nisi fortē id, illud idē esse existimemus, quod primo capite statuerat, Rhetoricam Dialecticæ altera ex parte respōdere. Sed quorsum ista? Nimirum ut interesse non parū inter has duas artes intelligamus. Quis enim germen ab arbore, ac trunco non esse diuersum agnoscit? Quis non uidet partem à toto distare plurimū? Sunt & aliæ dissimilitudines non

Prima dif-  
ferentia  
Rhetorica & Dia-  
lecticæ ex  
materia.

pauca, quarum aliæ ex materia sumuntur, aliæ ex fine, aliæ ex considerandi modo. Ex materia quidem, quòd tametsi utraq; in rebus omnibus uersetur, non ex æquo tamē. Versatur enim Dialectica in rebus uniuersis, Orator in rebus singulis. Hypotheses, hoc est, quæstiones finitæ, & ciuiles sunt potissimū Oratori subiectæ. The-

Secunda  
ex consi-  
deratio-  
nis modo

ses autem, ac infinitas quæstiones magna ex parte disputat Dialecticus. Et quamuis res omnes ex æquo utriq; arti subijcerentur, rerum consideratio, & tractandarum modus, longē diuersus est. Dialecticus scientia contentus est, & ad eam omnia refert: quidq; sit in rebus ipsis uerum, quid falsum explorat. Rhetor non ad scientiam solum, sed ad uirtutem, uitium, & animorum motū, omnia trahit. In omnibus enim, uel æquitatem & iniuriam, uel honestatem & turpitudinem, uel utilitatem & damnū, exquirat. Fine quoq; separantur. Nam Rhetori propo-

Tertia ex  
fine.

sita est persuasio, Dialectico fides. Ille persuadere iudici, hic quod uult ab aduersario conatur extorquere. Addi  
etiam


etiam & differentia illa potest, quæ sumitur ex orationis genere, quam Cicero in Oratore ad Brutum explicauit his uerbis: Aliud uidetur oratio esse, aliud disputatio: nec idem loqui esse quod dicere: attamen utrunq; in differendo est. Disputandi ratio, & loquendi, Dialecticorum est: Oratorum autem, dicendi & ornandi. Zeno quidem ille, à quo disciplina Stoicorum est, manu demonstrare solebat, quid inter has artes interesset. Nam cum compresserat digitos, pugnumq; fecerat, Dialecticam aiebat huiusmodi esse: cum autem diduxerat, & manum dilatauerat, palmæ illius similem eloquentiam esse dicebat. Ex quibus colligitur, quid sibi uendicet Dialecticus, quid ad Rhetorem pertineat. Certè differere ac disputare, rebusq; fidem facere, Dialecticorum est: ornatus autem orationis, proprius est Rhetoris. Superest ut rationes soluiamus, quæ eandem esse Dialecticam cum Rhetorica probare uidebantur. Primum quod de fine adductum est falsum esse, perspicuum euadit ex his, quæ diximus. Diuersum enim utriq; propositum esse finem, demonstrauimus. Quod ad materiã attinet, etsi rem omnẽ habeant utriq; subiectam, non ex æquo tamẽ in eis explicandis, ac pertractandis diuersa ratione utuntur: quod uel solum satis esse distinguendis artibus eandem materiã habentibus, 1. Ethico hoc exemplo Arist. aperuit: Faber & Geometra in eadem materia uersantur: uterq; rectum angulũ considerat: sed ille ut ligna rectè possit coaptare, Geometra uerò quid sit, quæ eius affectiones exquirat, ac contemplantur. Postrema ratio ex his sumpta, quibus uterq; utitur, ab Aristot. soluitur. 2. cap. primi libri Rhetorici. Utitur, inquit, & ipsi syllogismo, nõ ex quibuscunq; cõ

*Quarta  
ex genera  
orationis*

*Solutio  
prima ra  
tionis.*

*Solutio al  
terius.*

D 5 delira





deliris quoq; nonnulla uideantur: sed Dialectica ex his, quæ illis uidentur, quibus cum sit disputatio, & ratione egent; Rhetorica ex his, quæ in consultationem uenire solent, ut pote contingentibus.

## De fine artis Dialecticæ, &amp; Dialectici officio.

CAP. X.

*De fine  
propria.*

**F**Inem aliquem esse Dialecticæ propositum, ex eo constat, quod ars quædam sit, & in omni arte extremum aliquod esse oporteat, in quem omnia respiciant, ac uersa præcepta referantur. Id uero quale debeat in arte differendi à nobis constitui, colligemus partim ex his, quæ finis sunt propria, partim ex diuisione artium: quarum diuersitatem finium quoq; differentia sequitur. Finis est extremum ad quem omnia referuntur, ipsum uero alio referri non potest. Fini hæc conueniunt: Primum de fine nulla est consultatio, estq; extremum & optimum: ut in medendi facultate, cui propositus finis est sanitas, illi inesse omnia ista comperiuntur. Sit ne restituenda sanitas morbo laboranti, Medicus non deliberat, sed qua uia & ratione id fieri possit exquirat. Cadunt itaq; in consultationem ea tantum, quibus comparatur finis. Sanitas quoq; ultimum est, ad quod medendi artis præcepta omnia referuntur. Argumento est, quod ubi ad sanitatem est peruentum, consistit Medicus, & à suo munere ac officio cessat. Postremo nil in hac arte præstantius est, & quod magis expetatur. Diuisiones artium multæ afferuntur, de quibus alio loco dicemus copiosius. Nunc eam proponam, cuius finis fuisse sat fuerit, qua sæpe Galenus usus est. Artes, aliæ re solam animo cernunt, quæ finem suum in sola rerum contemplatione

*Diuisio  
ex Ga  
leno.*

templatione præstituunt, uocantur à Græcis θεωρητικαί;  
 in hoc genere sunt Phisycologia, et omnes Mathematicæ.  
 Aliæ finem sibi statuunt in agendo, nil post actionem o-  
 peris relinquentes, dicunturq; πρακτικαί; ut ars saltato-  
 ria. Aliæ artis opificium post actionē edunt, appellatur  
 ποιητικαί. Harū duplex est differentia, nam aut nouū o-  
 pus efficiunt, ut ædificatoria, aut quod uitium fecit, resi-  
 ciunt, ac reparant, ut medēdi ars. Aliæ nil efficiunt, sed  
 acquirūt, ut aucupatoria, piscatoria, et uenatoria. Hæc  
 præfati ad inuestigādū Dialecticæ artis finē accedamus.  
 Id duplici uia cōsequemur, si ex his quæ præmisimus, ac  
 iecimus tāquā principia fundamētaq; ipsum colligamus:  
 aut quis his artibus propositus sit finis consideremus, Duplex  
uia inue-  
stigandi  
finem  
 quæ sunt maximè Dialecticæ similes. Nā similitum artium  
 similes profecto esse fines oportet, ac sibi mutuò respon-  
 dētes. Atq; (ut à posteriori ordiamur) cōmunis est omnium  
 consensus nullā artem cū ratione differendi magis, quàm  
 Rhetoricā conuenire. De Rhetorica autē ita à grauissi-  
 mis autoribus statutū est, finē illi propositū esse persua-  
 sionē, quē Orator ornata ac copiosa usus oratione uelu-  
 ti instrumento, consequitur. Simile quicquā in arte Dia-  
 lectica persuasioni, nil prorsus licebit inuenire præter fi-  
 dē, quæ disputando et differendo paratur. Hæc sanē illi  
 omni ratione respōdet. Nā præter alias, quas inter se ha-  
 bent similitudines, in eo cōueniūt, quod utraq; propriæ  
 artis instrumentis efficitur. Persuasio copiosa et ornata  
 oratione paratur, fides fit diuisione, diffinitione, aut ra-  
 tiocinatione, quæ sunt dialecticorum instrumenta. Cū sit igi-  
 tur persuasio Rhetoricæ finis, aptè fidē eā, quæ fit dispu-  
 tando ac differēdo, finē artis differendi cōstituerē licebit.  
 Id ipsum

Id ipsum & altera quoque uia ostendamus. Omnia Dialecticæ præcepta hunc tandem referuntur, ad fidem scilicet faciendam. Non enim Dialecticus conquiescit, quousque id sit assequutus: & quamprimum hunc finem se putat uidetque attigisse, nil sibi amplius reliquum esse existimat. Quibus fit, ut sit fides extremum, ad quod omnia referuntur. Iam de ea non est apud Dialecticos consultatio, sed de eius parante ac efficiente ratione. Postremum nile est in arte præstantius, & eius gratia cætera expetuntur. Quid enim optima quæque inuenisse profuerit, & de eisdem rectè iudicasse, nisi quoquo modo propositæ questionis fides fiat? Quare cum ea, quæ sunt finis propria, huic maxime conueniant, hunc esse artis finem non est dubitandum. Præterea ex artium diuisione proximè tradita id perspicuum euadit, in his artibus, quibus præter cognitionem, opus aliquod propositum est, hoc ipsum esse finem illarum. Exemplo nobis esse possunt operariæ omnes fabrilis, architectura: & quæ sunt ingenue Rhetorica, & ars medendi. Quarum altera præcepta omnia ad persuasionem refert, altera scientiam eorum, quæ disputat, dirigit ad sanitatem: unde fit, ut sit illius finis persuasio, huius uero sanitas. At Dialectica de numero illarum artium non est, quæ se intra cognitionem continent: quini modo opus habet præter cognitionem, quod respicit, fidem nimirum, cuius faciendæ gratia disputat, & ratiocinatur. Debet igitur hoc ipsum opus finis eius, uel hac sola ratione existimari. Possemus etiam & ea methodo, quæ Arist. utitur in suis sententijs confirmandis, hæc quæ diximus de fine, facile demonstrare, reiectis scilicet & confutatis falsis aliorum omnium de hac resentijs: sed

cum

cum sint permulta singulas perpendere, refellereq; alterius est & temporis, & negotij. Attingemus tantum uerisimiliores pratermissis, quæ ad eas probandas afferuntur, rationibus: ut nostra sententia uerior esse, cognita, aliorum falsitate deprehendatur. Græci demonstrationem finem statuerunt totius artis, ex 1. ca. lib. Prioris deratiocinatione sumpta occasione: qui multò aptius & uerius materiam demonstrationem appellassent, quem admodum substantiâ genus subiectû primæ Philosophiæ constituit Arist. Quorû sententia, ex his, quæ finis propria esse diximus, falsa esse demonstratur. Nam ipsa demonstratio aliò refertur, nimirum ad scientiam, cuius parâde est instrumentum. Hac eadem ratione illorû quoq; opinio refellitur, quibus probabilis conclusio finis esse uidetur. Multi ratione uti, aut quæstiones explicare finem esse sibi persuaferunt: quos propositum redarguit argumentum, & à uero aberrare Galenus ostendit in eos disputans, qui in actione finem positum esse existimabant. Cuius uerba, quia rem non mediocriter illustrent, in medium asserre non grauabor. Illa sumpta sunt ex capite uigesimo septimo libri unius, quem inscripsit, num ars tuendæ sanitatis ad medicinam spectet, an potius ad exercitatoriam, & ad hunc modum habent. Caterum id ipsum alicui finem esse putare, domum extruere, aut uestem, aut uas, aut sanitatem facere, hominis est non potestis actionem fini præuiam ab ipso fine distinguere: quandoquidem non domum extruere ipsius ædificatoriæ finis est, sed domus: quemadmodum neq; uestem texere, aut nauem coagmentare, aliorumue unumquodq; fabricari, sed ipsum opus, quod quiescentibus iam à labore artificibus,

*Sententiæ  
aliorum  
definere-  
señuntur.*

*Quid Ga-  
lenus de  
fine sen-  
serit.*

eibus, adhuc permaneat. Atq; ita effectiue artes ab acti-  
 uis tantum dissentiunt, actiue namq; cum ab agēdo de-  
 fierunt, una desit. Nihil itaq; in saltatoria præter ipsam  
 actionem ostendere possumus: ut in fabili grabatum, in  
 ædificatoria domum, in medicina sanitatem. Non igitur  
 ædificatio, quemadmodum saltatoriæ saltatio, ædificato-  
 riæ finis est, sed domus res ab actione diuersa. Pari ra-  
 tione neq; productio, neq; generatio, neq; correctio sa-  
 nitatis medicinæ finis est: uerum hæc omnia actio quedā  
 artis communis est, quemadmodū particulares erant se-  
 care, urere. &c. Sed sanitas ipsa finis est, quem iā quie-  
 scente artifice demonstrare ualemus. Ex quibus perspi-  
 cuum euadit, cum differere, uti ratione, explicare quæ-  
 siones, fidem facere actiones quedam esse intelligatur,  
 & ad opus aliquod referri. sintq; id ipsum in arte disse-  
 rendi, quod in ædificatoria ædificare, in medicina produ-  
 cere sanitatem, uel eandem corrigere, nil eorum finē ar-  
 tis cōstitui debere, sed opus illud, quod huiusmodi actio-  
 nibus efficitur, & quiescente artifice ostendi potest. Sūt  
 ista (ut opinor) quæ ad finem pertinent satis abundē ex-  
 plicata, sed Aristoteleo more dubitandum nobis erit de  
 his, & obiectionibus quibusdā exploranda ueritas. Pri-  
 mū sic obijci potest: Fides cognitio quedam est media  
 inter opinionem & scientiam: hæc autem sola probabi-  
 li argumentatione paratur: at Dialectica & demonstra-  
 tionis, & contentiosæ ratiocinationis formam explicat,  
 quibus non fit fides, sed aut sciētia, aut fallax quedā exi-  
 stimatio. De diffinitione quoq; conficienda eadem ars  
 differit, qua non paratur fides, sed simplex quedam rei  
 cognitio. Quibus fit, ut sint hic non toti arti uideatur  
 esse

Dubita-  
 tiones duæ

Prima  
 dubitatio

esse propositus. Præterea si hic sit finis, is demum censebitur esse Dialecticus, qui fidem fecerit, quia finem artis consequitur. Et qui non fecerit fidem, expers artis existimabitur. At uidemus plerosq; absq; ulla arte id efficere, uel sola autoritate, ut rei propositæ fides adhibeatur, qui falsò sibi artificum nomen uendicassent. Sunt quoq; qui cum exactè artis præceptis utantur, & periti sint artifices, sæpe id nō consequantur, ut rei de qua differunt credatur, uel propter respondentis pertinaciam, uel quòd ea sit quæstionis natura, ut illi nequeat fides fieri. His ordine respondeamus. Prima obiectio postulat, ut quid fidei nomine intelligamus, & in qua significatione Dialecticæ nomine utamur, explicemus. Fidem hoc loco (ut rē paucis perstringamus) appello probabilem quandā cognitionem, quæ aut simplici instrumēto, ut pote diffinitione ex communibus quibusdam constituta paratur, qua sola utitur Dialecticus: aut quæ efficitur probabili argumento, & de re composita habetur, per quam aduersarius, & is, cum quo disputatur, quæstionem propositam ueram esse existimat. Dialecticæ nomen, quemadmodum capite septimo docuimus, eā propriè sumptum artem significat, quæ differendi ex probabilibus rationem ostendit, atq; ex ijs, quæ communia sunt, & qui ijsdem utitur, Dialecticus appellatur. Nonnunquam communi ratione usurpatur, ut id. ualeat, quod Logicæ uocabulum, quod capite undecimo demonstrabimus. Quo modo sumptum eas omnes complectitur partes, quas diligenter & accurate persecutus est Arist. Demonstrandi scilicet, quæ de Sophisticis est redargutionibus, & quæ probabilis argumentationis præcepta tradit. In quibus  
*hæc*

*Secunda  
dubitatio.*

*Quid fidei  
nomen  
intelligatur.*



hæc potissimum differentia cernitur: in postrema hæc, quæ propriè Dialecticæ sibi nomen uendicat, artem tradere, & ea uti, unius & eiusdem interest, & qui utrūq; facit, Dialecticus appellatur. In cæteris diuersa hæc sūt, & ad diuersos attinent artifices. Artem Dialecticus docet, qui fallaci argumento decipere studet, Sophista uocatur: qui demonstratione utitur, specialis artifex est, & pro re subiecta, in qua demonstranda uersatur, nomen accipit. Sic ergo proposita obiectio soluitur: Fines à nobis constitutus est eius partis, quæ probabilia docet, hæc fidem, probabilem cognitionem sibi proponit tanquam ultimum scopum. In alijs autem partibus, quæ id tantum sibi suo iure uendicant, ut artem doceant, cognitio eius rei, quæ docetur, finis statuendus est. Potest quoq; earum finis constitui fides generali ratione sumpta, externus tamen, qualis in eo, quæ frena conficit, uictoria est. Ita primæ dubitationi est satisfactum. Posterioris dubitationis pars altera facile diluitur ex ipsius finis à nobis constituti intelligentia. Quemadmodum in arte dicendi non quicquid persuadet, artis est particeps, persuadet enim pecunia, persuadet & gratia, sed qui dicendo copiosa & ornata oratione id præstat, is Orator habetur: siquidem artis finis persuasio ea est, quæ eo modo efficitur: haud secus in hac ratione differendi, qui fidē fecerit differendo, disputando, sequutus artis præcepto, is sibi Dialectici nomē suo iure uendicabit. Qui uerò sua dumtaxat autoritate id effecerit, (credunt enim homines aliquando non tam rationi, quàm dicēti) nihilo magis nomen periti Dialectici merebitur, quàm optimi Imperatoris, cui non sua ipsius uirtus, sed hostium metus uicto-

riam

Soluitur  
posterior  
dubitatio

riam obtulerit. Similis itaq; erit Dialecticæ fides, quæ differendo & disputando instrumento aliquo paratur. Quod uerò attinet ad posteriorem eiusdem dubitationis partem, nouisse oportet, artes non singula rerum spectare, sed omnes in commune. Nam quod operatur, nempe artifex, circa diductas res uersatur, & singulares: ars nil operatur, tantum docet. Medicina enim non huius, aut illius sanitatem curat, sed in uniuersum illam considerat, quam necesse est ex præceptis & institutione sua consequi: quæ postea ab artifice in singulos hominum tamquam ex fonte diducitur. Quocirca si artis documenta, cum nil foris impediatur, sanitatem adferre nequeunt, nondum perfectè est ars exculpta: sin sanitatem euenire est necesse, profectò plena est, & suis numeris absoluta. Qui igitur nulla re impediante finem, aut Dialecticæ, aut cuiusq; artis alterius non consequetur, is profectò artifex peritus non uerè iudicabitur, nec credendum est uti præceptis artis. At si quid obstet, tametsi actionem eius finis non consequatur, non est sua laude fraudandus: quod pulchre ab Arist. 1. Topicorum his uerbis expositum est. Sed hæc tū demū perfectā in nobis erit ratio, cum id accidet nobis, quod is, qui arte Rhetorica, Medicina, cæterisq; facultatibus sunt præditi, id est, cum ex ijs, quæ cōmodè ad rem propositā adhiberi possunt, efficiemus quæ uolumus. Neq; enim, uel Orator omnibus modis persuadere solet, uel Medicus curationē adhibere: sed si nil prætermittat eorum, quæ adhiberi possunt, tum deniq; & peritum eum, & artificem iudicamus. Ac de fine artis satis multa. Reliquum erat, ut de officio Dialectici ageremus. Sed quoniam pleriq; alium artifici, alium arti proposi-

tum esse finem arbitrantur, examinanda ista erūt prius, & uera sint necne discutiēda. Artis finem id esse iudicāt, quod ultimum est, quod optimum: ut medendi facultatis sanitatē: artificis uerò, ut Medici, nil prætermittere eorum, quæ ad curationem sunt adhibenda. Ita quod mendiu est arti, finis est artificis: & neq; ars, neq; artifex suo fine fraudantur. Verū qui ita existimant, officium finē se facere non uident. Est enim Medici officium præstare ea omnia, quæ præstari ex arte possūt ad curādū. Quare aliter existimo esse sentiendum. Quod ut commodius explicetur, distinctione uti oportebit. Artifex, ut Dialecticus, is in primis appellatur, qui artē docet: tū ille, qui eandem exerceat, & eius præceptis utitur: quorum diuersi sunt fines, quemadmodum & diuersa officia. Eius, qui docet, munus est omnium cōsensu, artem ipsam tradere. Quod sequitur disciplina, & artis, quæ docetur, cognitio, in eo qui discit. Quare hæc ipsa artis intelligentia, quā efficere in aliorum mentibus docendo nititur, artificis docentis finis & scopus erit constituendus. Artificem autem accipi uolumus, quā artifex est, & artem profiteatur, ac tradit. Nā hominis nō unus atq; idē finis est. Cū sint enim hominū iudicia diuersa, & ex iudicijs appetitus uarij, alij alios sibi artiū fines statuerūt. In quibusdā multum ualeat pecuniæ respectus, omnia hūc referūt. Alij nomen & gloriam malunt, dignitatem alij, alij potentiā. Artificis uerò, qui artem exercet, quemadmodum actio longe diuersa est, distinctumq; officium, ita alium esse finem oportuit: illum tamē eundē, quem sibi ars ipsa propositum habet. Itaq; Dialectici, quā Dialecticus est, artiq; præcepta exequitur, scopus erit fides, quam facit differendo.

Quid alij  
de fine ar-  
tificis sen-  
tiant.

Vera de fi-  
ne artifi-  
cis senten-  
tia.

differendo. Id enim illi ultimum est, quod assequutus nil tandem ad id præstandum, quod sui muneris esse uidebatur, superesse existimat: & donec eo peruenerit, non conquiescit: id præstantissimum esse ducit, nec de eo censet esse deliberandum, & totam disputationem ad fidem faciendam dirigit, atq; refert. Quare uel ex his, quæ finis sunt propria, hunc esse Dialecticæ finem, quem ipsa etiã ars respicit, perspicuum euadit. Sed iam ad officium explicandum conuertenda nobis oratio est. Officium est, quod artifex facere debet ad finem propositum consequendum. Officio hæc conueniunt, quæ ex diffinitione colliguntur: primum omne officium in aliqua actione positum est, quo potissimum à fine separatur in his artibus, quibus opus aliquod propositum est. Demde officiũ proximè finem antecedit: est enim actio quædam, quam, si nihil impediat, finis artis sequitur statim. Postremò unius artis, quemadmodum unus est finis, ita unum est commune opus & officium artificis, sub quo singulares omnes actiones comprehenduntur. Quod Galenus libro uno ad Trasymbulum diligentissimè persequutus est, & in Arte medendi exactissimè quo modo sese haberet interpretatus. Qui cum multa de ea re uigesimo secundo, uigesimo tertio, & uigesimo quarto capitibus disseruisset, summam in fine. 25. capitis his uerbis complexus est: in Medicinali arte innumera sunt (ut ita dixerim) singulares actiones. sed generale opus omnibus commune est. Nam & corpori aliquid, ut superuacuum detrahens, aut aliquid, quod deficiat, adiiciens, unum uterq; in uniuersum præstat, corpori scilicet naturalem modum comparans, qui nihil aliud est, quàm sanitas. Ex his quodnam

Officium  
quid, & il  
li quæ cō  
ueniant.

fit proprium Dialectici officium, prætermiſſis innume-  
 ris, falſisq; multorum ſententijs, paucis aperiamus. In  
 primis nullum artis præceptum officium poteſt appella-  
 ri: poſitum enim eſt (quemadmodum diximus) in actio-  
 ne, nec aliud eſſe uidetur, quàm artis exercitatio, & exe-  
 cutio præceptorum eius. Iam inuenire, & iudicare, &  
 quod hiſ ſimile eſt, officij nomen haudquaquam merebi-  
 tur. Nā neq; ſola inuentione, neq; iudicio ſolo fides pro-  
 ximè paratur. Aliò iſta referuntur, quod fini proximum  
 eſt, atque uicinum. Poſtremo diffinire, diuidere, aut ra-  
 tiocinari, unumquodq; per ſe ſumptum non eſt officium  
 Dialectici proprium, non enim omnes ſub ſe ſpeciales cō-  
 tinet Dialectici actiones. Statuendum igitur nobis erit  
 cōmune aliquod opus, ad quod omnia, quæ exercet Dia-  
 lecticus, referantur. Ariſtot. duo uidetur Dialecticorum  
 officia conſtituiſſe, interrogare, & reſpondere. Nam. 1.  
 Rhetorico omnes quodammodo Dialecticæ eſſe partici-  
 pes ex eo demonſtrat, quòd omnes uſq; ad certum finem  
 interrogare norunt, & reſpondere. Idem. 1. Topico Dia-  
 lecticam uocat facultatē, qua inſtructi, de re omni pro-  
 poſita ex probabilibus diſſerere poſſumus, & diſputa-  
 tionem ſuſtinentes aptè reſpondere. Verum quia & qui  
 interrogat, & qui reſpondet, ad fidem faciendam quæ-  
 ſtioni, de qua agitur, omnia reſert, & id facit uterq; diſ-  
 ſerendo, licebit commune opus & officium Dialectici u-  
 num ſtatuerè, diſſerere & diſputare ex probabilibus ad  
 fidem faciendam, ſeu fidem facere rei de qua agitur, ut  
 id tam ad eum qui interrogat, quàm qui reſpondet, per-  
 tinere exiſtimemus. Diſſerere uerò intelligendum eſt nō  
 temerè, quemadmodum faciunt, qui ſolius naturæ præſi-  
 dijs

Ariſt. duo  
 conſtituit  
 officia.

Cōmune  
 officium  
 unū eſt.

*dijs muniti id præstant: sed certa ratione, & ex arte. Vt enim in arte Rhetorica, non qui quouis modo persuaserit, Oratoris munere fungi existimabitur, sed qui ornata & copiosa oratione secutus artis præcepta id fecerit: ita Dialectici officium is demum exercebit, qui de rebus quemadmodum ars ipsa præscribit, differuerit. Hoc generale officium est, & commune opus, quod mox in duo specialia distribuitur, interrogare scilicet, & respondere. Vtriq; uero actiones multæ subiectæ sunt, quemadmodum multa sunt & interroganti præstanda, & ipsi qui respondet: quæ omnia diligentissimè. 8. Topico persecutus est Arist. Cicero in ea, quam tradidit Dialecticæ finitione, Ars, quæ docet rem uniuersam distribuere in partes, latentem explicare diffiniendo, obscura explanare interpretando, ambigua primum uidere, deinde distinguere, postremò habere regulam, qua uera & falsa iudicarentur, & quæ quibus propositis essent, quæq; non essent consequentia, partem aliquam actionum, tum ad interrogantem, tum ad respondentem pertinentium complexus est. Sed sunt aliæ præterea non paucae, quas ex loco iam citato commodè petere licebit. Vnum hoc tantum restat explicandum, Dialectici officium hoc loco à nobis esse constitutum eius, qui uerè Dialecticus est, & eam artē exercet, quæ probabiliter differendi rationem ostendit. Sublata autem parte illa probabiliter, commune relinquitur officium, & generalis artificis proprium.*

*Quid sit Dialectica.*

C A P. XI.

**L**ogicæ nomen non legitur in libris Arist. Diogenes Laërtius Logicæ partes quatuor facit, Analyticen,



ticen, primam Philosophiam, Dialecticam, & Rhetoricam. De cuius sententia cōmune erit Logicæ vocabulum, latè patens: diceturq; Dialectica ad Logicam affecta esse, ut pars ad totum. Seuerinus Boëtius ueteres Peripateticos Logicen appellasse scribit disciplinam differendi magistrā, quā ipse in hunc modum diffinit: Logica, inquit, est peritia differendi, quæ uel de diffinitione, uel de partitione, uel de collectione, id est, uel de ueris ac necessariis, uel de probabilibus ac uerisimilibus, uel de Sophisticis ac cauillatorijs argumentationibus pertractat. Dialecticam autem uocat cum Aristote. facultatem per probabilia colligēdi. Ab alijs, ut à Cicerone nomina cōfunduntur. Is enim utraq; uoce utitur in eadem significatione. In libro de finibus bonorum & malorum, tam in altera, inquit, Philosophiæ parte, quæ est quærendi, ac differendi, quæ Logice dicitur. Epicurus planè inermis ac nudus est. Et de Fato: Logice, inquit, quā rati nē differendi uoco: Eādem artem sæpe nominat Dialecticam: ut in eodem libro de finibus bon. & mal. Dialecticā, inquit, cōtemnit Epicurus. Nobis probatur Boëtij sentētia, quā hoc loco, & in his quæ sequuntur perpetuò tenebimus.

Intelligemus itaq; Logicæ nomine eam artē, quam paulò ante Dialecticæ nomine significari diximus, sed generalius sumpto, ac latius, quā uis ipsius nominis postulat: Ad quam pertinet omnem ratiocinandi modū præscribere. Dicta autem est Logice ἀπὸ τῆς λόγῃς, ut significet λόγῳ, non sermonem, sed argumētum & rationem, quæ sit rationalis disciplina. Sic uerò appellata est, non tam quòd sit certa methodo ac ratione constituta, id enim omni arti cōmune est, quā quòd rationi præsit, eiusq;

dux quædã sit et magistra. Quod Seuerinus Boëtius in cõmentario Topi. Cicer. his uerbis exposuit: Cũ Philo-  
sophia maximis in rebus studium suum operamq; consu-  
mat, cumq; et in naturalibus inspectionem speculatio-  
nẽq; adhibeat, et in moralibus actionẽ, et sic formare  
gestiat mores, ut uera uitæ ratio persuaaserit, euenire ne-  
cesse est, ut secundũ id, quod ratio tenẽdũ, omittendũ ue,  
quod faciendũ, aut non faciendũ esse decreuerit, uel iu-  
diciũ constituatur, uel exercendæ uitæ ratio deligatur.  
Hæc autem ratio nisi uia quadam processerit, sæpe in  
multos necesse est labatur errores. Quod ne passim fie-  
ret, atq; ut in certis regulis tractatus insisteret, uisum est  
antiquæ Philosophiæ ducibus, ut ipsarum ratiocinatio-  
num, quibus aliquid inquirendum esset, naturam penitus  
ante discuterent, ut his purgatis atque compositis, uel  
in speculatione ueritatis, uel in exercendis uirtutibus  
uteremur. Hæc est disciplina differendi magistra, quam  
Logicen Peripatetici ueteres appellauerunt. Dialectica  
uerò nomen erit partis Logicæ, eius scilicet, quæ uia do-  
cet conficiendæ probabilis argumentationis: in qua signi-  
ficatione usum esse Aristoteli. hac uoce, præcedentibus capi-  
tulis demonstraui. Nobis propositũ est utriusq; tra-  
dere deffinitionem. Sed in primis eam, quæ propria est  
Dialecticæ proponemus, ex qua detractis proprijs, com-  
munis Logicæ finitio relinquetur. Inuestiganda autẽ est ea  
seruata methodo, quã Aristoteli in præceptis reliquit, ut ge-  
nere eius cognito, differẽtiæ ei adijciamus, donec fiat or-  
ratio rei, quæ diffinitur, propria et æqualis: Ac de gene-  
re quidẽ nõ usque adeo ambigitur: omnes enim artẽ esse  
Dialecticã fatẽtur: quod uel his argumentis confirmari

Quid Dia-  
lectica no-  
mine in-  
telligatur

Generalia  
lectica  
ars.

potest: Artes omnes Dialecticæ beneficio effectæ sunt: nã diuidendo, diffiniendo, & colligendo constitutæ fuerunt, quæ omnia Dialecticæ accepta sunt referenda. Quare si tanta est Dialecticæ uis, ut cæteræ ipsius ope nomen artium sint cõsecutæ, non dubium est, quin & ipsa debeat, uel primo loco in artibus numerari. Iam si ars est multitudo comprehensionum ad finem aliquem uitæ utilis spectantium, quis non uidet artem esse Dialecticam? Varijs enim nos instruit præceptionum formis, quibus quid uerum sit in rebus singulis, quid falsum, exploremus, paran-  
daq; fidei rationem intelligamus. Quo quid potest esse utilius in uita hominũ? Fallimur sæpe numero specie ue-  
ri, falsa pro ueris accipimus, uera pro falsis: incurrit mens, dum ratiocinatur, in uarios errores, & uitia per-  
multa: quibus omnibus malis solius Dialecticæ opera po-  
test occurrere. Sit igitur relictum artem esse Dialecticam.

*Quo di-* Nunc differentias adiiciamus, quibus à reliquis artibus  
*stingan-* separetur. Artes non alio aptius ac uerius, quàm sine se-  
*tur artes.* parantur: nam materiam contingit diuersas artes habere eandem, quod de Dialectica & Rhetorica omnes fa-  
tentur. Quòd si quis materia certa ratione considerata, differre artes contenderit, non reluctabor, modò ratio-  
nem illam certam ex fine esse petitam mihi concedat: atq; ita omnis differentia principium à fine proficisci. Possunt quoq; officijs proprijs artificum distingui artes, cum perspicuum sit atq; certum, unumqueng; artificem munere fungi, à quouis alio longè lateq; differenti. Dia-  
*Finitiones* lecticam igitur, ex duabus officij partibus, in quas com-  
*Dialecti-* mune opus Dialectici proximè distribuitur, Arist. diffi-  
*ca varia.* nit artẽ, seu methodũ, quæ docet de re quauis proposita

ex pro=

ex probabilibus differere, & conuenienter respondere. A fine diffinietur in hunc modum: Ars, quæ rationē tradit ex his, quæ probabilia sunt, fidei faciendæ. Ex qua diffinitione si partem illam, ex his, quæ probabilia sunt, detraxerimus, & fidei nomen generali ratione sumatur, Logicæ finitio relinquetur: Ars, quæ rationem docet faciendæ fidei. Quod si quis materiam, finem, & commune opus Dialecticæ uelit una diffinitione complecti, poterit sanè hoc pacto diffinire: Dialectica est, ars de re quauis proposita, probabiliter, & in utranq; partē differendi, ad faciendam fidem. Postulabat hic locus, ut quid esset probabile, & quæ sint de eo sententiæ paulò fusiùs explicaremus: sed plena & perfectæ de hac re disputatio in Topicks suscipietur. Nunc finitionem Arist. sat fuerit breuiter attigisse, ne pars ulla diffinitionis ignoretur. Probabile Arist. uocat, quod uidetur omnibus, aut pluribus, aut sapientibus: & ijs uel omnibus, uel pluribus, uel maximè probatis. Omnibus uidetur, Deum religiosè colendum, exhibendam parentibus pietatem: compluribus, ut esse parādas opes, honores expetendos: sapientibus omnibus, meliorem esse diuitijs eruditionem: plurimis, tametsi non omnibus, summum bonum in actione uirtutis esse collocandum: deniq; spectatis, ac probatæ sapientiæ, ut quod uisum est Arist. quod Platoni. Probabile, à uero & falso distat plurimum: hæc enim ex rebus pendent, uerum cum re conuenit, falsum à re ipsa dissentit. Probabile uerò in opinione positum est. Vnde fit, ut sint probabilia multa uera, falsa itidem multa, quod hominum iudicijs, & estimationibus, quas de rebus habent, accidere uidemus. Multa se mihi hoc loco offerunt,

Quid probabile.

de quibus uideo à plerisque ambigi ac dubitari: sed quæ  
 potiora sunt et ad rem, quæ disputatur, exactius cognoscen-  
 dâ facere uidebuntur, breuiter perstringemus: ex his enim  
 cetera perspicua fient. Ac primum Dialecticam, Rhetori-  
 cam facultates uocat Aristot. Facultas autem plurimum  
 ab arte distat, cum hæc usu et exercitatione paretur, illa  
 insit natura: non igitur ars uerè dici potuit Dialectica.  
 Iam scientiâ esse Dialecticâ, nemo ausit diffiteri: scientia  
 uerò habitus ab arte diuersus. 6. Ethico constituitur.  
 Quid quod nec diffinitio artis eodè loco ab Aristot. tradi-  
 tâ, recta ratio eorû, quæ fieri à nobis possunt, accommoda-  
 ri Dialecticæ ullo modo potest? Postremo cum ex generis,  
 ac finitionis locis argumeta ducat Dialecticus (eius enim  
 illi proprii sunt) hæc autem sint necessaria: ut cum esse ho-  
 minem ex eo concludimus, quod sit rationis particeps, aut  
 non esse hominem, quia nec animal quidem sit, quare ars  
 ex probabilibus differendi, potius quam ex necessarijs di-  
 sta est Dialectica? Primæ dubitationis nodum soluit Ari-  
 sto. 1. Oratorio. Dicuntur Rhetorica et Dialectica facul-  
 tates, non quod à natura sint indite, quemadmodum facul-  
 tates sentiendi: sed quod ij, qui his instructi sunt, possint in  
 partes contrarias agere. Nam Orator idem aliquando hone-  
 stum esse, aliquando non esse: iustum itidem et iniustum, uti-  
 le et damnû asserens, conatur ostendere. Et Dialecticus  
 quauis proposita questione, partem utranq; ex probabi-  
 libus potest concludere: quod his, quæ in alijs scientijs uer-  
 santur, integrum non est. Nam tametsi quidam contrariorum  
 habeant cognitionem, scopus tamen, quem sibi proposue-  
 runt, hic est, ut partem alteram, quæ melior est, definitè con-  
 sequatur: Medicus ut sanet, aliptes, ut firmam corporis con-  
 stituant.

Obiectio  
 prima.

Secunda  
 dubitatio.

Tertia du-  
 bitatio.

Solutio  
 prima ob-  
 iectionis.

stitutionē tueatur. Itaq; cognitio contrariorū, quā asse-  
quūtur, non est apud eos præcipua, sed unius tantum, &  
ex eo alterum cognoscunt, quemadmodū in medendi fa-  
cultate, ex eorum scientia, quæ sanitatē inducunt, illorū  
etiam cognitio efficitur, quæ morbos gignūt. Dialectico  
uerò, & Rhetori simili modo, & ex æquo proposita est  
contrariorum demonstratio: unde fit, ut solæ hæc artes fa-  
cultates appellētur. Id enim uerē aliquid potest, quod cō-  
traria potest. Secunda ratio soluitur ex diuersa artis si-  
gnificatione, in qua solet ab autoribus frequēter accipi.  
Arist. artis nomine utitur, quā ad mechanicas & ope-  
rarias pertinet: scientiam autem appellat cognitionem  
certissimā, & necessariam, quæ demonstratiōe paratur.  
Hoc modo sumptis uocibus, plurimū interest inter artē  
& scientiā. suntq; diuersi habitus, & artis nomen nō po-  
test Dialecticæ accommodari, interdū paulò latius uocabu-  
la ista sumuntur: ut sit ars (quemadmodū diximus) colle-  
ctio ex multis præceptionibus, ad finē aliquē uitæ utilem  
spectātibus: scientia uerò cognitio, quæ demonstratiōe  
aliqua efficitur, tametsi non sit summa illa & exactissi-  
ma, qua Mathe. utuntur. Atq; hæc artis ac scientiæ signi-  
ficatio & Dialecticam, & alias omnes disciplinas com-  
prehendit. Postremæ obiectioni nonnulli ita satisfaciūt,  
res omnes ex maiore parte spectandas esse, & ex eo, quod  
fiat sapiūs. Nam Dialectica necessarijs utitur rationi-  
bus, sed quia id rarò facit, nō exprimitur: id autē quod  
ferè tractat, exprimitur, & ex eo artis finitio ducitur.  
Sed & id quoq; ad dubitationem responderi potest:  
uti Dialecticum necessarijs, non quā necessaria sunt, sed  
quā uidentur omnibus, aut plurib. us. &c. nil enim uetat

*Solutio  
secunda*

*Postrema  
dil. usum.*

idem



idem & necessarium esse & probabile, modò rationes horum esse diuersas intelligamus.

## De partibus Dialecticæ.

## CAP. XII

**C**um sit Dialectica ratio differendi, differere autem nemo possit, nisi inueniat, & iudicet, duabus sanè partibus tota ars còtineri meritò censetur, Inuentione, & Iudicio. Inuètio, uel Ciceronis testimonio, Iudicio natura prior est, & usu potior. Eius uis & officiũ ad hunc, qui sequitur, modum commodè explicabitur: in omni re ostendenda inueniatur aliquid necesse est diuersum ab eo, cui fidem facere uolumus. Nulli enim rei dubiæ potest ex seipsa fides constare: sed ex prioribus, ac notioribus ducenda omnis probatiq̃ est. Neq; probandis omnibus omnia conueniunt, quemadmodum non cuius calceus cuius pedi est accommodatus. Quod inuentum est, consentaneum sit oportet rei, de qua quæritur, & cum extremis quæstionis affinitate aliqua coherere. Id argumentationis medium uocant, seu argumentum: quod à Cicerone rectè diffinitur, Ratio rei dubiæ faciens fidem. Quæ igitur Dialecticæ pars mediũ huius, seu argumenti inueniendi rationem docet, Inuentionio appellatur. Cuius officium in eo positum est totum, ut instrumenta quædam, hoc est, communes inuentionibus locos suppeditet, uocaturq̃; *τοπικὴ*. Diffinitur autem aptè in hunc modũ Ratio, seu methodus inueniendorum locorum, ex quibus promuntur argumenta probabilia, ad faciendam fidem rei, de qua quæritur. Altera pars Dialecticæ, in iudicatio posita, ἀναλυτικὴ dicta est: quæ qualis sit, & quid præstet, hac similitudine pulchrè à Rodolpho quadà ex parte

parte fuit expositum; cui adyiciemus quæ desiderantur: in metiendis rebus, cum altera alteri applicari non potest, tertiam aliquam sumimus magnitudinem uelut mensuram: quæ si utriq; sit æqualis, concludimus æquales illas esse: si inæqualis, inæquales: quod exploratum euadit ex axioma Mathemat. Quæ uni & eidem sunt æqualia, sunt inter se æqualia. Porro communis illa mensura fallax esse potest, duplici modo, si extendi possit, aut contrahi, uel ipsis rebus non aptè accommodetur. Quod est in metiendis rebus communis mensura, id ipsum esse medium seu argumentum in explicandis quæstionibus certum est. Et qui errores accidunt, dum rerum quantitatem exploramus, idem in differendo contingunt. Nam quod inuentum est medium aliquando solo aspectu unum est, reuera multiplex: interdum probabile uidetur, cum sit necessarium, aut contrà: sit quoq; ut sit in speciem tantum probabile, & perinde eo utamur, ac si natura tale esset. Aliquando mediū cum extremis quæstionis non aptè componitur, quod cum accidit, fallimur argumentatione, & consentanea pro dissentaneis accipimus. Quibus omnibus erroribus hac iudicii parte occurritur, quæ tota ad iudicandum de medio refertur, & duabus partibus continetur: altera medij naturam discernere docet, ac iudicare, sit uerum ac necessarium, an uerissimile, an in speciem tantum probabile: Altera præcepta medij connectendi cum extremis quæstionis subministrat, & quo pacto, quæ inuenta sunt, in certam argumentandi formam reuocari debeant, ostendit. Est autem sola Dialectica in has duas partes distributa, quia sola de his præcepta tradit, & ab ipsa reliquæ artes inueniendi ac iudican-

Duplex  
iudicii  
pars.

dicandi rationem mutuatur. Ac de methodo tradendarum artium tum in genere, tum qua ad differendi rationem spectat, de origine artis Dialecticæ, de materia, de fine, de Dialectici officio, de Dialecticæ finitione, & eius partibus, hæc dicta sint.

¶ Primi libri de compositione  
Dialecticæ, finis.

LIBER SECVNDVS  
COMPOSITIONIS DIALECTICÆ,  
de differendi instrumentis.

Quid uox significans, quid oratio, enunciatio,  
& quot eius formæ.

CAP. I.



Cum Diuisionum, ac Definitionum materia non aliunde petatur, quàm ex Categorijs, quæ genera, differentias, & accidentia suppeditât, ex quibus illæ conflantur, & argumentatio ex pronunciatis coalescat, de quibus in lib. de Interpretatione differitur, postulat certè ordinis ratio, quem sumus in prima editione sequuti, ut liber hic præsens prioribus illis subiungeretur. Sed nos hîc non tam hunc ordinem sequemur, quàm primos in tyronibus Philosophiæ candidatis impetus & æstuantem ratiocinandi libidinem, qui nullos

Los huius artis fore putant sibi fructus, ni quoquomodo  
 possint inter se inuicem mutua disputatione studia con-  
 ferre, pertæsi moræ diuturnioris. Vt igitur illorum fer-  
 uenti desyderio satisfiat, & ueteri huius Gymnasij cōsue-  
 tudini, uisum est disputationē de tribus differendi instru-  
 mentis priori libro annectere, quibus omnibus adole-  
 scentes instructi, ad reliqua, quæ sequentibus libris con-  
 tinentur, perdiscenda, eodem, quo scripta sunt, ordine  
 traducantur. Quoniam autem instrumenta hæc disse-  
 rendi singula ex uocibus significantibus constantur, &  
 argumentatio ex pronunciatis, attingenda ista erunt  
 breuiter, finitionibus tātum eorū adductis, copiosius li-  
 bro de interpretatione pertractāda. Vox significans cō-  
 munis nota est, qua alij alijs notiones suæ explicant: ea  
 uerò qua audita nil animo concipimus, non significat.  
 Voces, quæ significant, aliæ natura significant, positio-  
 ne aliæ. Huius generis sunt, quæ rebus ipsis fuerunt ab  
 hominibus inditæ: prioris uerò, quæ suam ex hominum  
 consensu significationem non traxerunt. Ex illis oratio  
 conflatur, quæ ab Arist. definitur uox significans ex ho-  
 minum instituto, cuius pars aliqua seiuncta separataq;  
 significat. Oratio aut perfecta est, aut imperfecta: perfe-  
 cta uocatur, quæ perfectam sententiam imprimit in ani-  
 mo audientium: imperfecta, quæ nō imprimit, & parit.  
 Perfecta oratio, quæ uerū aliquod, aut falsum declarat,  
 enunciat io dicitur. Huius formæ sunt, uera & falsa, sim-  
 plex & composita, affirmatio & negatio: simplicis au-  
 tem, uniuersa, specialis, indefinita, singularis. Vera est,  
 quæ perinde significat atq; res se habet, falsa, quæ lon-  
 ge aliter atq; res sese habet significat. Simplex, quæ sub-  
 icit

iecto constat & attributo, & uerbo uno indicantis modi. Composita, quæ conflatur ex multis simplicibus uinculo aliquo connexis, aut per se aptè coherentibus. Assertio dicitur, in qua uerbum præcipuū assertitur. Negatio, in qua præcipuū uerbū negatur. Vniuersa uocatur, cuius subiectum communis uox est, & notam continet uniuersi generis: Specialis, cuius subiectum specialem continet notā: Indefinita, quæ nullam continet notam: Singularis, quæ constat ex subiecto uoce singulari.

Quot & quæ sint Dialectici instrumenta.

## CAP. II.

**C**um sint duæ artium differentię, alię quę post se aliquid operis relinquunt: alię uerò quibus propositus est finis cognitio sola Hęc, quia nihil operis efficiunt, nullis egent instrumentis: illę absq; instrumētis suo munere præclare fungi, & finem sibi propositum consequi nullo modo possunt. Huius ordinis Dialecticam esse pri. lib. apertè demonstraui. Quare instrumenta quoq; illi subijcere debemus, quorum adminiculo opus, ad quod præceptione, omnes Dialecticę referuntur, perficiat & absoluat. Porro cum sit Dialectica generalis ars, hoc est, quæ ad certum genus minime arctatur, & materiam habeat, rem omnem, necesse est communibus utatur instrumentis, quæ tractandis rebus omnibus possint accommodari. Hic cum arti Dialecticę instrumenta tribuimus, id propterea dictum existimari debet, quod ipsa eorum conficiendorum rationem doceat. Alioqui si res (quod aiunt) ad calculos reuocetur instrumenta nō sunt artis, sed artificis. Potest enim ars suis omnibus partibus esse absoluta, tametsi nihil efficiat. Quare nullis ipsa

*si in opo  
si in instrumēti*

his ipsa egebit instrumentis. Pertinebunt ergo hæc ad ar-  
 tificem, cuius interest agere & operari. Dialecticorum  
 instrumentum oratio est, sed cōmune Rhetori. Quod nam  
 autem sit proprium ex diuisione orationis apte Rodol-  
 phus inuestigauit. Orationis diuisione duplex est. Priori in-  
 continentem & concisam distribuitur. Continentes o-  
rationes sunt ac perpetuæ, quibus Rhetores utuntur,  
 laudationes, uituperationes, cōhortationes. Concisa ora-  
tio est Dialecticorum, qualem postulant disputationes,  
 & alternantia scholasticorum certamina. Alteræ ora-  
tionis diuisione sumitur ab effectu, cui destinatur: is autē  
 est docere. Porro qui docetur, aut paratus est spontē ad  
 credendum, aut orationis ui cogendus. Vnde duplex o-  
 rationis nascitur differentia, altera quæ rem tātum ex-  
ponimus, & auditorem facimus mentis nostræ partici-  
 pem: altera, quæ aduersarium pervincere cōnamur, &  
 renitentem in nostram trahere sententiam. Illa expo-  
 sitio uocatur, hæc argumentatio. Vtra autem sit pro-  
 prium atq; legitimum Dialectici instrumentum, ex fi-  
 ne, quem ipsi subieciunt, percipi potest. Cū enim fi-  
 nem habeat propositam fidem, quæ sit differendo, fides  
 autem sine argumentis & apta eorum collocatione fie-  
 ri nequeat, nemini dubium erit, argumentationem præ-  
 cipuum ac præstantissimum fore Dialecticorum instru-  
 mentum. Adiecta sunt præterea & alia duo, diffinitio,  
 & Diuissio, quæ sibi Dialectici tanquā suo iure uen-  
 dicarunt. Plura his non sunt inuenta, nec pauciora suffi-  
 ciunt: quod cōstat, uel hæc sola ratione: Omne id de quo  
 suscipitur disputatio, aut simplex est, aut compositum: si  
 sit simplex, diffinitione explicatur, aut diuisione: Com-  
 positum,

F positum.

Dialecticorum  
 instrumentum  
 oratio est

Orationis  
 diuisione

Plura nec  
 pauciora  
 sufficiunt



positum, argumentatione: præter hæc igitur, nullum aliud desyderatur. Habet autem hunc ordinem inter se: primum locum sibi diuisione uendicat, postremum tenet argumentatio, medium diffinitio. Nam diuisione, diffinitio inuestigatur: diffinitio autem pars est, ex qua argumentatio constituitur: ea præsertim, quæ certissima est omnium & efficacissima, hoc est, demonstratio. Hæc uero sunt si omnino & uniuersè diuisione definitioni comparatur. At in re eadē non dubiū est, quin definitio diuisionem naturæ ordine antecedit. Est enim definitio rei cōstitutio quædam, diuisione autem rei in partes solutio: constitutio autem solutione prior est. Cum præsertim solui in partes nequeat, quin composita sit prius.

Quid finitio sit.

CAPVT. III.

**E**Xigebat ordo, quo tria instrumenta inter se sunt cōstituta, ut a definitione, ut pote omnium prima, exoriremur: sed cum hæc ipsa quid sit, aliter quàm per definitionem explicari nequeat, ab ea commodè initiū ducere licebit. Diffinitio ab Aristote. terminus dicitur, hoc est, quasi circumscriptio limitum, & quædam eorum designatio, intra quos res ipsa clauditur. Nam ut natura in quasdam formarum similitudines cuncta disposuit, ita singula ab alijs seclust, quæ illa similitudine non tenentur. Confert itaq; diuisione ad ea explicanda, quæ affinitate aliqua coniuncta sunt: diffinitio uerò, ad segregationem à diuersis, & absimilibus. Sit igitur definitio, oratio, quæ rem propositam, de qua agitur, explicat ambitu quā breuissimo. Ut ars de re quauis proposita differēdi probabiliter, finitio est dialectica, animal

mal particeps rationis, hominis, illa enim quid Dialectica sit explanat: hæc hominis naturam explicat quam breuissimo ambitu. Quo numero contineri debeant finitionis partes, nec Aristote. scriptum reliquit, nec potest certis definiri præceptis: nam breuissimæ multorum ingenijs non sufficiunt, & si quid redundet, uiti osam reddit finitionem. Prospiciendum est diligenter, ut rei natura explicetur, & quò ad fieri poterit breuissimo ambitu. Parantur enim finitiones facili & expedite rerum intelligentiæ, quæ magna uerborum congerie, & longo orationis ambitu perturbatur.

## De partibus Definitionis.

## CAPVT. IIII.

**G**enera definitionum duo esse, uulgo Dialecticorum recepit, nominis, & rei. Nominis definitionem uocant, qua nominis, aut locutionis significatio exponitur. Quam ego in numero definitionum habendam esse non existimo, quemadmodum & alias plerasque explicationes, per qua res utcumque innotescit. Explicatur nomen unum per alterum notius, uel in eadem lingua, uel in diuersis, interpretatio hæc est nominis, non finitio. Etymologia uim uocis declarat, non rei naturam: ut, fides est, quia fiat quod dicitur: iustitia, quia ius statuit. Hæc etiam à numero definitionum expugnanda est. Est & quedam explicandæ rei ratio per Metaphoram, siue Analogiam ab hoc genere aliena: ut pueritia est uer anni, mens in animo, quod oculus in corpore. Negatione quoque res declaratur, & remotione eorum, quæ rei non insunt: ut angelus est, quod neque est Deus, neque homo, sed medius quidam spiritus. Sed nec hæc recipien-

da est in numerum definitionum. Quae igitur sub se forma definitio complectatur, breuiter aperiamus. Diffinitionis genera Seuerinus Boëtius quindecim exposuit, scripto de his nominatim libro: nec mirum, possunt enim ex omnibus locis duci finitiones. sed id in praesentia à nobis postulandū nō est: sat fuerit generalia aliquot capita proposuisse, ad quae omnes, quotquot sunt, commodè redigantur. Genera igitur diffinitionū prima, tria sunt: Potissimū est, quod essētiāle nominatur, quo breuiter ac propriè cōprehensa rei natura explicatur, per ea, quae sunt illi intima. Vocantur autem intima ea, sine quibus res proposita neq; esse potest, neq; cogitari. Ita animal & rationis particeps intima sunt homini: nam his interemptis, homo pariter interimitur, & qui hominis naturam uolet animo cōcipere, simul & illa cogitet, necesse est. Album uerò, ambulare, aptum esse perdiscendis disciplinis, & alia id genus, aduentitia sunt & externa: nam absq; his aut existere homo potest, aut saltem intelligi. Erit igitur essentialis hominis finitio, animal rationis particeps, cū hominis naturam declaret per ea, quae sunt illi intima. Conflatur essentialis diffinitio ex genere & differentijs. Nam cū inuenta sit ad rem diffinitā intra suos fines concludēdam, ita ut nec ad alienos egrediatur, nec alienum aliquid intra illos se insinuet, adhibetur genus, ut rem propositam separet ab his, quae sunt alterius generis: differentia uerò ab his, quae sub eodem genere collocantur. Quod in praefata hominis finitione cernitur: in qua animal ab his hominem distinguunt, quae anima carent, & à plantis solam uegetatricē habētibus: particeps uerò rationis, à brutis quibus cōmune

*ess. p. 1. 2. 3. 4. 5. 6. 7. 8. 9. 10. 11. 12. 13. 14. 15. 16. 17. 18. 19. 20. 21. 22. 23. 24. 25. 26. 27. 28. 29. 30. 31. 32. 33. 34. 35. 36. 37. 38. 39. 40. 41. 42. 43. 44. 45. 46. 47. 48. 49. 50. 51. 52. 53. 54. 55. 56. 57. 58. 59. 60. 61. 62. 63. 64. 65. 66. 67. 68. 69. 70. 71. 72. 73. 74. 75. 76. 77. 78. 79. 80. 81. 82. 83. 84. 85. 86. 87. 88. 89. 90. 91. 92. 93. 94. 95. 96. 97. 98. 99. 100.*

mune genus est cum homine. Hanc definitionis formam numeris comparat Aristote. in quibus unitas res indiuidua addita, aut ablata, numeri mutat speciem. Ita in essentiali finitione, si quis aut genus, aut differentiam auferat, tota subuertitur; sin aliquid præterea adiciat, quantumvis proprium, deprauatur. Sic hominis finitio, animal raticnis particeps, mortale, non probatur Aristot. abundat enim pars illa mortale. Hoc genus definitionis non potest rebus omnibus accommodari. Primum in res singulas non cadit, quæ accidentarijs tantum differentijs separantur, nec habeant substantiales illas, quales hæc diffinitionis forma postulat. Rerum autem uniuersarum cum sint genera tria, non in omnibus locum habet. Genera summa, quia superius genus non habent, nec constituentes differentias, carent essentiali definitione. Interiecta genera, quæ genera sunt, non recipiunt hoc genus definitionis, sed quæ sunt formæ. Nam cum definiuntur, cum superioribus conferuntur. Intermedia autem superioribus comparata, uim obtinent formarum. Infimis formis maxime conuenit hoc genus definitionis. Ita fit uerum esse quod statuit Aristot. essentialem definitionem solius esse speciei. Nam tametsi ad intermedia genera pertineat, non tamen quæ genera sunt, sed quæ species.

## De accidentali finitione.

## CAP. V.

Diffinitionis essentialis rarus est usus, nam inuentu difficilis existit, ignoratione differentiarum: certissima tamen ad exprimendam rei naturam, & expedita admodum uia. Hæc cum non inuenitur, ad alterum genus

conuertitur diffinitionis, accidentale scilicet, quæ descriptio appellatur, quod rem ex his, quæ eius naturam non attingunt, cognoscendam perspicendamq; proponat. Ea est oratio, quæ qualis res sit explicat, aut proprietate una, ut multorum accidentium collectione. cum proprietas cognita est, ea utimur in re explicanda, una enim adhibita, tota oratio propria fit: cuius generis sunt hæ: animal capax risus, hominis: corpus, quod summa celeritate sursum fertur, ignis. Cum autem proprietas ignoratur, attributis aduentitijs utimur: quod genus diffinitionum Arist. Theophrastus, et alij permulti, cum non possent animantium, arborum, plantarum uim essentiali diffinitione explicare, adhibuerunt. Huius exemplum sit in homine animal rectum, lato pectore, expansum in brachia, diductis manibus in digitos, quod ex omnibus animantibus solum sermone utitur.

De tertio Diffinitionis genere,

## CAPUT. VII.

**T**ertium diffiniendi genus sumitur ex loco causarum, uarium et multiplex, quemadmodum et ipsa causa, à qua ducitur. Causam uocamus, cuius uice et interuentu fit aliquid. Eius quatuor sunt genera, materia, forma, efficiens, finis. Materie multiplex est significatus. Materia in primis dicitur id omne ex quo fit aliquid, siue sit à natura profectum, siue ab arte. Ad hoc genus pertinent partes totius, quæ uice materie funguntur. In artibus appellatur materia id, de quo artes ipsæ differunt, et in quod artifices suum explicant officium. Ita Dialectico materia argumentatio subiecta est, et res omnis. Virium, quoque et facultatum materia est id, in  
quod

quod suas exercent actiones : ut uisus color, auditus sonus. Forma est, à qua res unaquæq; suam sortitur essentiam & appellationem : ut in homine, anima particeps rationis. Efficiens est, quæ aliquid operatur ac efficit: ut ignis calefaciendi, sol diei. Finitis, cuius gratia sit aliquid, ut in domo propulsatio incommodorum, quæ proueniunt ab iniurijs cæli. Per hæc omnia causarum genera licet definire, & ab eo genere definitio nomen accipiet, quod continebit. Diffinitio per materiam dicitur, quæ materiam explicat, qualis est diffinitio iuris à Cicerone tradita, quod in legibus, Senatusconsultis, rebus iudicatis, iurisperitorum autoritate, ædictis magistratuum, more & æquitate consistit : & in uniuersum, quæ per partes cuiusq; rei traditur. Fit aliquando ex toto partis definitio. Materies est ex qua constant, quæ generantur, quæq; corrumpuntur omnia. Per materiam artes aptissimè definiuntur: Dialectica est ars, quæ conficiendæ argumentationis rationem docet. Virium, quoq; & facultatū finitio ex materia sumitur : Visus est facultas perspicendi coloris. Ex forma sumitur, quæ formā complectitur : eius generis est, hominis finitio, animal ex anima constans, quæ utitur ratione. Efficiens erit, quæ efficiatricem causam continebit : ut si definiamus diem, lucem per hemispherium nostrum à sole diffusam. In numerum causarum agentium ueniunt instrumenta: oleum est liquor ex oliua trapetibus expressus. Postremo ex fine sumitur, quæ finem, cuius gratia res est, complectitur, cuiusmodi est hæc iuris finitio, æquitas constituta his, qui sunt eiusdem ciuitatis ad res suas obtinendas. Definitiones ab efficiis ad hoc genus referri

Forma.

efficiens.

Finitis.

instrum.  
- a quo  
causa col-  
lata.



possunt, cum præsertim ex causis nascantur effecta; cuiusmodi hæ sunt. Ira est, quæ alijs, aut sibi metipsis cogit manus asserre; uiperæ est, quæ sola ex serpentibus uinæ parit.

De legibus definitionis, siue bene  
diffiniendi præceptis.

CAPVT, VII.

**A**ristoteles. 6. Topicorum cum summum & exactissimum definitionis genus sibi explicandum proposuisset, multa in definitione seruanda esse præcepit, quæ in alijs definitionum formis, de quibus hoc loco à nobis disputatur, non possunt inesse: Cuius generis est, definitionem ex genere & differentijs constare debere. Quod ad essentiale genus tantum pertinet. Nam in cæteris ueræ differentiæ non sumuntur, genus uerò aliquando accipitur, interdum quod uim generis obtineat. Nos igitur cum omnem definiendi rationem persequamur, generalia trademus definiendi præcepta, quæ obseruari in omnibus sit necesse. Prima definitionis lex est, ut rem propositam explicet aptè atq; declaret. Contingit autem multis modis rem propositam non aptè explicari. In primis si id quod definitur in definitione collocatur; quemadmodum enim nulli rei dubiæ potest ex seipsa fides constare, ita nil est quod superius possit esse explicatio. Id licet in relictis, quorum natura aliter non potest declarari. Contingit etiam rem non aptè explicari cum obscurum aliquid in definitione collocatur. Nasitur autem obscuritas ex uerbis aut ambigujs, aut translatis, aut ualde improprijs, aut inusitatis. Ambiguum est, quod multa significat, ut si definiatur ortus, motus ad naturam fe-

Prima lex  
definitionis.

rens, homonymum enim nomen est motus. *Translatum* uerbum est, quod rem significat per similitudinem quādam. Quod in definitione collocatum, obscuritatē ideo parit, quia dubium est, nū secundum propriam significationem accipiendum sit, an secundū translatā, ut si quis temperatiam concentum definiat. *Impropria* uerba intelliguntur, in quibus ne translatio quidem inest, ut si quis legem definiat, imaginem eorū, quæ iusta sunt. *Inusitata* quæ sint, nomē ipsum indicat. Hæc cum nō sint in usu, non possunt non esse obscura, ut si definiatur oculus, cilij umbra; aut aranea, putri mordax. *Obscuram* quoq; iudicat Aristote. eam, ex qua contrarij definitio non intelligitur, aut qua per se prolata, cuius sit definitio, non est perspicuum; id enim prorsus contingit, atq; si rudis aliquis pictor hominem ita imperitē depingat, ut sine inscriptione dignosci non possit. *Postremus* modus, quo rem non apte explicari contingit, est, quando eadem uox sæpe repetitur, quam nugationem appellāt. In quod uitiū tum maximē incurritur, cum remoto generi differentie multæ adhibentur, non seruatō ordine nature, qui postulat, ut generales differentie priori semper loco collocentur. Quod si is inuertatur, uitiosa est definitio, ut si definiatur animal substantia corporea, sentiens, uitæ particeps. *Alterā* definitionis lex est, ut nec sit maior diffinitio re diffinita, nec minor, sed cum ea uicissim committet. In hanc legem peccat, qui hominem diffinit, Substantiam corpoream, sentientem, nam tametsi hæc omnia homo sit, si tamen conuertat, non respondebit. Itaq; latius patet diffinitio re diffinita. Rursus & qui cupiditatem dicit esse desyderium

rum, aliena appetendi: hæc enim oratio soli cōpetit auaritiæ, cum non sola auaritia sit cupiditas. Est enim cupiditas dominandi, & ulciscendi: ita contractior est re, quæ definitur. Tertia lex est, ut nil contineat diffinitio superuacuum, aut redundans. Vocatur autem superuacuum, quod potest abscindi citra totius iacturam: ut in diffinitione hominis, animal particeps rationis, mortale, superat pars illa mortale: nam ea sublata, quod relinquitur hominis naturam perfectè declarat.

Quæ sit inuestigandæ diffinitionis methodus.

## CAP. VIII.

**M**ethodum inuestigandæ diffinitionis secundo libro posterioris Analyseos tradidit Arist. quæ ex eo loco mutuatus Cicero explicuit in Topicks. Ea est huiusmodi: rem quamuis diffinire uolenti, inueniendum est in primis commune aliquod, aut genus, aut si id ignoretur, quod rei quadret: mox illud arctandum est adiunctione inferiorum quousq; tota oratio propria fiat rei, quæ explicatur. Exemplum est apud Arist. in diffinitione ternarij, cuius naturā qui explicare uolet, curabit in primis ternarij genus inuenire, hoc autem est numerus. Sed tamen si ternarius omnis sit numerus, non tamen omnis numerus est ternarius: nam quaternarius, senarius numeri sunt, & à ternario specie distinguuntur. Adijciendum est ergo aliquid, quo numeros huiusmodi excludamus, id fiet, si numero differentiam addamus, quæ diuisione cōmodè inueſtigatur ad hunc modum: Numerus omnis aut par est, aut impar: Cum sit igitur ternarius numerus, aut par erit, aut impar: cōstat autē non esse parē, neq; enim potest in duos æquales numeros diuidi, erit igitur numerus

rus impar. Nondū suis partibus absoluta est diffinitio, nā id quod collectum est, alijs multis cōuenit à ternario, ut quinario, septenario. Addere igitur aliquid præterea oportebit, quò rē diffinitam ab ijs separemus: id præstābimus eadē methodo diuisionis, hoc pacto: Numerus impar alius est primus, alius secundus: ternarius uerò impar numerus est, & non secundus, cū non mensuretur aliquo numero, Quare numerus erit impar primus, Hæc sane ternario conueniunt, sed non soli: nā septenarius, quinquarius numeri sunt impares & primi, quare arctiāda magis oratio est, ut rei fiat propria. Numerum imparē primum diuidamus, est enim alius primus altero modo, alius primus utroq; modo: at ternarius non est primus altero modo, ut constat, erit igitur numerus impar, primus utroq; modo. Hæc perfectā est ternarij finitio, cuius partes singule alijs insunt à ternario, tota autē oratio propria ternario est, & cum ipso uicissim comineat.

De Diuisione altero differendi instrumento.

## CAP. IX.

**A**lterum differendi instrumentum est Diuisio: quæ cū à partitione & enumeratione maximopere differat, explicanda in primis erunt nobis discrimina: ut ex his, quid ipsa sit tadē aptè colligamus. Id cōmodè fiet, si quot modis dicatur totū intelligamus. Totum bifariā dicitur, integrū, & uniuersum. Totum integrū est, quod ex multis partibus constat, ut domus: uniuersum, quod de multis effertur, ut animal. Hæc ~~due forme~~ totius his potissimum differentijs separantur: totū integrū uerè de singulis partibus enūtiari nō potest, nec collocatur in earū diffinitionibus, quin potius ipsum, quid sit explicatur per partes:

*P. p. p. p.  
h. p. p. p.  
--integrals.*

partes: ut domus de partibus singulis non effertur: Non enim fundamentū est domus, aut tectum. Et si quid horū diffiniendum sit, domū non recipiet diffinitio. Qui autē uelit domus naturam explicare, id commodē faciet, partium enumeratione. At totum uniuersum uerē singulis partibus tribuitur, & in his diffiniendis primum sibi locum uendicat: ut animal de homine dicitur, de equo, ac singulis formis, quæ sine ipso nec diffiniri possunt, nec cogitari. Partitio igitur à diuisione ita distinguitur, quòd illa sit totius integri sectio in suas partes, hæc totius uniuersi distributio. Ab utraq; diuersa est enumeratio, nō enim rei, sed nominis in significata distinctio est, qua in antepredicamentis utitur Arist. cum id quod est in decē

*Diuisio.* suprema genera partitur. Sit igitur diuisio cōmunioris, cuiusdam in ea, quæ minùs communia sunt, distributio, ut bonum aut utile est, aut honestum, aut delectabile. Sunt in diuisione, quod diuiditur, & partes diuidentes: quas singulas seorsum sumptas, minores esse oportet re diuisa: coniunctas uerò, pares illi, & æquales.

## De legibus diuisionis.

## CAP. X.

*Prima  
lex.*

**V**T recte fiat diuisio, leges aliquot obseruandæ proponuntur. Prima est, ut partes diuidentes totum diuisum exhauriant, hoc est, quod paulò antea diximus, simul sumptæ cum ipso commeent. Ita nō est proba Diuisio: Animalium, aliud bipes, aliud quadrupes: sunt enim apoda complura. Secūda lex est, ut partes diuidentes inter se aliquo modo repugnent, hoc est, non conueniant eidem rei, aut certè rationibus diuersis. Cicero in rebus diui-

*Secunda  
lex.*

diuidendis cauendum esse annotauit, ne partē in genere ponamus, scilicet ne in partibus rei numeremus, quod sub aliqua partium, tanquam sub genere contineatur. Quo errore peccat hæc diuisio: animalium, aliud particeps rationis, aliud bos, aliud expers rationis. Oportuisset enim ita diuidere: Animalium aliud particeps rationis, aliud expers: id rursus, quod rationis est expers, aliud bos, aliud Leo.

## De formis diuidendi.

## CAP. XI.

**D**iuisio<sup>rum</sup> formæ multæ sunt, totidem ferme, quot diffinitionum: fusa est enim utraq; per omnes locos, sed nos hîc genera prima attingemus, ad quæ diuisiones omnes redigantur. Primum genus essentialē uocatur, quod fiat in ea, quæ rei substantiam & essentiā quodammodo attingunt. Ad hoc genus pertinent diuisiones generis in formas, & per differētiās, cuiusmodi sunt: Virtus, alia est iūstitia, alia temperantia, alia fortitudo: Animal, aliud particeps est rationis, aliud expers. Alterum genus est accidētale, quod in tres partes diducitur: aut enim subiectum diuiditur in affēctiones, ut hominum alij boni sunt, alij prauī: aut contrā affēctio in res subiectas, ut uirtutes, alie in ratione sitæ sunt, alie in appetitu: aut diuiditur affēctio in alias affēctiones, ut actio alia praua est, alia studiosa. In essentiali diuisione necessaria est connexio inter rem diuisam, & partes diuidentes: in ea uerò, quæ est secundum accidens, accidentaria tantum, & quæ solui possit.

Prima diuisionis forma.

Secunda forma.

tertiam diuisionem.

De argu=



tur, non solum ad rem. Neq; enim minus erit argumētatio, etiam si uerè non consequatur. In connexis, & causalibus, quod proximum est coniunctioni, antecedens est, reliquum consequens. In rationali, quod coniunctionem antecedit, id ipsum est antecedens, quod sequitur, consequens. Coniunctiones argumentationi conficiendæ aptæ sunt, quæ alterum ex altero consequi declarant: ut quas uulgò conditionales, causales, & rationales appellant: si, quia, igitur, & his similes. Ex coniunctiua & disiunctiua conflatur copulata enuntiatio, sed quæ argumentatio dici non possit.

## De argumentationis differentijs.

## CAP. XIII.

**I**N argumentatione aut considerantur partes, ex quibus componitur, aut ipsa partium cōnexio. Ratione partium, uera aut falsa dicitur, est enim ennuciatio. Si autem habitudo spectetur, in bonam & malam distribuitur. Recta argumentatio est, in qua si uerum sit antecedens, necesse est consequens esse uerum: ut, domus est, ergo fundamentum est. Bonæ argumentationis ratio ex habitu dine & connexione partium omnino pendet. Nō in eo est posita, quòd ueræ sint partes. Contingit enim utrisq; existentibus ueris, uitiosam esse argumentationē: ut, cœlum uoluitur, pisces igitur respirant. Fit quoq; ut ex falsis pronunciatis recta coalescat argumentatio: ut, homo est equus, igitur homo est expers rationis. Hinc perspicuum est, quæ sit uitiosa argumentatio. Nimirum ea futura est, in qua si antecedens sit uerum, non est necesse consequens esse uerum: ut, dies est, ergo aurora resplendet. Porro cū reſtitudo argumentationis po-

Recta argumentatio.

Vitiosa argumentatio.

nis po-

Necessaria  
argumentatio.

Non necessaria.

nis posita sit in connexione partium, hæc autem aliquando pendeat ex significatione uocum, aliquando ex pronuntiatorum structura, recta argumentatio rursum duplex erit, altera necessaria (formalem uulgò appellant) altera non necessaria, quæ uocatur materialis. Necessaria est, quæ non solum in se priuatim est recta, sed sumptis quibuscunq; uocibus, modò seruetur eadem structura & colligendi ratio. Seruantur ista quando idem sumitur numerus uocum & pronuntiatorum, retineturq; in pronuntiatis ipsis eadem qualitas & quantitas. Ita omnis ratiocinatio necessaria est argumentatio: ut, omne animal sentit, omnis homo est animal, igitur omnis homo sentit. Non necessaria uocatur, quæ tametsi in se priuatim sit recta, non tamen sumptis alijs uocibus, & seruata eadem structura: ut omnis homo est capax disciplinæ, quicquid est particeps rationis, est capax disciplinæ, igitur quicquid est particeps rationis est homo. Hæc quia sumuntur pares uoces, recta est: si uerò aliæ sumantur, homo, animal, bos, & in eandem colligendi formam redigatur hoc pacto: Omnis homo est animal, omnis bos est animal, igitur omnis bos est homo, uitiosa conflagabitur argumentatio.

De regulis quas dirigitur recta argumentatio.

## CAPVT. XIII.

Prima regula

Censere quæ sit recta argumentatio, & quæ non sit, non est certæ alicuius artis, sed uniuscuiusq; in sua materia. Dialectica generales quasdam tradit regulas, quibus in omni re, sit recta argumentatio, nec ne, licet explorare. Prima regula: In recta argumentatione quicquid repugnat toti cōsequenti, necesse est repugnet antecedenti.

cedenti. Adieci mus toti consequenti. Fit enim sepe ut in argumentatione recta aliquid parti consequentis repugnet, quod cum antecedente, aut eius parte conuenit. Nam cum sit recta argumentatio, quaternarius est, igitur binarius est, binario parti consequentis repugnat ex quatuor constare unitatibus, quod tamen consentaneum est antecedenti. Secunda regula: In argumentatione recta quemadmodum ex antecedente sequitur consequens, ita necesse est ex contradicente consequentis id colligi, quod antecedenti contradicit: ut in argumentatione, homo est, igitur animal est, recte sequitur, non est animal, igitur non est homo. Ex contradicente autem diximus, quia in alio genere contrariorum uera regula non est, ut in subcontrarijs pronunciatis, aut aduersis. Nam cum sit recta argumentatio, nullum animal est homo, igitur nullus homo est animal, ex aduersa consequentis, omnis homo est animal, aduersa antecedentis, omne animal est homo, non recte colligitur. Tertia regula: In recta argumentatione, quicquid ex solo totoque consequenti colligitur, id ipsum necesse est colligatur ex antecedenti. Ex hac regula, non esse recta hęc argumentatio demonstrabitur, animal est, ergo respirat. Ex consequenti enim sequitur, pulmonem habere, quod non colligitur ex antecedenti. Adieci mus ex toto ac solo consequenti; nam quod ex parte consequentis sequitur, aut ui alicuius partis consequenti adiecte, non necesse est, colligatur ex antecedenti. Atque hęc diligenter animaduersa ad soluendas captiosas argumentationes permultas conferent, quę alioqui regula niti uidentur. Cuius generis est hęc, animal est, igitur aut particeps rationis est, aut expers. Particeps

rationis est, aut expers: atqui non est expers, igitur est particeps. Ergo si animal est, sequetur esse particeps rationis. In qua particeps rationis non ex solo consequente primæ argumentationis colligitur, sed ex illa adiecta parte, non est expers rationis.

Quid argumentatione recta ex unoquoque pronuntiati genere consequatur.

## CAP. XV.

Cum sint multe enuntiationum differentie, alie verae, alie false: atque hæ non uno modo dicantur, nam ueræ, alie falsæ esse non possunt, quæ uocantur necessaria, falsæ itidem alie sunt semper sibi similes, quas impossibiles appellant: alie utrumque recipiunt suntque aliquando ueræ, aliquando falsæ, & dicuntur contingentes, quid in recta argumentatione ex unoquoque genere colligatur, aliquot præceptis explicandum est.

Ex uero  
quid se-  
quitur.

Primum ex uero antecedenti, uerum dumtaxat sequitur consequens: nam si falsum celligeretur, uitiosa esset Argumentatio. Hinc uia ducitur, & methodus qua utimur in confirmandis pronuntiatis. Quod demonstrandum est, ex aliquo manifestè uero colligimus, & ita ratiocinamur. Argumentatio recta est, & uerum est antecedens, uerum igitur erit & consequens. Ut si probandum sit, sapientem esse diuitem, excogitabitur aliquid manifestè uerum, ex quo id sequatur, quale fuerit: sapientem nullis opibus egere, ex quo propositum aptè colligitur, & quia uerum est quod antecedit, uerum esse quod sequitur, ex necessitate concludimus. Secundum præceptum, ex falso antecedenti, consequens falsum aliquando colligitur

gitur, aliquando uerum. Falsum, ut homo est equus, igitur est expers rationis: uerum, ut si homo est equus, homo est animal. Tertium præceptum, falsum consequens, in argumētatione recta, nō potest ex alio sequi, quā ex falso antecedenti. Hac regula niitur ratio, qua pronuntiata eueruntur. Ex eo quod probandum est esse falsum, colligimus aliquid manifestē falsum, & ratiocinamur in hunc modum: Argumentatio recta est, & falsum est consequens: necesse est igitur falsum esse quod antecedit. Ita falsam esse Epicuri de felicitate sententiam, licet ostendere, ipsam in uoluptate collocantis: Si enim felicitas in uoluptate consistit, bruta felicitate ac summo bono fruuntur: quod cum sit à ratione longē alienū, relinquitur & illud prius falsum esse, uoluptatem esse summum bonū. Quartū dogma. Necessariū tantū infert quod est sui generis, hoc est, necessarium. Quicquid enim habet boni antecedens, intentioni cōmunicat, quemadmodū quicquid habet incōmodi cōsequens, refundit in antecēdes. Quintum dogma, ex contingentī sequitur & contingens & necessarium: contingens hoc modo, homo ambulat, igitur mouetur: necessarium, ut si ita dicamus, homo ambulat, igitur est animal. Sextum dogma, ex impossibili antecedenti omne genus enūciati colligitur: impossibile, ut homo est equus, igitur est expers rationis. Necessarium, ut homo est equus, igitur est animal. Contingens, ut homo non est animal, igitur homo non ambulat. Vnum hīc est de quo quæri possit ac dubitari. Cū recta argumentatio ex habitudine pendeat antecedentis & consequentis, uerum autem & falsum contraria sint, & contraria maximē differant, ac nullo modo con-

Quid est  
falso  
Falsum est  
quod sequitur.

Necessarium  
quid.

contingens  
quid.

Impossibile  
quid.

sentiant, qui fiat, ut in argumentatione recta ex falso uerum colligatur? Ad questionem ita responderi potest: Ex falso, quā falsum est, uerum non colligitur, sed quatenus ueri aliquid continet, imò uero hoc ipsum, quod concluditur. Id in hac argumentatione perspicui potest, homo est equus, igitur homo est animal. In qua pronunciatum illud, homo est animal, latet in antecedenti inclusum. Qui enim dicit hominē esse equū, significat hominem esse animal, et præterea innuens. Sequi autem ex falso uerū, eo modo quo diximus, quatenus ueri aliquid complectitur, uel hæc sola ratio fidem facit, quod ex antecedente falso, si in eo nil ueri contineatur, uerum consequens non efficitur: quod si sequatur uerū, id tantum, quod in ipso comprehensum est.

De Formis argumentationis.

## CAPUT. XVI.

Quid ratio-  
cinatio

**Q**uatuor sunt argumentationum formæ, Ratiocinatio, Inductio, Enthymema, Exemplum. Præstantissima omnium est ratiocinatio, et ad probandum efficacissima, quā Arist. definit, Orationem, in qua sumptis quibusdā, aliud ex his quæ sumpta sūt, ex necessitate sequitur etiā si nihil extrinsecus abhibeatur: ut, omnis uirtus est habitus, iustitia est uirtus, igitur iustitia est habitus. Qua parte ratiocinatio ex multis constare dicitur, distinguitur ab Enthymemate, in quo una tantum sumitur pronuntiatio. Quod uerò sequitur in definitione, aliud ex necessitate sequitur, argumentationes, quæ nihil colligunt excludit, et eas præterea, quæ quamuis in se priuatim sint rectæ, nō sunt tamē necessariae. Cuiusmodi est hæc: Quicquid est rationis particeps, est discipli-



ne capax, omnis homo est disciplina capax, igitur omnis homo est rationis particeps. Quæ uim habet ex sola uocū significatione, non ex compositione pronuntiatorum. Vltima pars, etiam si nihil extrinsecus adhibeatur, significat in ratiocinatione conclusionem sequi ex sola partium connexionione. Excluduntur quoque argumentationes quedam necessariae, in quibus sequitur conclusio, non solum ex his, quæ sumpta sunt, sed ex alio, quod subintelligitur, enunciato: cuius generis est hæc, senarius est maior quaternario, quaternarius est maior binario: ergo senarius est maior binario. Hæc enim conclusio sequitur ui huius principij, quicquid est maiore maius, est maius minore. Partes ex quibus proximè ratiocinatio conficitur, tres sunt, Propositio, Assumptio, & Conclusio. Illa primum locum obtinet, Assumptio secundum, quæ ex his sequitur & quodammodo nascitur, Conclusio uocatur. Minores partes tres quoque insunt (quibus si plures adhibeantur, non constabit ratiocinatio). Medium uerbum, extremum primum, & extremum ultimum. Medium uerbum est, quod bis sumitur ante conclusionem: primum extremum, quod in propositione cum medio connectitur: ultimum, quod sumitur in Assumptione cum medio, ut in proposita ratiocinatione: Omnis uirtus est habitus, iustitia est uirtus, igitur iustitia est habitus. Medium uerbum est uirtus, habitus primum extremum, iustitia ultimum.

Partes  
proxima  
ratiocin.

Minores  
partes.

De tribus dispositionum formis.

CAPVT. XVII.

G

Genea

**G**enera ratiocinationum diuersa & uariæ dispositionum formæ nascuntur ex diuersa medij collocatione: quæ cum sit triplex, triplicem quoq; peperit dispositionis formam. Prima est, quando medium uerbum in propositione subijcitur, & in assumptione est attributū: ut omne animal sentit, omnis homo est animal, igitur omnis homo sentit. Secunda, quando medium uerbum in utroq; pronuntiato est attributum: ut nullum album est nigrum, omnis coruus est niger, igitur nullus coruus est albus. Tertia, in qua medium uerbū subijcitur in utraq; enuntiatione: ut omnis uirtus est expetēda, omnis uirtus est habitus, ergo quiddā habitus est expetendus. Vnūquodq; genus uarios sub se cōtinet ratiocinationū modos, qui ex pronuntiatorum dissimilitudine oriuntur, de quibus libro sexto copiosè differemus. Illud prætermittendum non est, communia uitia, quæ ratiocinationem impediunt in quouis genere, duo esse: Alterum si utrunq; pronuntiatum sit negans: Alterum si sit utrunq; in parte. Itaq; ex his sumptionibus, nullus lapis est animal, nullus equus est lapis: & rursus ex his alijs, quoddā animal est homo, quiddam equus est animal, nil omnino potest cōcludi.

De reliquis formis, enthymemate, inductione,

& exemplo.

CAP. XVIII.

**R**atiocinationi proximè succedit inductio, quæ à sensibus incipit, & in mentē desinit. Est enim progressio à rebus singulis ad res uniuersas. Ut si ita colligamus: Iustitia uirtus est expetenda, fortitudo itidem, temperantia

perantia et prudentia, omnis igitur uirtus est expetenda. Enthymema hic appellatur imperfecta argumentatio, in qua ex altero tantum pronunciato festinata conclusio infertur, ut si peperit, cum uiro concubuit. Exemplum diffinitur oratio, in qua singulare unum per alterum probatur, propter similitudinem, quæ in utroque comparatur. Cuiusmodi est illud apud Ciceronem. P. Scipio Tyberium Gracchum mediocriter labefactantem statum Reipublice interemit, nos Catilinam orbem terrarum cade et incendijs uastantem Consules perferemus? Hæ omnes imperfectæ sunt argumentationes, uim ex ratiocinatione accipiunt, et ad eam reuocantur: quod quo pacto fiat, libro sexto docebitur.

De munere interrogantis,

CAP. XIX.

**D**ialectica pars illa, quæ consiciendæ probabiles argumentationis uiam docet, in interrogatione et responsione posita est, ita Dialecticum necesse est, interrogare et respondere: quæ qua ratione præstare debeat, Arist. docuit. 8. Topico. Ex quo loco pauca decerpemus, quatenus postulat Epitomes ratio, et tyronibus conuenit, quibus ista scribuntur. Interroganti duo præstanda sunt, quemadmodum duobus modis soluitur argumentatio: aut enim negatur unum ex altero sequi, aut negatur uerum esse quod proponitur. Argumentatio recta esse demonstrabitur, si ex aliquo loco Dialectico probetur esse desumpta, potest quoque idem ostendi ex regulis, ad quas dirigitur recta argumentatio, de quibus antea diximus. Rei autem probandæ duplex est ratio et uia, altera recta, altera obliqua et ad incòmodum ducens. Prior

Quæ tu-  
interrogati  
præstanda

G iiij ri utco

ri utetur, qui planetas esse propè nos hac ratione conclu-  
serit: Quod non scintillat, est propè nos, planetae nō scin-  
tillant, ergo planetae sunt propè nos. Posterioris exem-  
plum erit, si quis probaturus, pisces sub aquis non respi-  
rare, ita colligat: Pisces sub aquis respirant, ergo pulmo-  
nem habent, at id falsum est, ergo falsum est quod ante-  
cedit. Quare uerum erit, pisces sub aquis non respirare;  
nam cōtradicientia uera, aut falsa simul esse nō possunt.

De munere & officio respondentis.

## CAP. XX.

**I**N disputatione argumentatio, quæ ab interrogante  
proponitur, curandum est respōdenti ut intelligatur  
exacte: nec respondendum est, nisi ea omni ex parte per-  
cepta. Præceptum enim ac impræmeditata responsio care-  
re uilio non potest. Ac primum quidem spectanda est  
cōsecutionis ratio: hæc enim nisi recta sit, uanum est ac  
superuacaneum de ueritate partium esse sollicitum. Vi-  
tiosa enim argumentatione, etiamsi ueræ sint partes, ni-  
hil prorsus efficitur. Vbi constiterit argumentationem  
esse rectam, ad partes singulas descendendum est, in qui-  
bus si quid collocetur obscurum, postulandum est ut ex-  
plicetur. Quod si aperta sint omnia, cōsiderare diligēter  
oportebit, Pronuntiata ipsa simplicia sunt, an ambigua.  
In simplicibus uerum concedi debet, negari quod falsum.  
In ambiguis distinctione opus est, ac diligenter uerus sen-  
sus separandus à falso. Hæc in ea potissimum disputatione  
seruiunt, quam aduersarius sine interrogatione ulla  
aggreditur. Cum autem alia utetur disputandi uia, ut a-  
liqua in primis postulet, ex interrogationibus quibusdā  
uelit quid sentiat à respōdente elicere, alijs præceptis in-  
fructum

structum esse oportet eum, qui respondet. De quibus. 8.  
Topico fusissimè disseruit Arist.

Finis libri secundi.

# DE COMPOSITIO- NE ARTIS DIALECTICAE LIBER TERTIVS.

De instituto presentis libri, & cui deferuiat,

CAPVT I.



QVAE praecedētibz libris scripta sunt,  
ad uniuersam artē differendi pertinet.  
Ista continēt, quorū cognitio utilis ad-  
modum est, & ad docendam Dialecti-  
cam, & eorum intelligentiam, quibus  
saepe nobis erit utendum. Liber autem hic tertius, quem  
aggredimur, Isagoge est ad Categorias Arist. Cū enim  
ex generibus & formis ordines Categoriarum consen-  
tur, nouisse sanē oportebit quid ista sint. Generum autē  
diuisio fit per differentias, & haec ipse generibus adhibi-  
ta naturam formarum constituunt: habent quoq; formae  
singulae proprias quasdam affectiones ex intimis earum  
principiis quodammodo profectas, erit igitur & istorū  
necessaria cognitio. Tam cū sit unum tantū substantiae  
genus, reliqua nouem ex accidentibus constant: quare  
accidentis naturam cognitam habere conueniet, atq;  
perspectam. Suscipietur ergo hoc libro disputatio de  
quinque communibus uocibus, quas uulgò Predicabiles

appellant, Genere, Specie, Differentia, Proprietate, Accedente: quam Porphyrius ex Topicis Aristotelis sumptis, singularium uocum naturam, proprietates etiam, & communiones earundem diligenter persequutus, mirum in modum auxit, & illustrauit. Nos ex utroque optima quæque decerpentes, quæ ad presentem disputationem maxime facere uidebuntur ita pertractabimus, ut plena atque perfecta harum uocum disciplina, quatenus operis huius & instituti nostri ratio postulat, tradita esse uideatur.

Quare Genus, Species, Differentia, &c. uoces dicantur, cum rebus ipsi nomina ista conueniant.

CAP. II.

Primum  
argumentum.

Secundum  
argumentum.

Genus,  
Species,  
&c. rebus  
conueniunt  
primo loco

Primum omnium errori occurrendum est, in quem, ex eorum, quæ dicemus, ignoratione, huius artis tyrones possent facile incurrere. Cum enim Genus, Species, Differentia, &c. uoces ab omnibus appellari consueuerint, persuadere sibi aliquis posset, ita uocum ista esse propria, ut ad res ipsas nullo modo pertineant. Cui sententia illa, quæ de Dialectica recepta est, communis opinio fauere uidetur, quod sit una de numero illarum, quæ circa curam sermonis ac considerationem uersantur, quas uulgò appellant sermocinatrices. sed rem longè aliter profectò ac sese habet acciperet, qui ita existimaret. Nomina hæc Generis, Differentiæ, Speciei, &c. rebus ipsis primo loco conueniunt, & ex his ad uoces secundo loco traducuntur: ut cum animal Genus uocatur, aut homo Forma, ad ipsas naturas referenda ista sunt primò hominis & animatis in rebus singulis hærentes, deinde quod-

dammo



dammodo ad uoces. Cui rei uel hac sola ratio abunde fide facit: uoces Genera dicuntur, non quâ uoces sunt, sed quâ rerû sunt notæ. Alioqui quæ nihil omnino significat, ac præmonstrant, has sibi Generum ac Formarû appellationes uendicarent, quod falsum esse omnes affirmant. Si igitur propter res, quia scilicet ipsarum sunt signa, uocibus conuenit, ut genera dicantur, aut formæ, prius ac potius rebus ista accommodentur necesse est, ut Aristotelei principij, quando attributum aliquod duobus conuenit, & uni propter alterum, magis ac uerius illi conuenit, cuius gratia alteri tribuitur. Quod autem ista uoces dicantur, sitq; hæc disputatio inscripta de quinque communibus uocibus, & quod Dialectica ars uocetur de sermone differēs, his causis factum existimauerim: primum quia in uocibus ea, de quibus Dialectica disputat, facilius intelliguntur. Citius enim ac commodius quicuis percipiat uocē hanc animal esse genus, aut attributū, aut cōmune quidpiam, quā rem, quæ uoce designatur, uel rei notionem. Nam quod uox una & eadem communis sit, & de multis dicatur, nemo est tam habes, qui non assequatur. Quod autem sit res aliqua communis multis ac uni uersa, & quo pacto id fiat, maiori eget operâ, & ut explicetur, & intelligatur. Idem quoq; de reliquis ad Dialecticam spectantibus existimandum est. Deinde Dialectica ars est (quemadmodum Aristote. testatur) interrogandi & respondendi: posita itaq; est in mutuis disputationibus: res autem ipsas ad disputationem ducere non possumus (ut ipsemet autor est in reprehensionibus Sophistarum) sed necessario utendum nobis est uocibus. Vnde factum uideri potest, ut circa curam sermonis & oratio.

orationis uersari Dialectica existimetur: & nomina ista Generis, Speciei, Differentiæ uocibus tribuatur, cum ad res ipsas maxime pertineant. Sed si non de sermone solo Dialectica differit, sed ulterius ad res ipsas progreditur, & rebus accommodantur, quæ docet, quid igitur à cæteris artibus distabit, quæ in rerum etiam consideratione uersantur? Plurimum sanè interest. Nam cætera res spectant, quæ res quædam sunt, & cum mentis functione nil habent commune: ut Arithmeticus numerum contemplatur, quatenus est numerus, ac nulli subiacet mentis actioni. Dialecticus uerò in rebus ipsis ea tantum exquirat, quæ pendent ex animi notionibus: cuiusmodi sunt subiectum, attributum, genus, species, & reliqua omnia, quæ considerationi Dialecticorum subiiciuntur.

De Diuisione uocis in simplicem & compositam,  
Synonymam & Homonymam, communem  
& singularem. CAPVT. III.

**V**oces, de quibus agere paramus, Simples sunt, Synonymæ, & communes. Quibus ista non cōueniēt omnia, in numerū harum quinque recipi nullo modo possunt. Quare ista breuiter sunt explicanda. Voces aliæ Simples sunt, aliæ Compositæ. Simplex uox est, quæ ex multis dictionibus non cōflatur: ut homo, albū. Cōposita, quæ multas continet simplices, aut uinculo aliquo connectas, aut per se apte coherētes: ut Iupiter & Mercurius, Aristoteles Philosophus. Vtraque duobus modis dicitur. Simplex, quædam uoce tenus simplex est, cui res subest composita, ut uiuo, ambulo, quæ sensum reddunt singulæ integri pronuntiati, ego uiuo, ego ambulo. Aliæ utroque modo sunt simplices, quæ scilicet secundum simplicem sonum

Duplex  
modus sim-  
plicis uo-  
cis & com-  
positæ.

sonum proferuntur, & rem simplicem notant, ut homo, animal. Eadem sunt & compositæ uocis differentiæ. In quibusdam in sola uoce cernitur cõpositio, quia ex multis dictionibus componuntur, sed res, quæ significatur, una est & simplex: cuius generis est diffinitio omnis substantialis: ut hominis, animal rationis particeps. In alijs & uocum est compositio, & res multe subsunt uocibus ipsis: ut homo prudens, & ille omnes, quæ ex uocibus ad diuersas Categorías pertinentibus coalescunt. Vox *recis firm-* simplex (hæc enim sola nobis curæ esse debet) aut syno- *plici diu-* nyma est, aut homonyma. Synonyma dicitur, quæ de *sis.* quibus dicitur effertur ratione una: ut animal ad formas omnes, quas sub se complectitur, hominem: equum, leonē, ijs enim omnibus eadē prorsus ratione tribuitur. Nam si quis quid unaquæq; harum formarū sit quā est animal percontetur, hæc sola ratio respondebitur, substantia corporea, uita, & sensus particeps. Homonyma uox multa notat, sed rationibus multis, ut uox eadē animal, ad uiuū, & quod pingitur: cuius in utroq; diuersa ratio est. Viuēti enim quā animal est, ratio illa accommodatur, ei uerò, quod pingitur, hæc longē diuersa, ueri animalis similitudo. Continet uox homonyma sub se formas multas, quibus explicandis aptissimus in antepredicamētis sese nobis locus offeret. Distribuitur etiam uox in communem & singularem. Communis est, quæ suapte natura de multis effertur synonyme: ut homo, animal. Voces hæc sol, mundus, luna, cum sint species, in numerum cõmunium uocum recipiantur necesse est. Quæ tametsi de re una tātūm singulari ita dicātur, ut in multis non possint reperiri: nam nec plures esse mundos, nec esse posse, in li

*Singula-  
ris uocis  
formæ di-  
uersa.*

Oris de cœlo multis rationibus Aristoteles demonstrauit, tamen si naturam uocum spectemus, & primam illarum positionem, illis plane non aduersatur in multis dici: si enim multa subessent singularia, ratione una de omnibus uerè dicerentur. Singularis uox est, quæ de uno tantum Synonymie effertur: ut Petrus, Aristoteles, Roma. Nomina rerum particularium propria, singularia sunt proprie ac definitè. Rursus cum uoci cõmuni demonstrandi pronome adhibetur, uox singularis efficitur: ut hæc herba, hic liber. Postremum genus singularis uocis, est, ex hypothesi, cum nomen aliqui commune, constituta hypothesi ad rem unam certam arctatur: ut Caroli filius, si Philippum regem solum genuisse Carolum statuamus. Adiciunt nonnulli, quod uagum appellant, cuius generis est, quidam homo. Id uerò mihi non probatur. Nam quidam specialis nota est, quæ adhibita uoci cõmuni, eam ad rem singularem non constringit. Quod si quando Aristoteles primæ substantiæ exemplum reddens huiusmodi uoce utatur, eam pro certa aliqua singulari usurpauit: cuiusmodi sunt Petrus, Ioannes, hic leo. Ex diuisionibus his, quæ uoces de numero harum quinque eximantur, colligamus: ut quæ his contineantur, manifestum fiat. In primis ab hoc numero excluduntur, quæ compositæ sunt, quocunque compositionis modo. Unde fit ut diffinitio inter has nequeat recenseri, nisi loco simplicis accipiatur, quod fit penuria uocabulorum. Præterea quæ sunt homonymæ, nihil habent commune cum his, quod ex singularum natura percipi potest. Genus omne formis ex æquo conuenit, & ratione una, species rebus singulis eodem modo tribuitur, & reliquæ omnes his de quibus dicuntur. Postremo singula

*Quæ uoces  
eximantur  
de numero  
harum.*

gularis uox cum his, de quibus agimus, pugnat ex diametro. Concludamus igitur ex his uniuersam uocem, quam uulgò Prædicabilem appellant, uocem esse omnino simplicem, quæ de multis suapte natura synonymè effertur.

## De rebus uniuersis.

## CAP. IIII.

**G**ENUS, species & reliqua attributa ita uocibus conueniunt (quemadmodum diximus) ut ad res potissimum pertinere uideantur. Voces autem, quibus ista competunt, simplices sunt, & communes, tales quoque existant res ipse necesse est, simplices scilicet, & communes, aut (quod idem est) uniuersæ. Sed in uocibus communio ista facilis est intellectu. Quis enim non nouit uocem animam unam eandemque esse, & multa eadem prorsus ratione notare: quod ex prima illorum positione traxit, qui illa rebus multis significandis indiderunt. At quo pacto res una ac eadem communis sit multis, cum repugnet sensuum iudicij, non facile percipi potest, aut explicari. Hæc est disputatio de rebus uniuersis, ardua nimis, multos habens recessus; quæ doctissimis quibusque negotium facebat. Cum ius plena perfectaque explicatio ex uarijs Arist. lock, tum ex Dialectica, tum ex Philosophia utraq; desumptis, petenda est. Desiderat enim cognitionem animæ utrius, & earundem operum, facultatis præsertim intelligendi, eius, quæ agit, & quæ patitur. Hæc sanè nobis hoc loco licuisset cum Porphyrio bona fronte supersedere: sed ne quid uideamur prætermittere, quod ad disciplinam, quam tradimus, necessariū uideri possit, atque minus præstare quod sumus polliciti, nonnulla attingemus utilia sanè ad intelli-

Disputatio  
de rebus  
uniuersis.

gentiam uocum, de quibus agere paramus: sed ita facili  
 stylo pertractata, ut eorum, qui nunc primum ad hanc  
 artem accedunt, captui sint, uel maxime accommodata. Et  
 quoniam in omni disputatione quæstio sit res necne pri-  
 ma esse solet, qua neglecta frustra reliquæ disputantur,  
 primum quod Arist. facit. 4. ca. 3. Meta. Quæstionis pro-  
 positæ partem utrâq; tractemus dubitationibus in me-  
 dium allatis: harum enim solutio eius erit explicatio, &  
 ueritatis cognitio. Esse uniuersum aliquid in rebus præ-  
 ter res singulas, his rationibus probatur: Si singularia es-  
 sent omnia, essent planè omnia sensilia: cum igitur omne  
 sensile sensu percipiatur, nil esset menti subiectum, quod  
 intelligeret, ita solis sensibus uita posset traduci, ac uis  
 intelligendi frustrâ nobis esset tributa. Præterea Diffini-  
 tiones, scientiæ rerum sunt, non singularum: igitur uni-  
 uersa esse oportet, quæ diffiniuntur, & comprehendun-  
 tur scientia. Singularia autem sub scientiam non cade-  
 re, hinc constat: scientia est certa & necessaria cognitio,  
 singularia uerò incerta, mutationi & uicissitudini obno-  
 xia: non possunt igitur scientia comprehendi. Deinde  
 infinita scientia nulla complectitur: at res singulæ de sen-  
 tentia Arist. sunt successione infinitæ: quare relinquitur  
 scientiam non esse rerum singularum. Alteram quæstio-  
 nis partem nil esse in rebus uniuersum per hæc, quæ pro-  
 babilia sunt, licet ostendere. Quicquid est unum numero  
 ac singulare esse experimur, quod constabit omnia lustrâ-  
 ti. Nulla est hominis natura, quæ non sit in aliquo ex sin-  
 gularibus: putare enim aliquam ab ipsis particularibus  
 esse auulsam, absurdum est, & figmento simile: idem de  
 cæteris rebus est iudicium. Omnis igitur natura & sub-  
 stantia

Prima ra-  
tio.

Secunda  
ratio.

Non esse  
uniuersa  
duplici ra-  
tione ostē-  
ditur.

Prima ra-  
tio.



stantia singularis est Iā si quid esset uniuersum, aut ergo *Secunda ratio.*  
 qua in rebus singulis hæret, aut qua absq; rebus singulis  
 cogitatur, & cognoscitur, alius enim excogitari modus  
 nullus potest: sed qua in rebus singulis hæret, quicquid  
 est, est singulare: qua uerò mētis functione à rebus singu-  
 lis auellitur, uerè nō potest fieri uniuersum: nā si uerè fie-  
 ret, uerus quoq; esset intellectus, at fallitur proculdubio.

Qui enim intelligit rē aliter quā est, fallitur: sed mens  
 naturam particulariū absq; ipsis cōprehendens, rem ali-  
 ter quā est intelligit, decipitur ergo in huiusmodi co-  
 gnitione, ac falsus est prorsus. His sanè rationibus solutis  
 & esse aliquid in rebus uniuersum, & quo pacto id fiat,  
 atq; unde trahat huiusmodi appellationem, perspicuum  
 euadet. Oportet autem, ut id cōmodè exequamur, resq;  
 alioqui obscura, fiat apertissima, quædā præfari, & tan-  
 quā principia statuere. Vis in nobis cognoscēdi duplex *Primum principia*  
 est, sensus, & mens. Mentis autem ea uis est, ut possit, res  
 alioqui coniunctas, discernere, ac separare. Nec mirū, cū  
 id possit uisus, qui pomi colorem uidet, odorem autē non  
 sentit. Porro separare mentem rem unam ab altera, cū *Secundū principia.*  
 sint coniunctæ, hunc reddit sensum, posse unam intelli-  
 gere absq; altera. Hæc ratio intelligendi uulgo à Dialecti-  
 cis abstractio appellatur, & nō in omnibus rebus cōiun-  
 ctis locū habet. Cū res ita sint inter se compositæ, ut sit  
 altera altera prior, uel solo ordine naturæ, cuius generis *Tertium principia.*  
 sunt animal & homo, potest quæ prior est absq; poste-  
 riori cognosci, ut animal absq; homine: posterior absq;  
 priori, non potest. At cū rerum ea est connexio, ut ex  
 se mutuò pendeāt, & simul sint natura, separari intelli-  
 gentia nequeunt: cuius generis sunt ea, quæ cū aliquo cō-

Idem in reliquis modus est. Ex his principijs facile est *Explicatio*  
 questionem propositam explicare, hoc est, quomodo res *nostrae*  
 uniuersae fiant, & unde hanc appellationem sortiantur. *quaestio*  
 Enimuerò res ipsae, quae sunt, singulares sunt non minus,  
 quam ea in quibus haerent, singularia. At cum mētis fun-  
 ctione à rebus singulis auelluntur, & sine singularibus  
 cogitantur, tunc demum & uniuersarum, & (ut aiunt)  
 praedicabiliū nomē accipiūt. Sic hominis natura quam-  
 diu haeret in particularibus hominibus, una est numero  
 in singulis, & particularis. Quāprimū uerò cogitatur  
 absq; singularibus fit uniuersa, & uim accipit, ut de mul-  
 tis possit efferri, dicaturq; Species. Sed cōsiderāda est di-  
 ligēter hoc loco diuisio uniuersi ab Ammonio tradita, in *Diuisio un-*  
 id quod est ante multa, in multis, & post multa. Vniuersa *niuersi in*  
 ante multa id est sunt in mente opificks, quas primus Phi- *res par-*  
 losophus contemplatur. Vniuersum in multis natura uo- *tes.*  
 catur in rebus singulis haerens, quod alij potestate uni-  
 uersum solent appellare. Vniuersum post multa, seu po-  
 sterius genitum, est natura rerum singularum, mētis fun-  
 ctione ab ipsis rebus singulis auulsa. Id uerè uniuersum  
 est, ab alijs dictum uniuersum actu, de quo Aristote. ita  
 scribit: Vniuersum, inquit, aut nil est, aut posterius est.  
 Huius haec erit diffinitio, quod in multis est, & unū praeter  
 multa. Cuius diffinitionis partes ad diuersa referēda *Diffinitio*  
 sunt. Prius illud esse in multis ad rē pertinet: uniuersum *uniuersi.*  
 enim in multis est re ipsa, omni mētis cogitatione subla-  
 ta. Alterum, unū esse, ac praeter multa, ad animum spe-  
 ctat. Nam praeter multa reuera non est, sed intelligentia  
 tantum, quia absq; singularibus cōcipitur. Vnum quoq;  
 uocatur, quia ut unum cognoscitur, & notione una. Sum-

pereſt rationibus propoſitis ſatisfaciamus: quas ex ſundamentis, quæ iecimus, diluere faciliſimum eſt. Ad utranq; eodem modo reſpondendum eſt. Res quæ ſunt, non dicuntur uniuerſæ, ſed ſingulares: quia in ſingularibus hærent. Quæ autem abſq; his cogitantur uniuerſarum nomen, generum, formarum ſortiuntur. In hac autem cognitione, tametſi intellectus rem aliter, quàm eſt apprehendat, quia id non diuidens facit, aut componens, ſed ſimplici intelligentia, nec uerus, nec falſus dicetur: iſta enim in ſola cõpoſitione & diuiſione reperiuntur. Alia multa ſunt præter hæc ad præſentem diſputationem ſpectantia, ſed ex his cognitis ad reliqua, & ad has quinque uoces pernoſcendas, facilis patebit aditus.

De numero uocũ, quæ prædicabiles dicuntur.

C A P. V.

**V**Oces cõmunes, quæ alijs tribuuntur, quinario numero ſunt cõprehenſæ, & in quinque generalia capita redactæ, Genus, Speciem, Differentiam, Proprietatem, & commune Accidens. Id hac ratione cõcludimus: Hæ uoces de alijs efferuntur, propterea uulgò dicte ſunt prædicabiles: quot igitur modis rem unam continget de altera enuntiari, tot erunt uoces: at quinque dũtaxat modis illud accidit, quare relinquitur quinque ſolũ fore uoces. Aſſumptio ita demonſtratur: Quod de alio dicitur, aut ſecundum ſubſtãtiam illi conuenit, aut ſecundum accidens, ac fortuito: ſi ſecundum ſubſtãtiam, aut in quaſtione ea dicitur, qua quæritur quid reſit, aut qua quæritur qualis ſit: hic poſterior modus proprius eſt differentie, ille, in duas partes ſcinditur. Aut enim quod illo modo enuntiat, de multis efferitur ſpecie differentiis, aut

de differētibus solo numero: illud ad genus pertinet, hoc alterum formæ accommodatur. Si uerò quod tribuitur secundum accidens conueniat, si cōuersim & mutuo enūciatur, proprietas erit: si uerò non mutuo, quintam uocem constituit, scilicet accidens. Ita relinquitur quinque tantum esse communes uoces, Genus, Speciem, Differentiam, Proprium, Accidens.

Quo pacto obiectiones soluantur, quæ fiant aduersus præfatum numerū quinque uocum.

## CAP. VI.

**N**umerum uocum cōmunium minorem esse quinque. 1. Ratio.  
 Rio, ex his, quæ primo Topico Arist. scriptæ nonnulli ad hunc modum cōnātur ostendere. Arist. attributa Dialectica quatuor dumtaxat constituit, Genus, Diffinitionem, Proprietatem, & Accidens: at Attributū idē penitus, quod uox communis, quæ Predicabilis dicta est, esse uidetur. Debuerat ergo Porphyrius uoces has eodē etiam numero concludere. Præterea Species & Differentia ab Aristot. non recipiuntur in numerum attributorum, Diffinitio autem recipitur: ille igitur inter has uoces non erunt recensende, & diffinitio falso expungitur ex numero earum. Hæc omnia soluantur ex diuerso, Porphyrij & Arist. consilio atq; proposito. Porphyrius Solutio rationum.  
 uoluit uoces omnes cōmunes & significantes, quas Aristot. decem Categorijs concluderat, in paucissimas, quò ad fieri posset, & generalia capita reuocare. Arist. uerò instituit certum questionum numerum, quæ subiectæ sunt Dialectico explicare. Ita non mirum est, si ille quinque cōstituit uoces: hic uerò quatuor attributa, cum quatuor tantum sint, quæ in omni Dialectica questione queran-

cognitionem percipiendā, & homo. Postremò accidente,  
 ut quod sedet, quodq; musca præditum est, & Socrates. *Tribuimus*  
 Res etiam unaquæq; sibi eadē est numero. Quæ differūt *diu res dif-*  
 etotidē etiam modis dicuntur, genere, specie, numero. Ge- *ferunt.*  
 nere differunt diuersa genera, aut quæ continentur sub  
 diuersis generibus: ut animal & planta, homo & quæ-  
 cus. Differunt specie diuersæ formæ, aut singularia sub di-  
 uersis formis cōprehensa: cuius generis sunt homo & leo.  
 Singularis homo, & singularis leo. Differentia numero  
 uocatur, quæ non unitate sola, sed numero aliquo nume-  
 rantur: ut Petrus & Ioannes. Quæ conueniunt ita sunt  
 inter se composita: quæ numero sunt eadem, maximè cō-  
 ueniunt, minimè omnium quæ solo genere, medio modo  
 quæ specie. In his quoq; quæ differunt, ordo quidā serua-  
 tur. Maxima differentia est eorū, quæ discrepāt genere,  
 minima eorum, quæ numero solo differunt, medio modo  
 quæ specie dissentiant. Hunc ordinē sequitur certus cōse-  
 cutiois modus, qui in utrisq; seruatur, & ualet. Ex ma-  
 iori rerū aut cōuenientia, aut differētia, minor rectē cō-  
 cluditur, nō tamē contrā. Ita quæ differūt genere, necesse  
 est specie distinguātur; quæ uerò specie, etiā numero: non  
 tamē retrò uicissim comseat. Rursus, quæ numero eadē  
 sunt, specie pariter cōuenire, & quæ specie conueniunt,  
 itidem genere eadem esse, necesse est. At si ista cōuertat,  
 non respondebit, nec ualebit consecutionis ratio.

*Quo pā-*  
*te sint in-*  
*ter se com-*  
*posita,*  
*quæ con-*  
*ueniūt, &*  
*differunt:*  
*cōsecutio-*  
*nis modus*  
*in his.*

Quod sit à Genere inchoandum naturæ methodo,  
 quæ in disputatione ista seruatur.

## CAP. VIII.

**I**N explicatione harum uocum naturæ methodū, quæ  
 compositionis est ordo, sequutus est Porphyrius: à

H iiij quo

quo nobis non erit recedendum. Hic uerò postulat ut à primis initium ducatur. Itaq; cui uoci primus locus debeat, erit diligenter inquirendum. Enimuero primum sibi locum Genus uendicat. Nam cū sit ex earū numero, quæ secundum substantiam de rebus dicuntur, et substantia accidentibus prior existat, erit sanè proprietati et accidenti, quæ fortuito rebus conueniunt, præponenda. Iam cū Species totum quoddam sit, tametsi eundem habeat dicendi modum cū genere, genus uerò pars quædam speciei, totum autem partem naturæ ordine sequatur, posterior erit genere species. Superest idem in differentia ostendamus, quæ speciei etiam pars est, et secundū substantiam de formis subiectis effertur. Id uerò concluditur ex similitudine Porphyrij. Genus in constitutione speciei materiæ respondet, differentia formæ: materia autem formæ subijcitur, estq; hac sola causa prior: ergo et genus prius erit differentia. Quare cū sit naturæ ordine à primis inchoandum, genus uerò primum sibi locum uendicat, de genere primo loco dicendum erit. Genus uox homonyma est. Genus dicitur, si eorum, quæ sunt in eadē specie continua sit generatio. Vocatur quoq; genus principium generationis, siue sit patria, siue is qui genuit. Collectio etiam multorum, qui inter se affinitate aliqua iuncti sunt, et ab aliquo principio fluxerunt, Genus dicitur: ut Romanorum genus, aut Græcorum. Verum hæ omnes significationes longè alienæ sunt à nostro instituto. Illa sola ad nos pertinet, quæ significat cōmune quippiam et uniuersum, quod multas sub se complectitur species.

Primum lo-  
cum obtri-  
net genus

Homony-  
mia gene-  
ris expli-  
catur.

Quid



Quid sit genus, & quot modis dicatur.

## CAPVT IX.

**O**missis generis finitionibus, quas quinto ac decimo Metaphys. tradit Arist. illam solam pertractabimus, quæ à Porphyrio ex primo Topico sumpta est. Genus est, quod de multis dicitur specie differentibus in ea questione, qua quid res sit queritur: ut animal, planta. Prima parte à rebus singulis genus separatur, quæ de uno tantum dicuntur. Pars altera, de differentibus specie, genus à specie seiungit, quæ de differentibus solum numero effertur. Postrema à reliquis uocibus differentia, proprietate, accidente, quibus longè alius conuenit dicendi modus, in questione scilicet, qua queritur rei qualitas. Modus dicendi finitionis maximam cum eo, qui generi cōuenit, uidetur habere similitudinem: nam in ea quoque dicitur questione, qua quid res sit queritur. Sed discrimen est non exiguum, quod nouisse operæpretium erit. Definitio dicitur in questione qua queritur quid res sit, secundum totam speciei substantiam: quicquid enim in specie inclusum latet, continet actu, & explicat: ut animal particeps rationis, quæ diffinitio hominis est, nil est in hominis substantia comprehensum, quod non declararet, & suo ambitu actu cōplectatur. Genus autē tametsi quæ sunt in specie omnia comprehendat (non enim posset alioqui de specie uerè enūtiari) sed quod materiæ respondet, actu continet: quod uerò formæ, qualis est differentia, potestate sola. Vnde constat inter genus & diffinitionem, in ipso etiam dicendi modo, plurimum interesse. Genus in duas partes distribuitur, summum & intermedium. Summum genus ac supremum (quod uulgò gene-

Generis  
nisi.

Obiectio.

Solutio.

Generis  
diffinitio.

nem quandam notant, qua ad se inuicem referuntur. Cū naturā spectamus, genus esse prius specie uerē asserimus: ut animal homine. Cū autē consideratur habitudo, aut res quā habitudini subiiciuntur, simul sunt, & nec re, nec cogitatione separantur, Speciei nomen multa notat, sed pro cōmuni uoce à nobis sumitur una ex his quinque. Speciei duplex affertur diffinitio: species est, quæ subijcitur generi, & de qua genus dicitur in quæstione, qua quid res sit quæritur. Huic finitioni addendā esse partē hanc proximē multi censent, ut reijciantur singularia, quæ ipsa quoque generibus subiiciuntur. Alij rem aliter interpretantur, sed cū sit species res quædam uniuersa, aut cōmunis uox, hæc ipsa in proposita diffinitione, aut intellecta, aut expressa, propriā eā facit solius speciei. Altera diffinitio: Species est, quæ de pluribus effertur numero differenti-  
*Diffinitio secunda.*  
 bus in ea quæstione, qua quid res sit quæritur. Harū quæ sint differentiæ explicata diuisione speciei, facilius innotescet. Species, quemadmodum & genus, duplex est, ultima & interiecta. Interiectæ sunt, quas intermedia genera appellauimus: quibus utrunque conuenit, speciem esse, & genus. Vltimæ uocantur, quæ species modò sunt, non genera: ut homo, cādor, binarius. Inter diffinitiones illas, duæ sunt dissimilitudines: prior speciei conuenit, quā cū genere cōfertur: altera, quā uox est communis & uniuersa. Rursus, illa omnem speciem complectitur, ultimam, & intermediam: hæc soli ultimæ accommodatur. Nā interiecta tametsi de multis dicatur numero differentibus, his comparata non formæ, sed generis nomē retinet. Vltima uerò siue cum genere conferatur, siue cum rebus singulis species perpetuò appellatur. Obijciunt multi ad-  
*Dubitatio.*  
 uersus hanc posteriorem Speciei finitionem hoc potissi-

Prima finitio speciei.

Diffinitio secunda.

Diuisio speciei.

Solutur.

mum modo: Species quâ species est tantum subicitur, ergo illi non conueniet dici de multis: aut certe proposita diffinitio speciei non sub ratione formæ conueniet, sed alio quodam modo. Cui obiectioni sic occurrendum est: Species nomen est eius habitudinis, quæ forma ad genus refertur, secundum quam relatum quoddam est, & eius quoque quæ confertur cum rebus singulis, quæ illi tribuit, ut attributum sit, & uox (ut aiunt) prædicabilis. Itaque homo siue cum genere confertur, siue cum inferioribus, nomen obtinet speciei. Vnde relinquitur, diffinitionem posteriorem formæ, etiam quatenus species est, conuenire.

## De differentia.

## CAPUT XI.

Quid intersit inter  
differre,  
& diuersum esse.

**D**ifferentia secundus in hac disputatione locus debatur, sed ob causam præcedenti capite à nobis expositam, fuit prius de specie differendum. Primum autem notare oportet, ne ignorata nominum significatione, decipiamur, uocabula hæc, differre, & diuersum esse, sepe confundi, ut altero alterius loco utamur: sed ab Aristotele utriusque acutius intuentes ita distinguuntur: Differre dicimus, quæ aliqua differentia separantur, ut homo & equus, quos separat differentia, particeps rationis. Diuersa autem uocantur, etiam illa, quæ nulla media differentia se iunguntur, sed seipsis tantum: cuiusmodi sunt ipsæ differentia, particeps rationis & expers: quæ proprijs substantijs secernuntur, non differentia ulla. Nam alioqui oporteret in infinitum progredi, si omnis diuersitas ex differentia aliqua sumeretur. Hæc præfati, ad explicandos differentia modos accedamus. Quemadmodum res tribus

tribus modis differunt, ita triplex erit differentia, com-  
 munis, propria, & maximè propria. Communis differen-  
 tia est, communis affectio, qua commutatione quavis res  
 una differt uel a seipsa, uel ab alia: ut sedere, stare. Pro-  
 pria est, affectio propria, quæ auelli funditus non potest:  
 ut nasi aduncitas, cicatrix, quæ ex uulnere ut callum ob-  
 duruit: sic differt coruus à cygno, nigrore scilicet, qui ab  
 ipso coruo auelli non potest. Maximè autem propria di-  
 citur, quæ est speciei procreatrix: qua differt homo ab eo-  
 quo secundum substantiam: quæ tertia communium uo-  
 cum numeratur. Alia etiam proponitur differentie diui-  
 sio, quæ tamen partes prioris easdem complectitur, ac  
 notat alijs uerbis. Differentia alia separari potest ab eo,  
 in quo est, alia non potest. Moueri, stare, sedere, quæ cõ-  
 munes differentias appellauimus, separari quidem pos-  
 sunt. Aduncitas autem nasi, niuis candor, particeps &  
 expers rationis euelli distrahiq; non possunt. Eorũ autẽ,  
 quæ distungi possunt, aliqua etiam distinctio est. Aliæ e-  
 nim ex se & ui sua conueniunt rebus, aliæ casu & for-  
 tuitò. Per se insunt quæ speciem efficiunt, & in diffinitio-  
 ne, qua uis & natura rei explicatur, adhibentur: quas  
 maximè proprias appellauimus. Quæ temerè ac fortui-  
 tò, nec speciem procreant, nec ad diffinitionem adduntur:  
 quæ dictæ sunt à nobis propriæ. Differentia maximè pro-  
 pria, quæ ex ui sua formis conuenit, tertiam constituit  
 uocem, & à prioribus illis his differentijs separatur: il-  
 le immutant aliquo modo, hæc alium facit eum, in quo  
 est, hoc est, diuersum ab alijs secundum substantiam. Illæ  
 generi adhibitæ non efficiunt speciem, hæc unà cum ge-  
 nere formam procreat, & diffinitionis substantialis pars  
 est.

Triplex  
differentia

Altera di-  
uisio diff.

Differentia  
maxi-  
mè pro-  
pria, & a  
liarũ dif-  
ferentia

quorū particeps rationis generi adhibitū, hominē complet, expers uerò rationis brutū. Diuiditur quoq; differētia in ultimā & intermediā quēadmodū species. Ultima est, quæ cū ultima specie uicissim cōmeat: ut rationis particeps, quæ solius hominis propria est. Intermedia cū intermedia forma recipitur: cuiusmodi sunt sentiens, animatum, corporeū. Harum diuisionū hæc dissimilitudo est, quòd prior sit rei subiectæ in affectiones: posterior uerò generis in formas. Diffinitionum uerò, quas tradidimus, inter alia multa, hoc potissimum discrimen annotandum est: postrema soli intermediæ differentie accommodatur, tametsi multi eam uelint ad utranq; pertinere, nimis acutè diffinitionē interpretati: reliquæ uerò utrunq; genus complectuntur differentie, ultimam, & interiectam. Quòd autem solam interiectam Porphyrius diffinitione ultima explicauerit, hinc factum esse existimare possumus, quòd earum, quæ ultimæ sunt, & cū infimis formis commeant, rarus admodum sit usus, ut uix una innotuerit. Nam & rationis particeps, quā recipiari cum homine atomæ specie credūt Peripapetici, Porphyrius generalem esse differentiam more Platonici falsò est arbitratus. Quæ extant, & in diffinitionibus, ut rei substantia explicetur, adhibentur, cum intermedijs formis recipiuntur: cuiusmodi sunt omnes, quas in exempla sumpsisse uidetur.

## De Proprio.

## CAPVT. XI.

**P**roprium ad rei substantiam propius accedit, quàm commune accidens, ita priori loco sese nobis offert explicandum. Dicitur autem Proprium quatuor modis.

Quadruplex proprium significatur.

Pri-

Primo, quod soli conuenit speciei, etsi non omni: ut Grammaticum esse, Geometram esse homini. Deinde quod toti speciei, etsi non soli: quemadmodum homini naturam bipedem esse. Est enim omnis homo natura bipes, sed & alia præterea animalia bipedia sunt. Tertio, quod in tota solaque specie reperitur, sed interdum: ut homini in senectute canescere. Quæ his modis propria dicuntur, accidentia sunt, & ad quintam uocem referuntur. Quod quarto modo dicitur, id uerè proprium est, & uocem hanc, de qua agimus, quartam constituit. Ab Aristote diffinitur, quod omni conuenit, soli, & semper, & uicissim com meat cum specie, eiusque substantiam non declarat. Ut ridere homini, hinnire equo. Postrema pars Proprium à Differentia distinguit, quæ tametsi soli speciei conueniat, omni, semper, & cum ea reciprocetur, uim eius & naturam declarat, ac in diffinitione substantiam indicante collocatur.

**Obiectio.** Sed aduersus hanc partem, quod scribit Arist. 5. Topico obijci potest, scilicet non esse proprium, quod genus non complectatur: genus autem uim rei substantiamque declarat.

**Proprii forma.** Quod ex diuisione proprii diluendum est. Proprium apud Aristot. aliud simplex est, aliud compositum. Simplex uocatur, quod modo diffiniuimus. Compositum appellat rei descriptionem, quæ ex genere, & aliqua propria affectione conflatur: ut animal disciplinæ capax. Illa igitur, quæ 3. Topico scripta sunt, ad compositam proprietatem sunt referenda: nos autem h. c. de simplici agimus, quæ nullam

**Soluitur.** continet partem speciei. Proprium non solum ad infimam formam pertinet, de quo potissimum disputationem instituit Porphyrius, sed & alijs omnibus conuenit, atque tribuitur. Habent genera suas proprietates, tam summa, quam inter-



interiecta. Quin & entis proprietates multe sunt, unū, uerum. &c. Inter propriū & accidens multa intersunt: sed hoc potissimum est discrimen: proprietas intima rei principia sequitur & ex eorum coniunctione nascitur, ac effluit: accidens uerò nec ad uim naturamq; rei pertinet, nec quicquam cum ea habet commune.

## De Accidente.

## CAPUT. XIII.

**N**omen Accidentis bifariam dicitur, significat in primis quicquid nō est substantia, quo modo sumptum latissime patet, & proprietatem complectitur, ut inter substantiam & accidens nihil omnino medium intersit. Sumitur & paulò contractius, quā uagum & cōmune accidens notat, quod ad certam speciem nō arctatur, nec eius principia intima cōsequitur: quā ratione sumptum proprietatem non comprehendit, & quintam uocem constituit. Accidentis huius duplex ab Aristotele in Topicis redditur finitio. Prior est, Accidens est, quod neq; est genus, neq; species, neq; differentia, neq; proprium & semper in subiecto inheret. Aduersus hanc diffinitionem ista ferme obijci solent: Diffinitio, quæ per abnegationem aliarum rerum traditur, uitiosa est: in id enim paratur, ut quid res sit explicet: negatio autem nō tam quid res sit declarat, quā quid nō sit. Præterea ex accidentibus genera multa sunt, ut quantitas, qualitas: multa forme, ut arbor, numerus. Falsò igitur de numero generum & formarum accidentia eximuntur. Ad hæc ita respondendum est. Substantialis diffinitio negatione constare non potest: nam ex genere & diffirentia coalescit, quorum utrumq; affirmatio est. Nihil au-

Obiectio  
prima.

Secunda  
obiectio.

Soluitur  
dubitas.

tem prohibet, quando multa explicanda suscipiuntur, prioribus iam expositis, quod postremum est, per aliorum abnegationem describi, modò aliqua præterea adijciatur affirmatio, quæ orationem parem illi efficiat & propriâ: quod in præfata diffinitione observatur. Porro accidentia aut cum substantia conferuntur, aut cum his, quæ sunt eiusdem Categorię. Substantiæ comparata Accidentium nomen seruant, nec genera sunt, nec species, nec differentiæ: cum his autem collata, quæ in eadem serie collocantur, generum, ac formarum subeunt rationem: ut uirtus studioso homini comparata accidens est iustitiæ uerò ac temperantiæ genus dicitur. Nos autem accidens quæ cum re subiecta confertur, consideramus: ita relinquitur propositam descriptionem rectam esse. Altera accidentis diffinitio est, quam ueriores esse & aptiores iudicat Aristoteles, quod potest adesse & abesse sine eius rei, in qua situm est, interitu. Quæ diffinitio tametsi uideatur ex partibus contrarijs esse composita, facit tamen potestatis nomen, ut nulla sit inter partes repugnãtia: adesse enim & abesse cõtraria sunt, posse tamen adesse & abesse eidem rei conueniunt. Accidentium duo sunt genera: alterum, quod separari potest: alterum, quod non potest. Dormire, sedere, stare, in his sunt, quæ separari possunt: nigror sic in coruo inest, & candor in niue, ut separari non possint. Hæc diuisio tametsi uideatur posteriori diffinitioni repugnare, est tamen illi maximè consentanea, in qua illud idem omnino accidens diuiditur, quod fuerat antea diffinitum. Nam quod separari non potest re ipsa, animo tamen & cogitatione distrahi ac distungi potest: possumus enim

*Altera diffinitio accidentis.*

*Diuisio accidentis.*

eorum absque nigrore, & niuem sine candore animo comprehendere, substantia utriusq; incolumi manente. Sunt qui postremam partē definitionis, sine rei interitu, ad utranq; partē cōiunctionis referant, ut sit sensus, accidens est, quod potest adesse absq; interitu rei, & abesse quoq; sine interitu eiusdem: quam interpretationem sequuti, coguntur contrāctiorem facere diffinitionē, quā par est. Nam mors, interitus, & quæ sunt similia, illo diffinitionis sensu nō comprehenduntur. Nobis placet diffinitionem latissimē patere, quemadmodum & accidētis nomen, quod diffinitur, completiq; etiam accidentia illa, quæ rei interitum asserunt. Erit autem ita accipienda, ut pars ultima ad posteriorem coniunctionis partē, hoc est, potest abesse, referatur.

De attributione & partibus eius.

## CAPVT. XIII.

**V**Naquæq; harum uocū propria habet subiecta, de quibus effertur, ita ut si alijs tribuatur, præter ordinem id fiat & naturam. Generi formæ subijciuntur & res singulæ: speciei sola singularia: differentiæ formæ, & quæ sub se continent particularia: proprietati & accidenti hæc eadem subiecta sunt. interest hoc tamē, proprio formæ proximē subijcitur: singularia uerō secundo loco gratia formæ: accidētis proximum subiectū est singulare, quo medio ipsum ad speciē traducitur. Quod enim homo albus sit, aut Grammaticus ex ipsis particularibus trahit: natū autē esse ad perdiscēdas disciplinas, ex homine ad singulos deriuatur. Ex his possumus faciliē quid sit, attributio, quā uulgò prædicationem appellant, intelligere. Ea est enuntiatio, in qua uox aliqua communis de

Propria  
cuiusque  
uocis sub  
iecta.

Quid at-  
tributio.

Attribu-  
tionis spe-  
cies.

proprio subiecto effertur : cuiusmodi est , quæ genus de specie aut rebus singulis enūtiat. In hac Porphyrius maiora de minoribus, aut paria de paribus dici debere cōstituit. Qui ordo si permutetur, nō erit rerū naturæ cōsentaneus. Attributionis duæ formæ sunt, substantialis & accidentaria: sit illa quādo attributū ad uim & naturā subiectæ rei pertinet, quā cōstituunt tres uoces, Genus, Species, & Differentia : hæc uerò cū attributū nō pertinet ad naturā subiecti, cōflaturq; ex proprietate & accidente, modò substantiæ cōparētur. Si enim alijs tribuātur, his scilicet, quæ sunt eiusdē ordinis, essentialē attributionem conficiunt: ut cū uirtus de iustitia effertur, aut color de albo. Quid intersit inter attributionē & enūtiationē facile iudicabit, qui utriusq; naturā perspectā habuerit. Ex his quæ diximus, hoc certē manifestū est, perinde inter se affecta esse, ut partē & totum: subiicitur enim enūtiationi attributio, quemadmodum forma generi.

De usu quinque uocum.

## CAP. XV.

**P**orphyrius ad multa utilem esse disputationem hanc de quinque uocibus testatus est, ad diffinitiones reddendas, ad diuisiones, & ad ea, quæ de demonstratione præcipiuntur. De quibus uidebatur nobis hoc loco differendū, explicandumq; quo pacto ad ista omnia præstada cognitio harū uocū magnū adferret adiumentū. Sed eūm his uocibus rerū omnīū, quæ decē Categorijs distincta sunt, appellationes cōtineantur, & ordines Prædicamentorū ex iisdē consentur, certē harum uocum & Categoriarū idem usus erit. Quare eūm post disputationē prædicamentorum, eorundē usus & utilitas explicanda sint nobis,

satiùs fuerit, ijs nunc supersedere, cēserēq; tractationem  
hanc quinq; uocum ad Categorias exacte pernoscendas  
conferre plurimū, & huic usui potissimū destinari. Reli  
quos cōmunes habet (quemadmodum diximus) cū dispu  
tatione Categoriarum.

Libri tertij finis.

# DE COMPOSITIO. NE ARTIS DIALECTICAE LIBER QVARTVS.

De his, quæ à Græcis Prolego  
mena appellantur.

C A P. I.



LIBER hic, quem aggredimur, prima  
continet totius artis Dialecticæ ele  
menta: in quo propositum est de decem  
Categorijs Aristoteleo more disputa  
re. Quòd autem ab his in arte Diale  
ctica docenda sumendum sit initium,

Libri quar  
ti institum.

methodus, quā tenuit Arist. & à nobis obseruatur, satis  
apertè declarat. Sequimur enim (quemadmodū diximus)  
compositionis ordinem, qui postulat, ut ab ijs, quæ sunt  
omnium simplicissima, inchoetur. Esse autē simplicissima  
omnium ea, ex quibus Categoriarum ordines constāt, Simplici  
ex finis Analysisi, seu resolutione perspicuum euadit, quæ sine esse  
in hac ipsa finitur ac desinit. Nā cū sit finis totius ar  
eis, fides quæ sit rebus differēdo, hæc autem nō aliter cō  
probatur.

I 3 modius,

modius, quàm ratiocinatione aliqua paretur, primum in ratiocinationē fides dissoluitur. Porro ratiocinatio par-  
 tes habet, ex quibus cōflatur, simplicia pronūtiata. Hæc  
 minime partes artis non sunt: in alia enim priora diui-  
 duntur, scilicet in simplices uoces ad rem aliquam signifi-  
 candam institutas. Hæc rursus in alia priora non soluun-  
 tur. Quare in his finis est resolutionis, ex quibus cōstant  
 Categoriæ. Vnde relinquitur simplicissima esse omniū &  
 minutissimas totius artis partes, ac proinde ab ijs nobis  
 compositionis methodum secutis ex necessitate esse in-  
 choandum. Hæc ad institutum libri huius pertinent &  
 ordinem: nunc de inscriptione pauca dicamus. Inscribi-  
 tur tractatio hæc de decem Categorijs, seu (ut uoluit Fa-  
 bius) de decem elementis. Inscriptionis autem ratio, &  
 uis, ac etymon uocis uariè explicatur: nos uerò quod ue-  
 rius est proponemus. Categoriæ nomē à κατὰ & ἀρρογία  
 deductū est, quod Latine dicere & appellare significat.  
 Quod sanè cum rebus ipsis, de quibus disputatur, maxi-  
 me conuenit. Agitur enim de decem summis generibus,  
 quæ ita de alijs omnibus perpetuò dicuntur, ut nulli sub-  
 iiciantur. Quare meritò Categoriæ dictæ sunt, quæ præ-  
 dicamenta uulgò appellantur. Ex his nō est difficile, diffi-  
 nitionem Categoriarum elicere. Sunt enim summa quæ-  
 dam genera, quæ de omnibus enuntiantur, & infinitam  
 propemodum rerum omnium multitudinem suo ambitu  
 comprehendunt. Quoniā autem singulis generibus mul-  
 ta subiiciuntur ordine quodam, Categorias ordines ac  
 series pleriq; appellare consueuerunt generum ac forma-  
 rum: quorum alia alijs subiiciuntur, alia efferuntur de a-  
 lijs, quod non est à uero alienum. Non enim illorum no-



*B*is sententia probatur, qui huiusmodi ordines prorsus ē medio tollunt. Reperiuntur sane in Categorijs in singulis permulti, quemadmodum demonstrabimus: quorum est usus non exiguus. Tractationem hanc in tres partes distribuit Aristoteles. Potissima est, in qua uim & naturam singulorum generum declarat. Ceterum quoniam ad eorum intelligentiam multa necessaria uidebantur, quæ ignota erant, atq; non usq; adeò in cōmuni usu posita, hæc in primis præfatur Mathematicos imitatus, quæ uulgò Antepredicamenta uocantur. Cū autem in explicatione decem generum incidat in mētionem quorundam, de quibus pro dignitate eo loco disputari nō poterat, ne res confunderetur & interromperetur continuus sermonis progressus, de his paulò post differit, uocatur autem Postpredicamenta. Nos eandem sequemur distributionem, & ab ijsdem auspicabimur, quæ Aristotel. in hac tractatione prima esse uoluit.

*Diuisio  
tractatio  
nis huius.*

Sitne in Categorijs de uocibus, an de rebus, an potius de notionibus disputandum. CAPVT II.

*H*uius questionis explicatio magnum affert adiumentum ad præsentem disputationem intelligendam: idcirco alijs prætermiſsis, quæ sese nobis non paucae offerebant, hanc solam breuissimè pertractabimus. Multi de solis notionibus agi arbitrati sunt: alyis uisum est uocum dumtaxat hinc rationem haberi. Nec defuerūt qui de rebus solis disputari asseruerunt, quorum omniū falsa profectò est sententia. Illi uerius sensisse uidentur, qui ista cōiunxerunt, statueruntq; nec de uocibus solis, nec de rebus dumtaxat, nec de nudis notionibus suscipi disputationē: quorū sententiæ libenter subscribimus. Sed alia mox oc-

*Vera sen-  
tentia.*

Explica-  
tio ymagi-  
ficationis.

currit dubitatio: si de uocibus pariter & de rebus dis-  
rendum est, suntne utraq; ex æquo proposita, an alterum  
præcipuè ac primo loco, alterum secundo quasi loco &  
prioris illius gratia? Hæc quoq; dubitatio uarijs modis  
ab Aristot. interpretibus soluitur, quorū tum sententias,  
tum rationes persequi longum esset. Quid igitur de ea  
sit sentiendum, tantum dicemus. Ac primū id intelligi  
oportet, aliud esse quærere, quæ in Categorijs præcipuè  
collocentur, aliud uerò de quibus potissimū in hac tra-  
ctatione Categoriarum disputet Dialectica: quæ qui non  
distingunt, coguntur plane longè aliter, quàm res sese ha-  
bet, existimare. Enimuero in Categorijs res primo loco  
collocantur, uoces autem secundo loco gratia rerū. Non  
enim uoces in Categorijs recipiuntur quā uoces sunt, sed  
quā sunt rerum notæ: ergo (quod de Genere, Specie, &  
alijs communibus uocibus diximus) ui principij Aristote-  
lei res ipsæ primum in his sibi locum uendicabunt. At  
Dialectica uoces in hac tractatione præcipuè conside-  
rat, quā scilicet medijs notionibus res significant. Qua  
autem causa id fiat, ut prima sit cura & cōsideratio uo-  
cum in hac arte, expositum est à nobis cap. 2. præceden-  
tis libri: ubi eandem fermè quæstionem in uocibus quinque  
communibus disputauimus.

De Homonymis, Synonymis, & Paronymis

C A P. III.

**S**edtionem primam tractationis Categoriarum, quam  
uocant Antepredicamenta, à disputatione Homony-  
morum, Synonymorum, & Paronymorum exorsus est  
Arist. quæ quid adferat adiumenti ad intelligentiam Ca-  
tegoriarum postea dicemus. Nunc primū quid ista sint,  
expe-

expediamus. Synonymia & Homonymia in uocibus præcipuè reperiuntur, & ex uocibus ad res deriuantur. Rebus enim ista competunt quâ uocibus comparantur. Id uel hoc solo argumento probatur, quòd res eadem ad diuersas uoces relatæ homonymæ dici possint, & synonymæ: ut taurus mons, & bos animal, nomini tauro cõparata homonyma sunt: relatæ autem ad substantiam, synonyma. Ac uoces quidem tam synonymæ, quàm homonymæ, quales essent, cum de quinque communibus uocibus ageremus, satis abundè explicauimus. Hoc loco res spectandæ sunt & diffiniendæ. Homonyma igitur sunt, quorum *Quid ho-*  
nomen solum cõmune est, ratio uerò naturæ, nomini con-*monyma!*  
gruens, alia atq; alia: ut uiuum animal, & quod pingitur, ad animalis nomen homonymæ res sunt: habet enim nomen animalis commune, sed ratio naturæ secundũ nomen animalis non est in utroq; eadem. Quod enim uiuit, quâ animal, substantia est corporea, uitæ & sensus particeps: quod autem pingitur, ueri animalis similitudo. Synonyma dicuntur, quorum & nomẽ commune est, & *Synony-*  
eadem nomini attributa naturæ diffinitio: ut homo & *ma.*  
bos ad idem animalis nomen: est enim ratio animalis in utroq; eadem. Rectè autem in utraq; diffinitione adiecta pars illa est nomini congruens: quia quæ Synonyma sunt, secundum nomen, cui comparantur, rationẽ habent eandem, iuxta propria uerò nomina, aliam atque aliam: quemadmodum in homine & leone facillimè perspicitur. Præterà quæ homonyma sunt nomini uni comparata, si cum alio conferantur, (quod & paulò ante diximus) Synonyma fiunt. Homonymorum formæ multæ *Formæ ho-*  
sunt, quas satius fuerit in uocibus explicare, quàm in re-*monymo-*  
rum.

bus. Nam in illis facilius intelligentur, & in uocibus cognitæ minimo negotio ad res ipsas poterunt transferri. Homonymæ uoces aliæ casu dicuntur, aliæ cōsilio & cogitatione. Casu homonymæ sunt, quas casus aliquis ad res diuersas significandas traduxit: ut nomen taurus, quod cum primò bouem animal significaret, temerè ac fortuitò factum est, ut ad significandum montem sit traductū. Cogitatione homonymæ appellantur, quæ non casu, sed certo aliquo consilio rebus alijs significandis sunt inditæ: ut nomen animal ad uiuum, & quod pingitur. Horum quadruplex est differentia, ex similitudine, secundū analogiam, ab uno, & ad unum. Vox ex similitudine homonyma uocatur, quæ multa significat propter similitudinem, quæ in ipsis conspicitur. Huius generis sunt nomina illa omnia, quæ Astronomi signis cœlestibus indiderunt, Aries, Taurus. &c. non enim id factū fuisse temerè credendum est. Secundū Analogiā dicitur, quæ multa notat, quod ratione quadā eadē sibi inuicem respondeāt, ut principij nomen ad punctum, & unitatem: quod est enim unitas in numero, idē punctum in magnitudine. Homonyma ab uno, quæ de multis dicitur, quā ab uno aliquo tanquā principio nomen accipiunt: ut uox Medicū, quæ hominē arte præditum, librū, opus significat, quatenus omnia ab arte medendi quodāmodo dicuntur. Est enim homo Medicus, qui artem callet: liber, qui artis præcepta cōtinet: opus, quod iuxta illa factū est. Homonyma ad unū dicitur, quæ multa cōprehendit, quatenus ad unū aliquid tanquā finē referuntur. Vt uox sanum ad animal, colorē, medicamentū, & exercitationem. Hæc nāq; omnia sanitatem modo quodam respiciūt. In animali suscipitur sanitas, color san-

nitatis

Homonymy-  
um cogi-  
tatione  
quadru-  
plex.

nitatis est index, medicamentū hanc ipsam confert, quā  
 tuetur exercitatio. Hæ formæ ita sunt inter se composi-  
 tæ: inter homonyma casu, quæ omni ex parte homonyma  
 censentur, & uerè synonyma, Homonyma cōsilio ac cogi-  
 tatione mediū locum uidentur obtinere. Nā in illis ratio  
 est, aut prorsus eadē, aut penitus alia atq; alia. In his par-  
 tim rationes conueniunt, partim dissident: quod in illis,  
 quæ ad unū dicuntur, nō est difficile uidere. Coloris enim  
 animalis, & medicamenti, quæ sani nomine comprehen-  
 duntur, rationes sunt sanitatem cōferre, sanitati subijci,  
 & eiusdem esse argumentū, quas partim conuenire, par-  
 tim differre, nemo nō uidet. Hastenus de homonymis &  
 synonymis, reliquū est ut de paronymis dicamus. Vocan-  
 tur autem paronyma, quæ ab uno aliquo orta commu-  
 tantur uarie, uel ab eodem fine differunt, ut à Gramma-  
 tica Grammaticus, à sanitate sanus. Ducitur enim Gram-  
 maticus à Grāmatica, à qua fine & cadentia differt. Pa-  
 ronymorum tria sunt genera, quædā cū formis ipsis re so-  
 la conueniunt: ut studiosus, quod à uirtute ortum est, &  
 cum ea præter significationem nil habet commune. Alia  
 uoce sola cum formis conueniunt, ut studiosus, si studio cō-  
 paretur. Tertiij generis sunt re pariter & uoce cum for-  
 mis conuenientia, quæ Arist. diffinitione complexus est:  
 ad quod genus pertinent Grāmaticus, fortis, & his simi-  
 lia. Homonymis polyonyma opponuntur. Illa res diuer-  
 sas una uoce significāt: hæc diuersis nominibus rē eandē  
 declarāt, ut ensis & gladius. Synonymis opponuntur He-  
 teronyma. Illa sunt eiusdem naturæ, & idem nomen ha-  
 bēt: hæc diuersæ naturæ sunt, & ad diuersa genera referū-  
 tur, & diuersa nomina habent: ut leo, candor, Arist. Ho-  
 monyma, Synonyma, & Paronyma censuit explicanda:

Homony-  
ma quo-  
modo in-  
ter se affe-  
cta sint.

Parony-  
ma.

Qua Po-  
lyonima,  
& hetero-  
nyma.

ficatus, ad eandem Categoriam pertinere: ut quantum  
 & quantitas, sapiens & sapientia. De homonymis au- Vfus Ho-  
 tem & Synonymis actum est (ut alias interim causas & monymo-  
 rationes prætermittamus) ut discamus homonymia à Ca rum.  
 tegorijs esse reiicienda, & in his solum locum habere,  
 quæ Synonyma sunt. Id ita esse, in hunc modum facile o-  
 stendi potest: quæ in eadem sunt Categoria, cum unū ha-  
 beant proximum genus & differentiam unam ultimam,  
 ex quibus diffinitio una conflatur, unam ac simplicem  
 diffinitionē obtinebunt. At homonymis non una & sim-  
 plex ratio accommodatur: quā igitur homonyma sunt,  
 in Categorijs non recipientur. Quòd si quando multipli-  
 ces uoces & homonymæ in his collocari dicantur (dici-  
 mus enim animal & corpus genera esse substantiæ) sumū-  
 tur non quā homonymæ sunt, sed quā ad rem unam tan-  
 tū significandam arctantur.

De simplicibus uocibus & compositis.

CAP. V.

**D**icendum nobis hoc loco erat, quæ simplices essent  
 uoces, & quæ compositæ: sed cum in disputatione  
 quinque uocum de his abundè à nobis actum sit, & di-  
 uersos earum modos simus persecuti, sat fuerit quid ista  
 adferant adiumenti ad intelligentiam Categoriarū bre-  
 uiter perstringere. Ergo intelligemus ex his, quæ simpli-  
 cia sunt ad Categorias sola referri: composita uerò ab il-  
 lis longè arcenda esse: etiam ea, quæ sola uoce composita  
 sunt: cuius generis est diffinitio rei naturam & substantiā  
 declarans, quæ in Categorijs collocari, nisi (ut aiunt) ra-  
 tione partium nullo modo potest.



COMPOSITIONIS DIALEC.  
Diuisio eorum, quæ in Categorijs collocantur.

C A P. VI.

**T**ertium hoc est, ut uocant, Antepredicamentum, quo uniuersa rerū omnium multitudo, quæ in decem Categorijs collocantur, in paucissimas, quoad fieri potuit, partes redigitur, & breui quadam diuisione comprehenditur. Ea poterat ad hūc modum tractari: Eorū quæ sunt, alia sunt uniuersæ substantiæ, alia singulares, alia uniuersa accidentia, alia particularia. Sed Aristoteles loco horum proprietates substituit, & unumquodq; periphrasi quadam circunloquitur. Tradit itaq; diuisionem hoc pacto: Eorum quæ sunt, alia de subiecto aliquo dicuntur, nec in subiecto insunt ullo. Alia in subiecto sunt, sed de subiecto nullo dicuntur. Quædam & de subiecto dicuntur, & in subiecto sunt. Nonnulla nec in subiecto sita sunt ullo, nec de subiecto dicuntur. De subiecto dicuntur, quæ de aliquo ita enuntiantur, ut attributionem constituent substantialem, qualem, cum de uocibus communibus ageremus, definiuimus. In subiecto autem id esse dicitur, quod est in alio, non ut pars, & ab eo in quo inest, seiungi separariq; non potest. De subiecto dici, rebus omnibus uniuersis conuenit: non dici, rebus singulis. Esse in subiecto, proprium est accidentium. Non esse in subiecto, pertinet ad substantiam. Ex his perspicua est diuisio, & quid unaquaq; parte significetur, facile intelligitur. Prima pars substantias significat uniuersas: Secunda singularia accidentia: ut hic candor, hæc Grammatica. Tertia, uniuersa accidentia: cuius generis est scientia, quæ de Grammatica dicitur tanquam de subiecto, & in homine quodam inest tan-

Diuisio  
Aristo.

tanquam in subiecto. Quarta & ultima, singulares substantas: ut Petrus, Ioannes: quod proprietates, quibus ista circumloquitur Aristoteles aperte indicant. Nunc examinanda est definitio eius, quod est in subiecto, aduersus quam hæc fere afferri solent: secundæ substantiæ sunt in primis, non ut partes, nec possunt à primis auelli, erunt igitur in eis tanquam in subiectis. Rursus, bouis forma est in materia, & pars materie non est, & disrahi à materia nō potest, quin pereat statim. Pretereà res omnis in loco est & tempore, & pars horum non est, nec consistit absq; loco aut tempore: igitur in subiecto esse non est solius accidentis proprium. Postremò accidens unum è subiecto uno migrat in aliud (experimur enim si tantisper pomum manu contineatur, ex pomo in manū odorem transfundi) nil igitur prohibet esse accidens absq; subiecto, in quo hæret. Hæc ita soluēda sunt. Secundæ substantiæ sunt in primis, ita ut earum naturam compleant atq; perficiant, non eo modo sunt accidentia in subiecto. Forma autem bouis tametsi corporis ac materie non sit pars, est tamen pars totius constituti. Iam quæ sunt in loco aut tempore, in his non inhaerent, aut in eis existunt: sed dicuntur in loco esse, quia circumscribantur loco, in tempore uerò, quòd mensurentur tempore. Quod ad ultimam obiectionem attinet, principij loco habendum est, idem accidens numero nō posse ex re una subiecta in aliam transferri. Odor igitur qui ex pomo in manu relinquitur, idem numero non est, sed specie tantum. Ita relinquitur finitionem rectam esse, & in subiecto esse, solius accidentis esse proprium.

Obiectio  
prima.

Obiectio  
secunda.  
Tertia ob  
iectio.

Quarta  
obiectio.

Soluitur  
ordine

**T**raditur hoc loco præceptio quedam ac regula, quæ quis sit dicendi modus in his, quæ sunt eiusdē Categoriæ, declarat. Ea est huiusmodi. Quando attributum aliquod de subiecto aliquo effertur secundum substantiam, quicquid attributo secundum substantiam conuenit, dicitur etiam & de subiecto. Itaq; cum de homine animal necessario dicatur, de animali autem superiora omnia eodem modo enuntientur, uiuens corpus, substantia, ista quoq; necesse est homini conueniant.

*Regula  
vsa.*

Regula hoc pacto intellecta, facile est argumentationis illius errorem deprehendere, quæ ita obijciunt, animal de homine dicitur, & de animali genus, cum tamen genus homini non conueniat: falsa igitur præceptio. In hac quod regula præcipit, non obseruatur; nam esse genus accidit attributo. Regula hæc quo pacto in ratione dicendi affecta sint, quæ sunt in eadem Categoria, demonstrat: quorum hanc esse habitudinem & connexionem intelligimus, ut superiora omnia de inferioribus dicantur, summum genus non solum proximis formis, sed ultimis, & rebus quoq; singulis accommodetur. Quod enim substantia de corpore dicatur, cui proximè hæret, dubium non est: quod autem uerè de homine, boue, Petro, & singulis hominibus possit enūtiari, cum inter illa multa interceptiantur, non est usque adeò manifestum. Quod tamē ita sese habere, ui huius regulæ certissimè probatur.

*Regula  
altera.*

Possumus ex hac alteram constituere ad ea, quæ sunt diuersorum generum. pertinētem. Quando attributum aliquod inest alicui subiecto, quæ de attributo secundum substantiam

substantiam efferuntur, insunt etiam in ipso subiecto: ut iustitia inest homini, de iustitia autem dicitur uirtus, dicitur habitus: quare & ista necesse erit in homine tanquam in re subiecta inesse.

De Generibus diuersis, & his quorum unum altero continetur.

## CAP. VIII.

**Q**uid differant, quæ in diuersis Categorijs collocantur, & quid habeant commune, quæ sunt eiusdē generis, hoc (ut uocant) Antepredicamentum apertē docet. Diuersorum generum, quorum unum ab altero non continetur, diuersæ sunt specie differentie. Genera diuersa, quorum unum ab altero non continetur, hoc loco appellantur, quæ sunt in diuersis Categorijs: ut animal & scientia, quæ ad tertium commune genus non possunt reuocari. Illa uerò, quorum unum de altero effertur, sunt sub se inuicem posita, ut animal & auis, quæ uulgò sub alterna dicuntur. Illa igitur diuersas habent specie differentias & constituentes & diuidentes. Nam differentie, quæ animalis substantiā perficiunt ac complent, sunt corporeū, animatum, sentiens, quæ uerò eandem diuidunt particeps rationis & expers: quarum nulla ad scientiam potest aliquo modo pertinere. Pars illa specie idem significat quod re & natura: fieri enim potest, ut quæ in diuersis Categorijs collocantur, differentias habeant uoce easdem, non re & natura. Si quidem habere pedes differentia est animalis & domestici instrumenti, uoce quidem una, re autem multiplex. At genera, quorum unum ab altero continetur, nil prohibet iisdem differentijs constitui & diuidi. Quæ enim dif-

ferentia

ferentia cōponunt animal, eadem constituunt auem: & pasci herbis, seminibus, carnibus, utrūq; genus diuidūt. Ceterum differētiæ efficiētes formarum, in omnibus huiusmodi generibus eadē sunt. Nā quæ superius cōplēt, id quoq; quod inferius est, componūt. At diuidētes nō sunt in omnibus eadem. His adiecit Aristō. diuisionē entis in decē summa genera: quorum nomina sunt substātia, quātitas, quæ cū aliquo cōparātur, qualitas, in loco, in tempore, sitū esse, habere, agere, pati. De qua id tātum dixisse hoc loco sat fuerit, non esse diuisionē, sed enumerationē, cū sit entis nomē homonymū de eorū numero, quæ ab uno & ad unum dicuntur.

De Substātia prima Categoria. CAP. IX.

**A**bsoluimus primā huius tractationis partem, quā uulgō Antepredicamenta inscribunt: nunc de singulis generibus differendum est. Ac primū de substantia, quoniam accidentibus prior est naturæ ordine, & dignitate longē antecellit. Explicanda autem ista sunt, cum diffinitione essentiali careant, enumeratione proprietatum, utendumq; est eo diffinitionis genere, quod rem per accidentia declarat. Sed primū distinguenda est homonymia substantiæ: quod nomen bisariam dicitur. Primū quia id omne complectitur, quod alteri non accidit: in qua significatione sumitur cū id quod est in substantiam & accidens distribuitur. Est quoq; paulo contractius, eas tantū substantias comprehendens, quæ in recta serie collocantur: qua ratione sumptā solis conuenit formis, generibus, & rebus singulis. Communis substantiæ ac latissime patentis diffinitio hæc esse potest. Quæ per se subsistit & alio non indiget, ut sit.

Entis distributio  
verius est  
enumeratio.

Quis explicandi  
modus his  
conueniat.

Substātia  
bisaria dicitur.

Substātis  
diffinitio.

fit. Cuius posterior pars priorem interpretatur, & hunc sensum reddit: non indiget alio ut sit, tanquam subiecto, id enim solius Accidentis proprium est. Substantia causis & partibus eget, quibus e medio sublatis interire & ipsam protinus est necesse. Subiectum autem in quo hereat nullum desiderat, cum sit ipsa aliorum omnium substerniculum. Prima substantiæ diuisio est in primam & secundam. Substantia prima appellatur, quæ singularis est, quæ nec de subiecto ullo dicitur, nec in subiecto ullo est: ut hic homo, hic equus. Dicta autem prima est, quod primum nobis occurrat, & ex ea uniuersa substantia colligatur. Secundæ autem substantiæ uocatur genera & species, in quibus primæ continentur: ut animal, homo. Posteriori parte reiciuntur accidentia, quorum alia genera sunt, alia species: Sed nomen substantiæ secundæ uendicare sibi nequeunt, cum primas substantias suo ambitu non complectantur. Quæ aduersus hanc diuisionem de differentiis & substantiæ partibus obijci possunt, quæ cum substantiæ sint, nec primæ nec secundæ rationem suscipere posse uidentur, soluentur ex diuisione, seu potius distinctione substantiæ nominis, de qua paulo ante diximus, quod cum in primam & secundam distribuitur, eam dumtaxat completitur substantiam, quæ in recta serie collocatur: Ita fit, ut nec materiæ, nec substantiæ partibus, nec differentiis conueniat. Substantiæ proprietates, quas communis tates uerius liceret appellare, multe sunt: quæ idcirco proponuntur, ut per eas in cognitionem substantiæ & eorum, quæ huius sunt Categoriæ, quasi manu ducamur. Prima pro-  
 Prima est, substantia nō est in subiecto. Id autem diuisio-

Substantiæ  
diuisio.

Obiectis  
nes soluta  
tur.

Prima pro-  
prietas.



Bus dicitur, secundum magis aut minus tribuatur. Ac in primis quidem substantijs id manifestum est, cum de nullo dicantur. In secundis quoq; id uerum esse hinc aperte colligitur, genera formis ex aequo tribuuntur: non enim homo magis aut minus animal dicitur, quam bos, equus, aut quauis alia forma. Species etiam rebus singulis eodem modo conueniunt: ut homo particularibus hominibus, quorum unus alio magis uel minus homo non dicitur. Hæc non ita substantiæ propria sunt, quin et alijs quoq; insint permultis. Nam nec quantitas magis aut minus suscipit, nec est quicquam quantitati contrarium. Quod uerò sequitur ad solam substantiam uidetur pertinere, ut cum sit una atq; eadem numero, mutatione sui ipsius possit accipere contraria. Idem enim homo, nunc morbo afficietur, nunc ualitudine, nunc calore, nunc frigore: quæ cum in se recipit commutatur. Alia autem substantia contraria quoq; suscipiunt: ut oratio uerum et falsum: sed sine sui mutatione. Re enim sola mutationem subeunte oratio nunc uera dicitur, nunc falsa: ut ea quæ enuntiat sedere Socratem, Socrate sedente, uera est: surgente uerò falsa: cum ipsa una et eadem perpetuò maneat atq; immutata.

Sexta pro  
pria.

Quibus locus non pateat in Categorijs CAP. X.

**Q**ui nouerit ex ijs, quæ de substantia diximus, quid ipsa sit, facile poterit re quauis proposita, sit huius Categoriæ, nec ne, diiudicare. Caterum quoniam cognitio huiusmodi generalis est, quam rebus singulis accommodare, non est omnino facile, curabimus, qua fieri poterit breuitate, quæ ad singulas Categorias referantur, peruenire. Sed in primis, ne in redigendis rebus ipsis ad pro-

pria genera decipiamur, quæ arcenda sint. Penitus à Categorijs demonstrabimus: mox uerò quæ in primam hæc sese recipiant substantiæ Categoriā ostendemus. Illud autē adductis in medium aliquot præceptionibus, ut cōmodius percipi possit, exequemur. Prima præceptio. Nulla

1. præceptio. uox cōposita, nisi loco simplicis accipiatur, potest in Categorijs collocari: cuius generis sunt homo iustus, prudēs Philosophus, rex potens: & quæ sunt sola uoce cōpositæ, ut diffinitiones uim rei, & substantiam explicantes. Adieciimus autem, nisi loco simplicis accipiatur, quia inopia simplicium uocum sæpenumero cogimur uocibus multis unius loco uti. Ita animatum corpus, coniuncta

Quantitas, quæ diffinitiones sunt, genera appellantur, quòd scilicet, ijs uocibus, quæ uerè genera sunt, & nomine uno carent, significantur. Secunda præceptio, omnis, nullus, & quæ à Dialecticis syncategoremata appellantur, locum nullum habent in Categorijs. Nil enim significant, & ex ijs uocibus solis constitutæ illæ sunt, quæ rem aliquam notant. Itaque ex octo Orationis partibus, quas Grammatici constituunt, nomini & uerbo solus locus patet in Categorijs: complectimur autem sub nomine aduerbium, sub uerbo participium. Tertia præceptio, uoces significantes, quæ tamen rerum impossibilium notæ sunt, in Categorijs non collocantur: cuiusmodi sunt Cerberus, hircocerus, mons aureus, uacuum, infinitum,

3. præceptio. & his similes. Quarta præceptio, uoces homonymiæ in Categorijs nō recipiuntur, nisi deposita homonymia ad rem unam significandam ardeantur. Huius regulæ rationem reddidimus, cum de usu homonymorum ageremus.

5. præceptio. Quinta præceptio, dictionibus rem immensam & infinitam

tam notantibus, & ijs, quæ suo ambitu omnia comple-  
ctuntur, locus nullus est in Categorijs. Ita quæ uulgò  
transcendentia dicuntur, res, aliquid, ens, unum, uerum,  
bonum, nomen quoq; Deus, & quæ Dei Optim. Maxi.  
sunt propria, aliena sunt, reiecta q; à Categorijs. Vltima Vltima  
præceptio.  
præceptio, nōminum duplex est differentia, alia sunt pri-  
mæ positionis, alia secundæ. Primæ positionis uocantur,  
quæ rebus ipsis indita fuerunt: cuius generis sunt uoca-  
bula, quibus uulgus hominum passim utitur in exprimen-  
dis animi notionibus; & quibus utimur in disciplinis, tū  
Nathralibus, tum Moralibus, & Mathematicis. Secun-  
dæ autem positionis sunt uocum nomina, aut rerum,  
quæ subsunt animi notionibus, quæ etiam à Dialecticis  
nec absurde secundæ notionis dicuntur: sub quo genere  
comprehenduntur ea ferme omnia, quæ à Dialecticis do-  
centur, Genus, Species, Subiectum, Attributum, Nomen,  
Verbum. Hæc sic appellata esse Severinus Boëtius scri-  
bit, quòd qui uocabula instituerunt, primùm rebus ipsis  
nomina indiderunt. Deinde cū uiderent necessarias fore  
re artes aliquas, per quas disceremus & sciremus rectè  
uti illis nominibus iam positis, consideratis diligenter  
illorum figuris & proprietatibus, secundo loco ipsis no-  
minibus alia rursus nomina adaptarunt: unde meritò fa-  
ctum est, ut illa primæ positionis uocentur, hæc uerò se-  
cundæ. Cū sit igitur hæc uocum diuersitas, in Catego-  
rijs illæ tantum recipientur, quæ sunt rerum notæ, &  
primæ positionis: has enim solas in certa genera reuo-  
care statuerunt, qui Categoriarum ordines excogita-  
runt. Nomina uerò secundæ positionis reiecta sunt à Ca-  
tategorijs.

COMPOSITIONIS DIALEC.  
 Quot modis res locum habeant in Categorijs.

CAPVT XI.

**C**ategoriæ nomine intelligi diximus non solum genus, sed ordinem generum et formarum: quorum alia subiiciuntur alijs, et alia de alijs dicuntur. Reperiuntur autem in eadem Categoria ordines permulti: ut in substantia, quos subiectum indicat ac proponit schema.



In Categorijs igitur bifariam aliquid locum habet: aut per se, aut per aliud. Per se collocantur, quæ constituuntur in recta aliqua serie: cuius generis sunt genera omnia, species, & res singulæ: ex quibus ordines ipsi constantur. Quæ uerò per aliud in multiplici sunt differentia. Primum inter hæc sibi locum uendicant differentia, quæ tametsi in recta serie non recipiuntur, eius tamen sunt Categoriæ, cuius formæ, quarum substantiâ perficiunt. Deinde partes ad Categoriā & genus totius referuntur: ut materia, forma, caput, pes, manus, ad Categoriā substantiæ, quia quod ex his conflatur ad eandem se recipit. Iam quæ non sunt partes, sed principia, in eo genere collocantur, in quo illa continentur, quorum sunt principia: ut punctus, & unitas in quantitate, eius enim generis sunt lineæ, & numerus: quorum alterum ab unitate incipit, alterum à puncto. Præterea motus ad eam Categoriā reuocatur, in qua constituitur motus terminus, siue quod motu acquiritur: ita ortus, interitus, quia substantiæ sunt, substantiæ attinent: Accessio, & decessio quantitati: commutatio Qualitati: loci mutatio Categoriæ loci. Postremo priuatio ad eam Categoriā quodammodo spectat, cuius est habitus: quam multi prorsus ab his esse reiectā arbitrantur, recte sanè iudicantes, si eius ratio sola habeatur, quā nihil est, ac sola carentia. Diffinitio quatenus composita uox est, aliena est planè à Categorijs. Partes tamen, ex quibus conflatur genus, & differentia in his collocantur: quarum gratia ad easdem attinere, uerè censetur.

Quas uoces Categoriæ substantiæ complectatur.

**O**Mnis substantia, modo perfecta sit, hoc est, par-  
 tis rationem non habens, huius est primæ Catego-  
 riæ. Hoc generale præceptum est, quod in gratiam eorū,  
 qui naturas rerum nondum perspectas habent & explo-  
 ratas, in ea, quæ sunt specialia, diducemus. Principio no-  
 men omne substantiam significans corpore carentem hu-  
 ius est Categoriæ: ut spiritus, angelus, demon, anima ra-  
 tionis particeps, cum est, à corpore separata. Deinde o-  
 mne nomen corpoream substantiam significans simpli-  
 cem, ad hanc eandem pertinet: ut cælum, coelestes omnes  
 orbes, planetæ, stellæ, elementa omnia, ignis, aër, aqua,  
 terra. Mundi quoq; nomen totius uniuersitatis ad ean-  
 dem refertur. Iam nomina rerum uita carentium, quæ  
 mixta uocantur, siue perfecta sint, siue imperfecta, in hac  
 Categoria locum obtinent. Perfecta mixta sunt, lapides,  
 gemmæ, adamas, magnes, marmor, smaragdus, carbuncu-  
 lus: item metalla & fossilia: aurum, argentum, æs, ferrum,  
 sulphur. Imperfecta uocantur Meteora, quæ in aëre gig-  
 nuntur: cuiusmodi sunt uapor, exhalatio, pluuia, nix,  
 grando, uentus, fulmina, æges, dali: & constitutiones aliæ  
 tam igneæ, quam aqueæ. Præterea omnis animalis spe-  
 cies ad hanc sese recipit Categoriā: ut pecus, bestia, fe-  
 ra, piscis, avis, serpens, uermis, & quæ sub his continen-  
 tur, bos, equus, ouis, capra, leo, ursus, tigris: balena, can-  
 cer, gobio, delphinus: aquila, psithacus, perdix: draco, ui-  
 pera, basiliscus: apes, araneus, bombyx: homo præstantis-  
 simum omnium animalium, & singularia sub his omni-  
 bus formis comprehensa. Nomina omnia arborum, her-  
 barum, fructuum in hac collocantur: ut pomus, malus, py-  
 rus: malua, lactuca, urtica: nardus, myrrha. Appellatur  
 autem



autem frutex, qui ad iustam arboris magnitudinem non assurgit, & statura similis est herbis multis, sed non demoritur, neq; arefcit, ut herba, uerum perennis est. Nomina florum, fructuum, aromatum, in ordine huius sunt Categoriæ: ut rosa, lilium, uiola: pomum, malum, pyrum: saccharum, cinnamomū, piper, & id genus reliqua. Frumentorum quoq; & leguminum nomina huic attinent: ut triticum, far, ordeum, lens, lupinus. Nomina montium, marium, fluuiorum, fontium, regionum, ciuitatum, oppidorum ad hanc Categoriā substantiæ pertinent: ut Apenninus, Oceanus, Turia, Arctusa, Hispania, Valētia, Alcodium. Liqueurum nomina huius quoq; sunt Categoriæ: ut uinum, lac, mel, sanguis, pituita, bilis. Hec ferme sunt, quæ prima substantiæ Categoriā cōprehēdit, & quæ sub his cōtinentur. Nunc ad alias explicandas accedamus.

## De Quantitate.

## CAP. XIII.

Substantiæ unum tantum genus est, Accidentium nomen: inter quæ primum sibi locum quantitas uendicat. Cui rei fidem in primis facit Mathematicorum cōsideratio, qui quantitatem à cæteris omnibus auulsam contemplantur. Præterea in substantiam prius Quantitas cadit, quàm Qualitas, aut aliquid ex alijs Accidentibus. Non enim omnis res, simul atq; est, aliquam accipit Qualitatem: cum tamen sine quantitate nil esse possit. Necesse enim est, statim unum esse, uel multa. Est etiam alia ratio, cur quantitas post essentiam sit collocanda; quod similitudine quadam maxima sint inter se apta atque coniuncta. Nam quemadmodum substantiæ nil est contrarium, ita & quantitati. Illa magis aut minus

Quare  
prius de  
quantitate  
quàm de  
reliquis a  
gendū fuit

*Descriptio quantitatis.* non suscipit. Quantitas quoque nec amplificatur, nec minuitur. Quantitas essentialē diffinitionem non habet. Potest autem ita describi: Quantitas est, quæ per se dividitur in partes, aut successionis, aut extensionis, aut discretionis. Successionis partes sunt, temporis partes & motus. Non enim permanent, sed sunt in quadā successione posite, ut duæ simul non coexistant. Extensionis partes habent linea, extremitas, corpus, locus. Discretæ partes sunt, ex quibus constat numerus, & oratio. In

*Divisio quantitatis.*

has partes quantitas ex se dividitur, cetera gratia quantitatis. Differentiæ quantitatis duæ sunt, per quas dividitur, coniuncta quantitas, & deiuncta. Coniuncta quantitas est, cuius partes terminum communem habent, quo iunguntur: ut linea. Deiuncta uero cuius partes carent communi aliquo termino: ut numerus binarius: qui conflatur ex duabus unitatibus, seiunctis omnino ac separatis. Communem terminum uoco, qui ad utraq; par-

*Quid communis terminus.*

tem earum, quas coniungit, quodammodo pertinet, est enim unius finis, alterius principium. Coniunctæ quantitatis formæ sunt, linea, extremitas seu libramētum, corpus, tempus, locus. De quibus agere partim Mathematici, partim Naturalis officium est. Nos horum tantum diffinitiones proponemus, exactior cognitio ab illis petetur.

*Quid punctus.*

Magnitudinis principium punctus est. Punctum autem definiunt, cuius nulla est pars, situm tamen habet in coniuncta quantitate: qua postrema parte ab unitate separatur, quæ cum res sit indiuidua, in magnitudine non collocatur. Ex fluxu puncti lineam fieri fingunt Mathematici, ut uel sic lineæ naturam explicent commodius.

*Linea*

Linea est magnitudo sola longitudine affecta, quæ pun-

*ditur*

Alis clauditur. Extremitas est, quæ duabus dimensionibus  
 continetur, longitudine & latitudine, crassitudine autem  
 caret. Corpus perfectissima magnitudo ex tribus constat,  
 longitudine, latitudine, crassitudine. Mathematicum cor-  
 pus hic intelligendum est, in quo sola spectatur magnitu-  
 do ab omni materia seiuncta. Nam alioqui nomen corpo-  
 ris quæ substantiam significat quantitati subiectam, in  
 Categoria substantiæ collocatur. Locum diffinit Aristot. Extremi-  
tas  
Corpus  
 extremitatē ambientis corporis. Tempus uerò successio-  
 nem quandā partiū motus primi cœli. Harū omniū quæ-  
 titatū partes communem habent terminū, quo connectū-  
 tur. In linea punctū communis est partiū terminus. Si e-  
 nim diuidatur linea, ex eius diuisione singula in extremo  
 utriusq; lineæ puncta redduntur. Ex quo utraq; puncta si-  
 mul fuisse ante diuisionem, intelligentur, quæ sunt in diui-  
 sione separata. Extremitatis cōmunis terminus est linea,  
 quod eadem ratione demonstrari potest. Siquidem diui-  
 sa duas per singulas partes lineas efficiet: quemadmodum  
 linea diuisa, singula in utroq; extremo puncta reddebantur.  
 Corpus quoque si diuidatur, due extabunt extremi-  
 tates, quibus ante diuisionem corporis partes iunge-  
 bantur. Loci partes linea definiuntur, & coherent,  
 cum sit re ipsa idem, quod extremitas. Temporis partes  
 terminum communem habent momentum, seu quod in-  
 stans est tempus. Est enim instans præsenq; tempus præte-  
 riti & futuri communis terminus, cum sit alterius prin-  
 cipium, alterius finis. Hæc uerò non ita sunt accipienda,  
 ut lineæ pars punctum esse, aut extremitatis linea, aut  
 corporis extremitas, aut temporis quod indiuiduum  
 est, censeatur. Fieri enim non potest, ut communis ter-

minus pars sit rei, quam definit. Reperitur etiam in communi termino, minorem semper ipsum esse dimensione una re, cuius terminus est. Ita linea, cum sit terminus extremitatis, quæ duabus dimensionibus comprehenditur, ex una tantum constat, longitudine. Punctum uero, quia extremum est lineæ, diuidi nullo modo potest. Deiunctæ quantitatis species sunt, numerus, et oratio.

*Numerus.*

Numerus hic intelligitur, non qui numerat (is enim est animus) nec qui numeratur, (quæ enim numerantur res ipsæ sunt) sed instrumentum, quo animus numerat: quem definiunt multarum unitatum collectione: ut binarius, ternarius, unitas autem est, res indiuidua, quæ in magnitudine non collocatur, et permanet. Quibus posterioribus partibus à puncto et momento temporis separatur: quorum alterum in successione positum est, alterum in magnitudine cernitur. Orationis nomine non ipsa

*Oratio.*

uox, aut sonus intelligi debent: hæc enim ad qualitatem spectant, sed syllabarum longarum breuiumque; modulatio, quorum singulæ separatæ sunt, et diuersas habent temporum mensuras. Vnum hoc superest animaduertendum, quod ad coniunctæ quantitatis formas spectat, locum et extremitatem, tametsi res sint una atque eadē, diuersas constituere quantitatis formas propter diuersas, quibus ad substantiam affecta sunt, comparationes. Eadem enim corporis extremitas, ut uasis,

*Altera diuisio quæneatis.*

ad rem subiectam, cui inhaeret, extremitas appellatur: corpori uero quod complectitur, ac circumscribit, comparata locus dicitur. Est et altera quantitatis diuisio longè à superiori diuersa in eam, quæ positionem habet partium: et eam, quæ caret partium positione. Ab illa  
autem

autem distinguitur, quod hæc rei sit subiectæ in acciden-  
tia: illa uerò generis quemadmodum diximus, per differe-  
rentias. Prioris generis sunt illa, quarum partes coniun-  
ctæ sunt ac coherentes, alicubi sitæ, & non in successio-  
ne positiæ. Ita quatuor tantum quantitatis formæ posi-  
tionem habent partium, linea, extremitas, corpus, lo-  
cus. Harum enim omnium partes sunt coherentes, &  
communem habent terminum, permanent quoq; & sunt  
alicubi sitæ. Nam posita linea, aut quouis eorum, dicere  
possis, ubi quæq; pars eius sita collocataq; sit. Reliquæ  
numerus, tempus, & oratio carent situ partium. Ora-  
tionis enim ac temporis partes nusquam manet: sed per-  
petuò fluit. Numeri uerò partium nullus est communis  
terminus, quo connectantur, & ubi sint sitæ, ne mo pos-  
sit ostendere, habent tamen temporis & numerus partes  
ordinem quendam inter se. Proprietates quantitatis  
sunt tres. Prima, quantitati nihil est contrarium. Non  
enim lineam lineæ, nec numerum numero contrarium  
dicere solemus, ac sic se res habet in cæteris. Quod si  
recta linea obliquæ, aut locus superius inferiori contra-  
rius dicatur, his ista conueniunt, non quia quantitates  
sunt, sed qua contrarijs qualitatibus afficiuntur: quem-  
admodum & de substantijs, hoc est, elementis paulò an-  
te dicebamus. Secunda, quantitas nō suscipit magis aut  
minus. Non enim linea uita magis linea est altera, aut nu-  
merus unus magis uel minus numerus altero. Maior  
quidem numerus alter altero dicitur, magis autem nume-  
rus non dicitur. Ista ita quantitati conueniunt, ut ad  
substantiam etiam pertineant: quod uerò sequitur so-  
lius quantitatis est proprium, ut eius gratia res æquales  
dicantur aut inæquales. Quantitati ista primum con-  
ueniunt,

Prima pro-  
prietas.

Secunda  
proprietas.

Tertia pro-  
prietas.

# COMPOSITIONIS DIALECT.

veniunt, ceteris autem media quantitate: homo hominē  
 æqualis est, quòd ex æquali constet magnitudine. Exer-  
 citus unus æqualis alteri, quòd utrumq; idem numerus  
 metiatur. Sunt in hac Categoria, quemadmodum & in  
 substantia, ordines etiam permulti, qui ab eodē princi-  
 pio & capite omnes proficiscuntur, summo genere; quo-  
 rum bonam partem continet subiectum schema.





Quæ uoces in Categoria quãtitatis collocentur.

CAPVT. XLIII.

**E**X subiecto schemate intelligi possunt, quæ sunt huius Categoriae, sed ut facilius illa capiant tyrones, quod in præcedenti Categoria executi sumus, quæ ad hanc pertinent percensebimus. Nomina omnia magnitudinis sunt huius Categoriae: ut linea, superficies, corpus, longitudo, latitudo, crassitudo, bicubitum, tricubitum, pedale, bipedale, tripedale, & quæ sunt his similia. Nomina mensuræ huic categoriae attingunt: huiusmodi sunt, digitus, palmus, pes, ulna, cubitus, passus, modius, sextarius, hemina, cyathus: as, & partes asis, sextans, quadrans, triens, modò solam notent quantitatem. Pondus & ponderis nomina quantitatem simul & qualitatem uidentur indicare, quod synonymè fieri non potest. Hoc modo sumpta, reiecta sunt à Categorijs. Quòd si quæ solius quantitatis notæ sunt accipiantur, ad hanc pertinebunt: ut libra, bilibris. &c. Nomina numeri principalia, & distribuentia, huius sunt Categoriae, ut unū, duo, tria, bini, terni. Quæ uerò sunt ordinis, aut multiplicantiæ, cõparationem significat potius, quàm quãtitatem, cuius generis sunt, primus, secundus, duplus, simplus. &c. Nomina pedum, ut Dactylus, Spondeus: nomina carminum, ut Hexametrum, Pentametrum: ea quoq; quibus, rythmi harmonici significantur, ut diapente, diatessarō. deniq; modulus omnis, quo dictionem, quam proferimus, mensuramus, ad hanc spectat Categoriaem, & sub oratione continetur. Locus quoq; & tempus ad eandem referuntur. Sunt autem temporis partes, annus, dies, mensis, hora, olympias, lustrum, seculum, & reliqua omnia, quæ tempus significant.

Quare de  
quantitate  
prius aga-  
mus.

**Q**ualitas natura prior est relatione. Nititur enim illa relatio, & ex ea nascitur. Sed cum in explicanda quantitate relatorum mentionem fecisset Aristotelis, usus arbitraria methode, quæ postulat ut ea quamprimum fieri commodè possit explicemus, quæ ad præcedentium, aut sequentium plenam perfectamq; cognitionem conferre plurimum pernoscuntur, priori loco de his disputat, quæ ad aliquid affecta sunt: à quo ordine non recedemus. In hac Categoria, quemadmodum & cæteris omnibus accidentium generibus, duo cernuntur, paronymum, & forma denominans: ut relatum, & relatio: his enim uocibus uti quoq; nobis licebit. Vtrunq; quid sit diffinitione aperiendum est: sed à forma sumemus initium. Relatio comparatio quædam est, & habitudo rei unius ad alteram: ut similitudo, equalitas. Hæc ab alijs accidentibus, quæ sine comparatione dicuntur, uulgoq; absoluta uocantur, præter alias multas dissimilitudines, hac differentia separatur: reliqua subiecto tantum indigent, ut sint: ut album, nigrum: Relatio uerò præter subiectum, terminum (sic enim uocant) desiderat, & aliquid ex alijs Categorijs, quo nitatur, ex quo quodammodo nascitur: Relationis causam appellare possumus, quod fundamentum, nec abire dicere soliti sunt. Relationis terminus seu extremum id dicitur, in quod desinit relatio: ut eius, quæ patris est ad filium, filius extremum est ac terminus, in ipsum enim desinit ac finitur. Causa relationis uocatur, cuius gratia relatio intercedit, qua sublata, funditus exeritur: ut similitu-

Relatio  
quid & à  
cæteris  
quod diffin-  
guatur.

Relatio  
terminus.  
Relatio  
causa.

dis

dinis causa est eadem qualitas: æqualitatis, eadem quan-  
 titas. Illa enim sola similia uocamus, quæ sunt eadẽ qua-  
 litate affecta. Illis æqualium nomen accomodatur, quæ  
 eiusdem sunt quantitatis; & his è medio sublatis, nec  
 æqualia ulla dicuntur, nec similia. Quot autem sint cau-  
 se relationis, ac quæ sint, quinto Metaph. docetur, &  
 alio loco tractabitur ex professo, una cum his quæ de  
 formis relationis afferuntur. Nunc quenam sint relata  
 dicamus. Duplex traditur ab Arist. relatorum defini-  
 tio, altera communis ac latius patens, quàm postulat ra-  
 tio huius Categoris: altera propria eius generis. Com-  
 munis ad hũc modum sese hebet: Relata sunt, quæ alio-  
 rum dicuntur, aut quoquo modo aliter cum aliquo con-  
 feruntur. Cuius diffinitionis sensus ex diuisione relato-  
 rum patebit. Relata alia casu aliquo ad seinuicem refe-  
 rũtur: ut pater & filius, dominus & seruus: alia sine ca-  
 su, ut paruum & magnum. Non enim magnum parui  
 magnum dicitur, aut paruo magnũ, sed ad parũ. Quæ  
 prioris sunt generis, alia casu dicuntur eodem, ut pater  
 & filius. Nam & patrem filij patrem dicimus, & ui-  
 cißim filium patris filium. Alia diuersis casibus, cuius-  
 modi sunt scientia, & res quæ sub scientiam cadit. Est  
 enim scientia rei scientia, at quod scitur scientia sciri di-  
 citur. Hec omnia diffinitione comprehensa sunt. Prior  
 pars ad ea, quorum habitudo casu aliquo explicatur, ui-  
 detur pertinere: altera, quæ sunt posterioris generis,  
 complectitur. Sub hac diffinitione multa continentur,  
 quæ sunt aliorum generum. Scientia enim qualitas est,  
 & sub definitionem cadit. Qua propter meritò illam  
 Arist. emendauit, & alteram proposuit ijs, quæ uerè ad

commune  
 relatorum  
 finitio.

hanc Categoriam spectant, ex aequo respondentem. Est  
 est huiusmodi. Relata sunt, quorum una & natura in so-  
 la habitudine ad alterum posita est: ut pater & filius,  
 dominus & seruus: quæ nomina solam habitudinem non  
 tant, quæ res una ad alteram affecta est. Ita fit ut alterum  
 in definitione alterius uicissim collocetur: est enim pater,  
 filius pater, filius patris filius. Quo argumento naturam  
 positam habere in sola comparatione comprehenduntur.  
 Proprietates relatorum sunt, prima, relata, est aliquid  
 contrarium. Quod non ita est accipiendum, ut quæ inter  
 se sunt relata, sint etiam inter se contraria. Id enim fie-  
 ri non posse ex eo constat, quod contraria simul in eadē  
 re non insunt: relata uero eidem conueniunt diuersis  
 comparata. Erit igitur proprietatis sensus, relato alicui  
 aliquid esse contrarium, non id tamen ad quod dicitur:  
 ut scientiæ, quæ ad rem scientia comprehensam refertur,  
 contraria est ignorantia. Secunda proprietas, suscipiunt  
 relata magis & minus. Nam simile corpus unum al-  
 tero magis dicitur & minus: & quod dissimile est dissi-  
 milius, ac minus dissimile. Proprietas hæc seu uerius cō-  
 munitas relatis non ex ui sua conuenit: non enim rela-  
 tio contentionem suscipit, aut remissionem: sed id acci-  
 pit ex causa & principio, à quo proficiscitur. Itaque quo-  
 rum causa magis aut minus recipit, in his quoque magis  
 & minus reperitur: cuius generis sunt quæ diximus si-  
 mile, dissimile, quæ qualitate nituntur, qualitas autē con-  
 tentionem capit ac remissionem. Quorum autem cau-  
 sa & (ut uocant) fundamentum hoc modo non effertur,  
 expertia quoque contentionis sunt & remissioni.  
 quamuis non ignoro multorum esse sententiam, relatio-

Propria  
 definitio.

Prima  
 proprietas.

2. Proprietas.

nem

nem ex ui sua contendit atq; remitti: atq; ista non aliunde trahere: cū iudicio. Arist. par & impar magis & minus suscipiant, quæ quantitate nituntur, in qua diximus magis & minus non reperiri. Sed uerior prior est sententia. Arist. uerò in pari & impari magis ac minus appellat maiorem aut minorem quantitatum consensum, non contentionem aut remissionem. Tertia proprietates, relata simul sunt naturæ ordine: ut dominus & seruus. Simul enim atque dominus est, seruus est: & si seruus sit, dominum esse necesse est. Id (quemadmodum, & quas diximus hactenus communitates) in plerisque uerum est, in alijs non item. Nam scientia & quod sub scientiam cadit, non sunt simul, sensus itidem & quod sensui subijcitur: nam nec sublata scientia, res tollitur, quæ scientia comprehenditur, nec sublato sensu, protinus rem sensui subiectâ auferri necesse est. Certè in omnibus quæ uerè relata sunt, & solam indicant comparisonem uerum est, ut sint naturæ ordine simul: in his uerò quæ secundo loco habitudinem notant, nec sunt huius Categorie, non omnino uerum est, quod ex subiectis exemplis perspicuum euadit. Quarta proprietates, relata omnia reciprocantur: uelut seruus domini seruus, uicissimq; dominus serui dominus dicitur. Reciprocatio hæc omnibus conuenit, quæ sunt in hoc genere, modò id ad quod dicuntur, rectè assignetur. Fit enim quandoque ut reciprocari non uideantur, propterea quòd non accommodatum ad id quod dicitur, uerbum exprimitur. Ut si quis pennam aulæ esse dixerit, non uicissim dicat, aulam pennæ esse: cū aulæ non uerè sit id ad quod penna refertur, sed penniger. Quo assignato, sit quidem

Tertia pro  
prietates

Quarta  
proprietates

*ultima proprius.* mutua reciprocatio. Velut penna pennigeri penna, uicissimq; penniger penna penniger. Vltima proprietas, qui certò sciet aliquid eorum, quæ in hoc genere sunt, necesse est etiam illud, cum quo confertur, probè intelligat. Quod hinc intelligi potest. Tunc certò scitur res, quando ipsius diffinitio cognita est: at ea est relatorum natura, ut unum in definitione alterius collocetur: ergo altero probè intellecto, necesse est pariter & alterum cognoscatur.

## De his quæ sunt huius Categoricæ,

## CAPUT XVI.

**E**A quæ de ordinibus Categoriarum diximus, ex duobus subiectis typis Substantiæ & quantitatis satis exactè intelliguntur: in reliquis sat fuerit, quæ ad unumquodq; genus sese recipiunt, percensere. Omnis uox, quæ nil aliud præter relationem & habitudinem primo loco ac præcipuè significat, huius est Categoricæ: cuiusmodi hæc sunt, pater, filius, auus, nepos, maritus, uxor, socer, gener, magister, discipulus, patronus, cliens, duplum, dimidium, magnum, paruum, maius, minus, æquale, inæquale, prius, posterius, amicus, inimicus, ciuis, socius, sodalis, hostis, & alia his similia propemodum innumera. Nomina omnia numerandi, quæ ordinis uocantur, aut multiplicatiua, ad hanc pertinent Categoriam: ut primus, secundus, tertius, &c. Simplus, duplus. Nomina proportionis, & ea omnia quæ rationis & analogiæ formas indicant atq; notant, huic Categoricæ attinent: cuiusmodi sunt, dupla, tripla, quadrupla, sesquialtera, sesquitertia, superparticularis, superpartiens. Cognationis nomina & affinitatis ad hanc se recipiunt, quorum quedam antea attigimus: ut frater,



frater, soror, consobrinus. Illa quoq; permulta quæ cum præpositione componuntur, in hac locum habent: qualia sunt, conuictor, coadiutor, condiscipulus, cōterraneus, confabulator, & alia sexcenta, quæ omnia persequi non est huius loci ac temporis: cum præsertim cætera omnia, quibus locus patet in hac Categoria, ex his quæ proposita sunt, studiosus quisq; facile possit agnoscere.

## De Qualitate.

## CAPVT XVII.

**Q**ualitatis nomen homonymum est iudicio Aristot. Dicitur enim differentia qualitas, dicitur quoque & candor. Sed illa substantialis est, quoniam percontanti qualis sit res secundum substantiam aptè respondetur, hæc uero accidentaria, cum ad rei subiectæ, de qua dicitur, anim & naturam non pertineat. A nobis de qualitate disputatur, quâ accidentis nomen est, non differentie. In qua explicanda eadē seruabitur methodus, ut descriptione proposita, mox formas subiungamus, & communitates. Qualitas est, à qua res qualis dicitur: ut candor, Grammatica. A candore candidi dicimur, à Grammatica Grammatici. Hic quia quale paronymum ipsum qualitate notius est, quid qualitas sit, forma scilicet, per quale paronymum explicatur. De numero formarum, quas sub se complectitur qualitas, à plerisq; ambigitur. Aristot. uisum est quatuor esse tantum interiectas formas, ad quas possunt qualitates omnes reuocari. Primum genus constituunt habitus & affectio. Habitus est firma quedā & constans qualitas acquisita, quæ nō facile euellitur à re subiecta. Cuiusmodi sunt uirtutes omnes, uitia, artes, scientiæ. Acquisitā

Significatur  
res qualis  
tatis.

Quidque  
litas.

Primum ge-  
nus qualita-  
tis.

diximus contra illorum sententiam, qui uirtutum ac scientiarum habitus, uelut ornamenta quædam præclara animo, quamprimum à Deo conditus est, conferri, falso arbitrantur. *Affectio* est qualitas quædam minimè diuturna, quæq; citò subiectum deserit: ut mediocris artium cognitio temporis diuturnitate non dum confirmata: & quod ex aliquot uirtutum, aut uitiorum actionibus relinquatur, quam uiam quandam ad habitum, seu inchoatum habitum possumus appellare. *Habitus* & *affectio* non distinguuntur essentiali differentia, sed accidentaria. Estq; *affectio* similis pallori, qui ex metu contrahitur, & citò recedit: *habitus* uerò eidem, cum ex aliquo relinquatur diuturno morbo, nec facile euellitur à subiecto. *Secunda* qualitatis species ex duabus etiam partibus conflatur, naturali facultate & naturali imbecillitate. *Naturalis facultas* est, qualitas à natura congenita constans, qua facile aliquid operamur, aut resistimus: ut in his, qui ad cursum, ad luctum, ad pugnam naturam aptissimi sunt, naturales insunt facultates ad illas actiones exercendas, quibus indita nomina non sunt. *Vis* quoque, quæ in homine est ad percipiendas scientias, ad eandem speciem refertur. Reperiuntur etiam & facultates aliæ, quibus affecta subiecta idonea fiunt ad resistendum: quales in his cernuntur, qui non facile nec leui quauis causa sunt morbis obnoxij. Huiusmodi uim duri nomen significat: durum enim appellamus quod secanti resistit. *Imbecillitas naturalis* qualitas quædam est natura indita, qua aut difficulter agimus, aut egrè resistimus. Quemadmodum enim natura quosdam genuit aptos ad cursum, aut pugnam, ita alios procreauit ad ista omnia ineptissimos.

mos: quos dicimus naturalibus imbecillitatibus esse affectos. Sunt etiam ualitudinarii permulti, qui facile & leui quauis occasione incidunt in morbos: hi quia ægrè resistunt, naturalem quoque habent imbecillitatem: cuius nomen est molle: id enim molle dicitur, quod diuidenti haudquaquam resistit. Naturalis facultas & imbecillitas substantiali differentiâ separantur, quemadmodum homo & equus, & utraq; commune genus circunloquimur, quod simplici nomine caret. Tertium genus continet patibilem qualitatem & perturbationem: quam non satis accommodato uocabulo passionem alij appellare consueuerunt. Patibilis qualitas uocatur, qualitas diu multumque hærens in subiecto, quæ in sensibus affectionem aliquam, aut motum efficit, uel ex aliqua affectione nascitur: ut calor ignis, niuis candor, pallor qui ex diuturno morbo contrahitur, aut ex naturali temperatione, aut ex uehementi aliqua perturbatione. Perturbatio qualitas est, non diuturna, citò euanescent, quæ in sensu etiam affectionem gignit aliquam, aut ex affectione nascitur. Affectionem sensui ingerunt, quæ sensum delectant, aut offendent: cuius generis sunt tactiles qualitates, calor, frigus, & quæ ad gustatum pertinent, ut sapores, cum citò rem subiectam deserunt. Ex affectione nascuntur, pallor ex metu, rubor ex uerecundia. Dictæ sunt autem priores illæ patibiles, non ex eo quod subiecta, quæ illas susceperunt, passa sunt: tametsi uerum sit fuisse aliquid perpeffa, & commutata: sed ab ea dumtaxat affectione, quam in ipsis sensibus efficiunt. Quod habitum ab affectione distinguit, hoc ipsum ferme inter patibiles qualitates interest, & perturbationes: ita accidentario tantum discrimine separantur.

3. Genus

Perturbatio

**Quartu-  
genus.** tur. In quarto genere sunt forma & figura. Figura com-  
**Figura.** plectitur Mathematica omnia, circulum, triangulum,  
 quadratum: & eam figuram, quæ est opificum artificio  
 & industria confecta: ut sunt opificum opera, domus, na-  
**Forma:** vis, tunica, calceus, mensa. Forma effigiem animatorum  
 notat, & partium compositionem, à qua res pulchra  
 dicitur, aut deformis. Præter has quatuor alias aliq ex-  
 cogitarunt: sed cum hæ solæ qualitates omnes compre-  
 hendere uideantur, his possumus esse contenti. Vnum est  
 de quo posset dubitari, cum singulæ formæ duas partes  
 complectantur, ac proinde octo fiant interiectæ spe-  
 cies, quæ causa quatuor tantum esse qualitatis genera di-  
 xerimus. Verum ad dubitationem id responderi potest,  
 simplicium uocum inopia factum esse, ut in singulis for-  
 mis exprimendis duabus uocibus usi fuerimus: quæ ta-  
 men unum commune genus significare, oportet intelli-  
**Prima** gere. Proprietates qualitatis tres afferri solent. Prima est,  
**propriet.** in qualitatibus repugnantia est: nam calori frigus con-  
 trarium est, & nigrori candor. Sed id in quibusdam ue-  
 rum est, non in omnibus. Circulo enim aut quadrato nil  
**2. propri.** omnino contrarium est. Secunda proprietas, recipiunt  
 qualia contentionem & remissionem. Nam & album a-  
 liud alio albius, minusq; album dicitur, & alio aliud ma-  
 gis minusue iustum. Proprietas hæc non omni qualitati  
 accommodatur. In his enim quæ sunt quartæ speciei, ma-  
**3. Propri.** gis aut minus non reperitur. Maxime proprium est qua-  
 litati, ex ea simile aliquid aut dissimile dici. Vocantur e-  
 nim similia, quæ eadem qualitate affecta sunt: dissimilia  
 uero, quæ diuersis.

Quæ uoces ad hanc Categoriã referantur.

## CAPVT XVIII.

**O**Mnis uox corporis affectionem indicans non constantem ad primam formam qualitatis pertinet, & sub affectione continetur: cuius generis sunt sanitas, morbus, & eius formæ, febris, paralyſis, pleuritis, ſinitas, cecitas, mediocris quoq; artium cognitio, uirtutum, uiti-  
tiorum, & aliarum rerum conſuetudo, temporis diuturnitate nondum confirmata, ad eandem referuntur. Habitus omnes corporis in hac prima forma collocantur. Eſt autem corporis habitus commoda quædam agendi ſc-  
cultas, non à natura data, ſed ſtudio & induſtria compa-  
rata: qualem ſibi comparant, qui ſe diu multumq; in ar-  
tibus mechanicis & operarijs exercent, paleſtrica, gla-  
diatoria, ſutoria, arte natandi, currendi, &c. Huiusmodi  
habituum nomina ſunt, robur, uelocitas, & id genus alia.  
Habitus tam mentis, quàm appetitus, ſub eadem ſpecie  
collocantur. Vt ſapientia, intellectus, prudentia, ars, opi-  
nio, artium nomina & ſcientiarum, Grammatica, Rhetorica,  
Dialectica, Arithmetica: uirtus, uitium, iuſtitia,  
fortitudo, audacia, fides, ſpes, charitas. Nomina magiſtra-  
tuum & dignitatum in hoc primo genere qualitatis col-  
locantur, ut Pontifex, Epiſcopus, Sacerdos, Rex, Conſul,  
Prætor, pauper, diues, fortunatus, felix, beatus, nobilis.  
Ad ſecundam ſpeciem pertinent omnes facultates natu-  
rales, & imbecillitates: ut durum, molle, ſalubre, ſualetu-  
dinarius, uires naturales planetarum, ſyderum, elemēto-  
rū, animalium, plantarū, lapidum, & ceterorū. Proprie-  
tates omnes formarum in eodē ſunt genere, ut ridere, fle-  
re, natum eſſe ad perdiſcendas artes, huius, latrare, mu-  
gire

forma est actio. Est autem actio motio quædam, qua agēs in rem subiectam agere dicitur: ut calefactio, frigefactio.

Actiois genera tot sunt, quot motus, sex scilicet, ortus, Actio-  
genera:

interitus, accessio, decessio, commutatio, loci mutatio. Or

tus & Interitus ad substantiam pertinent, Accessio &

Decessio ad quantitatem, Commutatio ad qualitatem,

Loci mutatio ad Categoriā loci, de quibus accuratius

agere, Philosophi naturalis interest. Proprietates actio-

nīs due sunt: prior est, in actione est repugnantia. Est e-

nim una actio alteri contraria, ut calefactio frigefactio-

ni, motui qui fit ad locum superum, is motus, qui fit ad lo-

cum inferum. Secunda proprietas, in actione magis &

minus reperiuntur: nam & frigefacere res una altera

magis dicitur, & minus, & calefacere. Hæc uerò non in

omni insunt actione, sed in ea duntaxat, qua forma com-

paratur, cui ista conueniunt: cuius generis est caleface-

re, qui motus est ad calorem, quem certum est & habere

contrarium frigus, & magis ac minus suscipere. Quæ u-

rò actiones finem habent ac extremum, in quo ista non

reperiuntur, harum affectionum expertes sunt: ut scri-

bere, gignere, secare. Pati est, eam uim accipere, quæ ab

agente immittitur. Passio uerò est, motus ab agente pro-

ficius, quæ suscipitur in re, quæ patitur. Sunt itaq; (quem-

admodum diximus) actio & passio motus unus & idem,

ratione diuersus: ut calefactio quæ ab agente profici-

tur, uocatur actio: quæ uerò suscipitur in re aliqua sub-

iecta, passio. Itaque actio est mutatio agenti comparata,

passio uerò eadem mutatio, quæ respicit id quod patia-

tur. Passionis species tot sunt, quot & actionis. Proprieta-

tes quoq; eadem sunt in utroq; genere, & eodem modo

se se

Proprietates  
actio-  
nis due,

Quid pa-  
si.  
Quid pa-  
si.



se habent. Est in passione repugnantia. nā cale fieri & frige fieri contraria sunt, & hæc eadem magis ac minus suscipiant. Calefit enim magis corpus unum altero & minus, ac frigefit. Hæc uerò non omni passioni cōueniunt. Nam secari, scribi, & similia ista nō recipiunt.

Quæ uoces in his generibus contineantur.

## CAPVT. XX.

**A**ctionis genere continentur uerba omnia, quæ Grammaticis actiua & transitiua dicuntur: ut dicere, disputare, conuiuari. Et nomina significationis actiue, scribens, scriptor. Verba omnia motus cum suis uerbalibus huic generi subiiciuntur: ut generare, mouere, augere, minuire, generans, mouens, augens, generatio, auclio, motio. Deniq; huius est classis quicquid legitime respondetur interroganti, quid efficit? Ad passionis genus pertinent uerba omnia quæ passionem significant, ut moueri, cale fieri, augeri, & similia. Ad idē referuntur etiam ea, quæ ad sensus propriē pertinent, quibus actio significari uidetur: ut uideo, audio, olfacio, sentio. Item ea, quæ animorum motus & perturbationes indicant, ut mœrere, timere, sperare, cupere, amare. Deniq; uerba motus, profisci, saltare, ambulare, curare, & id genus alia, quæ forsitan actionum esse notæ alicui uidebūtur.

Categoria Vbi.

## CAPVT. XXI.

**C**um reliquæ quatuor Categoriae ad disciplinas Philosophicas non usque adeo magnū præstent adiumentum, & earum rarus admodum sit usus, breuissimè illas perstrinxit Aristoteles, & exemplis tantam subiectis illustrauit: quod dubitandi locū reliquit interpretibus

tibus, efficitq; ut in uariis sententias distracti, nihil ferme certi de illis statuerint. Nos quæ probabiliora sunt afferemus, & uerò magis consentanea, sequetur quisq; ac eliget, quod ratione magis niti iudicabit. Multi hæc quatuor genera, Vbi, Quando, Situs, Habere, habitudines quasdam esse ac relationes arbitrati sunt. Constitituunt autem duplex genus relationis alteram mutuam ac reciprocam, alterum non mutuam. Mutua relatio est, cui in altero extremo alia respondet: cuius generis istæ, quæ pater refertur ad filium, ei enim uicissim in filio altera respondet, quæ filius refertur ad patrem. Non mutua uocatur, cui in altero extremo nulla respondet: quales sunt eæ, quæ his generibus continentur. Priorem illam censent ad categoriam relationis pertinere, posteriolem uerò haud quaquàm illa contineri: sed constituere has quatuor ultimas Categorias. Sic argumento occurritur, quo huiusmodi sententia refelli posset, & seruatur integer decem Categoriarum numerus, qui alioqui confundi uidebatur. Sed ad singula genera explicanda accedamus. Vbi quibusdam uidetur esse habitudo (quemadmodum diximus) loci ad rem, quæ loco con-

*Duplex  
genus re  
lationis.*

*Quid  
vbi.*

*Quæ sint  
huius Ca  
tegoriæ.*

tinetur, cui in re, quæ comprehenditur loco altera non respondet. Alijs ipsemet locus, quæ circumscribit, ac continet corpus. Potest & circumscriptio dici corporis, quæ à loco circumscribente proficiscitur. Ita ut nec sit locus, nec habitudo, sed contineri loco, quod accidens quoddam est proprium huius Categorię. Huius Categorię sunt nomina omnia, quæ in aliquo loco esse rem significant, ut in cœlo, in æthere, in mari, in templo, in foro. Ad hæc referuntur, supra, infra, pone, ante, ad leuam, ad dextram, aduerbia loci, hic, isthic, illic; deniq; ea omnia

omnia quæ aptè respondentur interroganti, ubi res sit,  
aut geratur.

Quando.

## CAPVT. XXII

Quid  
Quando

**Q**uando tempus non est, hoc enim ad quantitatem  
pertinere diximus: sed nō est absq; tempore. Erit  
igitur Quando aut habitudo ipsius temporis ad res,  
quas metitur: aut ipsummetē tempus, quatenus res meti-  
tur, unde fit ut dicantur tempore contineri: aut certē  
quod tertium est, contineri tempore, quæ affectio quæ-  
dam est à tempore, et habitudine longè diuersa. Quan-  
do contrario caret, intensiōe et remissionē, quemadmo-  
dum et Vbi. In hac classe continentur quæ ad parti-  
culas interrogandi, quando, et quandiu legitimè respon-  
dentur: ut nunc, heri, noctū, interdiu, citò, serò, breui, tē-  
pore hyberno, belli, pacis, superiori anno, die, mense, et  
id genus alia, quæ ex propositis cuius agnoscere facili-  
tatem fuerit.

Quæ sint  
huius ca-  
tegoria.

Situm esse.

## CAPVT. XXIII.

Duplex  
ordo par-  
tium.

**I**n partibus totius integri duplex ordo spectatur, al-  
ter qua in eodem toto sibi inuicem comparantur, al-  
ter qua ad locum referuntur, in quo continentur: ut exē-  
pli gratia, partes hominis ordinem quendam seruant  
inter se, quo alia prima dicitur, alia postrema, media a-  
lia. Caput primum sibi locum uendicat, pedes ultimum,  
medium obtinet pectus. Hic ordo perpetuò unus est atq;  
idem, nec ex diuerso hominis sitū unquam uariatur. Cū  
autem homo in loco sit, necesse est quoq; singulas homi-  
nis partes singulis loci partibus contineri, atq; ita inter

partes ordinem esse quendam quâ loci partibus comparantur. Ergo situm esse aut hunc partium ordinem si- *Quid situm*  
gnificat in loco, aut ipsummet locum, quatenus singule  
eius partes singulis corporis partibus respondent, aut  
certè circumscriptionē partiū corporis à partibus loci,  
accidens et à loci rei; partibus, et ab habitudine lon-  
gè diuersum. Situm habent alia natura: ut mundus, ele-  
mēta, animalia. Alia arte, ut ædificia statuae, et similia.  
Situs genera sunt, stare seu rectum esse, sedere, cubare:  
cui subiunguntur, prouum, supinum, in latus. Huic generi *Quæ sint*  
attinent omnia, quæ corporis positum exprimunt, quæ- *huius ge-*  
lia sunt quæ diximus, et formæ illorum, status, sessio, ac- *neris.*  
cubatio, deflexio, procliuitas. Crassum, tenue, leue, aspe-  
rum, quæ alioqui ad qualitatem pertinere uidebantur,  
iudicio Aristotelis ad hoc genus referuntur, quod ex  
diffinitionibus intelligi licet. Crassum est, cuius partes  
prope coherent. Tenue, cuius partes distracte disun-  
ctæq; sunt. Leue, cuius partes in rectum directæ sunt  
quodammodo, ut speculum. Asperum, cuius partes aliæ  
eminent, aliæ superantur.

Habere.

CAP. XXIIII.

**H**abere multis modis dicitur. Nam totum partes-  
habere dicitur, et pater filium, et tempus res,  
quæ metitur, et locus quæ continet corpora. Sed  
istæ à nostro genere, de quo agimus, longe aliena sunt.  
Habere quâ genus est huius Categoriæ, significat aut *Quid ha-*  
quæ corpori adiacent, quâ nomen aliquod ipsi tribu- *bere.*  
unt, aut habitudinem eorum ad corpus, aut quod ter-  
tium est, adiacere et adherere corpori: ut uestitum esse,

M uestem

uestem ipsam indicabit, qua corpori adhæret, uel habitudine qua uestis ad corpus afficitur, uel certè uestem corpori adiacere, quod & à ueste differt, & à corpore. Huic generi subiiciuntur quæ integumentum adhaerens corpori significant, uel toti, uel uni alicui parti, à qua totum nomē accipit: cuiusmodi sunt, armatum esse, loricatum, galeatum, hastatum, uestitum esse, togatum, palliatum, purpuratum, sericatum, calceatum, & quæ sunt his similia, quibus breuiatis studio supersedemus.

*Quæ huic  
generi sub  
iiciuntur.*

De his quæ Postprædicamenta uocantur.

De Contrarijs

C A P. XXV.

**P**ostrema huius tractationis pars μετὰ τὰς κατὰ γένος, hoc est, Post prædicamenta inscribitur: in qua ea diligentius pertractantur, quorum, cum de ipsis Categorijs ageremus, mentionem fecimus, & exacta ratio reddi non potuit: cuiusmodi sunt, contraria, prius, posterius, formæ motus. Primum de contrarijs differendum est, non quâ pertinent ad integra pronuntiata, huiusmodi enim disputatio in libro de Interpretatione suscipietur: sed qua ad uoces simplices spectant, quas solas recipiunt Categoriæ. Contrariorum genera sunt quatuor, relata, aduersa, priuatiua, aientia & negantia, seu contradicentia. De relatis satis abundè actum est, restat ut de alijs differamus. Aduersa uocantur, quæ collocantur sub eodem genere, & à se maximè distant, atq; eidem subiecto uicissim insunt, nisi alterum illi naturâ conueniat, à quo tamen mutuo sese expellunt. Aduersa à se maximè distant, non loco, sed formis, ac naturis. Habent enim

*Aduersa.*

enim naturas substantiasq; maximè diuersas. Suscipi autem uicissim possunt in eodem subiecto, idem enim nunc calore affectum est, nunc frigore: nō semper tamen, aut omnia, sed illa dūtaxat, quorum alteram non est rei inditum natura. Frigus igni nunquā conueniet, quia calore naturā affectus est: nec siccum aqua, quæ humorem trahit a natura. Postrema pars diffinitionis indicat, contraria simul in eadem re inesse non posse. Aduersa duplicia sunt, alia medium habent, alia carent medio. Medium non habere dicuntur quorum alterum necesse est inesse in his, in quibus natura insunt: ut morbus & bona ualetudo. Quæ quoniam in corpore animalis nasci solent, certè alterum necesse est, uel morbum, uel bonam ualitudinē animantis corpori conuenire. Impar etiam & par in numero dicuntur, alterutrumq; necesse est in numero reperiri. In his uerò contrarijs medium est collocatum, quorum alterum non necesse est in eis esse, quibus natura insunt: ueluti candor & atror in corpore natura nascuntur, & tamen non necessariò alterutrum inest in corpore. Cum præsertim nō omne corpus aut album sit aut nigrum. Porro in his quæ medium habent, in quibusdam medijs ipsis nomina posita sunt: ut in albo & nigro, quorum media sunt, fuscus, pallidus & cætera eiusdē generis. In alijs media sunt anonyma, & negatione utriusq; extremi designantur: ut in bono & malo, quibus interiectum esse dicimus, quod neq; bonum est, neq; malum. Priuantia sunt, forma & priuatio, quæ circa idem fiunt, tempore à natura definito, & sine regressu. Priuantia circa rem eandem fieri dicuntur, propterea quòd in eo tantum suscipitur priuatio, quod

*Diuersa  
duplicia.*

*Priuantia*



est capax formæ. Ita lapis, & quicquid aspectus capax esse non potest, tametsi non uideat, cæcum uerè non dicitur. Definitionis pars altera indicat, non necessariò quouis tempore subiectum altero ex priuantibus affectum esse debere. Homini enim, quam primùm nascitur, nec habere dentes conuenit, nec edentulum esse. Est tempus quoddam in quo natura, quæ ad formam necessaria sunt parat acqignit, quo elapso, nisi conuenerit forma, ac in re subiecta effecta sit, priuatio in ea inesse uerè dicitur. Intra illius autem temporis limites alterutrum non est necesse in subiecto dici. Postrema pars sine regressu admonet, esse quidem progressum à forma in priuationem, contra uerò à priuatione in rem quæ amissa est, regressus fieri nullo modo potest. Nec enim qui oculis semel captus est, unquam postea despexit. Sed aduersus hanc partem sic obijciunt: Aër amissum lumen recuperat, homini amissa scientia restitui potest, & in altero à tenebris ad lumen, in altero ab ignorantia ad scientiam fit regressus: est igitur reditus & mutatio à priuatione in formam. Cui obiectioni hoc modo occurrendum

Obiectio.

*Soluitur* est: Duplex est priuatio, altera quæ à re subiecta formam aufert secundum actum, altera qua priuatur subiectum etiam potestate habendæ formæ. Prioris generis sunt, tenebræ, ignorantia. Illum enim ignorare dicimus, qui nescit, cum possit tamen rerum scientiam sibi comparare. Posterioris generis sunt, cæcitas, mors. Nam cæcus is dicitur, qui nec despicit, nec despicere potest. Hoc posterius genus priuationum à nobis hoc loco consideratur, & huic accommodata definitio recta est. Alterum genus. 10. Metaphy. Aristot. contemplatur, cum priuationem partem alteram contrariorum appellat, &

mutu

mutuam esse inter contraria transmutationem statuit. Aientia & negatia sunt, affirmatio & negatio rei eiusdem: ut homo, nō homo, album, non album. In his oportet illud idem negatione tolli, quod asserit affirmatio, alioqui nulla esset repugnantia. Has formas contrariorum multis differentijs adductis separat Aristote. quas paucis explicabimus: Relata à cæteris omnibus ita distinguuntur, quod unum ad alterum affectum sit, ac dicatur: ut pater filij, dominus serui. Alia autē non ita dicuntur. Neq; enim album ad nigrum affectum est, aut cæcis ad affectum. Preterea relata in eodem reperiuntur, modo diuersis comparētur: cætera uerò in eadē re nullo modo possunt inesse. Aduersa ea quidem quæ medio carent, à priuantibus hoc modo separantur, illorum alterum necesse est quouis tempore in eo esse, in quo natura recipiuntur: protinus enim atq; est animal, & quādiu uiuit, aut ualere oportet, aut morbo affici. Priuantium autem non necessario alterutrum quouis tempore in re subiecta reperitur: homini enim recens edito, nec habere dentes conuenit, nec edentulum esse. Quæ uerò medium habent, à priuantibus differunt, quòd horū aliquo tempore alterum in eo reperiri sit necesse, circa quod natura uersantur: in illis uerò nullum est tempus, quo affici subiectum alterutro sit necesse. Iam inter aduersa mutua est transmutatio, nisi alterum sit natura tributum: à priuatione uerò in formam (quemadmodum diximus) non sit regressus. Porro contradicentia à cæteris his distinguuntur differentiis: ex contradicentibus alterum de re quauis proposita uerè enuntiatur, oportet enim quicquid est, album esse, aut non albū. In alijs mul-

Aientia  
et negan-  
tia.

Differen-  
tia contra-  
riorū.

ta sunt, quibus neutrum conuenit. Cùm non sit necesse quicquid est seruum esse aut dominum, album aut nigrum, uidere aut cæcum esse. Præterea inter contradicentia nihil omnino interiectum est, inter cetera multa inter sunt, etiam illa aduersa, quæ medio carere asseruimus. In quibus, si rei comparentur, cui naturâ conueniunt, nil est interiectum: ut inter ualeitudinem & agrotationem nullum medium est, cùm ad animal referuntur: omnino autem & uniuersæ sumpta, sine comparatione, multa habet media. Nam nec lapidi, nec ligno, nec ijs, quæ sunt eiusdem generis, ullo modo conueniunt. Hæ ferè sunt contrariorum differentie ac dissimilitudines, quibus separantur.

De priore, posteriore, & his quæ sunt simul.

## CAPVT XXVI.

**P**Rioris posterioris in explicandis Categorijs non semel mentionem fecimus, quare de his etiâ nobis hoc loco erit agendum. Prius alterum altero multis modis dicitur: sed quorum frequentissimus in Philosophia usus est duo sunt ferme, prius tempore, prius naturæ ordine. Tempore prius dicitur, quod altero antiquius est, cuius scilicet ortus alterius ortum præcessit: cuiusmodi manifestissima sunt exempla. Naturæ ordine prius duobus modis dicitur. In primis quod non uicissim alteri consequens est, cùm rei status exquiritur. Hoc modo unum duobus prius est. Nam si duo sunt, continuò sequitur unum esse: unum autem si sit, non necesse est duo esse: animal quoq; homine, & omne genus hoc modo prius est forma. Colligitur enim ex homine animal ex necessitate: homo uerò animali non est consequens. Deinde eorum quæ uicissim com  
meant

meant in argumentatione de statu rei tractanda, id rectè prius naturæ ordine dicitur, quod causa est quomodo-  
 cunq; cur sit alterum. Sic inter se sunt comparata esse ho-  
 minem, & oratio, quæ hominem esse enuntiat. Ista enim  
 in argumentatione, qua exquiritur rei status, ita recipro-  
 cantur, ut si homo sit, uera sit oratio, hominem esse, &  
 uicissim retrò conueniendo. Vera autem oratio mini-  
 mē causa est, cur res sit: sed res potius causa est quo-  
 dammodo, cur uera sit oratio. Nam quia res est,  
 aut non est, ueram orationem, aut falsam dicimus: ita rē  
 esse naturæ ordine prius est uera oratione. Hoc eodē mo-  
 do sol lumine prior est, & subiectum omne suis affectio-  
 nibus. Adiecit & alios modos prioris Aristote. prius or-  
 dine, & dignitate, qui explicatione non egent, & rarò  
 usurpantur. Quot modis prius dicitur, totidem etiam di-  
 citur & posterius: quorum diffinitiones perspicuæ eua-  
 dunt ex his, quæ de priori diximus. Simul aliqua dicuntur  
 iisdem fermē rationibus, tempore, & naturæ ordine. Si-  
 mul tempore sunt, quorum ortus in eodem est tempore.  
 Natura uerò simul sunt ea, quæ reciprocantur in argu-  
 mentatione, quæ ex statu rei ducitur, sed neutiquam alte-  
 rum alteri causa est, ut sit. Huius generis sunt relata, pa-  
 ter filius, dominus seruus. Hæc enim ita reciprocantur,  
 ut si pater sit, sit etiam & filius, & si sit filius, sit pater:  
 & neutrum alteri causam ortus affert: non enim pater,  
 quā pater causa est filij. Rursus simul natura dicun-  
 tur, quæ ex eadem sunt diuisione: ut homo, equus,  
 leo, quæ diuidunt animal: quorum ea ratione nullum  
 altero prius est, aut posterius. Porro quoniam motus ac  
 commutationis mentio facta est, & de his ex pro-

*Quæ sim-  
simul.*

*Secundus  
modus.*

gumentatione concludendum. Id uerò usque adeo certum est, ac exploratum, ut nemo sit de eo dubitaturus, nisi qui in eare nullum unquam fecerit periculum. Sed exemplo ita esse aperiamus. Sit quæstio, consistatne beatitudo in uirtute, quæ. i. Ethic. disputatur. Hanc planè docere ac explicare nemo poterit, quin prius simplicium uerborum, subiecti scilicet & attributi significationes cognitæ habeat, mox quo pacto affecta sint uirtus & beatitudo diligenter perpendat: hoc est, sintne ut totum & pars, an consequentia, an repugnantia. Quæ ubi tenuerit, docere, explicareq; propositam quæstionem aptissime poterit. Nam si alterum ut totum esse, alterum ut partem cõstaret, uirtutem esse beatitudinem perspicuum fieret. Si uerò repugnantia esse, aut dissentanea deprehenderentur, simul quoq; alterum alteri non conuenire intelligeretur. At ista omnia tradit Categoriarum ratio. Primum enim quæ uoces substantiam significant, quæ qualitatem, quantitatem, relationem, & quæ sunt alijs generibus cõprehensa, declarent, apertè demonstrat. Cùm præsertim quid substantia sit, quid quantitas, quid aliorum unumquodq; qua uia & ratione id fieri potuit, ostendat. Deinde Categoriarum scientia quo pacto res affecta sint inter se indicat: quæ enim sunt eiusdem Categorię & in eodem ordine collocantur, ita sunt coniuncta, ut possit alterũ de altero uerè effèrri, sitq; alterum ut totum, alterũ ut pars. Quæ uerò ad diuersas pertinent Categorias, aut diuersorum sunt ordinum, dissentanea sunt, ut unum de altero dici non possit: ut homo & candor, animal & planta. Sed & aliæ præterea sunt non pauce Categoriarum utilitates. Primò ad id utilis est Categoriarum cognitio,

Prima ueritas.

ut habeamus rerum omnium quandam summā, & quædam quasi initia & elementa, ut sciamus ad quæ quasi capita singula sint referenda. Quòd quanti sit momenti & de rebus differenti, & quiduis docere paranti, ex alijs permultis intelligi potest, in quibus id potissimum cura omnibus esse uidemus, ut rerum fontes ac principia, & generalia capita, communesq; locos cognitos habeant & quasi in numero. Deinde cognitionem uocum, amplitudinem, angustiam Categoriæ declarant. Nam quæ eiusdem sunt Categoriæ coherent affinitate aliqua: quæ uerò diuersarum dissimilia sunt prorsus, & nihil commune habentia. Quæ superiora sunt, & ad summum genus proprius accedunt, latius patent, inferiora quæq; ab ipso principio & capite longius absunt, minora esse ac finibus angustioribus clausa cernuntur: quæ omnia disciplina hæc Categoriarum satis abundè docet. Iam quid uerum sit, quid falsum ex hac ipsa Categoriarum disciplina cognoscimus, & ut uno uerbo multa complectamur, & magnum huius partis usum aperiamus, uniuersa inuentionis materia in Categorijs continetur. Nullum enim est questionis genus, quod aliquo modo sola earum cognitione & ope tractari non possit: nulla enunciationis forma, cui concludendæ materiam non suppeditent. Id ita esse, partim ex diuisione questionum, quas

*Secunda utilitas.*

*Tertia utilitas.*

*Quarta utilitas.*

1. Topico. Aristoteles subiecit, partim ex his, quæ de inueniendo medio. 27. cap. libri primi priorum Analyticorum scripsit, apertissimè potest demonstrari. Genera questionum sunt quatuor, iudicio Aristot. Diffinitionis, ut sitne animal particeps rationis hominis diffinitio, necne? Generis, ut sitne genus uirtutis habitus, necne, Proprie-



Proprietatis, cuiusmodi est, sitne sursum celerrimè ferri ignis proprium, an non sit? Accidentis, ut sit candor nivis accedens, an non sit? Omnia autem hæc tractare, hoc est, aut confirmare, aut refellere, cōmodè is poterit, qui sit hac disciplina instructus. Ratio tractandæ quæstionis generis ex Categorijs planè sumitur. Nam sit quod proponitur genus rei, necne, ex eisde cognoscimus: ut sit quæstio, sitne naturalis facultas uirtutis genus, aut perturbatio, hoc pacto facile refelletur, quod tametsi omnia sub qualitatibus genere comprehendantur, sunt tamen in diuersis ordinibus, uirtus sub habitu primo genere qualitatibus, continetur, perturbatio in tertio genere, naturalis uis pertinet ad primū genus. Rursus, si quærat, sitne auis genus animal, id confirmabitur ad hūc modum: Avis & animal sunt in substantia, & collocantur in eadē serie, alterū sub altero, quod ex typo Substantiæ generis percipitur: at auis genus animalis esse haudquaquā potest: reliquū est igitur ut sit animal auis genus. Hinc cōstat tractari quoq; ex his posse diffinitionis problema. Nā in diffinitione primū oportet genus locū obtinere: si igitur quod ut genus propositū est, non esse rei genus ostendatur, conclusum sanè erit propositam orationem non esse rei diffinitionem. Vt si sit quæstio, an numerus seipsum mouens (quod Platonicis uisum est) sit animæ diffinitio, eam euertere hoc pacto facillimè licebit: Numerus, qui t. inquam genus collocatur, uerè animæ genus non est, cum sit anima substantia, numerus autem quātitas: igitur nec tota oratio futura est animæ diffinitio. Proprietatis quæstio quo pacto refellatur, ex Categorijs discimus: ut si quærat, sitne elementum ignis proprium? Con-

futabit

futabitur, quia elementum in eadem est Categoria cum igne, & in eadem serie: quæ sic autem affecta sunt, eorum alterum alterius non potest esse proprium: sed aut genus, aut forma. Idem quæstioni accidentis modus accommodabitur: ut si quæstio sese offerat, accidat color candori, nec ne? Non accidere probabitur cum utriq; in eodem ordine qualitatæ locus pateat. Quod autem concludendis omnibus enunciatorum generibus materiam suppeditent Categoriæ ac subministrent, ea indicant (ut diximus) quæ de ratione inueniendi mediæ uerbi ab Aristot. traduntur. Vniuersa affirmatio, qualis est, omnis homo est substantia, concluditur sumpto medio, quod antecedit attributum, & sequatur subiectum: id uero eligendum est ex eadē illa Categoria, in qua collocatur utrumq; extremum, & ex eodem ordine. Sumentur itaq; corpus, uiuens, animal. Specialis affirmatio concluditur medio, quod utrūq; extremum antecedit: huiusmodi autem mediū suppeditabit Categoria, ad quam extrema referuntur: ut uolenti ratiocinatione colligere, quoddam animale esse substantiam, sumendum erit medium homo, qui eiusdem est ordinis, cum utroq; extremo. Vniuersa negatio efficitur medio sumpto, quod attributo repugnet & sequatur subiectū: huiusmodi autem medium series illa, in qua subiectū collocatur, subministrabit: ut si sit concludendum, nullum hominem esse lapidem, medium eligetur animal, aut uiuens. Postremo specialis negatio ostenditur medio, quod repugnet attributo, & antecedit subiectum, hoc autem colligetur ex ordine, cuius est subiectum: ut si probare oporteat quandā uirtutem non esse à natura datam, erit aptū medium habitus animi, quem omnem constat studio pa-

*Sexta  
uitas.*

rari.

rari. Præter has utilitates, quæ sanè maxime sunt, hanc Septima  
 quoq; affert disciplina Categoriarum, ut quæ pronuncia utilitas.  
 ta sint necessaria, quæ contingētia, quæ attributiones es-  
 sentiales, quæ accidentaria nobis commonstret. Omnis e-  
 nim attributio, cuius extrema in eodem sunt genere &  
 ordine, substantialis est ac necessaria. Illa uerò, cuius ex-  
 tremas ex diuersis generibus sumuntur, accidentaria uo-  
 catur. Ac ne singula, quæ innumera sunt, persequamur, Postre-  
 ad diffiniendum & diuidendum, quæ duo præcipua sunt mus usus  
 omnium artium instrumenta, maxime hæc disciplina con- Categori-  
 ducit. Nam in definitione primùm curandum est, ut ge-  
 nus rei inuestigetur: hoc uerò non aliunde quàm ex Cate-  
 gorijs esse colligendum, manifestum est. Ita Aristote. ani-  
 mæ naturam explicare parans, primùm querendum esse  
 admonet in quo genere sit. Diffiniturus quoq; uirtutem,  
 de eius genere fuit maxime sollicitus. Diuisionum etiā ma-  
 teria hinc depromitur: nam genera, formæ, differentie,  
 accidentia huc omnia referuntur. Ac de Categorijs, & na-  
 su earum hæc dicta sint.

Libri quarti de compositione Dia-  
 lectica finis.

Libet

DE COMPOSITIO-  
NE ARTIS DIALECTICAE  
LIBER QVINTVS, QVI DE  
Interpretatione inscribitur.

De instituto, materia, & libri  
huius inscriptione.

C A P. I.



Disputationem Categoriarum proxima  
me sequitur tractatio de Enūciatio-  
ne. Ei enim qui nouerit, quid uoces  
simplices significant, & quo pacto  
inter se sint affectae, proximum est,  
ut qua ratione ex eis enuntiata con-

*Materia  
praesentis  
libri  
Propositio* flentur, addiscat, modumq; ueri & falsi perspicendi in  
singulis probe intelligat. Ista sunt, quae praesenti libro  
tradere paramus: cuius subiecta materia Enunciatio  
est, propositum ac institutum, de ea differere, pa-  
tes eius, formas, affectiones persequi, regulas tum commu-  
nes ad omnia enuntiatorum genera pertinentes, tum spe-  
ciales, certo generi accommodatas, explicare: quibus ue-  
ri falsiq; inueniendi uia & methodus continetur. In  
*Inscriptio* scribitur autem περὶ ἑρμηνείας, siue de interpretatione,  
propterea quod in eo de enuntiatione agatur, quae in  
uoce posita est, quam constat interpretem esse com-  
positionis & diuisionis, quas mens apud se efformat.  
Interpretationem Boëtius uocem definit esse aliquid  
*Interpre-  
tatio quid* significantem. Sic dicta est, quod animi sensa exprimat  
& interpretetur. Partes eius minutissimae sunt, nomen  
& uer

& uerbum : maiores autem multiplices enuntiationes.  
 Magna huius libri utilitas est, cuius cognitione qui sit *Libri utilitas.*  
 destitutus, differendi artem se consecuturum haud qua-  
 ràm speret. Quo autem pacto sit hic ad reliquos affe-  
 ctus, & ad ipsum finem breuiter est dicendum. Præcla- *Triacena-  
ueniunt ar-  
tium præ-  
cepta.*  
 re quidem à Galeno in libro de optima secta ad Tra-  
 bulum scriptum est, tria in omnibus artium præceptis  
 desyderari, ut uera sint, & utilia, & inter se ac iactis  
 principijs consentiētia. Quòd si unū istorum præcepto  
 desit, statim nec præceptum dici merebitur. Hæc ex ip-  
 sa artis diffinitione colliguntur. Ars enim diffinitur col-  
 lectio multarum comprehensionum, quæ referuntur ad  
 finem aliquem uitæ utilem. Comprehensionum colle-  
 ctio ad præceptorum inter se, & cum subiecto princi-  
 pio consensum pertinet. Quatenus ad finem aliquem  
 uitæ utilem unumquodq; præceptum refertur, eo utile  
 est. Quatenus autem sub comprehensionem cadit, ue-  
 rum esse affirmandum est, falsi namq; nulla est compre-  
 hensio. Sit uerum præceptum nec ne, ex rebus ipsis æsti- *Unde affi-  
mandum sit  
uerū præ-  
ceptum.*  
 mandū est, hoc est, ex ipsarum cum oratione concordia.  
 Cuius rei iudex non sensus erit, sed mens ac uis in-  
 telligendi. Nam artium principia atq; præcepta ta-  
 met si ex his, quæ sensui nota sunt, oriuntur, sensibus tamē  
 ipsis non comprehenduntur. Non enim ex sensui euiden-  
 tibus ars constituitur, nec per ea, quæ sensibus subiecta  
 sunt traditur. Alioqui inter artificem & imperitum nil  
 omnino interesset, cum deprehensio sensui patentium  
 eadem sit in utroq; Præceptionum consensus non ex eo, *Unde pos-  
sunt eos  
sue.*  
 quòd simul sunt, iudicandus est, sed quòd ex se uicissim  
 pendeant, & alijs interemptis alia interimantur. Vtile  
 præce-

*Utile præceptum ex fine dignoscitur.* præceptum cum ad finem artis refertur dignoscitur. Quæ enim comprehendendi possunt, & ad finem comparandum conferunt, utilia sunt existimanda. Ex his perspicuum euadit præcepta artium omnia finem spectare, & ad ipsum comparandum uiam sternere. Cæterum ad finem præceptiones duobus modis possunt esse affectæ, Quædam sunt ex quibus proximè finis artis sequitur, aliæ à fine longius absunt, multis tamen interiectis ad finem referuntur. Duplex hæc præceptorum diuersitas cernitur, cum in alijs artibus, tum uerò in ratione differendi. Quæ de argumentatione & eius formis præcipiuntur, quæ traduntur de inueniendis locis, ex quibus argumenta ducuntur, cum fine artis coherent, ac coniuncta sunt, his enim statim fides paratur, quam finem esse constituimus. Quæ uerò in Categorijs disputantur, quæq; hoc libro tradenda sunt, finem quidem respiciunt, non ita tamen ut ex his proximè sequatur. Quoniam enim fides fit aliqua argumentationis forma, ea præsertim, quæ ex ueris coalescit, argumentatione ad fidem faciendam uti uolentem, & conficiendæ enuntiationis, & ueri ac falsi dignoscendi rationem cognitam atq; perspectam habere oportet. Ex his relinquitur partem hanc artis, quam tradere hoc libro paramus, esse summè necessariam, & cum cæteris ita compositam, ut disputationem Categoriarum sequatur, & ad eam, quæ est de argumentandi formis proximè parari atq; ea media referri in finem.

De Voce &amp; eius formis.

CAP. 11

Minimo



**M**inime partes artis Dialecticæ sunt simplices  
 uoces, de quibus in categorijs à nobis actum est.  
 Sed in illis quid quæq; significaret spectauimus. Nunc  
 quoniam hæ ipse enuntiationem componunt, nomi-  
 naq; ac uerba appellantur, de his denuò erit differen-  
 dum, & utriusque explicanda ratio. Quod commodè  
 fiet, si pauca de uoce & eius partibus præfati fuerimus.  
 Vocis naturam diligentius explorare, naturalis inter-  
 est, ad quem spectat de animæ uiribus, & his quæ ipsi  
 apprehenduntur, disputare. Poterat sanè Dialecticus bo-  
 na fronte eius natura explicanda supersedere, uel Ari-  
 stot. exemplo, à quo in Dialecticis non legitur tradita  
 esse uocis diffinitio. Et sanè meritò. Significatã enim in  
 uoce tantum Dialecticus spectat, uocis quæ uox est, nul-  
 lam curam gerit. Possemus itaq; sola significantis uo-  
 cis cognitione esse contenti; sed mos gerendus est con-  
 suetudini, & manus, quod aiunt, mittenda in messem  
 alienam. Vox sonus est ex animalis ore prolatus, qui *Quid vox*  
 efformatur certis quibusdam & naturalibus instrumen-  
 tis, cum imaginatione significandi: sonus autem, qui  
 relinquitur ex ictu duorum corporum. Instrumentum  
 in animalis actione uocatur, quo intercedente proxi-  
 mæ actio ipsa exercetur. Vt in uisu non aer aut aqua  
 instrumentum est, non totus oculus, sed pars quedam *Instrumentum*  
 oculi, crystallinus humor. In efformanda uoce instru- *mentum uocis*  
 mentum est Galeni iudicio pars gutturis, quæ glottis  
 appellatur. Argumento est (quemadmodum ipse te-  
 statur) quòd hac parte læsa, huiusmodi actio aut ma-  
 gna ex parte impeditur, aut omnino, euertitur, &  
 animalia obmutescunt, Ergo pulmo, palatum,  
 N labia,

labia, dentes, lingua, falsò inter instrumenta numeratur. Nā tametsi sola illa animalia uocē emittere cēseat Arist. quæ respirant, quæq; plumonē habent: non protinus efficitur, ut sit pulmo efformandæ uocis instrumentum. Iam illa alia non uocæ, sed articulatæ uocis, hoc est, sermonis organa esse ac instrumenta uidentur. it uox cum aër, qui respiratione attrahitur, ab animalis facultate impulsus, serit partē illam gutturis superiorem. Hæc, ut diximus, uocis tractatio nō est Dialecticorum proprias: ad partes igitur, quæ huius sunt loci & instituti, prope remus. Voces aliæ significant, aliæ nil omnino præmon-

*Quid uox significat* strāt. Vox significans, nota quædā est, qua alij alijs notionēs suas explicāt. Ad significationē uocis rei subsistentia non desideratur, animū tantū significatus spectat & mentē: nam hircocerus, Hector, & aliæ id genus uoces significant quidē aliquid, quod tamen nō est, nisi quā diu intelligentia cōprehenditur. Iam uocē significare nō est omnino ac uniuersò accipiendū, sed ratione alicuius. Sunt enim uoces, quæ brutis significāt aliquid, hominibus nihil: & aliæ latinis, aliæ Hispanis. Vox non significans est, qua audita nihil animo concipimus, & explicare alij alijs cogitatus suos nequeunt. Vox significās, aut

*Diuisio uocis significantis* natura significat, aut ex conuentione hominum & consensu. Ex instituto hominū significāt, quæ ab hominibus rebus ipsis inditæ suere: ut nomina omnia & uerba. Natura uerò, quæ suam à natura traxerunt significationē, non ex hominum conuentione: ut eiulantium, aut ridentium uoces, quas dolor aut uoluptas exprimit: & quæ à brutis eduntur, quibus naturalis aliquis designatur effectus, ut pluuia, serenitas, uentus. Hæc à prioribus ita di-

stin-

stinguere licebit: quòd hæ apud omnes & quauis ætate eandem semper retinēt significationem; quicquid homines statuunt: illæ usque adeò pendent ex hominum arbitrio, ut ad rem aliam significandam possint traduci: in quibus usus dominus est significatum, quemadmodum in arte poetica pulchrè cecinit Horatius.

Multa renascuntur, quæ nunc cecidere: cadentq;

Quæ nunc sunt in honore, uocabula, si uolet usus,

Quæ penes arbitriū est, & uis, & norma loquēdi,

Magnam inter Aristotelem & Platonem esse uidetur de Quæstio

uocum significatione dissensio. Aristote. positione uult

esse nomina, Plato uerò natura. Sed huic quæstioni pos- Quæsti-

sumus in hunc modum satisfacere. Plato naturalia esse nis expli-

nomina cum dicit, id intelligit, in nomine naturam eius ratio.

rei, quam notat, contineri: periteq; eum, qui primus re-

bus nomina imposuit, fecisse, qui unamquamq; rem no-

mine eius naturæ apto & accommodato appellarit.

Cuius rei multa in Cratylo subiicit exempla. Quare

cessent, qui rebus uelit nomina imponere, eum id com-

modè præstare non posse, nisi rerum naturas cogni-

tat habeat, ac exploratas, à quibus ipsa nomina esse

eruenda existimat. Aristote. uerò illud tantum spectans

nomina & uerba quæcunq; illa sint tandem, ab homi-

nibus fuisse reperta, & rebus ipsis adaptata, natura nō

esse, hoc est, non natura, sed hominum instituto & uolun-

tate significare, pronuntiauit. Ita non dissentiant magi-

ster & discipulus, cum aliud & aliud respicientes, con-

traria dixisse uideantur. Vtriusq; autē sententiā, ueram

esse sacræ literæ testantur. In quibus legimus primus

Adamū rebus nomina imposuisse. Quod pro cuiusq; rei

natura sapientissime, à viro sapientissimo factum fuisse, intelligendum est. Idq; uel ex nomine uxori indito licet deprehendere. Heuam enim illam appellauit, hoc est, uiuentem, quòd scilicet mater futura esset omnium uiuentium, & totius suæ posteritatis.

De nomine & uerbo enuntiationis partibus.

## CAPVT. III.

**P**Artes, ex quibus conflatur enuntiatio sunt, nomen, & uerbum: quas primo loco explicare conuenit, ut ex earum cognitione, ad totius intelligentiam aptè progrediamur. Nomen est uox ex instituto significans, sine tempore, cuius nulla pars quicquam separata significat, finita, & casus recti. A uerbo nomen sola illa parte separatur, qua dicitur sine tempore aliquid significare, quæ paulò post quid sibi uelit, explanabitur. Grammaticis casus nominis nomina uocantur, Aristot. rectius tantum nomen est: quia is solus cū uerbo est constituit enuntiationē. Infinita nomina sunt, nō homo, non albū, quæ omnino esse nomina Aristote. non placet, sed uult appellari nomina infinita: nil enim certum ac definitū significant, cū indicent tam id quod est, quàm id quod non est. Nomina autem & uerba rem certam notant atq; declarant. Verbum uox est ex instituto significans cum tempore, cuius nulla pars significat separata: finita, & temporis præsentis ac indicandi modi. Pars illa cum tempore significare, uerbum à nomine distinguit. Nam etsi nomina tempus notent, cuiusmodi sunt dies, annus, mensis: non tamen significant cum tempore. Est enim cum tempore significare, præter primam significationem, aliquam secum trahere temporis differentiam, quæ

Quid Nomen.

Quid uerbum.

Quid cū tempore significar.

quæ totam enuntiationis compositionem definiat : ut ambulo, quod uerbū est, ambulationem quidē significat primo loco, actionem scilicet, sed præterea trahit secum differētiā tēporis præsentis. Consignificat enim ambulationem in præsentī tempore . Nomina uerò, quæ temporis notæ sunt, præter tempus, nil aliud declarāt, quod ex his, quæ proposita sunt, facile intelligitur . Participium maiorem cum uerbo in hac parte habet affinitatem, nam rem quampiam uidetur indicare, ac præterea tempus: ut ambulans ambulationem in tēpore præsentī. Sed distat à uerbo, quòd uerbi tēpus totam (ut diximus) definit enuntiationis compositionem, & ab eo enuntiationio nomen sortitur: ut homo fuit ambulans præteriti tēporis est, cū participiū præsens tēpus adsignificet. Infinita uerba, ut non ambulo, nō lego à ratione uerbi reijcit Arist. ob eam causam, quam in nomine diximus. Et ut in nomine casus & obliquos à nomine distinxit, sic in uerbo tempora & modos omnes, præter præsens, & indicatiuum, uerba Dialecticis esse negat. Ratio est, quia primò ac per se non faciunt enuntiationem, nisi & nomina redigantur ad rectum, aut cum recto iungantur, & uerba quoddammodo ad præsens & indicandi modum reuocentur.

Quid intersit inter uerbū & participium.

Quid oratio & quotuplex.

CAP. IIII.

**O** Ratio ab Arist. definitur uox significans ex hominum instituto, cuius pars aliqua seiuncta separataq; significat: ut dictio, non ut affirmatio aut negatio: quam postremam partē adiectam esse multi ex interpretibus arbitrātur: quia de simplici tantū enuncia-

Quid oratio.

N 3 tio

Ilone disputatur, quæ simplici quoque ratiocinationi con-  
 ficienda est accommodata. Sed nos cum omne genus pro-  
 nunciatorum persequi statuerimus, partem illam detra-  
 hemus, ut communis relinquatur diffinitio, omnem for-  
 mam pronunciatorum complectens. Ex instituto signifi-  
 care orationem, uel ex ipsis partibus intelligere licet, quæ  
 eo modo significant, nomen scilicet et uerbum: cum to-  
 tius significatio pendeat ex significatione partium. A  
 nomine et uerbo eo separatur oratio, quod nominis et  
 uerbi partes nil seiunctæ ac separatæ significant: at par-  
 tes orationis separatæ aliquid notant, quemadmodum  
 Obiectio. et tota oratio. Sed dubium est in nominibus compositis  
 significant ne partes seiunctæ, necne: significare enim  
 aliquid plane uidentur: ut in homine equiferus, cuius sin-  
 gula partes seorsum sumptæ rem aliquam notant: quæ  
 Solutio dubitatio sic soluenda est. Plurimum interest inter ora-  
 Obiectio. tionem et huiusmodi nomina, nam orationis partes  
 non solum auulsæ à toto significat aliquid; ut in ea quæ  
 dicit, Aristotelem Philosophum, partes illæ Aristote. et  
 Philosophus separatæ à tota oratione rem aliquam de-  
 clarat, sed quæ totius sunt partes, singulæ per se sumptæ  
 significant aliquid. At nominis compositæ figuræ par-  
 tes quidem auulsæ à toto nomine rem aliquam plane no-  
 tant: at quæ partes sunt unius nominis, nil significant,  
 sed ad significant singulæ per se: ut in uoce paterfamilias,  
 pars illa pater distracta à nomine patrem signifi-  
 cat, sed quæ pars est nominis, ad significat, hoc est, unâ  
 cum altera parte rem unam ac simplicem declarat. Hæc  
 uera est ac legitima huius partis interpretatio. Oratio-  
 num genera duo sunt. Alia enim perfecta est, alia imper-  
 fecta

Duo ge-  
 nera ora-  
 tionum.



*fecta. Perfecta est ea, quæ perfectam sententiam in animo audientium imprimit, ut homo est animal. Imperfecta contra ea est, quæ nõ imprimit & parit: ut Socrates & Plato. Hac enim prolata oratione animi auditorum non conquiescunt, sed aliquid præterea desyderant.*

De Enunciatione & eius diuisionibus.

CAPVT V.

**P**erfecta oratio duplex est, alia quæ non est enunciatio, alia quæ enunciatio dicitur. Orationes imperantium, optantium, rogantium, & admirantium, & aliæ etiam ex his, quæ uerbum continent indicantis modi, in quibus adhibetur, quod totius orationis sententiam quodammodo suspendit, cuiusmodi est interrogatio, An consistat summum bonum in uoluptate? non sunt enunciationes. Enunciatio ea sola dicitur, quæ perfecta *Quid enūciatio.* oratio est, & uerum aliquid aut falsum declarat, cuiusmodi hæc est: Homo est animal rationis particeps. Diuisiones enunciationis, quod axioma, seu effatum appellatur, multæ sunt: quas tamen in quatuor genera reuocare licebit. Sunt autem hæc genera, Compositio seu substantia, Qualitas, Quantitas, Materia. Ex substantia due sumuntur. Prior est, qua distribuitur in ueram & falsam. Vera est, quæ perinde significat atq; res se habet: ut Deus est immortalis. Falsa, quæ longè aliter ac res sese habet significat: ut Homo est expers rationis. Ita uerum & falsum non ex opinione nostra, quemadmodum quibusdam uisum est, quicquid nobis uidetur uerum esse existimantibus, sumuntur, sed ex solis rebus. Altera diuisio ad substantiam pertinens, est in sim-

*Prima diuisio enunciationis.*

*Secundadiuisio.*

Quid sim-  
plex enun-  
ciatio.

plexem & compositam. Simplex subiecto constat & attributo, & uerbo uno indicantis modi: ut Homo est animal. Subiectum uocatur, cui aliquid tribuitur, uel a quo aliquid remouetur. Illud in affirmatione, hoc in negatione. Attributum, quod alteri tribuitur, uel ab altero remouetur. Plurimum in hoc genere simplicium pronuntiatorum confert partes singulas dignoscere, posseque alteram ab altera distinguere: quod ut commodè fieri possit ista sunt diligenter animaduertenda. In enunciationibus, in quibus præter uerbum nil tertium exprimitur, in quibus uerbum secundo loco adiacere Aristoteles affirmat, siue uerbum est completantur, siue aliud quoduis, quod cum uerbo sumitur subiectum est, uerbum autem ipsum attributum: ut in his, homo est, homo loquitur. In quibus autem præter uerbum aliquid adijcitur, si est uerbum completantur, serueturque ordo à natura profectus, id est, quo natura sua quisque duce animi sensa exprimit, quod uerbum antecedit subiectum uocabitur, quod sequetur, attributum: ut in enunciatione, homo est animal, homo subiectum est, animal attributum. Si uero enuntiatio uerbum contineat, quod à Dialecticis adiectiuum appellatur, ipsum uerbum, unà cum eo quod sequitur est attributum: ut in pronuntiato, Deus creauit cœlos, creauit cœlos attributi munere fungitur. Porro in simplicibus his enunciatis, commutatur aliquando naturalis sermo artificio, sic enim loqui solemus, præpotens est rerum omnium Deus. Quæ oratio ad naturalem modum dicendi erit reuocanda, scilicet, Deus est præpotens rerum omnium: & ex eo quid subiectum, quid attributum assequendum. Iam subiectum & attributum

attributum aliquando simplicia sunt nomina: ut iustitia est uirtus: aliquando composita, ut felicitas, quæ nõ est collocanda in uoluptate, cõsistit in actione uirtutis: in qua enunciatione quicquid uerbum illud consistit antecedit, subiectum est, quod sequitur unã cū uerbo pertinet ad attributum. Signa aut generalia, aut specialia non sunt extremorum partes: ut in pronunciato, omnis homo est substantia, uox homo sola subiectum est, omnis nota solum, quæ quo pacto subiectum accipi debeat ostendit. In enunciationibus negatibus, negatio nec subiecti, nec attributi pars efficitur: sed in uerbum uim suã exercet. In his uerò, quas infinitas Arist. appellat, cuius generis est, homo est non iustus, negatio in attributo continetur: fit enim ex ea & uoce significante nomen unũ. Composita enunciatio est, quæ conflatur ex multis simplicibus uinculo aliquo connexis, uel per se aptè coherentibus: ut aut dies est, aut nox est: pauperi desunt multa, auaro omnia. De hac enunciationis forma postea dicemus, pauca enim cum simplici enunciatione habet cõmunia. Nunc ea tantũ, quæ ad simplicem spectant, persequemur. Omnis simplex pronuntiatio aut ait quid, aut negat, id est, aut affirmatio est, aut negatio. Assertio est enunciatio, in qua uerbum præcipuum asseritur: ut homo est animal. Negatio, in qua præcipuum uerbum negatur: ut pisces non respirant. Fit aliquando, ut negatio alteri extremo applicetur, ut non homo est albus, quam negationem uerè non licebit appellare. Accidit etiã ut plura uerba in simplici enunciatione collocentur, quorum unum præcipuum est, ex quo æstimanda est assertio, aut negatio: ut in enunciatione, felicitas, quæ

Quid cõ-  
posita enun-  
ciatio.

Tertiad-  
uisto enun-  
ciatio

*En,* quæ nō est posita in uoluptate, cōsistit in uirtutis ac-  
tione, uerbū est prius negatur quidē, sed quia asseritur  
alterū, quod principem locum obtinet, affirmatio cen-  
sebitur, non negatio. Præcipuum autem appellatur id,  
ex quo compositio pendet totius pronūciati, quo sci-  
licet ē medio sublato, imperfecta relinquitur oratio.

Quoniam autem cū quid confirmamus, aut negamus,  
id uel de toto genere facimus, uel de parte incerta, uel  
certa, uel etiam de aliqua re singulari, efficitur, ut tam  
affirmatio, quā negatio, deniq; simplex enūciatio in  
quatuor partes sit distributa. Prima dicitur simplex in  
totum, de toto genere, seu uniuersa: altera ex parte ali-  
qua, siue specialis: tertia ex parte incerta, seu indefini-  
ta: quarta singularis. Enūciatio de toto genere ea est,  
qua aliquid omni rei propositæ conuenire dicitur, aut  
negatur: seu cuius subiectum uox est communis, & notā  
continet uniuersi generis, siue aientem: ut omnis uir-  
tus est habitus: siue negantem, ut nullum bonum est ma-  
lum. Enūciatio ex parte aliqua siue specialis est, cuius  
subiectum est uox communis, & specialem continet no-  
tam: ut quidā habitus est expetendus, quidam homo non  
est albus. Enūciatio incertæ partis, uel indefinita, ea di-  
citur, cuius subiectum communis est uox, & absq; nota  
ulla sumitur. Sic autē appellata est, quod incertā ac in-  
definitā habet sententiam. Nunc enim cum uniuersa cō-  
meat, quādo inter subiectum & attributum necessaria  
est connexio: ut homo est animal, eadem est cum uniuersa,  
omnis homo est animal, nunc cum speciali, ut homo  
ambulat, transit in specialem, quidam homo ambulat.

Singula-  
ris.

Singularis enūciatio uocatur, quæ constat ex subiecto  
uoce

noce singulari: ut Arist. est Philosophus. Harū diuisionū (quemadmodum antea attigimus) hæc est dissimilitudo: priores ex substantia sumptæ sunt: Nam uerum & falsum differentiæ sunt enunciationis: simplex & composita formæ. Ita interroganti qualis sit enuntiatio secundum substantiam, ueram esse aut falsam aptè respondimus. Interroganti autem quænam sit, simplicem aut compositam licebit respondere. Tertia diuisio pertinet ad qualitatem, cuius partes respondebuntur interroganti qualis sit enuntiatio secundum accidens. Quarta ex quantitate sumpta est. Nam si quis quanta sit enuntiatio percontetur, aliqua ex illis quatuor partibus respondenda erit. Ex materia quoq; diuiditur enuntiatio in necessariam, de eo quod fieri nō potest, quam impossibilem appellant, contingentem. Quæ differentiæ ex rebus diuersitate nascuntur. Res enim tribus modis affectu inueniuntur. Aliæ sic coherent inter se, ut nunquam seiungi possint: ut homo & animal. Aliæ contrā sic inter se disiunctæ sunt, ut coniungi nunquam possint. ut homo & lapis. Quædam his interiectæ interdum coniunguntur, interdum separantur: ut homo & ambulare. Enunciationes, quæ ex rebus primi generis existūt, sunt necessarie, quæ scilicet ita sunt ueræ, ut falsæ esse non possint: cuius generis sunt, homo est animal, homo est particeps rationis. Quæ secundi generis res continent, sunt impossibiles, hoc est, ita falsæ ut in ueras conuerti nequeant: cuiusmodi est, uirtus est uitium. Enunciationes, quæ de rebus sunt tertij generis, medium inter hæc locum obtinent: nam & ueræ esse possunt, & falsæ: ut homo ambulat.

COMPOSITIONIS DIALECTICÆ  
De regulis censuræ ueræ & falsæ,  
CAPVT VI.

Prior re-  
gula exa-  
minandi  
ueri.

Alterare  
regula.

**O**Mnia simplicia pronunciata in quatuor genera  
cadunt (quemadmodum diximus) uniuersum, spe-  
ciale, indefinitum, singulare. Quod ad singulare pronun-  
ciatum attinet, non est admodum difficile uerum & fal-  
sum in eo dignoscere. Nam cum subiectam rem tantum  
unam complectatur, si ab ea attributum non discrepet,  
uerum erit: sin minus, falsum. Res est in uniuersis pro-  
nunciatis & specialibus paulò difficilior cognitu: quo-  
his duabus regulis explicabitur. Prior est. Enunciatio  
uniuersi generis uera est, quando attributum ea ratione  
qua profertur, in nullo singulari discrepat à subiecto: ut  
omnis homo est animal uera ex eo esse cognoscitur,  
quòd animal omnibus particularibus hominibus conue-  
niat. Falsa autem est, quando in aliquo, uel uno, attribu-  
tum à subiecto dissentit. Ita hæc falsæ sunt: omnis homo  
est albus, nullus homo est albus: nam in multis singula-  
ribus attributum à subiecto discrepat. Altera regula.  
Specialis enunciatio uera est, si uel in uno singulari at-  
tributum à subiecto non discrepet ea ratione qua pro-  
fertur: cuiusmodi est, quidam homo uigilat. Nā tametsi  
multi dormiant, uno uigilante uera efficitur. Falsa ut sit  
necesse est in omnibus singularibus attributum dissetiat  
à subiecto: ut quidam homo est lapis, quidam homo nō est  
animal. Indefinitæ atq; incertæ enunciationi hæc eadem  
regula seruiunt. Nam si trāserit in uniuersam, ex priori  
regula, uera sit, necne, iudicabitur: si in specialē, ex po-  
steriori. Quædam enunciationes faciē habent uniuersarū:  
sed



sed ex sensu ad aliud genus referuntur: cuius generis est, cuncti simul ore fremebant: quæ non aliter est singularis, quàm si quis enunciet, isti simul ore fremebant: in his eadem atq; in singularibus examinandi ueri ac falsi ratio erit. Eiusdem ferme generis esse uidentur hæc, omnes Apostoli Dei sunt duodecim, omnes orbes cælestes sunt octo, omnes sensus sunt quinque, & aliæ his similes non paucae, quæ uulgò collectiue dicuntur. In quibus non ex singularibus ratio ueri sumitur, sed ex sensu, quem reddunt. Significant enim non singulos orbes octonario contineri, aut singulos sensus quinario numero: sed totam orbium congeriem, aut omnes orbes simul sumptos octo esse, & sensus omnes simul sumptos, quinque. Reperiuntur etiam speciales aut incertæ, quarum etiam ueritas non ex singularibus, sed ex sensu quoq; examinanda est: cuiusmodi sunt, pane aliquo opus est ad uescendum, argumentatio est Dialecticæ materia, obiectum uisus proprium est color, solus homo nouit numerare, homo est species, & aliæ eiusdem generis sexcentæ. Qui enim dicit, pane opus esse ad edendum, non id uult intelligi hoc aut illo pane opus esse: sed eum qui edit, pane uesci. Ita cum dicimus materiam esse Dialecticæ argumentationem, aut uisus obiectum colorem, non id uolumus intelligi, hanc aut illam argumentationem subiecti Dialecticæ tanquam genus, aut hunc uel illum colorem proprium esse uisus obiectum: sed quicquid uisus uidet esse colorem, & Dialecticam de argumentatione differere, atq; omnia in eam referre. Idem in alijs explicandis modus est. Homo est species significat, non aliquem singularem esse speciem, sed hominem uniuersè sumptum.

sumptum. Solus homo numerat, nō hunc reddit sensum, solus hic aut ille homo numerat: sed quicquid numerat homo est.

## De Enuntiationibus contrarijs.

## CAPVT. VII.

**H**Actenus simplicium Enuntiationum ueritatem, aut falsitatem simpliciter spectauimus. Deinceps enuntiationes inter se conferemus, ut queniadmodum, et quot modis consentaneæ aut repugnantes esse possint, intelligatur. Itaq; ea, quæ sequuntur, ad affectiones simplicium enuntiationum pertinebunt: quarum prima est repugnantia, ac proinde primo loco tractanda. Repugnantia, quam uulgo oppositionem appellant, non in quibusuis reperitur enuntiationum differentijs, sed in certo quodam genere pronuntiatorum. Id autem quale sit, ex his diuisionibus perspicuum euadet. Simples enuntiationes, quædam sunt, quibus alterum tantum extremum, aut neutrum commune est: ut homo est animal, bos est substantia: homo est animal, bos est animal. Aliæ in utroq; extremo conueniunt, cuius generis sunt, uirtus est habitus, uirtus non est habitus. Harum quædam in utroq; extremo conueniunt ordine eodem, ut idem in utraq; subiiciatur, idem sit attributum. Aliæ uero ordinis commutatione. Prioris generis sunt, homo est animal, homo non est animal: posterioris, homo est animal, animal est homo. Enuntiationes, quæ diuersa habent extrema, aut in altero tantum conueniunt, tum quæ in utroq; conueniunt, sed ordinis commutatione, non possunt ullo modo contrariæ, aut repugnantes appellari. In his igitur solum repugnantia spectabitur, quæ ex eisdem

omni-

Prima enuntiationum diuissio.

Secunda diuissio.

omnino constantur extremis . sed præter extremorum consensum, alia etiam in contrarijs enuntiationibus considerantur. Quæ quò facilius intelligi possint, quæ sint contrariæ enuntiationes definiamus. Contrariæ enuntiationes sunt, affirmatio & negatio eiusmodi, quæ ex uerbis ac extremis ysdem, non ambiguis cōstent, ad idē comparatis, secundum idem, eodem modo, eademq; ex parte, & tempore eodem. Cuiusmodi hæ sunt, omnis homo est animal, nullus homo est animal. In quibus extrema eadē sunt, non ambigua, atq; ad idem & eodem modo, atq; eodem tempore intelliguntur. Hæc omnia sunt adeò necessaria, ut si aliquid sit prætermisum, repugnātia omnis ē medio tollatur . Primum debent esse eiusmodi, ut altera aiat, altera neget. Itaq; hæ non sunt contrariæ, homo est iustus, homo est iniustus. Deinde eadem uerba esse debent, quæ quoniam non sunt in his duabus, Aristoteles est philosophus, Aristoteles non est bonus, idcirco non sunt contrariæ. Iam uerba homonyma solunt repugnātiā. Vnde fit, ut hæ non sint repugnātes, cancer serpit, cancer non serpit. Negatio uera est in stādere, & in morbo affirmatio. Aliæ quoq; partes omnes oportet obseruari ut extrema ad idem referātur, quod cum his non conueniat, binarius est duplus, binarius non est duplus: si in altera binarius unitati cōparetur, in altera ternario, non erunt contrariæ. Rursus secundum idem & ex eadem parte . Linea est maior extremitate, linea non est maior extremitate, si in affirmatione longitudo spectetur, in negatione latitudo, uera utraq; est, atq; ita non sunt repugnantes. Hæ etiam, dormiens non uidet, dormiens uidet, contrariæ dici nō possunt,

sunt, si secundum actum altera intelligatur, altera secundum potestatem, non enim idem in utroque seruatur modus. Postremò eadem in utraque enuntiatione sumenda est temporis differētia: non enim hæ contrariæ dici possunt, Aristoteles uixit, Aristoteles non uiuit, nec quæ sunt his similes.

De generibus contrariarum enuntiationum.

## CAP. VI. VIII.

Tria contrariarum enuntiationum genera.

**G**enera contrariarum enuntiationum tria sunt, quod in primis ex notis, quæ rebus uniuersis adiunguntur, intelligi potest. Aliter enim hæ duæ affectæ sunt, omnis uirtus est habitus, nulla uirtus est habitus. Aliter hæ, omnis uirtus est habitus, quedam uirtus non est habitus. Aliter, hæ quedam uirtus est habitus, quedam uirtus non est habitus: nec possunt aliæ in se inuicem repugnare. Idem etiam colligere possumus ex ui et natura repugnantia. Cum enim repugnare enuntiationes aliquæ dicuntur, id fit, aut quia simul ueræ et falsæ, aut quia simul ueræ tantum, aut quia simul falsæ tantum esse non possunt. Hæc autem tria in his tribus reperiuntur: quare tantum erunt tria contrariarum enuntiationum genera, contradicentes, aduersæ, et subcontrariæ. De quibus sigillatim dicendum est. Contradicientium duo sunt genera, unum earum, quæ in rebus sunt uniuersis: altera, quæ in rebus singulis. In rebus singulis contradicentes sunt, affirmatio et negatio, ita contrariæ, ut quod altera dicit de re aliqua singulari, idem altera neget. Ut Philippus est rex Hispaniæ, Philippus non est rex Hispaniæ. Rerum uniuersarum contradicentes sunt duæ enuntiationes ita contrariæ, ut sit altera aliens, altera

negans.

negans: altera uniuersa, altera specialis: ut omnis uoluptas est in bonis, quedā uoluptas non est in bonis: nullum malum est expetendum, quoddam malum est expetendum. Aduerse sunt, affirmatio & negatio cōtrarie ambæ uniuersæ siue de toto genere: ut omne animal sentit, nullum animal sentit. Subcōtrarie sunt affirmatio & negatio repugnantes, ambæ speciales: ut quidam homo ambulat, quidam homo non ambulat. Contradicientes ab aduersis & sub contrarijs his separantur differentijs: hæc sola qualitate repugnant: nam altera ait, altera negat, quantitatem habent eandem, sunt enim aut uniuersæ ambæ, aut speciales. Illæ uerò & qualitate pariter & quantitate, quemadmodum ex definitione percipi potest. Præterea contradicentes sese fundunt per omnia genera pronuntiatorum. Nulla est enim enuntiatio, cui altera non repugnet aliqua contradictorio nomine. Aduerse uerò & subcontrarie reperiuntur in certo genere: aduersæ in his quæ sunt uniuersæ & de toto genere duntaxat, contrarie in solis specialibus. Ita principium Aristoteum omni affirmationi contraria est aliqua negatio, & omni negationi aliqua affirmatio repugnat, intelligendum est contradictorio nomine. In omnibus his repugnantium enuntiationum formis uitia accidere solent, quæ repugnantiam tolerant è medio. In aduersis uitium est, si in utraq; eidem uo ei nota addatur specialis: quo errore fit, ut hæc non sint aduersæ, omnis hominis facultas aliqua est immortalis, & omnis hominis facultas aliqua non est immortalis, sunt enim ambæ ueræ, affirmatio de facultate intelligendi, negatio de ui & facultate sentiendi. In subcontrarijs

Aduer  
enuntiatio  
nes.

Subcōtrarie.

Vitia con  
trariarū  
enuntiatio  
num.

peccatur contrario errore, si in utraq; uoci eidem nota adhibeatur uniuersi generis: cuiusmodi hæ sunt hominib; alicuius facultas omnis est immortalis, hominib; alicuius nulla facultas est immortalis. Nam utraq; falsa est, quod non patitur subcontrariarū natura. In cōtradictionibus utroq; modo peccatur, siue uoci eidem addatur in utraq; specialis nota, siue generalis. Mutanda est prorsus dictionum omnium quātitas: ut cui in una nota adiecta est specialis, in altera adhibeatur generale signum. ac id quidem, cū extrema simplicia sunt, seruetur necne, facile est uidere. Cū autem composita sunt, sæpē decipi contingit, ut contradicentes existimentur, quæ ob eam causam, quam assignauimus, illo nomine non repugnat: cuius generis sunt, omnis hominis alter oculus est dexter, alicuius hominis alter oculus non est dexter. Omnis contradictionis pars altera est uera, alicuius contradictionis pars altera nō est uera. oportuit enim illis affirmatiōibus has negationes opponere, alicuius hominis neuter oculus est dexter, alicuius cōtradictionis neutra pars est uera.

De legibus, quas in ratione ueri & falsi contrariæ enuntiationes inter se seruant.

## CAP. IX.

Lex con-  
tradicen-  
tium.

**C**ontrarias enuntiationes ad uerum & falsum non eodem modo sese omnes habere perspicuum est. Quod qua ratione fiat, explicandum est nobis in singulis. Contradicentes, quæ maximè repugnant, diuidunt inter se uerum & falsum: nam nec ueræ simul esse possunt, nec falsæ. Vnde principium illud contradictionis celebre ortum est, de omni re uera est affirmatio aut negatio,



gatio, de nulla ambæ simul. Id quia dignitatis uim obtinet, probari non potest, sed ex ipsa fidem reliqua, quæ dicemus, accipient. Aduersæ enuntiationes uerum diuidunt, non falsum. Veras enim esse ipsarum natura nō patitur, falsæ simul sæpè reperiuntur: In his præsertim rebus, quæ contingentes uocantur, & non sunt ex necessitate coniunctæ: cuiusmodi sunt, omnis homo est albus, nullus homo est albus. Veras autem esse non posse aduersas enuntiationes, argumento ducente ad incommodum ostenditur, quòd scilicet futurum sit, ut & contradicentes simul sint ueræ. Esto enim hæc uera sit enuntiatio, omnis homo albus est, ueram quoq; necesse est esse specialem, quidam homo albus est. Cum autem uniuersa negatio uera sit, nullus homo albus est, quæ uniuersæ affirmationi aduersatur, fiet, ut ueræ hæc sint, nullus homo albus est, quidam homo albus est; quas perspicuum est esse contradicentes. Subcontrariæ ueræ esse possunt in illo eodem genere rerum, in quo falsæ sunt aduersæ: ut quidam homo ambulat, quidam homo non ambulat. Falsæ nunquam reperiuntur. Id uerò probare eodem argumento possumus incommodo urgente: quia accideret ueras etiam eas fore, quæ contradictorio nomine opponuntur. Nam esto hæc sint falsæ subcontrariæ, quidam homo ambulat, quidam homo non ambulat, oportebit igitur ueras esse uniuersas his contradicentes, omnis homo ambulat, nullus homo ambulat. At hæc, quæ sunt de toto genere, aduersæ sunt, sequetur ergo, aduersas simul esse ueras, sed his ueris existentibus, conclusimus paulò ante ueras esse contradicentes: igitur si sint subcontrariæ falsæ, efficitur proculdubio

*Lex aduersarum*

*Lex subcontrariarum.*

# COMPOSITIONIS DIALECTICÆ.


Sub alser  
ue.

contradicentes enuntiationes esse ueras . Solet uulgius  
Dialecticorum quartum genus contrariarum enuntia-  
tionum constituere, sola quantitate repugnantium, quas  
uocāt subalternas : cuiusmodi sunt omnis homo est ius-  
tus, quidam homo est iustus, nullus homo est iustus, qui-  
dam homo non est iustus. Sed cū hæ nec uerum inter  
se diuidant, nec falsum, non uideo cur in contrariarum  
numero haberi debeant. Sed hæc omnia genera in pro-  
posita tabula descripta sunt.

Aduerse,

Omnis homo est animal,

Nullus homo est animal,



Quidā homo est animal, Quidā homo nō est animal,

Sub contrariæ,

De usu contrariarum enuntiationum,

CAP. X.

**H**Aec, quæ de cōtrarijs enūtiationibus allata sunt,  
ad examinandam ueritatem ac falsitatē pronun-  
ciatorum referri debent. Cū enim uera sit enuntiatio,  
an falsa.

an falsa, ex ipsamet, non satis cōstat, quod in multis usua  
 uenit, ad contrariis confugimus, ex quibus ueritas pro-  
 positæ quæstionis exploratur. Vt autem id præstari cō-  
 mode possit, quænam in singulis ualeat argumentandi  
 ac colligendi ratio, apeririū est. Ex aduersis efficax *Argumento*  
 argumentum ducitur ad euertendum pronuntiatum, nō *in ex ad-*  
 ad confirmandum. Recte enim sic colligimus, enuntia- *ueris sam*  
 tio hæc uera est, nullus piscis respirat, falsa igitur est il- *lum*  
 la, omnis piscis respirat. Contra autem ex unius falsita-  
 te, alterius ueritas non apte colligitur, nisi in eo genere  
 pronuntiatorum, quorum extrema ita sunt necessario  
 uinculo connexa, ut separari non possint. Cū enim fal-  
 sum sit nullum hominem esse animal, uerum erit, omnem  
 hominem esse animal. Ex subcontrariis depromitur ar- *Argumento*  
 gumentum, quod ad confirmandum ualet, non ad refel- *in ex sub*  
 lendum. Si enim falsa sit enuntiatio, quæ dicit quendam *contrariis*  
 hominem esse rationis expertem, uera erit eius sub con-  
 traria, quidam homo non est rationis experts. At si uera  
 sit enuntiatio, quidam homo albus est, non protinus effi-  
 citur, falsam esse alteram quidam homo albus non est:  
 cū ambæ possint esse ueræ. Hæc ratio colligendi ualet  
 in eo genere rerum, quæ sunt ex necessitate, quemadmo-  
 dum in aduersis diximus. Quod ex contradicentibus du-  
 citur argumentum ualet, ad confirmandum, & ad refel-  
 lendum. Si enim altera ex contradicentibus uera sit, ex  
 necessitate sequitur falsam esse alteram, qua existente *Argumento*  
 falsa, alteram ueram esse oportet. *in ex con-*  
*tra alia*

De Enuntiationum equalitate siue isodyna-  
 mia, quæ uulgò equipollentia dicitur.

C A P. XL.

O,

Isody-

Primum  
præceptū.

**I**sodynamiæ, quæ enunciationes idem ualeant demon-  
strat, quam consensionem seu concordiam recte ap-  
pellare possumus, definitur duarū enūciationū nō iisdē  
omnino uerbis, in quantitate, & qualitate, uero itidem  
& falso similitudo. Disciplina hæc constat tribus præ-  
ceptis. Propositis duabus disparibus, seu contradicenti-  
bus enunciationibus, si alterutri adiungatur in capite  
negatio, idem efficient. Constituamus enim has duas, om-  
nis homo est animal, aliquis homo non est animal:  
præponamusq; priori non negationem, tum hæc enun-  
ciatio, non omnis homo est animal, idem quod illa effi-  
ciet, aliquis homo non est animal: aut si huic præpona-  
mas, idem quod illa declarabit: ut, non aliquis homo nō  
est animal, & omnis homo est animal. Sint rursum hæ  
duæ, aliquis homo est animal, nullus homo est animal, nō  
negatione alterutri præposita, idem fiet: nam hæ duæ  
idem ualent, nonnullus homo est animal, aliquis homo  
est animal: & hæ, non aliquis homo est animal, & nul-  
lus homo est animal. Secundum præceptum, propositis  
duabus aduersis enunciationibus, si alterutri negatio  
postponatur, id est, subiungatur, idem ualebunt. Ita hæ  
duæ idē declarant, omnis homo est animal, & nullus ho-  
mo est animal: itemq; hæ, omnis homo est animal, nullus  
homo non est animal: cum sint hæ duæ aduersæ, omnis  
homo est animal, nullus homo est animal. Tertium præ-

Tertium  
præceptū.

ceptum, si duæ enunciationes proponantur ut adducit,  
id est, quæ inter se ita afflicte sint, ut una alteram com-  
plectatur, quas uulgò subalternas appellant, earumq; al-  
terutri ita gemina adiungatur negatio, ut una in prin-  
cipio locetur, altera in medio, idem declarabūt: ut si his  
duæ

duabus, omnis homo est animal, aliquis homo est animal: uel his, nullus homo est animal, aliquis homo non est animal: utroq; loco negatio adiungatur, eandem uim habebūt. Nam & hæ duæ, omnis homo est animal, non aliquis homo non est animal: & hæ duæ, non omnis homo non est animal, aliquis homo est animal. Itemq; hæ duæ, nullus homo non est animal, aliquis homo non est animal, idem ualent. Isodynamia ueritas pronuntiationum exploratur, ex qua argumentum efficax ducitur, & ad confirmandum, & ad refellendum. Nam si altera ex enunciationibus idem ualentibus uera sit, ueram esse alteram concludere licebit, & ex unius falsitate, falsitas alterius recte colligetur.

*Isodynamia uisus*

De reciprocatione seu conuersione pronuntiationū.

## CAPVT XI.

**R**eciprocatio affectio quædam est simplicium pronuntiationum, quam ad hunc modum licebit apte definire. Reciprocatio est ordinis uerborum, ex quibus enuntiatio constat, in præposterum mutatio: scilicet in qua subiectum in attributum commutatur, & attributum in subiectum: ut nulla uoluptas est bonum, nullum bonum est uoluptas. Huius duas Arist. formas constituit, quibus Boëtius tertiam adiecit, ex Topicis fortè sumpta occasione. Primam ἀπλῆν Græci dicunt, nostri simplicē, quæ & in totum potest appellari. Ea est, cum mutatis subiecto & attributo, eadem tum quantitas, tum qualitas retinetur: ut nullus homo est lapis, nullus lapis est homo. Hoc genere conuersionis reciprocantur, uniuersa negatio, & specialis affirmatio: ut, nullum bonum est malum, nullum malū est bonum: quidam homo est albus,

*Quid recte  
precator.*

*Simplex  
reciprocatione.*

quoddam album est homo. Vniuersa affirmatio & specialis negatio non recipiunt huiusmodi conuersionis modum. Non enim si omnis homo est animal, sequitur omne animal esse hominem: & rursum, cum uerum sit quoddam animal hominem non esse, non protinus efficitur, quendam hominem non esse animal. Huius forma proprium est, ut inter enunciationem quæ conuertitur, & eam in quam fit reciprocatio, mutua sit argumentatio: uicissimq; altera ex altera rectè colligatur. Alterum genus conuersionis est ex parte solùm, quod uulgò secundum accidens dicitur: cum præter extrema, sola mutatur quantitas, qualitas autem eadem retinetur. Reciprocantur hoc genere uniuersa affirmatio, & uniuersa negatio: ut, nullus homo est lapis, quidam lapis non est homo: omnis uirtus est habitus: quidam habitus est uirtus. In cæteris non ualet hic reciprocationis modus. In hoc genere non est mutua consecutio inter ipsa pronuntiata, quemadmodum in priori: sed ex ea, quæ reciprocatur, altera dumtaxat colligitur. Quod si argumentatio conuertatur, non respondebit: non enim speciali uniuersa consequens est. Tertium genus est per cōtradictionē, cum finitæ uoces in infinitas mutantur, manente eadē qualitate & quantitate. Pertinet hoc genus ad duas formas enunciationum, uniuersam affirmationem, & specialem negationem: ut, omnis uirtus est expetenda, omne non expetendum est non uirtus: quidam homo non est lapis, quidā nō lapis nō est non homo. De hoc tertio genere nil præcipit Aristote. in Analytick: eius enim doctrina parū ad reductionem syllogismorum conducere uidebatur. In reciprocatione illud in primis diligē

Conuersio  
ex parte.

Conuersio  
per cōtra  
dictionem.

Quid ser  
uandū in  
reciproc  
atione.



ter est obseruandum, ut extrema eadem maneant, hoc est, ne confundantur, sumanturq; eodem modo, ac quicquid in altera enunciatione subiicitur, id totum in altera sit attributum, ac contrā. Quare si quis huiusmodi enunciationes, omnis manus est in corpore, nullum uas est in aqua, ita conuerterit, corpus aliquod est in manu, nulla aqua est in uase, uebementer errabit. Sunt enim hoc potius modo conuertendæ, quod est in corpore est manus, nil in aqua contentum uas est. Vbi eadem seruantur extrema, & eodem modo sumuntur. Cauendum est etiam in his quæ sunt futuri temporis, aut præteriti, ne homonymia fallamur. Oportet enim uoces nō solum eadem significationem retinere, sed ad idem tempus referri. Hæ igitur enunciationes, nullus senex erit puer, nullus puer fuit senex, si ad hunc modum recipiatur, nullus puer erit senex, nullus senex fuit puer, peccatur ex homonymia. Cum enim dico nullum senem fore puerum, id significo, eum qui iam senex est nō posse iam re-  
 puerascere, nec futurum puerum. Cum autem dico nullum puerum fore senem, significo, eum qui puer est, non futurum senem, ita uox puer modò ad eum qui est, modò ad eum qui futurus est, refertur, quod sanè homonymie fieri iudicat Arist. Quare illarum hæc erit apta & uera reciprocatio, nullus futurus puer, est senex, nullus qui fuit senex, puer est. Reciprocatio enunciationum confert ad reuocandas imperfectas ratiocinationes ad perfectas primæ formæ: & ob eam causam, priusquam disputationem de ratiocinatione aggrediatur Aristote. de ea in principio Analyticorum agit diligenter. Examinatur quoq; ueritas & falsitas pronunciatorum eod-

Utilitas  
reciprocationum

uersione. Nam ex simplici argumentum efficax ducitur  
 & ad confirmandam, & ad refellendam utramuis enun-  
 ciationem: recte enim sequitur, si nulla planta sentit, nil  
 quod sentiat fore plantam, & contrā. Ita si uera altera  
 sit, ueram esse alteram est necesse. Ex ea quoq; quæ est  
 per contradictionem, sumitur argumentandi ratio ad  
 confirmandum & ad refellendum, nam quæ reciproca-  
 tur enunciatio, & illa in quam mutatur, sese mutuò in-  
 ferunt: si enim omnis homo est animal, quicquid est non  
 animal, erit non homo: & uicissim recte sequitur, quic-  
 quid est non animal, est non homo, omnis igitur homo  
 est animal. Ex eo genere conuersionis, quod ex parte tan-  
 tum est, petitur argumentum ad confirmandum specia-  
 le pronunciatum, & ad refellendum uniuersum. Si enim  
 omnis homo est animal, uera sit enunciatio, ueram esse  
 & eam oportet, quæ dicit, quoddam animal esse homi-  
 nem. Quod si falsa sit specialis, quidam lapis est homo,  
 falsam necesse est esse uniuersam, omnis homo est lapis.  
 Ac de repugnantia enunciationum simplicium, equa-  
 litate, reciprocatione, tum de earundem affectionū usu,  
 quo scilicet pacto ipsis ueritas & falsitas pronunciato-  
 rum examinetur, hæc dicta sint.

Quid enunciationes simplices præsentis & præ-  
 teriti temporis, à futuris differant.

## CAPVT XIII.

**D**E proposita questione satis obscure Arist. disse-  
 ruit, cuius breuiter à nobis explicanda sententia,  
 est, & in pauca conferenda. Sumendum autem initium  
 est à diuisionibus quibusdam rerum, quarum diuersitatē,  
 differentia enunciationum sequuntur. Res aliæ sunt ex  
 necessi-

Attrum di-  
 uisio.

necessitate, alie esse non possunt. Alijs utrunq; conuenit, ut esse possint & non esse, quæ contingentes appellantur. necessariae, quædam simpliciter, ac omnino tales sunt, ut hominem esse animal, cælum uolui. Alie ex adiunctione, seu ex hypothese: ut dum sedet Socrates, Socratem sedere est necessarium, quia dum sedet, non potest non sedere. Res impossibiles eandem recipiunt diuisionem. Alie impossibiles sunt simpliciter: ut hominem esse lapidem: alie ex hypothese: ut, sedente Socrate, Socratem non sedere. Rerum contingentium tria sunt genera: aut fortuitæ sunt, aut in nostra sunt potestate, aut ea illarum est uis, ut eueniant, & non eueniant. Fortuitæ sunt, quæ secus atq; institueramus eueniunt: ut, fodientem thesaurum inuenire, proficiscentem aliquo, amico, quem minime inuenire sperabat, occurrere. In nostra potestate sitæ sunt, quæ consilio iudicioq; nostro geruntur: ut ambulare, coenare. Res autem, quarum ea uis est, ut eueniant & non eueniant, sunt, ut, gemmam frangi, aut non frangi: uestem uri, aut non uri. Ex his rerum differentiis uariæ nascuntur genera pronuntiatorum. Alia sunt necessaria, impossibilia alia, alia contingentia. Hæc autem & in præsentibus, & in futuris, omnia reperiuntur. Omnis homo est animal, homo est lapis, homo ambulat, præsentis temporis sunt: quarum prima est necessaria, altera impossibilis, tertia contingens. Sol eras orientur, cælum quiescet, Petrus ambulabit, uerba accipiunt futuri temporis, & eodem, quo priores, modo affectæ sunt. Necessaria enuntiatio & impossibilis duplices sunt, quemadmodum & res ipsæ. Alie omnino ac simpliciter, alie ex hypothese. Absolutè necessaria non potest

Pronuntia  
 rerum dif  
 ferentia

test esse falsa: ut homo est animal, sol erat orietur. Ex hypothesis potest quidem simpliciter, non tamen manente hypothesis: cuius generis est, Socrates sedet, ipso sedente. Fieri enim potest ut sit falsa, sed non quamdiu sederit. Impossibilis omnino ea dicitur, quæ nullo modo potest in ueram cōuertere: ut homo est lapis. Ex adiunctione, quæ potest quidem uera fieri, sed non quādiu hypothesis manet: ut sedente Socrate, Socrates non sedet. Contingentes quoque enunciationes rerum differentiam sequuntur. Nunc ad explicandam questionem accedamus. Cum enūciationes alie sint ex instanti, alie ex præterito, alie futuro tēpore, cōmune id omnibus est, ut aduersæ uerū diuidant, subcontrariæ falsum, contradicentes uerum et falsum. Itaque contradicentiū omnium ueram alterā esse oportet, alteram falsam. Interest hoc tamē, quod earum quæ de rebus præsentibus aut præteritis aliquid dicunt, alterā definitē ac certō uera est, altera definitē ac certō falsa. Harum enim, Arist. fuit Philosophus, Arist. nō fuit Philosophus, affirmatio est definitē uera, negatio definitē falsa. Voco autem enunciationē definitē uerā, necessariam, aut simpliciter, aut ex hypothesis. Definitē falsam, impossibilem, aut simpliciter, aut ex hypothesis. Rursum harum, Petrus ambulat, Petrus non ambulat, altera uera est definitē, altera falsa. Ambulante Petro, affirmatio est necessaria ex adiunctione, negatio ex hypothesis impossibilis. At in his, quæ de rebus futuris et contingentibus aliquid enūciāt, tametsi (quemadmodū diximus) alterā necesse sit esse ueram, alterā falsam, nō est una certē, id est, definitē uera, altera certē falsa. Id multis rationibus Arist. confirmat, sed hac possumus esse cōtenti.

Rerum

Quæstio-  
nis expli-  
catio.

Rerum necessitas sequitur necessitatem enunciationum,  
 & uicissim ex necessitate rerum concluditur pronun-  
 ciatorū necessitas. Si igitur enunciationes, quæ de rebus  
 futuris aliquid dicūt, essēt definitē ueræ, aut definitē fal-  
 sæ, oporteret res quoq; futuras certē atq; ex necessitate  
 euenire, aut non euenire: at id absurdum est, & incom-  
 modum maximum, ita enim fieret, ut nec quicquam es-  
 set contingens, nil casu fieret, nil fortuito, & liberum ho-  
 minis tolleretur arbitrium, quare relinquitur, in enun-  
 ciationibus, quæ res futuras enunciant, contingentes ta-  
 men (nam quæ de necessarijs aliquid dicunt, cuius gene-  
 ris est, cras orietur Sol, non minis sunt necessariae, quàm  
 presentes) non esse alteram definitē ueram, alteram de-  
 finitē falsam, hoc est, neq; absolutē & omnino necessa-  
 riam, nec ex hypothesi. Itaq; tametsi ita futurum sit, ut  
 sit Petrus cœnaturus noctu, enunciatio Petrus cœnabit  
 uera quidem est, nullo tamen modo necessaria. Illa enim  
 manente hypothesi ut sit cœnaturus, fieri potest ne ci-  
 bura sumat. Non ita in presentibus & præteritis. Nam  
 quod factum est, non potest non fuisse, & quicquid est,  
 quamdiu est, necesse est esse. Multa hic obijciunt, sed hoc  
 unum tantum asseremus, quod ad questionis intelligen-  
 tiam facere uidebitur, cetera alio loco disputabimus.  
 Si Socrate ambulaturo, enunciatio, quæ dicit Socrates  
 ambulabit, nullo modo est necessaria, potest esse falsa il-  
 la manente hypothesi, quod ergo fieri potest, in actū re-  
 digamus, sit falsa, atqui ueram esse statueramus, eadem  
 igitur enunciatio simul uera erit & falsa. Cui obiectio-  
 ni ita est occurrendum. Enunciatio, quæ enunciat So-  
 crate ambulaturum, etiam hypothesi manente falsa  
 esse

Obiectio

Solutio

esse potest, non est enim ullo modo necessaria: id autem quod postulatur, ut quod fieri potest in actum redigatur cōcedi nō debet, nisi sublata ē medio hypothesei. Alioquin id proculdubio eueniret, eandē enuntiationē simul uerā esse & falsum. Hæc sat sit hoc loco de proposita questione attigisse, quibus summā ex disputatione Aristoteleā, quā difficile satis & obscure pertractauit, breuiter subduximus.

## De Enuntiationibus infinitis.

## CAP. VI. XIII.

**S**implices enuntiationes, aliæ ex extremis constant finitis, ut homo est animal: aliæ ex altero infinito, aut utroque, cuiusmodi sunt; homo est non iustus, non homo est non iustus. De prioribus illis dictum est hactenus a nobis. Nunc quæ ad infinitas spectant, paucis sunt perstringenda. Principiò illud intelligi oportet, repugnantiae, æqualitatis seu concordiae, reciprocationis, eandem in his, atque in cæteris esse rationem. Itaque ea omnia, quæ de finitis pronuntiatis statuta sunt, uerè infinitis licebit accommodare. Restat, ut quæ consequutionis modum inter se seruent, & cum simplicibus, aperiamus. Quod his tribus præceptis complectemur, primū est. Enuntiationis subiecti tantum infiniti nulla est, cum infinitis, aut finitis enuntiationibus consequentiæ ratio. Ita hæc, nō homo est animal, nulla ratione neque cum altera infinita, neque cum ea, quæ ex finitis constat extremis potest componi. Secundum præceptum: Enuntiationis attributi infiniti cum ea, quæ finitum habet attributū, sic composita est, ut ex affirmatione infiniti attributi

(Sic modò

Primum  
præceptū.

Secundum  
præceptū.



(sit modò ipsum totum infinitum) rectè negatio finita colligatur, & uicissim retrò commeet, ex negatione affirmatio. Sic enim rectè colligimus, homo est non iustus igitur homo non est iustus. Et contra ualet argumentum, homo non est iustus, igitur est non iustus. De hac posteriore formæ argumentandi à plerisque ambigitur, sed Arist. maximè probatur ita colligenti, Socrates nō est sapiēs, igitur est nō sapiēs. *Tertium præceptum*: Quando attributum cōpositum est, & pars altera finita, altera infinita, ex affirmatione attributi infiniti ex necessitate colligitur finita negatio, at negationi nullo modo affirmatio consequens est. Ex hac enim affirmatione, Socrates est homo non iustus, aptè concluditur negatio, Socrates non est homo iustus. Ex negatione autem affirmatio haudquaquàm efficitur. Nam cū non sit Socrates, uera ipsa negatio est, falsa affirmatio. Arist. priuantium quoq; meminit, & eas cum simplicibus & infinitis componit. Cuius disputationis summa his duobus præceptis continetur. Ex priuante enuntiatione (uoco autem priuantem, cuius attributum notat priuationem) infinita affirmatio colligitur, non tamen retrò commeet. *Præceptum primum*. Recta est argumentatio, homo est iniustus, igitur est non iustus. At non rectè sequitur, est non iustus, igitur est iniustus. Nam lapis non iustus est, iniustus autem non uerè dicetur. *Alterū præceptum*: Ex priuante negatio finiti attributi ex necessitate colligitur, ex negatione uerò affirmatio minimè sequitur. Quod enim iniustum est, non esse iustū uerè dicere licet, id autem non conuertitur: quod ex superiore constat exemplo. Hæc ferme disputationis de infinitis enūciatiotibus summa est.

De modi

De modificatis enuntiationibus, quas uulgò  
modales appellant,

CAP. XV.

*Simplex  
enuntiatio.  
quos mo-  
di dicā.*

*Contingēs  
duobus  
modis di-  
stinguitur.*

*At o di ad  
uersū.*

**S**implices enūtiationes eas hactenus appellauimus, in quibus ueritas aut falsitas simpliciter spectatur, non ex adiunctione, quæq; ex multis non constantur enūtiatis. Alio modo simplices uocantur eæ, quarum uerbum simplex est, nullaq; nota insignitum, harum præsertim quatuor, necesse, possibile, impossibile, contingens. Non simplices autem sunt, in quibus illarum notarum aliqua ponitur: ut necesse est hominem esse animal, cōtingit hominem ambulare. Itaq; hæc & simplices, & nō simplices dicuntur: sed alia atq; alia ratione. De harum enuntiationum repugnantia, æqualitate, & reciprocatatione dicendum est nobis, quoniam paulò aliter fieri, atq; in simplicibus, uidentur. Cumq; ex modis omnia pendeant, qui modi sint contrarij, qui idem ualeant, explicandum erit. Scio aptiūs hoc pacto modos designari necesse, quod potest esse, quod potest non esse, quod accidit. Sed in re alioqui obscura & difficili, simplicissimis ac breuissimis, quoad fieri poterit, uocibus uti præstabit, quæ sunt à Dialecticis maximè receptæ. Principio illud intelligi oportet, contingentis nomen accipi bisariam, quā significat id quod potest esse & non esse: in qua significatione sumptum in tres partes distribuitur, quod rarò euenit, quod frequentius, quod ex æquo in utranq; partem cadere potest. Sumitur quoq; quā idem ualeat quod possibile. Atq; hoc pacto toto hoc capite usurpabitur à nobis. Inter modos genera omnia repugnantie reperiuntur. Auersi modi sunt impossibile, & necesse,

neceſſe, & qui cum hiſ, conſentiunt, impoſſibile, impoſi-  
 bile nō: neceſſe, neceſſe non. Sunt enim hi modi genera-  
 les, quod ipſorū ſignificatu facile eſt deprehendere. Mo-  
 di contradicentes ſunt, poſſibile & impoſſibile, neceſſe  
 & poſſibile non. Subcōtrarij, ſpeciales, poſſibile, & poſ-  
 ſibile non. Hypallili, hoc eſt, ſubalterni, neceſſe & poſ-  
 ſibile, impoſſibile & poſſibile non. Aequalitas modorum  
 & conſenſus atque repugnantia duobus modis intelli-  
 gitur, in primis ex ordinibus, quos Ariſto. conſtituit. Cū  
 enim unusquiſq; modus quadriſariā uarietur, aut omni-  
 no affirmetur, ut poſſibile, aut præpoſitam tantū ha-  
 beat negationem, ut non poſſibile: aut poſtpoſitam, ut  
 poſſibile non: aut præpoſitam ſimul & poſtpoſitam, ut  
 non poſſibile nō: ſint q; modi quatuor, quatuor ordines  
 efficiūtur: quorū alij alijs ſunt aliquo modo cōtrarij, qui  
 autem in eodem ordine collocantur, ſunt idem ualentes.  
 Ordines autem ex ſubiecta deſcriptione intelliguntur.

Contradi-  
 centes  
 Subcō-  
 trarij.


## Primus ordo.

Poſſibile,  
 Contingens,  
 Nō impoſſibile,  
 Non neceſſe nō,

## Secundus ordo.

Poſſibile non,  
 Cōtingens non,  
 Nō impoſſi. nō,  
 Non neceſſe.

## Contradicentes,



## Tertius ordo.

Non poſſibile,  
 Nō cōtingens,  
 Impoſſibile,  
 Neceſſe non,

## Quartus ordo.

Nō poſſib. nō,  
 Nō cōting. nō,  
 Impoſſibi. nō,  
 Neceſſe,

Contrarij

## Contradicentes:

Explicantur quoq; concordia & repugnantia modo-  
 rum hiſ quatuor uocibus, pulchrē ad eam rem & acutē  
 excogitatis, Amabimus, Edentuli, iliace, purpurea. Quā

Aliorū  
 duo expli-  
 canda con-  
 cordia.

P

ru

cordia.

rum hæc est interpretatio . Continentur in singulis di-  
 ctionibus uocales quatuor, a, e, i, u. A, designat modum  
 omnino affirmatum, u, omnino negatū, hoc est, cui præ-  
 posita sit negatio, & subiuncta: i, index est modi cum  
 negatione præposita, e, modum notat negationem post-  
 positam habentem. Ac prima uocalls quacumq; illa sit,  
 modum possibile designat, secunda contingens, tertia  
 impossibile, quarta necesse. Vt in dictione amabimus. A  
 uocalis prima nota est modi possibilis omnino affirma-  
 ti eadem uocalis secundo loco modi contingentis eadem  
 ratione sumpti, i, impossibilis negatione præposita, u,  
 necessarij omnino negati. Itaq; ex ea uoce intelligemus,  
 modos hos, possibile, contingens, non impossibile, non  
 necesse non, qui in primo ordine collocantur, idem uale-  
 re. Contrariæ uoces sunt, Iliace & Purpurea, subcon-  
 trariæ, Amabimus & Edentuli, contradicentes, Ama-  
 bimus & Iliace, Edentuli & Purpurea: subalterne, Ili-  
 ace & Edentuli, Amabimus & Purpurea. Hæc, quæ de  
 modis diximus, facile est pronuntiatīs accōmodare. Ac  
 primum quod attinet ad singulares enuntiationes, &  
 cōcordiæ, & repugnantiae uti tota pēdet ex modis. Quæ  
 constant ex modis idē significantibus, sunt idē ualentes:  
 quæ ex contrarijs cōtrariæ. Socratem possibile est ambu-  
 lare: Socratem ambulare non est impossibile, Socratem  
 non necesse est non ambulare, idem possunt, quoniam  
 & modi consentiunt inter se, Socrates potest scribere,  
 Socrates non potest scribere. Contradicentes sunt, So-  
 cratem esse lapidem est impossibile, Socratem esse lapi-  
 dem est necesse, aduersæ. Nam in illis modi contradicō-  
 rio nomine repugnant, in his sunt aduersi. In quibus  
 autem

En uniuersis  
 subiectis habenda  
 ratio.

autem subiectum uniuersum est, præter modum ipsius  
etiã habenda ratio est. In cōtradictione modi possibilis  
& impossibilis seruāda est eadē subiecti quantitas: alio-  
qui erunt ueræ contradicentes enuntiationes: ut, possibi-  
le est quoddā animal esse hominem, impossibile est omne  
animal esse hominē. Oportuit enim hanc illi opposuisse,  
impossibile est quoddā animal esse hominē. In contradi-  
ctione possibilis non & necessarij mutanda est subiecti  
quantitas. Nā si eadē seruetur, erunt ueræ contradicen-  
tes: ut, possibile est quoddā animal uō esse hominē, neces-  
se est quoddam animal esse hominem. Ita enuntiasse o-  
portuit, necesse est omne animal esse hominem. In aduer-  
sis enuntiationibus impossibilis & necessarij, eandem  
seruari oportet subiecti quantitatem. Alioqui fiet ut  
ueræ sint aduersæ: quod in his perspici potest, necesse  
est quoddam animal esse hominem, impossibile est omne  
animal esse hominem. In his autē, in quibus modi collo-  
cantur impossibile, impossibile nō, uitium est, si in utroq;  
subiecto adhibeatur nota uniuersi generis. Quo fit ut  
hæ non sint aduersæ, impossibile est omne animal esse  
hominem, impossibile est nullum animal esse hominem.  
Postremò in quibus sumuntur necesse & necesse non  
contrario errore peccatur, si afficiatur subiectum in  
utraq; speciali nota. quare hæ ob eam causam nō erunt  
aduersæ, necesse est quoddam animal esse hominem, ne-  
cesse est quoddam animal non esse hominem. Hæc in re-  
pugnantia consideranda sunt. In equipollentia uerò id  
tantum est obseruandum, cum enuntiationes sunt uni-  
uersæ, ut in enuntiatione modi necessarij, quæ ultima  
est, subiecti quantitas mutetur

## De Reciprocatione modificationum enuntiationum.

## CAPVT. XVI.

Enuntiationes modi necessarii eodem modo ac simplices recipro.

Enuntiationes modi possibilis.

Modi impossibilis enuntiat.

Enuntiationes contingenti.

**R**eciprocatio in enuntiationibus modi necessarii eodem prorsus modo sese habet, atque in simplicibus. Vniuersa negatio reciprocatur in uniuersam, & specialem: ut necesse est nullum hominem esse lapidem, igitur necesse est nullum lapidē esse hominē: aut quendam lapidem non esse hominem. Vniuersa affirmatio in specialem. Necesse est omnem hominem esse animal, necesse est quoddam animal esse hominem. Specialis affirmatio in specialem, ut necesse est quoddam animal uiuere, necesse est quoddam uiuens esse animal. Specialis negatio non reciprocatur. Non enim si quoddam animal non esse hominem est necesse, necesse erit quendam hominem non esse animal. Enuntiationes modi possibilis eodem etiam modo reciprocantur, quo simplices, & quæ sunt modi necessarii. Quarum exempla inuentu & cognitu facillima sunt. In his autē, in quibus modus impossibile collocatur, in sola speciali affirmatione locum habet reciprocatio: quæ in specialem conuertitur: ut, impossibile est quoddam animal esse plantam, igitur impossibile est plantam esse animal. In cæteris locus nullus est reciprocationi. Has enim, impossibile est nullū hominem esse animal, impossibile est omne animal esse hominem, impossibile est quendam hominem non esse animal, si quis conuertere tentet, non rectam fieri reciprocationem facile intelliget. In enuntiationibus modi contingentis, si contingens, quæ cū possibile cōmeat, accipitur, idem ac in illis reciprocationis modus est. Si uerò id notet,



notet, quod potest fieri & non fieri, hoc tantum de eo dixisse sat si, ex affirmatione colligi negationem, & contrā. Si enim cōtingit hominē ambulare, cōtingit eū de nō ambulare, & uicissim retrō cōmeat argumētatio. In pronuntiatis huiusmodi contradicōio redditur, negatione aut præposita aut sublata, aut explicato enuntiationis sensu. In hoc enim pronūtiato, contigit hominem uigilare, duæ hæ enuntiationes continentur, fieri potest ut homo uigilet, fieri potest ut homo non uigilet. Quæ autem huic coniunctiōi contradicit, contradicit etiam priori illi affirmationi.

## De copulatis enuntiatis.

## CAP. XVII.

**H**Atenus quæ ad simplices pertinent enuntiationes persequuti sumus. Superest ut de coniunctis ac copulatis breuiter agamus, quæ enuntiata uocantur. Est autem (quemadmodum diximus) copulata enuntiation, quæ ex multis constat simplicibus uinculo aliquo connexis, aut per se aptè coherentibus. Eius tria potissimum genera inueniuntur, connexum, in quo si coniunctio (conditionalem uocant) adhibetur: ut si homo est, animal est. Coniunctio, in qua &, aut similis adhibetur: ut, cælum uoluitur perpetuò, & figuræ est spherica. Disiunctio, in qua, uel, aut ue ponitur: ut aut dies est aut nox est. Veritatis ac falsitatis, affirmationis & negationis, & repugnantie diuersa in his atq; in simplicibus ratio est, de quibus est nobis dicendum. Coniunctio uera est, in qua, utraq; pars est uera: falsa, cuius uel alterutra pars est falsa, uel utraq;. Cælum & rotundum est, & uoluitur, uera est. Cælum rotundum

Connexum

Coniunctio

Disiunctio

est, & mortale, falsa. Disiunctio propriè est ex repugnā-  
tibus, ut aut dies est, aut nox est. Disiunctio uera est ea,  
cuius alterutra pars est uera: falsa, cuius utraq; pars est  
falsa. In his, non ex partibus, hoc est, simplicibus pronū-  
ciatis, sed ex coniunctione petuntur affirmatio & ne-  
gatio. Quod enim in simplicibus est uerbum, id ipsum ef-  
ficat in compositis coniunctio. Quare negans erit enun-  
ciatio, cū toti negatio præponetur enunciato: ut non  
& cælum uoluitur, & rotundum est: non aut dies est,  
aut nox est. In coniunctione & disiunctione sola repe-  
ritur contradictio. Fiunt autem contradicentes, nega-  
tionis in principio adiunctione, ut & homo est, & ani-  
mal est: non & homo est, & animal: aut dies est, aut nox  
est: non aut dies est aut nox est. Sed negationum sensum  
intelligere oportet. Coniunctio cū negatur idem ualeet  
quod disiunctio constans ex partibus contradicentibus:  
ut non & homo est & animal est, hunc sensum reddit,  
aut non est homo, aut non est animal. Disiunctio uerò  
negans idem significat, quod coniunctio partium con-  
tradicentium: ut non aut dies est, aut nox est, idem effi-  
cit, quod coniunctio, & dies non est, & nox non est. Con-  
nexum uerum est, si posterius ex priore rectè sequatur,  
hoc est, si sit recta argumentatio, si uerò non consequa-  
tur, falsum. Ita in connexo ueritas totius non pendet ex  
ueritate partium, sed ex habitudine. Verum enim est  
connexum, si homo est lapis, est sensus expers: cū sint  
partes falsæ. Quare omne connexum uerum, est neces-  
sarium: quod in coniunctione & disiunctione non ita  
se se habet. Negatio in connexo ex coniunctione specta-  
tur. Fit autem, cū non negatio toti præponitur, at que

hæc

*hæc ipsa affirmationi cōtradictorio nomine repugnat. Itaq; harum duarum, si homo est, animal est, non si homo est animal est: prior aiens est, altera negans: & altera alteri contradicit. Negationis autem sensus deprehēditur ex affirmationis sensu. Cū enim affirmatio id significet, rectē sequi, homo est, igitur animal est, negationis contraria erit sententia, scilicet non rectē sequi animal ex homine, quæ proculdubiō falsa est. Adijciūt præter hæc tria genera, causalem, ut quia homo est, animal est: rationalem, ut homo est, igitur animal est. Illa uera est, si partes sint ueræ, recta consecutio, & antecedens causa consequentis. Vnde fit ut paucissimæ ueræ repariantur. Huius ueritas duo tantū postulat, ut sint partes ueræ, & una alteri sit consequens. Quæ ex loci & tēporis aduerbijs constant, ad connexum reuocantur. In quo genere hæ sunt, cū sol lucet, dies est: ubicunq; sol lucet, ibi dies est. Quæ hoc modo ad connexa reducuntur. Si quo tempore sol lucet, eo dies est: sicubi sol lucet, ibi est dies.*

*Rationalis & rationalis.*

¶ Finis libri quinti compositionis Dialecticæ.

COMPOSITIONIS  
DIALECTICAE LIBER  
S E X T U S.

De instituto, ordine, diuisione ratiocinationis, &  
principijs eius.

C A P U T I.



Disputationem de simplicibus uocibus  
& earum compositione, quam præce-  
dentibus libris absoluimus, proximè  
sequitur tractatio de argumentatio-  
ne & formis eius, quarum rationem  
docere, qua fieri poterit breuitate,

Institu-  
tū

Ordo.

hoc libro sexto paramus. Id autem optimè fieri, tum ex  
compositionis methodo, quam sequimur, tum ex animæ  
functionibus, intelligi potest. Nam enunciatione argu-  
mentatio compositior est: quare illius disputationi statim  
hæc debet subiungi. Iam tertia mentis functio est ratio-  
cinatio; par est igitur ut tertio loco de ea agatur. Pri-  
mum de argumentatione generatim dicendum erat, &  
differentijs eius, sed quoniam hæc secundo libro copiosè  
pertractata sunt, ad formas eius explicandas progrediē-  
dum erit. Inter quas præcipuū locum ratiocinatio ob-  
tinet, perfectissima omnium, & ad probandum efficacis-  
sima. Quid ratiocinatio sit, ex quibus partibus coale-  
scat, eodem libro secundo docuimus, cætera ad eam per-  
tinentia explicemus. Ratiocinatio multas recipit diui-  
siones, de quibus sigillatim suis locis dicemus. Prima est,  
qua

qua distribuitur in perfectam & imperfectam. Perfectam  
eam uocat Aristoteles, quæ præter ea quæ sumpta sunt,  
nihil aliud requirit, ut necessaria uideatur, qualis hæc  
est: omne animal uiuit, omnis homo est animal, omnis,  
igitur homo uiuit: & omnes quæ primæ formæ dispo-  
sitionem seruant, directo concludentes. Imperfecta est,  
quæ tametsi ex his quæ continet necessario concludat,  
unum tamen, aut plura desiderat, ut necessaria uidea-  
tur, præter ea quæ sumpta sunt. Cuius generis sunt ra-  
tificationes formæ secundæ ac tertiæ: quarum neces-  
sitas ac colligendi uis ut appareat, necesse est reciproca-  
tione, aut syllogismo ad incommodum ducente, aut mu-  
tatione sumptionum, quibus instrumentis ad ratiocina-  
tiones primæ formæ reuocentur. Quod certum erit ne-  
cessitatis earum argumentum, ac necessaria probatio.  
Dici de toto genere, & de nulla generis parte dici, prin-  
cipia quedam sunt, quibus perfectæ ratiocinationes pro-  
ximè probantur. Illud ad aientes pertinet, hoc alterum  
ad negantes. Dici de toto genere est, quādo nihil in sub-  
iecto sumi potest, cui non conueniat attributum. Ita u-  
niuersa affirmatio, omne animal sentit, sub hoc princi-  
pio continetur. Quicquid enim sub animali sumptum  
sit, de eo sentiens uerè dicetur. De nulla generis parte di-  
ci, est cum ab omni eo quod in subiecto comprehensum  
est, attributum remouetur. Quod uniuersæ negationi  
accommodatur huic, nullū animal est lapis: nam ab his  
omnibus quæ sub animali continentur, uerè animal re-  
mouetur. Priore principio probantur (quemadmodum  
diximus) ratiocinationes perfectæ aientes: ut si sit propo-  
sita ratiocinatio, omne animal sentit, omnis homo est

Dici de to-  
to genere.

Dici de  
nulla ge-  
neris par-  
te.

animal, igitur omnis homo sentit, ad hunc modum conclusio rectè effici ex sumptionibus ostendetur: propositio omne animal sentit, est de toto genere, de omni igitur quod sub animali sumptum fuerit, attributum sentiens uerè enunciabitur: cum igitur homo sumatur in assumptione, uerè illi sentiens tribuetur. Quare ueris existentibus sumptionibus, omne animal sentit, omnis homo est animal, uera erit conclusio, omnis homo sentit. Negantes ratiocinationes principio altero ostenduntur: ut ratiocinatio, nullum animal est lapis; omnis homo est animal, igitur nullus homo est lapis: ita efficax esse demonstrabitur. Propositioni conuenit principium de nulla generis parte dici, igitur ab eo omni quod subiectum completitur, uerè lapis remouebitur, sed in subiecto continetur homo, scilicet in animali, ergo ab homine uerè lapis remouebitur. Quare si uera sunt sumptiones, nullum animal est lapis, omnis homo est animal, uera erit complexio, nullus homo est lapis.

De tribus ratiocinationum formis.

## CAP. II.

Tres formæ sunt, siue tres classes, ad quas omnes ratiocinationes reuocantur. Cum enim nascentur ex diuersa medijs uerbi collocatione, hæc autem sit triplex, aut enim in utraq; sumptione subiicitur, aut in utraq; est attributum: aut in altera subiicitur, & in altera est attributum, tria necesse est efficiantur genera syllogismorum. Prima forma est, cum mutatur situs medijs uerbi, ut in altera subiiciatur, in altera tribuatur: ut omne animal sentit, omnis homo est animal, omnis igitur homo sentit. Sicut qui ad primam formam tantum pertinere

Prima forma.



pertinere existiment ratiocinationes eas, quarum medium uerbum subijcitur in propositione, & tribuitur in assumptione. Eas uerò, in quibus contraria est mediij collocatio, ut sit subiectum assumptionis, & attributū propositionis, ad quartam, quam constituunt, formam spectare. Sed frustra numerus formarum augetur. Cuius rei uel hoc unum, præter Arist. autoritatem, qui tribus tantum fuit cōtentus, certissimum est argumentū, quod ex utraq; mediij collocatione eadem omnino efficiatur complexio, & quæ ex alterutra nō colligitur, ex altera concludi nullo modo potest: quod sanè in formis diuersis longè aliter cernimus euenire. Nam tametsi commune aliquid habeant, multa habent propria, quibus separantur. Quare pro certo habendum est, siue mediū uerbum in propositione subijciatur, & in assumptione tribuatur, siue contrà id fiat, omnes has dispositiones primæ esse formæ. *Secunda forma.* Secunda forma est, cum in utraq; sumptione medium uerbum est attributum: ut, nullū album est nigrum, omnis coruus est niger, nullus igitur coruus est albus. *Tertia forma.* Tertia classis est, in qua uerbum medium subijcitur in utraq; sumptione: ut omnis uirtus est expetenda, omnis uirtus est bona, quoddam igitur bonum est expetendum.

Quæ sint incollectiles in omni forma sumptionum connexiones, hoc est, ex quibus nil colligi possit,

## CAPVT III.

**D**uæ sunt connexiones pronuntiatorū, ex quibus nulla effici potest complexio in ulla forma. Prima est ex duabus negationibus, altera ex duabus *Connexiones minus les generales.* speciatibus.

cialibus Vt exempli gratia in prima forma ex his sumptionibus, quoddam animal sentit, quidam homo est animal: & rursum ex his, nullum animal est lapis, nullum lignum est animal, nil prorsus sequitur ex necessitate. Id uerò Aristoteles hoc solo confirmat argumento, quod inueniantur uerba, in quibus seruata eadem structura ac compositione primum extremum omni parti ultimi conuenit & nulli: quod sanè efficacissimum est, atq; aperte demonstrat, nullum cōplexionis genus colligi necessariò. Id ut appareat, exemplo uno illustremus. Connexio illa prima ex duobus pronūciatis specialibus inuitilis prorsus esse ostenditur, quod inueniantur uerba, in quibus primum extremum toti ultimo non conuenit, scilicet, animal, substantia, bos. Quoddam animal est substantia, quidam bos est animal, omnis bos est substantia. Rursum alia, in quibus extremum primum, seruata eadem structura, nulli inest ultimo, animal, homo, bos. Quoddam animal est homo, quidam bos est animal, nullus bos est homo. Ex his perspicuum euadit priorem illā connexionem enunciationum, quoddam animal sentit, quidam homo est animal, nullam efficere posse conclusionem. Nam si specialis aiens colligatur, aut uniuersa ad hunc modum: quoddam animal sentit, quidam homo est animal, igitur quidam homo sentit, aut omnis homo sentit, sumptis uerbis in quibus primum extremum toti ultimo conuenit, conflabitur similis argumentatio, cuius ueræ erunt sumptiones, & falsa cōclusio, hoc pacto: quoddam animal est homo, quidam bos est animal, igitur omnis bos est homo, aut quidā bos est homo. Quare constat priorem illam non esse necessariam, ac proinde

de nec ratiocinationem appellandam. Si uerò aut uniuersa negatio, aut specialis colligatur, scilicet, nullus homo sentit, aut quidam homo non sentit, sumptis alijs uerbis constituetur argumentatio uitiosa: quoddam animal est substantia, quidam bos est animal, igitur nullus bos est substantia, uel quidam bos non est substantia. Unde fit, ut in priore illa non rectè conclusio ex sumptionibus colligatur. Est igitur modus probande inutilis connexionis Aristotelis maximè efficax, quo post hac perpetuò utemur. Connexio ex duabus negationibus, quæ proposita est, eodem modo inutilis esse demonstratur. Verba in quibus primum extremum toti ultimo inest, sunt, primum animal, ultimum homo, mediū lapis. In quibus primum nulli inest ultimo, nullus homo est lapis, nullus equus est homo, nullus equus est lapis. Iam quæret aliquis, unde fiat ut ex duabus affirmationibus aliquid sequatur, ex duabus autè negationibus nil possit colligi. Rursum quare cōnexio constans ex uniuersis pronunciatis utilis sit, aut certè ex altero: ea uerò, quæ est ex specialibus inutilis prorsus? Posteriori quæstioni ita occurritur: Ratiocinatio autem, ex hoc principio uim accipit, quæ cum aliquo tertio conueniunt, inter se sunt consentanea. Negans uerò ex hoc altero, si duorū extremorum alterum cum aliquo tertio consentiat, alterum dissideat ab eodem, necesse est illa inter se dissidere. Tertium autem illud aut singulare est, aut uniuersum. Si singulare sit, nil est, quod principiis adyci præterea debeat. Si uerò sit uniuersum, ut uera sint principia, necesse est tertium, cui extrema comparantur, uniuersè accipi. Sic enim rectè colligimus, omne animal sentit, homo est animal,

*Contra-  
ctiones duæ*

*Solutio,  
posterior*

*mal,*

Solutio  
prioris du-  
bitationis

mal, igitur homo sentit. Rursum, nullū animal est lapis, omnis homo est animal, nullus igitur homo est lapis: quia animal, cui cōparātur extrema, sumitur cum nota uniuersi generis. Cum igitur in pronūciatis specialibus, medium uerbū, quod tertium est, in neutra sumptione uniuersē accipiatur, hinc fit, ut ex huiusmodi cōnexionē nihil colligi possit. Ad priorē quæstionem ita respondendum est: Ex affirmationibus cōflatur ratiocinatio, quia necesse est (quemadmodum diximus) ut quæ cum aliquo tertio cōueniunt, sint inter se consentaneæ. Ex negationibus autem non coalescit: non enim oportet, ut quæ dissident ab aliquo tertio, differant inter se.

De uocabulis quibusdam, quibus  
singuli Modi notantur.

## CAP. IIII.

**I**N singulis formis diuersi continentur ratiocinationum modi. qui seruata eadē medijs uerbi collocatiōne, ex dissimilitudine pronuntiatorum, in qualitate et quantitate nascuntur. Fuerunt autem ad designandos modos cuiusq; generis uocabula quædam acutē excogitata, quibus et constitutio cuiusq; modi continetur, et ratio reuocandæ imperfectæ omnis ratiocinationis ad perfectam. Vocabula sunt, Barbara, Celarent, Darij, Ferio, Baralipon, Celantes, Dabitis, Fapesmo, Frisefomorum, Cesare, Camestres, Festino, Baroco, Darapti, Felapton, Disamis, Datisi, Bocardo, Ferison. Horum hæc est interpretatio. In singulis uocibus collocātur aliquæ ex his quatuor uocalibus, a, e, i, o. A, designat uniuersam affirmationem: e, uniuersam negationem: i, specialem affirmationem: o, specialem negationem. Ac prima quidē

vocalis nota est propositionis, quæ in ratiocinatione primum sibi locum uendicat, secunda assumptionis, tertia conclusionis. Hæc ad constitutionem pertinent syllogismorum. Ad redigendas autem imperfectas ratiocinationes ad perfectas, faciunt Consonantes quatuor in eisdem uocabulis contentæ, s. p, m, c, S, indicat enuntiationem, cuius nota est uocalis proximè præcedens, recipiari debere in totum & (ut aiunt) simplici conuersione. P, uerò conuersione ex parte tantum, quæ uocatur per accidens. M, hoc declarat, mutandas esse sumptiones. C, non reciprocatone, sed syllogismo ad incommodum ducente probandam esse imperfectam ratiocinationem. Porro cum sint quatuor perfecti modi formæ primæ, ex quibus reliqui fidem accipiunt, Barbara, Celarent, Darij, Ferio, modus imperfectus ad perfectum illum reuocabitur, quæ ab eadem incipit cōsonante, Cesare ad Celarent, Baroco ad Barbara, & in cæteris eodem modo.

### De modis primæ formæ.

#### C A P. V.

**I**N prima forma præter duas illas inutiles coniunctiones, quas diximus, omni generi esse communes, duæ sunt etiam connexiones pronuntiatorum, ex quibus nil prorsus efficitur. Prior est, si propositio sit specialis, ut quoddam animal sentit, omnis homo est animal (parum enim refert uniuersam accipi assumptionem) altera est, si sit assumptio negans, ut quoddam animal sentit, nullus lapis est animal. In priori reperiuntur uerba, in quibus primum extremum toti conuenit ultimo: quoddam animal sentit, omnis equus est animal, omnis equus sensit.

Et rursum

*Due inu-  
tiles cōne-  
xiones pri-  
mæ formæ*

Et rursum in quibus primum nulli ultimo cōuenit, quædam substantia est animal, omnis lapis est substantia, nullus lapis est animal. In posteriori priora uerba sunt, omnis homo est animal, nullus equus est homo, omnis equus est animal. Verba nulli inesse, omnis homo est animal, nullus lapis est homo, nullus lapis est animal. Prior connexio inutilis est prorsus, quia uerbum medium in nulla sumptione afficitur nota uniuersi generis. Altera ex eo uitiosa existit, quod si negatio colligatur primi extremi de ultimo, quæ sanè sola uidetur posse aptè concludi, fiet ut ex parte totum in primo extremo colligatur. Ita hæc connexio non est omnino inutilis, sed ad complexionem solam primi extremi de ultimo. Aliæ coniunctiones ab his necessariæ sunt omnes. Primus modus est, qui ex duabus uniuersis affirmationibus uniuersam colligit affirmationem primi extremi de ultimo: ut, omne animal uiuit, omnis homo est animal, omnis igitur homo uiuit. Vocabulum huiusmodi est Barbara. Secundus modus est, qui ex propositione uniuersa negante, & assumptione uniuersa aiente, colligit uniuersam negantem: ut, nullum malum est amplectendum, omne uitium est malum, nullum igitur uitium est amplectendum. Vocabulum est Celarent. Tertius modus ex uniuersa affirmatione & speciali affirmatione, efficit specialem affirmationem: ut, omnis uirtus est habitus, quædam iustitia est uirtus, igitur quædam iustitia est habitus. Vocabulum est Darij. Quartus ex propositione uniuersa negante, & assumptione speciali aiente, colligit specialem negantem: ut, nullum animal est lapis, quidam homo est animal, quidam igitur homo non est lapis. Vo-



cabulum est Ferio. Hi modi dicuntur rectè seu directim concludentes. Nam in conclusiōe extremum primum effertur de ultimo. Sunt etiam in eadem forma prima & alij quinque modi indirectim concludentes, hoc est, qui complexionem extremi ultimi de primo efficiunt, & ad priores illos perfectos reuocantur. Primus ex duabus iniuersis aientibus, specialem colligit aientem ultimi de primo: ut, omne animal est substantia, omnis homo est animal, quædam igitur substantia est homo. Vocabulum huiusmodi est Baralipton. Reuocatur ad Barabara reciprocatōe conclusiōis ex parte, hoc est, probatur modus esse necessarius reciprocatōe conclusiōis modi perfecti (nam quæ in imperfecto colligitur, cum sit specialis, conuerti ex parte non potest) hoc modo: Ratiocinatio hæc est necessaria, omne animal est substantia, omnis homo est animal, omnis igitur homo est substantia: quicquid igitur ex consequenti sequetur, id ipsum sequetur ex antecedenti: at ex consequenti colligitur, quædam substantia est homo, reciprocatur enim uniuersa affirmatio in specialem: quare hoc ipsum ex antecedente necessario concludetur, eritque argumentatio modi imperfecti necessaria. Secundus modus ex propositione uniuersa negante, & assumptione uniuersa aiente, colligit uniuersam negantem: ut, nullum malum est expetendum, omne uitium est malum, nullum igitur expetendum est uitium. Vocabulum est Celantes. Redigitur ad Celarent reciprocatōe conclusiōis: nullum malum est expetendum, omne uitium est malum, nullum ergo uitium est expetendum. Tertius ex

Ferio

Baralipso

Celantes;

Q

pro

**Barbari** propositione uniuersa, & assumptione speciali aientibus, concludit specialem aientem: ut, omnis uirtus est habitus, quedam iustitia est uirtus, quidam igitur habitus est iustitia. Vocabulum est Dabitis. Redigitur ad Darij reciprocata conclusione in totum, quedam iustitia est uirtus. Quartus ex propositione uniuersa aiente, & assumptione uniuersa negante, efficit specialem negantem: ut omne corpus est substantia, nullus spiritus est corpus, quedam igitur substantia, non est spiritus. Vocabulum Fapesmo. Redigitur ad Ferio reciprocata propositione ex parte, assumptione in totum, & mutato ordine summationum, hoc pacto: Nullum corpus est spiritus, quedam substantia est corpus, quedam igitur substantia non est spiritus. Quintus ex speciali propositione aiente, & assumptione uniuersa negante, concludit specialem negantem, ut quoddam animal uiuit, nullus lapis est animal, quoddam igitur uiuens non est lapis. Vocabulum est Frijesomorum. Redigitur ad Ferio conuersis summationibus in totum, & mutato earundem ordine: nullum animal est lapis, quoddam uiuens est animal, quoddam igitur uiuens non est lapis.

De modis secundæ formæ.

## CAPVT. VI.

**Coniunctio-  
tiones in  
utiles due** IN secunda forma due sunt coniunctiones pronuntiationum inutiles, ex duabus affirmationibus, & ex propositione speciali. In illa uerba, quorum primum extremum toti inest ultimo sunt, omne animal sentit, omnis homo sentit, omnis homo est animal. Quorum primum nulli inest ultimo, omnis homo est animal, omnis bos est animal, nullus bos est homo. In altera uerba etiam, quo

rum

rum primum de tota dicitur ultimo fuerint, quædam substantia est animal, nullus lapis est animal, omnis lapis est substantia. Quorum autem primum nulli conuenit ultimo. Quoddam animal est substantia, nullus color est substantia, nullus color est animal. Connexio ex aientibus nihil efficit, quia medium uerbum, cum sit attributū, in neutra sumptione afficitur nota uniuersi generis. Quæ autem est ex propositione speciali, nil efficit, quia in conclusione, quam oporteret esse negantem, in primo extremo ex parte colligeretur totum. Quod perspicitur in hac potest argumentatione: quædam substantia est animal, nullus lapis est animal, quidam igitur lapis non est substantia. Modi utiles quatuor sunt. Primus ex propositione uniuersa negante, & assumptione uniuersa aiente, colligit uniuersam negantem: ut, nullus lapis est animal, omnis homo est animal, nullus igitur lapis est homo. Vocabulum Cesare. Redigitur ad Celarent reciprocatâ propositione in totum, nullū animal est lapis. Secundus contra ex uniuersa propositione aiente, & uniuersa assumptione negante colligit uniuersam negantem: ut, omnis cygnus est albus, nullus coruus est albus, nullus igitur coruus est cygnus. Vocabulum Camestres. Redigitur ad Celarent reciprocatâ in totum assumptione & conclusione, & mutato ordine summptionum: nullum album est coruus, omnis cygnus est albus, igitur nullus cygnus est coruus. Tertius modus ex propositione uniuersa negante, & assumptione speciali aiente, colligit specialem negantem: ut, nullum bonum est malum, quædam iniustitia est mala, quædam ergo iniustitia non est bona. Vocabulum Festino. Redigitur ad

Came-  
stres.

Festino

**Baroco.** Ferio reciprocata propositione in totum: nullum malū est bonū. Quartus modus ex propositione uniuersa aīēte, & assumptione speciali negante, efficit specialem negantem: ut, omnis homo est animal, quidam lapis nō est animal, quidam igitur lapis non est homo. Vocabulum Baroco. Redigitur ad Barbara syllogismo ad incommodum ducente, hoc est, probatur huius modi ratiocinatio syllogismo dūcente ad incommodum, qui in Barbara conficitur. Probationis modus, hic est: si ratiocinatio non sit recta, sunt ergo ueræ sumptiones & falsa conclusio. Erit igitur contradicens conclusionis uera, omnis lapis est homo. Ex hac uera unā cum propositione concessa necesse ratiocinationem urgentem incommodo, omnis homo est animal, omnis lapis est homo, igitur omnis lapis est animal. Hæc est necessaria ratiocinatio, ueræ sunt sumptiones, quare uera erit conclusio: atqui & illa concessa fuit uera, quidam lapis nō est animal, fiet igitur ut sint ueræ enuntiationes contradicentes: quod cum sit absurdum, relinquitur imperfectam illam argumentationem esse rectam. In modis secundæ formæ uniuersis licet non solum primum extremum de ultimo, sed & ultimū de primo concludere, in specialibus autem id fieri minimè potest. Non enim rectè sic colligimus, omnis homo est animal, quædam substantia non est animal, quidam igitur homo non est substantia.

## De modis tertiæ formæ.

## CAP. VII.

Coniunctio  
tertiæ for-  
mæ

**T**ertia forma unam continet inutilem coniunctionem pronuntiatorum, in qua assumpto sit negās.  
Reperiā

Reperiuntur uerba, quorum primum toti inest ultimo: omnis lapis est substantia, nullus lapis est animal, omne animal est substantia. Quorum autem primum nulli inest ultimo: omnis homo est animal, nullus homo est lapis, nullus lapis est animal. In modis tertiæ formæ conclusionem non licet unquam colligere uniuersam. Fieret enim alioqui, ut in ultimo extremo, ex parte totum concluderetur. Quare uitiosa est argumentatio, omnis homo est animal, omnis homo est substantia, igitur omnis substantia est animal. Modi utiles sunt sex. Primus ex duabus uniuersis aientibus concludit specialem aientem: ut omnis uirtus est expetenda, omnis uirtus est habitus, igitur quidam habitus est expetendus. Vocabulum est Darapti. Redigitur ad Darij assumptione ex parte reci procata: quidam habitus est uirtus. Secundus ex propositione uniuersa negante, et assumptione uniuersa aiente, colligit specialem negantem: ut, nullum uitium est expetendum, omne uitium est malum, quoddam igitur malum non est expetendum. Vocabulum est Felapton. Redigitur ad Ferio assumptione etiam ex parte conuersa, quoddam malum est uitium. Tertius ex propositione speciali aiente, et assumptione uniuersa aiente, colligit specialem aientem: ut, quædam planta uiuit, omnis planta est corpus, aliquod igitur corpus uiuit. Vocabulum est Disamis. Redigitur ad Darij propositione et conclusionem in totum reciprocatis, et mutato ordine summptionum: omnis planta est corpus, quoddam uiuens est planta, quoddam igitur uiuens est corpus. Quartus ex uniuersa propositione aiente, et speciali assumptione aiente, colligit specialem aientem: ut, omne bonum

Darapti

Felapton

Disamis

Darisi

est amplectendum, quoddam bonum est uirtus, quædam igitur uirtus est amplectenda. Vocabulum est Datist.

Redigitur ad Darij assumptione in totum reciprocata, quædam uirtus est bona. Quintus, ex propositione speciali negante, & assumptione uniuersa aiente, colligit specialem negantem: ut quidam homo non est lapis, omnis homo est animal, quoddam igitur animal non est

lapis. Vocabulum est Bocardo. Redigitur ad Barbaræ syllogismo ad incommodum ducente, hoc est, probatur hic modus esse necessarius ratiocinatione ducete ad incommodum, quæ conficitur in Barbara. Probationis autem ductus idem est cum eo, quo quartus secundæ formæ demonstratur. Sextus ex propositione uniuersa negante,

& assumptione speciali aiente, colligit specialem negantem: ut nullus cygnus est niger, quidam cygnus est animal, quoddam igitur animal non est nigrum. Vocabulum est Ferison. Redigitur ad Ferio assumptione in totum reciprocata, quoddam animal est cygnus. In modis huius formæ aientibus concludi potest non solum complexio primi extremi de ultimo, sed ultimi de primo. In negantibus non potest. Dubitari forsitan posset, unde fiat, ut sit necessaria probatio, imperfecti modi redigantur ad perfectos: sunt igitur necessarii. Præbet autem dubitandi occasionem, quod Enthymemata multa, etiam uitiōsa, ad perfectam ratiocinationem possunt reuocari: quale hoc est: omnis homo mouetur, igitur omnis homo ambulat: ex quo fit ratiocinatio in hunc modum: quicquid mouetur ambulat, omnis homo mouetur, igitur omnis homo ambulat. Quæ dubitatio erit soluta, ubi cōfiterit unde uimumat hæc ratio redigendi imperfecti modi



modi ad perfectum. Sanè nititur hoc Dialectico principio, quicquid ex consequenti sequitur recte argumentationis, id ipsum colligi potest ex antecedente: hac enim utimur methodo, ex sumptionibus Modi imperfecti sumptiones perfecti concludimus, & ex his complexiorem propositam, ita fit, ut eandem liceat ex primis inferre. Id uno exemplo aperiamus. Imperfectus syllogismus est in Cesare, nullus lapis est animal, omnis homo est animal, nullus igitur homo est lapis. Probatur autem esse necessarius; quia propositione conuersa ad secundum modum primæ formæ reuocatur. Vis probationis sic explicatur: nullus lapis est animal, & omnis homo est animal, ergo nullum animal est lapis, & omnis homo est animal. Argumentatio hæc recta est, reciprocatur enim uniuersa negatio in uniuersam, quicquid igitur ex consequenti sequetur, colligetur ex antecedenti: at ex consequenti proculdubio sequitur conclusio illa, nullus homo est lapis, cum fiat ratiocinatio in prima forma: igitur ex primis sumptionibus imperfecti modi, eadem conclusio ex necessitate colligetur. Cum autem Enthymemata uitiosa ad Syllogisimum reuocantur, ratio illa probandi non est efficax, cum nullo nitatur Dialectico principio.

Generalia quedam ratiocinationum  
præcepta.

## CAP. V. T. XIII.

**O**MNIS ratiocinatio ad aliquam ex tribus his formis, quas proposuimus, ex necessitate reuocatur, quod ita esse, & qua ratione fieri debeat: ita fuscè Arist. ostendit, ut nimis profectò esse uideatur: sed danda uenia est, immò uerò habenda gratia homini, qui ita de

nobis optimè meritus est, ut quicquid ad hanc artē pertinere uideri poterat, diligentissimè sit persecutus. A nobis expectanda sunt, quæ ad artis cognitionem intelligitur esse necessaria. Fieri igitur ratiocinationem omnem in aliqua trium formarum perspicuum euadit, partim ex medij uerbi collocatione, quam triplicem esse demonstrauimus: partim ex eo, quòd nullam excogitare liceat, in qua alia ab his seruetur dispositionis ratio. ad quam autem formam singulæ ratiocinationes sint reuocandæ ipsa medij uerbi collocatio demonstrabit, nec alys puto ad eam rem opus esse præceptis. Nūc generales quasdam præceptiones ratiocinationum breuiter proponemus. Omnis ratiocinatio ex tribus uerbis conflatur, plura si adhibeantur, non constabit: ut si ita colligamus, omne secundum proximè sequitur primum, omne tertium proximè sequitur secundum, igitur omne tertium proximè sequitur primū. Porro cū ex tribus uocibus duo fiant pronunciata, proximum est, ut ex duobus tantū enunciatis constet ratiocinatio simplex, hoc est, quæ nō augetur aliquo pro syllogismo. Fit enim ut confirmatio aut utriusq; sumptionis, aut alterius in eandem congerantur ratiocinationē, quam necesse est ex uocibus pluribus tribus, & non ex solis duabus enunciationibus cōponi: cuius generis est hæc, Omne uiuens est substantia, omne animal est uiuens, omnis homo est animal, igitur omnis homo est substantia: in qua sumptiones, ex quibus propositio colligitur, appositæ sunt, non expressa conclusione. Altera præceptio est, in ratiocinatione omni, si altera ex sumptionibus fuerit specialis, oportet & conclusionem eiusdem esse quantitatis. Fieri enim nunquam

potest

potest, ut ex parte colligatur totū, aut ex speciali pronuntiato uniuersum. Rursum, si alterutra sumptionum sit negans, negantem quoq; necesse est esse conclusionē. Affirmatio enim ex duabus efficitur affirmationibus.

De duplici ratiocinatione recta, & ex hypothesi.

## CAPVT XIIII.

**D**uplex est probandæ rei ductus, alter rectus, alter obliquus. Sic duplex est ratiocinatio, altera recta *Recta ratiocinatio* quam uulgò ostensiuam appellant, altera ex hypothesi. Recta est, quæ recto ductu ex ueris pronunciatis, propositæ quæstioni fidem facit: qualis fuerit, si quis pisces nō respirare sub aquis, ita concludat: quæcunq; pulmone carent, non respirant, pisces pulmone carent, pisces igitur non respirant. Quæ est ex hypothesi duas sub se complectitur formas, ducentem ad incommodum, & ex translatione. Ducens ad incommodum ratiocinatio est, in qua sumpta contradicente eius quod negatur, cum aliquo enunciato manifestè uero, colligimus aliquid manifestè falsum. Quod cum fateri absurdum sit, tandem uerum esse quod fuerat negatum demonstramus, aut duas enunciationes contradicentes simul esse ueras: ut si quis dicat plantas uiuere, sic falsitatis arguetur. Sumetur contradicens, plantæ non uiuunt, & unū cum propositione manifestè uera: quæ non uiuunt, non aluntur, nec augentur: sic connectemus ratiocinationem: quæcunq; non uiuunt, non augentur, aut aluntur, plantæ non uiuunt, plantæ igitur neq; aluntur, neq; incrementa suscipiunt: hæc conclusio falsa est, ipsis etiam sensibus ita esse testantibus, oportet igitur alteram ex sumptionibus esse falsam.

*Ratiocinatio ducens ad incommodum.*

*Falsū esse*

Ratiocina-  
tio ex  
transum-  
ptione.

falsam: non est autem falsa propositio, erit igitur assumptio, plantæ non uiuunt: quare uerum erat plantas uiuere, quod à principio fuerat ostendendum. Ratiocinatio ex transumptione fit, quoties quæstio de qua disputatio suscepta est, transfertur in aliam, qua probata, prima quoq; demonstratur: ut si probandum sit, omnia astra esse rotunda, & quoniam omnia uidentur eiusdem esse naturæ, hac utamur hypothese, ut si ostensum sit uel unum aliquod, lunam exempli gratia esse rotundam, sit quoque conclusum esse omnia spherica, mox lunam esse rotundam ita confirmemus: Omne astrum, cuius lumen in orbem crescit ac minuitur, est rotundum, luna est huiusmodi, luna ergo est rotunda. Hæc uocabitur ratiocinatio ex translatione, siue ex transumptione.

De præceptis inueniendi medijs uerbi ad omne  
genus enunciati concludendum

## CAPVT XV

**Q**uid esset ratiocinatio, & quo pacto fieret, diximus. Nunc sequitur, ut quoniam de ea hoc loco uniuersè agimus, generalia quoq; tradamus inueniendæ materiæ præcepta, quæ possint omni ratiocinationi adaptari. Cum sint quatuor enunciationum differentiæ, uniuersa affirmatio, uniuersa negatio, specialis affirmatio, specialis negatio, quatuor præceptionibus, quo medio inuenito concludendæ sint, cōplectemur. Prima præceptio: Uniuersa affirmatio concluditur medio uerbo, quod sequatur subiectum, & antecedit attributum. Sequitur alterum in, quod alteri consequens est: antecedit alterum, ex quo alterum colligitur. Itaq; concludere uo-

Prima  
præceptio

lenti

lenti ratiocinatione, omnem hominem esse substantiam, medium uerbum eligitur unum aliquod ex superioribus, animal, corpus, aut uiuens. Hæc enim hominem sequuntur, & substantiam inferunt. *Secunda præceptio:* Specialis affirmatio concluditur inuento uerbo medio, quod utrunq; extremum antecedit: ut si sit concludendum, quoddam animal uiuere, sumetur medium homo, fietq; ratiocinatio in tertia forma ex uniuersis pronuntiatis, omnis homo uiuit, omnis homo est animal, quoddam igitur animal uiuit. Efficitur quoq; specialis affirmatio medio, quod sequatur subiectum, & antecedit attributum: ut quoddam animal esse substantiam, colligimus sumpto medio corpore, in prima forma. Sed ex huiusmodi medio non in omnibus modis, aut ex uniuersis sumptionibus specialis affirmatio concluditur. *Tertia præceptio:* Vniuersa negatio concluditur medio uerbo inuento, quod sequatur subiectum, & repugnet attributo, aut contra, quod attributum sequatur, & repugnet subiecto: ut nullus homo est lapis negatio, colligitur in prima forma, & in primo modo secundæ, si sumatur medium animal. Si uero sumatur expers sensus, fiet ratiocinatio in secundo modo secundæ formæ, eandem colligens conclusionem: omnis lapis est expers sensus, nullus homo est expers sensus, igitur nullus homo est lapis. *Quarta præceptio:* Specialis negatio concluditur medio inuento, quod antecedit subiectum, & repugnet attributo: ut specialis negatio, quoddam bonum non est fugiendum, probatur sumpta uirtute locomedij, fietq; ratiocinatio in tertia forma ex uniuersis sumptionibus, & in quarto modo primæ, quod cogni-

*Secunda  
præceptio*

*Tertia  
præceptio*

*Quarta  
præceptio*

## COMPOSITIONIS DIALEC.

tu facillimum est. Colligitur etiam specialis negatio in uento medio, quod repugnet subiecto, & consequatur attributum: ut illa eadem enuntiatio, quoddam bonum non est fugiendum, efficitur, si medium uerbum eligatur malum, omne fugiendum est malum, quoddam bonum non est malum, quoddam ergo bonum non est fugiendum. Medium uerbum quod utrunq; extremum consequatur inutile prorsus est. In prima enim forma, & in tertia falsum esset alterum pronunciatum: in secunda forma utrunq; esset aliens. Id autem facile est uidere, si ad probandum enunciatum, homo est animal, eligatur corpus. Rursum ex eo quod utriq; extremo contrarium sit, nullum genus complexionis ostenditur: oporteret enim utranq; sumptionem esse negantem. Postremo uerbum medium, quod antecedit attributum, & repugnet subiecto, ineptum est ad efficiendam conclusionem. Nam ut uera sint sumptiones, in prima & tertia forma necesse est assumptionem esse negantem: in secunda uero specialem propositionem. Ostensum est autem huiusmodi connectiones esse incollectiles.

## De Syllogismo in orbem, &amp; conuersionis,

## CAPVT XVI.

**M**ulta de his scripsit Aristoteles. nam quo pacto in singulis formis, atq; in singulis modis cuiusq; forme necesse debeant copiose explicauit. Sed cum horum non usque adeo magnus sit usus, quid huiusmodi sint rationes, sat fuerit attigisse. Ratiocinari in orbem, nihil aliud est, quam proposita aliqua ratiocinatione, ex conclusione & conuersa altera sumptione, alteram colligere.

Verba media  
inutilia.

Ratiocinatio  
in orbem.



ligere, ut si sit confecta ratiocinatio, quicquid est particeps rationis, est capax disciplinae, omnis homo est particeps rationis, omnis igitur homo est capax disciplinae, ex conclusione, omnis homo est capax disciplinae, & conuersa assumptione, quicquid est particeps rationis, est homo, fiet ratiocinatio in orbem propositionem concludens, quicquid est particeps rationis, est capax disciplinae. Potest quoque & assumptio modo eodem concludi ex propositione conuersa & conclusione. Hoc autem generis ratiocinationis non solum in modis primæ formæ, sed in cæteris serè omnibus uti licet: quæ omnia fusissimè (quemadmodum diximus) Aristoteles est persequutus. Syllogismus conuersionis est, in quo sumpta aut aduersa, aut contradicente conclusionis cum altera assumptione, aduersam colligimus, aut contradicentem alterius. Hoc genus ratiocinationis distat ab ea, quæ ducit ad incommodum, in primis quia syllogismus conuersionis præexigit aliam ratiocinationem, quemadmodum ex definitione monstratur. Ducens autem ad incommodum nullam requirit antea factam. Præterea in illo sumi potest aut quod conclusioni aduersatur, aut quod contradicit: in hoc uerò sumpta enunciatione aduersa, nihil efficitur. Non enim est necesse, si proposita conclusio sit falsa, aduersam esse ueram. Qua argumentandi forma utimur, cum aduersarium incommode urgemus. Atque hæc de ratiocinatione simplici dicta sint, quæ qui nouerit, nil sermè eorum, quæ ad hanc artem necessaria sunt, & ad disputationes plurimum adferunt adiumenti, desiderabit. Nunc ad alias argumentationis formas explicandas accedamus.

*Syllogismus conuersionis*

**R**atiocinationi proximè succedit Inductio, quæ à sensibus incipit, & in mentem definit. Est enim progressio à rebus singulis ad res uniuersas. Eius apud autores frequentissimus est usus, ad ea præsertim demonstranda, quæ sunt artium firmamenta ac principia: ut in naturali Philosophia, quòd omnia fiant ex contrarijs hac inductione concludimus: Quod sit maius, ex eo efficitur, quòd antea minus erat; & contra, quòd deterius euadit, sit ex meliori: Itaq; sanum ex ægro, ex debiliore firmitus, ex tardiori uelocius: quæ igitur fiunt, omnia fiunt ex contrarijs. Inductionis etiam exemplum fuerit, si ita ratiocinemur: Iustitia uirtus expetenda est, fortitudo itidem, temperantia, & prudentia, omnis igitur uirtus est expetenda. Inductio perfecta est Argumentatio, si cum Enthymemate & exemplo confratur: sed uim quoq; sumit ex syllogismo, & ad eum reuocatur sumpta loco medijs, tota formarum, aut rerum singularum collectione: ut posterius inductionis exemplum in formam ratiocinationis ita redigetur: Iustitia fortitudo, prudentia, temperantia sunt expetendæ, Iustitia, fortitudo, prudentia, temperantia sunt uirtutes, igitur omnis uirtus est expetenda. Potest etiam Inductio reuocari ad ratiocinationem primæ formæ, sumpto eodem medio, ad hunc modum: Iustitia, fortitudo, temperantia &c. sunt expetendæ, omnis uirtus est aut iustitia, aut fortitudo, aut temperantia. &c. igitur omnis uirtus est expetenda. Oportet autem in Inductione percensere omnia singularia, aut si id minus fieri possit, apta aliqua  
claus

clausula addenda est, quæ omissa includat & complectatur. Alioqui non fieret necessario argumentatio. Rhetores Inductionem appellant, cum ex multis similibus res una colligitur: ut, si pomum optimum censetur generosissimum, si equus optimus, si ager, aliq; multa, quæ sunt optima, censentur generosissima, profectò dicentur generosissimi homines qui sunt optimi. Verùm hæc imperfecta quedam Inductio est, & ad exemplum uidetur pertinere.

## De Enthymemate.

## CAP. XVIIII.

**E**nthymema Fabius interpretatur commentum, ita cogitatum mentis significat. Appellantur etiam Enthymemata sententiæ omnes, hæ præsertim, quæ ex contrarijs cõcluduntur, quoniã acutissimæ esse solent: ut, quid satis, si Roma parũ? Quæ alienum fidũ inuenies, si tuis hostis fueris? A nobis enthymema in præsentia uocatur, imperfecta ratiocinatio, in qua ex altero tantum pronuntiato festinata conclusio infertur: ut, si peperit, cũ uiro cõcubuit: sumus est, igitur ignis est. Enthymema duplex est genus, quædam uim sumunt ex significatione uocum, ut homo est substantia, quoddã igitur animal uiuit. Alia in utroq; pronuntiato eandem habent uocem, ut temperantia est uirtus, igitur temperantia est habitus. Quæ sunt prioris generis ad syllogismum nequeunt reuocari, constāt enim ut minimum ex quatuor uocibus, cum tres tantum in syllogismo reperiātur. Quæ uerò posterioris sunt generis, in uim & formã ratiocinationis redigi possunt, sumpto pronuntiato, quod desideratur. Quod autem desideretur, uox, quæ bis sumitur

Duplex  
genus Enthymet.

tur in Enthymemate, indicabit. Ea enim cum in utroque pronuntiato subiicitur, propositio deesse intelligitur: ut in Enthymemate, omnis homo est animal, igitur omnis homo est substantia, desideratur propositio, omne animal est substantia, qua sumpta fit primæ formæ ratiocinatio. Cum autem uox eadem in utroque est attributum, desideratur assumptio: ut si ita dicamus, temperantia in mediocritate consistit: quædam igitur uirtus in mediocritate consistit: deest assumptio, omnis temperantia est uirtus, quæ adhibita, tertiæ formæ ratiocinationem efficit. Accidit quandoque in Enthymemate, subiectum unius partis in altera esse attributum: potestque ex huiusmodi Enthymemate fieri syllogismus, sed quænam desit enuntiatio, certis præceptis nequit præscribi. Aliquando enim desideratur propositio: ut si ita colligamus, quidam homo est animal, igitur quædam substantia est homo. Aliquando assumptio, ut in hoc Enthymemate: nullus equus est homo, igitur quædam substantia non est equus. Ex priori illo, assumpta propositione, omne animale est substantia: fit ratiocinatio ultimum extremum de primo concludens hoc pacto: Omne animal est substantia, quidam homo est animal, igitur quædam substantia est homo. Ex altero, sumpta minori ad hunc modum: nullus equus est homo, quædam substantia est homo, quædam igitur substantia non est equus. In Enthymemate (quemadmodum diximus) supprimetur altera assumptio duplici de causa: uel quod euidentior sit, quam ut proferri debeat: uel quod facilius, si exprimatur, argumentationis parum firmæ uitium deprehendatur: ut, paret adolescens, amat igitur. Ad-

ditur

ditum pronuntiatur, quod de erat, non esse necessariam argumentationem declarat. Enthymemata non omnia uim ex ratiocinatione accipiunt, hoc est, non protinus efficitur, ut sit enthymema argumentatio recta, si ad syllogismum reuocetur. Nam & uitiosa quoque ad eundem reuocantur: ut, homo mouetur, igitur homo ambulat, redigitur sumpta propositione, quicquid mouetur ambulat.

## De Exemplo.

## CAP. XIX.

**E**xemplum est altera imperfecte argumentationis species, quod aliquando argumenti nomen est, uocaturque particulare, uel maius, uel minus, uel par, quod sumitur, aut ad uitandum, aut imitandum. ab Aristotele usurpatur, quod nomen est argumentationis, diffiniturque Oratio, in qua singulare unum per alterum probatur, propter similitudinem, quae in utroque conspicitur. Cuiusmodi est illud apud Ciceronem: P. Scipio Tyberium Gracchum mediocriter labefactantem statum Reip. interemit, nos Catilinam orbem terrarum cade & incendijs uastantem Consules perferemus? Tum & illud apud Virgilium: Pallasine exure reclasssem Argium potuit, ast ego quae diuum incedo regina. &c. Exemplum ab inductione & syllogismo ita distinguit Aristoteles, quod in syllogismo partem ex toto colligamus, in inductione totum ex parte, in Exemplo autem partem ex parte. Reducitur etiam Exemplum ad ratiocinationem, quae admodum & Enthymema similitudine illa, quae inter utrumque particulare intercedit loco medij accepta, ut

R. pro

propositum exemplum: Male cessit Thebanis aduersus Athenienses bellum gerere, ergo male cedet Phocensibus contra Thebanos arma capere, ita in syllogismum reuocabitur: Contra confines bellum gerere malum est. Phocenses, contra Thebanos bellum gerere, est contra confines bellum gerere: ergo Phocenses aduersus Thebanos arma capere malum est. Habent Rhetores peculiare quasdam formas colligendi, quibus frequentissimè utuntur: Dilemma, cornutum argumentum, in quo duobus propositis, quodcūq; eligas capiere: ut si diues, erit ferenda: si pauper, alenda. Andistrophon, quod à Cicerone uocatur conuersio. Estq; solutio dilemmatis: Si duxerit diuitem, alet se: si pauperem, nihil exprobat. Gradationem, in qua sic multa sumuntur, ut ex primo inferatur secundum, ex secundo tertium, atq; ita quocūq; alio numero: ut, animus se mouet: quod se mouet est principium motus, quod est principium motus, est immortale, animus igitur immortalis. Huius norma sumitur ex regula illa Antepredicamentorum, quando alterum de altero dicitur. &c. Coacerualem conclusionem, Soritas Græci uocant: ut si aceruum tritici granum unū non facit, si nec duo, nec tria: ergo nec inquantocūq; numero efficient.

De hypotheticis seu copulatis  
argumentationibus.

CAP. XX.

**H**Atenus satis copiosè pro institutionis huius modo de simplicibus argumentationibus disputatum est. Restat ut de copulatis seu hypotheticis agamus. Seruimus Boëtius libris duobus tractationem hanc fuisse



finē ac diligentissimē absoluit. Ex quo uno, omniū, quæ  
 ad hoc genus argumentationum spectant, plena ac per-  
 fecta cognitio peti poterit. Nos ex multis, quæ uir do-  
 ctissimus & acerrimi iudicij scriptis mandauit, pauca  
 deligere statuimus, quorum scilicet frequens usus non pa-  
 rum haberi solet. Initium a definitione copulati syllo- Copula-  
tus Syllo-  
gismus.  
 gismi ducemus. Copulata ratiocinatio est, cuius alte-  
 ra ex sumptionibus, aut utraq; copulata est: ut si homo  
 est, animal est, atqui homo est, igitur animal est. Fiunt  
 copulatae ratiocinationes potissimum ex cōnexis & dis-  
 iunctionibus. Earum, qui ex connexis constantur, uarij Syllogis-  
ex cōne-  
xis pri-  
mus mo-  
dus.  
 sunt modi. Primus est cum assumpto eo, quod in conne-  
 xo præcedit, ostendimus id quod sequitur ita necessa-  
 riò esse, ut est in connexionē propositum: ut, si homo  
 est, animal est, atqui homo est, igitur animal est. Si iu-  
 stitia est uirtus, iustitia est habitus: si iustitia est habi-  
 tus, iustitia est qualitas: atqui iustitia est uirtus, igitur  
 iustitia est qualitas. Secundus modus est, cum in cōnexo Secundus  
modus.  
 proposito, sublato eo quod sequitur, tollitur id quod  
 antecedit: ut, si domus est, fundamentū est: non est autē  
 fundamentum, igitur nec domus. Si dies est, nox non est,  
 atqui nox est, dies igitur non est. Tertius modus est, cum Tertius  
modus.  
 in cōnexo negante, quod ex partibus constat contrarijs  
 astruitur antecedens, ut consequens tollatur: ut, non si  
 dies est, nox est: atqui dies est, nox igitur, non est. Cum  
 autem partes non sunt repugnantes non ualet argumen- Ex dis-  
tinctionibus  
duo modi  
prim.  
Secundus  
modus.  
 tum. Earum, qui constantur est disiunctionibus, duo mo-  
 di sunt. Prior est, cum in disiunctione pars altera tolli-  
 tur, ut reliqua astruatur: ut aut uiuit, aut mortuus est:  
 non uiuit autem, igitur est mortuus. Secundus est: Cum

disiunctionis propositæ pars altera asseritur, ut reliqua tollatur: ut, aut dies est, aut nox est: atqui dies est, nox igitur non est. Hic modus colligendi ualeat cum disiunctionis partes sunt contrariæ, alioqui inutilis est. Fiunt quoque ex coniunctionum negatiua duo hypotheticarum ratiocinationum modi. Primus est: cum propositæ coniunctionis pars altera astruitur, ut tollatur reliqua: ut, non & ualeat, & in morbo est: atqui ualeat, non est igitur in morbo. Secundus modus est, cum pars altera tollitur, ut astruatur reliqua: ut, non & dies est, & nox est: at dies non est, nox igitur est. Hic modus argumentandi rectus est, quando partes coniunctionis ita sunt repugnantes, ut inter ipsas nil mediæ intercipiatur. In cæteris nil efficitur: ut si quis ita colligat: Non & album est & nigrum, atqui non est album, igitur est nigrum, ex coniunctionibus aientibus non constantur rationes copulatæ. Est tamen in his argumentatio necessaria, si ex tota pars colligatur, aut sublata parte una, tota interrimatur: ut si cælum rotundum est & uoluitur, cælum rotundū erit: & si non est rotundum, nec rotundum erit, & uoluetur. Docet quoque Aristoteles in his fieri argumentationes quasdam, cum ex disiunctis ad coniuncta progredimur, & contrā. Quod qua ratione fieri debeat, his regulis complectimur. Prima, quando attributa, quæ de aliquo dicuntur, accidentario illi conueniunt, aut alterum alteri, coniunctim efferrī non possunt. Non enim sic recte colligimus, est sutor, & est bonus: ergo est sutor bonus: est albus, & est musicus: ergo est albus musicus. Secunda regula, quando ex attributis coniunctis negatio sequitur, hoc est, sit ut idem frequenter dicatur, quæ

Ex disiunctionis negatiua prior modus

Secundus modus.

Quando ex disiunctis ad coniuncta progredimur, & contrā.

Prima regula.

Secunda regula.

quæ separatim dicuntur, cōiunctim dici non possunt, ut est homo, & est animal: igitur est homo animal. In categoris diuisa attributa coniungi possunt: ut, Socrates est homo, & est albus: igitur est homo albus. Tertia regula, quando coniuncta attributa, si diuidantur, repugnant, ex coniunctis separata non colliguntur: non enim sequitur, est homo mortuus: igitur est homo, & est mortuus. Quarta regula est, quando attributum unum alterius gratia subiecto conuenit, coniuncta diuidi non possunt: ut, Homerus est aliquid, ut poëta: ergo Homerus est. In alijs possunt coniuncta attributa recte diuidi: ut Socrates est homo albus, igitur est homo, & est albus.

Finis libri sexti.

# COMPOSITIONIS

## DIALECTICAE LIBER

### SEPTIMVS. QVI

est de Demonstratione.

De instituto præsentis libri, ex quibus constet Demonstratio, & quæ sint genera prænotionum,

#### CAPVT. I.



Vm naturæ ordine, qui idem compositionis ordo est, genus formas antecedit, meritò priori loco de ratiocinatione, genere scilicet ipso primo loco à nobis assum est, cuius tractationem sequitur disputatio de formis. Sunt autem ratiocinationis formæ,

R-3 de

demonstratio, Dialectica ratiocinatio, & Sophistica: de quibus sigillatim differendum est. Ac primum sese nobis offert explicanda demonstrationis natura, quoniam dignitate cæteris longè antecellit. Hanc prius quàm definitione aperiamus, quænam sint ad eā necessaria, quod diligenter fecit Aristoteles, indicandum est. Cùm omnis doctrina ac disciplina ex præexistenti aliqua cognitione nascatur, demonstratione autem doctrina paretur atq; efficiatur (ea enim sola est certissimum parandæ scientiæ instrumentum) planè oportebit aliqua in demonstratione præcognovisse, quibus ignoratis, parari scientia eius, quod demonstratione concluditur, nullo modo poterit. Propositæ argumentationis partes usque ad cò perspicuæ sunt, ut probatione nulla indigeant. Propositio principij loco habenda est, quam inductione, argumenti genere probandis principijs accommodato, Aristoteles ostendit. Nam & in Mathematicis, & in Rhetorick, & in alijs omnibus artium generibus necesse est priusquàm addiscantur, quorundam instrui cognitione, quæ qui non tenuerit, frustrà eas se consecuturum speret. Sunt etiam quædam communia principia, quas dignitates appellant, omnibus quasi à natura insita, quorum intelligentia destitutus, frustrà aditum paret in scholas. Assumptio præfatæ argumentationis probationem nullam desiderat. Quæ sint igitur in Demonstratione prænotanda explicemus. Quod fiet commodè, si ex quibus constet demonstratio, & quot sint genera prænotionum, breviter aperiamus. Demonstratio omnis tribus partibus continetur, principio, seu dignitate, subiecto genere, & affectione. Principij nomine partes proximas, ex quibus

Aliqua  
in demon-  
stratione  
prænotan-  
da.

Ex quibus  
constet  
demonstra-  
tio.

Demon

Demonstratio conflatur, intelligi uolumus, Propositionem, & Assumptionem. Subiectum, extremum ultimum est; affectio, extremum primum, quod de subiecto Demonstratione concluditur: ut si quis omnem hominem natum esse ad perdiscendas artes hac demonstratione concludat: omne animal rationis particeps natū est ad perdiscendas artes, omnis homo est animal rationis particeps, est igitur omnis homo natus ad perdiscendas artes. Principia sunt sumptiones duæ, subiectum homo, affectio natus ad perdiscendas artes. Prænotionum genera duo sunt, sit res necne, & quid sit. Prænotio quid sit duplex est, altera nominis, altera rei. Nominis est, quæ nominis significatio cognoscitur: ut quid homo significet, quid animal. Rei uerò, per quam naturam rei atque substantiam intelligimus. Quæ prænotiones esse diuersas, hinc constat, quod significatio nominis, à rei natura, quæ nomine declaratur, sit longè diuersa. Ac in multis significatio nota est atque perspecta, quid autem res ipsa sit, hoc est, quæ sit rei substantia, ignoratur. Prænotio sit res, necne, in duas quoque partes distribuitur. Nam altera ad rem simplicem pertinet, altera ad compositam. Prænotio sit res, necne, in simplicibus est certa cognitio, quæ res ipsas simplices existere actu nouimus: ut esse hominē, esse triangulum. In rebus autem compositis, ut in enunciatis nouisse sit res necne, aliud indicat, scilicet, sit uera enunciatio necne, intelligere: ut cognoscere id esse, necne, animal particeps rationis natum esse ad perdiscendas artes, est, uerum esse propositum principium tenere. Et in cæteris eodem modo. Nunc quo genere præno-

Præno-  
tionū duo  
genera.

Principia  
quomodo  
prænosce  
da.  
Subiecti  
præno.

tionis unumquodq; eorum, ex quibus Demonstratio cō-  
flatur, prænosci debeat, dicamus. Principia quod sint,  
hoc est, esse uera intelligere oportet. Non enim per ea  
quæ falsa sunt, aut talia esse iudicantur, comparari con-  
clusionis uera scientia potest. In subiecto duplici præno-  
tione opus est. Primum esse ipsum operæ pretium est in-  
telligere, cum eorum, quæ non sunt, nulla sit demonstra-  
tio: deinde quid sit, hoc est, quid nomen significet. Quæ  
nam autem sit rei subiectæ natura in demonstratione  
potissima est etiam prænosendum, utpote quæ medium  
uerbum habeat subiecti diffinitionem. In proprietate,  
unica tantum opus est prænotione, quid ipsum nomen  
significet proprietatis, & aliquando quænam sit pro-  
prietatis natura, cum accipitur loco medijs uerbi pro-  
prietatis diffinitio. Esse autem proprietatem non præ-  
nosimus: id enim concluditur demonstratione.

Affectio-  
nis præno.

Quid sit Demonstratio.

CAP. II.

Quid sci  
re.

Scientia & Demonstratio perinde inter se affecta  
sunt, ut causa & effectus. Est enim Demonstratio  
causa, cuius scientia & finis est, & effectus. Scire dici-  
mur, cum causam, propter quam res est, ita ipsius cau-  
sam esse cognoscimus, ut non posse omnino rem aliter  
fese habere credamus. Quæ definitio apertè declarat ue-  
ram scientiam tria hæc desiderare, ut cognoscatur rei  
causa: deinde ut intelligatur causa illa eius rei, quæ sci-  
tur, esse causa, postremo ut & res, quæ scitur, & causa  
ipsa existimentur esse necessaria. Aliquid eorum si desit,  
non erit plena ac perfecta scientia. Sumimus autem hoc  
loco scientiæ nomen, quatenus intellectui, sapientiæ, &  
ceteris



cæteris habitibus, quos numerat in Ethicis Aristot. ad-  
 uersatur. Potest enim, soletq; aliquādo generali quodam  
 modo accipi, ut suo ambitu omne genus cognitionis cō-  
 plectatur. Demonstrationis duplex ab Aristotele asser-  
 tur definitio. Prior ex fine sumpta est, scientia uidelicet,  
 Ratiocinatio, per quam efficitur conclusionis scientia.  
 Dialecticæ argumentationes pariunt cognitionem ali-  
 quam complexionis, sed scientia longè inferiorem, opi-  
 nionem, aut fidem. Altera demonstrationis finitio peti-  
 ta ex partibus hoc modo sese habet: Demonstratio est ra-  
 tiocinatio constans ex ueris, primis, immediatis, notio-  
 ribus, proximis causis conclusionis. Cuius definitionis  
 partes singulæ explorandæ sunt. Veras esse sumptiones  
 oportet: quoniam ex falsis, non scientia comparatur,  
 sed falsa quædā existimatio. Primas & immediatas, hoc  
 est, medio carētes, aut quæ fidem acceperint ex illis, quæ  
 mediū non habēt. Ex utrisq; enim demonstratio cōstat.  
 Prima demonstratio Geometriæ, quæ concluditur, quod  
 descriptum est, supra datam rectam lineam esse triangu-  
 lum æquilaterum, conflatur ex primis omnino & pror-  
 sus medio carentibus. Reliquæ autem, quæ sequuntur,  
 principia assumunt, quæ ad prima reuocantur, & ex  
 primis fidem sumpserunt. Notiores quoq; esse conuenit  
 naturā, non nobis. Semper enim in demonstrationibus  
 ex causis effecta colliguntur, & ex maioribus minora.  
 Vnde fit ut sint quoq; semper demonstrationis princi-  
 pia natura notiora cōclusioni. Postremò causas & pro-  
 ximas: causas quidem, quoniam demonstratio instrumen-  
 tum est parandæ scientiæ, scientia autem sine cognitio-  
 ne causæ non efficitur. Proximas uerò, si quidem per eas,

Duplex  
 finitio De-  
 monstra-  
 tionis.

quæ longè absunt, nil plenè perfecteq; sciri potest. Sed partis huius perfectior explicatio postea adhibebitur.

Quid principium, & quæ eius formæ.

## CAPVT III.

**D**emonstrationis principium, seu immediata propositio uocatur, quæ non est altera prior, per quæ possit confirmari: ut omne totum est maius parte. Immediati principij duæ sunt partes, Pronunciatum, seu Dignitas, & Positio. Dignitas est principium ita perspicuum, ut non possit non multò ante esse cognitum, atq; perspectum omnibus, priùs quàm quicquam doceantur. Qualia sunt communia principia, de omni re uera est affirmatio, aut negatio, si ab æqualibus auferatur æqualia, quæ relinquuntur sunt æqualia. Positio est principium, quod tametsi non possit demonstrari, non tamen per se ita apertum est ac manifestum, ut necesse sit iam ante cognitum esse ei, qui artem aliquam discere uelit: cuius generis sunt propria artium principia. Positiones diuiduntur rursus in duo genera, in hypotheses, quas suppositiones appellamus, & in definitiones. Suppositiones sunt positiones esse aut non esse significantes, hoc est, quæ aliquid de aliquo affirmant, aut negant: ut à puncto in punctum potest recta duci linea, æquidistantes lineæ non concurrunt, tametsi in infinitum protrahantur. Diffinitiones autem sunt simplicia principia, quæ ueri aliquid aut falsi non continent: ut diffinitio lineæ, diffinitio unitatis. Quemadmodum autem ex affirmationibus aliæ sunt medium habentes, aliæ quæ medio carent: sic etiam ex negationibus. Negatio mediū habet,

cuius

Dignitas

Positio.

Suppositiones.

Diffinitiones.

Negatio mediū habens.

cuius aut utrunq; extremum sub aliquo toto continetur, aut alterum: cuiusmodi sunt, nullus homo est qualitas, nullus color est linea. Immediata dicitur, cuius neutrum extremorum in aliquo toto continetur: ut nulla substantia est quantitas. Ex his principijs conflatur Demonstratio, ad quæ ita oportet affectum esse eum, qui Demonstratione utitur: ut certius ipsis credat, quàm conclusioni. Semper enim id magis tale est, quod causa est, ut tale sit alterum, sed propter principia fides conclusioni adhibetur, necesse est ergo multò melius ac certius à nobis intelligi principia.

Negatio

immediata.

ta.

Quid sit in omni esse, quæ per se conueniant,  
quid in uniuerso genere spectari.

## CAPVT IIII.

Cum demonstratio ex necessarijs confletur pronuntiatis, & quod est necessarium concludat, sint q; necessaria, alia ex ui sua ac per se, alia fortuito, ac secundum accidens, ex quibus necessarijs coalescat, nouisse oportet. Sed primum quid ista sint, quæ proposuimus, dicamus. In omni id dicitur, quod in alterum totum cadit, & omni tempore: ita animal in omnem hominem cadit, nam nihil potest sub homine accipi, cui non conueniat animal, & præterea omni tempore de homine effertur. Eorum, quæ per se dicuntur, quatuor sunt modi. Primum per se conueniunt, quæ in explicanda rei natura atque essentia adhibentur: ut punctum lineæ, animal homini. Deinde per se insunt, quæ ita rem sequuntur, ut in eorum definitione res ipsa collocetur: ut par & impar numero: ridere homini, & omnis propria affectio formæ, quam sequitur. Tertius modus non in compositione consistit.

Quid in omni esse.

Primus

modus eo

rum qua

per se di-

cuntur.

Secundus

Tertius.

consistit.

consistit rerum multarum, sed in simplicibus substantiis spectatur. Itaque per se dicuntur quæ in nullo subiecto haberent: ut singulares substantiæ. Quarto modo per se dicuntur, quorum subiectum ipsum causa est: ad quem modum pertinent pronunciata hæc, iugulatus interijt, lucidum illuminat. Vniuersæ autem dicuntur, quæ in omni insunt, per se, ac primo: ut habere tres angulos pares duobus rektis, isoscelis attributum uniuersum non est, nec figuræ. Nam huic non omni conuenit, illi uero non primo & quâ isosceles est, sed quâ triangulum. Itaque de triangulo uniuersæ dicetur, cum in omni triangulo insit, per se, ac primo, scilicet, quâ triangulum est. In demonstratione igitur, quam definitione explicauimus, pronunciata omnia ita constituta esse oportet, ut attributa subiectis insint omnibus, ac per se, aut primo, aut secundo modo: hos enim aptissimos esse conficiendis demonstrationibus indicauit Aristoteles. Oportet quoque id, quod demonstratione concluditur, uniuersum esse attributum, hoc est, subiecto, de quo concluditur omni, per se, ac primo conuenire. Quæ omnia in hac demonstratione cernuntur: omne animal particeps rationis est natum ad risum, omnis homo est animal particeps rationis, omnis igitur homo est natus ad risum. In qua propositio, & conclusio ad secundum modum eorum, quæ per se dicuntur, pertinent: assumptio ad primum, & quod demonstratur, uniuersum attributum est hominis. Ex his duo uelut

*Confecta-  
via duo.* confectaria sequuntur. Primum est, demonstrationem etiam constare ex his, quæ necessaria sunt atque perpetua, & eadem dumtaxat concludere. Fortuita igitur, & quæ sensibus percipiuntur, neque sub scientiam, neque in demon-

demonstrationem cadunt . Alterum, demonstrationem *Demōstra*  
 coalescere ex proprijs. Dicuntur autem propria par=*tiones ex*  
 tim ea, quæ non sunt communia, partim quæ non sunt *proprijs*  
 externa. Ex comunibus non constat demonstratio: hæc *coalescunt*  
 enim non perfectam & propriam rei, de qua sit demon=  
 stratio, pariunt cognitionem, sed communem: cuius mo=  
 di est hæc, ubi reperiuntur maius & minus, reperitur  
 æquale: sed reperitur quadratum maius circulo, & mi=  
 nus: igitur reperietur quadratum par circulo. Externa  
 etiam, hoc est, quæ alterius sunt scientiæ & artis in de=  
 monstratione non collocantur. Itaque principia, quibus  
 utitur demonstratio, necesse est in eadem arte, & in eo=  
 dem subiecto genere contineri cum complexione. Qua=  
 re theoremata medica, aut naturalia ex principijs Ma=  
 thematicis non aptè demonstrabuntur. Quæ enim unius  
 sunt generis non possunt his, quæ in alio genere continē=  
 tur, per se conuenire: at ex his, quæ sunt per se diximus  
 coalescere demōstrationē. Id uerò ad eas artes pertinet,  
 quæ sunt ita diuersæ, ut nil prorsus habeant commune.  
 In his autem, quæ ita sunt affectæ, ut sit subiectum genus  
 unius sub altero collocatum, quas uulgò sub alternas ap=  
 pellant, cuius generis sunt, Geometria & Optica,  
 Arithmetica & Musica, nil uetat, superioris principia  
 ad inferioris theoremata demonstranda aptare. Ita  
 Opticus quæ eminus uidentur minora, quæ autem comi=  
 nus, maiora apparere, Geometrico principio conclu=  
 dit, quod lineæ, quæ à re uisa ad oculum porriguntur, in  
 illis minorem angulum in oculo constituent, in his uerò  
 maiorem.

Prima di=  
uisio de=  
monstr.

**Q**uatuor sunt Demonstrationis diuisiones. Prima est, qua distribuitur in demonstrationem, qua scimus quod res sit tantum, & qua scimus non solum rem esse, sed quamobrem sit. Vulgò dicuntur, quia, & propter quid. Demonstratio, qua scimus quamobrem res sit, uocatur, quæ ex causis proximis effecta concludit, cui soli definitio antea à nobis tradita accommodatur: cuiusmodi est illa, per quam demonstramus lunam deficere ex obiectu terræ. Demonstratio, per quam scimus dumtaxat rem esse, fit duobus modis, quando ex effectu colligimus causam: ut cum rotundam esse lunam ostendimus, quia lumen sphericè suscipiat: aut quando ex causa, sed remota concludimus effectum: cuius generis est ea, qua ostendimus plantas non respirare, quia non sunt animalia, hoc modo: quicquid respirat est animal, plantæ non sunt animalia, plantæ igitur non respirant. Huiusmodi causam reddidit, qui non esse tibicines in Scythia respondit, quia non essent uites. Diuiditur quoque demonstratio in aientem & negantem. Aiens est, cuius conclusio ait: negans, cuius negat conclusio: ut nulla substantia est qualitas, omnis homo est substantia, nullus igitur homo est qualitas. Præstat autem aiens neganti, & multis nominibus ipsam superat atque uincit. Nam ex paucioribus constat, & quæ priora sunt assumit: affirmatio enim prior est negatione. Porro quemadmodum ratiocinatio alia directò rem ostendit, alia ducit ad incommodum: ita quoque duplex est demonstratio, recta, & urgēs

Secunda diuisio.

Tertia diuisio.



et urgens incommodo, quarum definitiones ex his, quæ de his ratiocinationum formis diximus, perspicue euadunt. Postrema diuisio demonstrationis fit in demonstrationem totius, seu uniuersam, et demonstrationem partis seu specialem. Demonstratio totius uniuersi est, in qua uniuersum attributum de proprio subiecto concluditur, qualis ea est, qua habere tres angulos pares duobus rectis de triangulo concludimus. Demonstratio partis fit, cum attributum uniuersum non concluditur de proprio subiecto, sed de aliqua eius parte: ut si eandem affectionem de isoscele demonstramus ad hunc modum: omnis figura, cuius exterior angulus par est duobus internis oppositis, habet tres angulos pares duobus rectis, omnis isosceles est huiusmodi, igitur omnis isosceles habet tres angulos pares duobus rectis. Demonstratio totius et uniuersa demonstrationi partis longo intervallo antecellit. Nam per eam et plura scimus, et rem perfectius cognoscimus.

Quid intersit inter scientiam  
et opinionem.

## CAP. VI.

Solent res comparatione mutua aptissime explicari. Ut igitur scientiæ utriusque, quæ effectius quidam est de demonstrationis exactius cognoscatur, optimum fuerit eam cum opinione componere. Quid sit scientia satis abunde monstrauiamus: opinionem nunc definire operæ pretium fuerit. Opinionem dicit Aristot. esse incertam existimationem enuntiationis immediate contingentis. Incertam dicit, quia quod opinamur, tametsi uerum esse existimemus, non ita tamen, ut certo assentiamur, Quid opinio,  
creda

credamusq; aliter nullo modo posse euenire. Pars illa enuntiationis contingentis intelligenda est, aut uerè contingentis, aut quæ perinde sumatur, ac si esset contingens. Nam & ea quoq; quæ necessaria sunt, in opinionem cadunt, si non quâ sunt necessaria accipiuntur. Immediata indicat etiam in his, quæ sunt contingentia esse quasdam enuntiationes medio carentes, alioqui in his esset nobis in infinitum progrediendum, quod naturæ ordo nō patitur. Scientia ab opinione his differentiis separatur, scientia certissima est cognitio & maximè necessaria: opinio incerta, qua dubitantes & quodammodo ambigentes rei credimus. Deinde scientia ad res pertinet necessarias, & earum est dumtaxat, quæ sunt perpetua: in opinionem autem cadunt etiam contingentia. Postremò scientia sola demonstratione paratur, opinio uerò efficitur etiam probabili argumento. Nec tamen quicquam uetat opinionem necessaria ratiocinatione effici: in eo tamen, qui uim rationis & necessitatem ignoret. De eadem complexione scientia atq; opinio in eodem nunquàm reperiuntur. De eodem autem subiecto simplici, ut de homine fieri potest, ut idem aliquid sciat, esse scilicet natum ad risum, & aliquid opinetur, ut moueri, aut disputare. Porro demonstratio opinionem funditus tollit, & scientiam parit. Probabile argumentum, quod alioqui opinionem efficeret, cum demonstratione coniunctum, scientiam potius confirmat, quàm euertat.

De questionibus eorum  
quæ sciuntur.

CAP. VII.

Numera

**N**Vmerum quæstionum Aristoteles parem esse constituit numero eorum, quæ sciuntur. Ea autem uerè sciri ab eodem dicuntur, non solum quæ demonstrati- Quæ uerè  
sciuntur.  
tione concluduntur, sed quæ in ipsa demonstratione percipiuntur. De rebus autem ista cognoscuntur, ut de triangulo, quod sit, quid sit, quæ conueniunt triangulo, & cur conueniant. Ita fit esse quatuor genera quæstionum, sit res necne, quid sit, an sit, cur sit. Priores ille simplices sunt, in eis enim non queritur attributum aliquod de subiecto. Duæ aliæ sunt compositæ, in quibus certum aliquod attributum de subiecto querimus. Ac natura quidem quæstiones quid res sit, & cur sit, priores sunt cæteris, noster autem interrogandi ac percontandi modus ab alijs sumit initium. Primum enim querimus sit res necne, mox quæ nam rei natura: quibus cognitis, quæ rei insunt inuestigamus, ac postremò causas, propter quas illæ insunt. Cum sint autem quatuor quæstio- omnis quæ  
stio. refer-  
tur ad  
quæstionē  
medij.  
nes, omnes ad quæstionem medijs, quod in demonstra-  
tione sumitur, referuntur, non ita tamen, quod in omni  
quæstione medium queratur, sed quia medio inuento om-  
nis cessat quæstio & inquisitio. Qui enim noverit cau-  
sam, propter quam luna deliquium patitur, is certò &  
lunam esse, & quid sit, & quid lune conueniat, in-  
telliget.

Quod possit ex omnibus causis confici  
demonstratio, & causa una per alte-  
ram demonstrari.

## CAP. VII.

**C**um sin quatuor genera causarum, nullum est, quod  
in demonstratione recipi non possit. Ex materia

*Demonstratio ex materia.* fit demonstratio ad hunc modum: quicquid constat ex contrariis tandem corrumpetur, omnis homo constat ex contrariis, igitur tandem corrumpetur. Ex forma hoc pacto: quisquis habet animam rationis participem, natus est ad perdiscendas disciplinas, omnis homo constat ex anima rationis particeps, igitur omnis homo natus est ad perdiscendas disciplinas. Ex efficiente. Ex efficiente, ut si mundum pulcherrimum esse demonstramus, quia deus ipse mundi opifex pulcherrimus sit. Ex fine, ut si ambulare post cenam quempiam ostendamus, ne citius in orificio supernatet stomachi. Sunt autem causae sibi mutuo causae, & per unum genus, alterum demonstratur. Per formam materia, & utraq; per finem. Ex quibus perspicua euadit finitionis diuisio, quae ab Aristotele adducitur, in eam, quae principium est demonstrationis, aut conclusio demonstrationis, aut differens solo situ à demonstratione. Definitio, quae sumitur ex forma, aut ex fine, principium est demonstrationis, quae ex materia conclusio, quae utraq; complectitur, distat à demonstratione solo situ & collocatione: ut cum sint duae hae irae definitiones, seruet sanguinis circa cor, & appetitus doloris uicissim aduersario inferendi: quarum prior sumitur ex materia, posterior ex forma. Per posteriorem priorem demonstratione concludere licebit in hunc modum: Vbi est appetitus doloris aduersario inferendi, in eo seruet sanguis circa cor: in eo, qui irascitur, est appetitus doloris aduersario inferendi, ergo in eo seruet sanguis circa cor. Quod si utraq; diffinitio coniungatur, conflabitur tertium illud genus diffinitionis, sola collocatione distantis à demonstratione, continebit enim ea omnia.

et omnia, quæ complectitur demonstratio: atq; in eo differt, quod in demonstratione materia posteriorem locum obtinet, forma priorē: in definitione contrā, prior loco materia collocatur, deinde explicatur forma. Sic enim definire solemus, ira est seruator sanguinis circa cor, cum appetitu doloris uicissim aduersario inferendi.

## De cognitione principiorum.

## CAP. IX.

**N**omen scientiæ communi quadam ratione sumptū late patet, & ipsam quoq; suo ambitu complectitur principiorum cognitionem. Si uerò in propria sumatur significatione, longè diuersus habitus est ab eo, quo principia cognoscuntur. Vocabitur igitur principiorum habitus intelligentia. Hæc non est nobis natura indita, sed sit ex aliqua antedecenti cognitione. Efficitur autem, iudicio Aristotelis, in hunc modum: ex sensibus memoriæ fiunt, ex memorijs experimentum, ex ipso tandem experimento principiorum cognitio nascitur: ut principium omne totum est maius sua parte, ita tandem effectum est & cognitum. Sensus percipit singularia, hoc scilicet, totum maius esse parte. Rursus aliud atq; aliud: ex sensu facta est memoria: hæ enim singularium rerum cognitiones in phantasia seruata sunt. Ex memorijs multis ortum est experimentum: quod nihil aliud esse uidetur, quàm cognitio multorum singularium in eadem re conuenientium. Ex hoc experimento effectum est generale principium & cognitum, omne totum est maius sua parte. Sicq; res sese habet in cæteris. Ac de demonstratione hæc dicta sint. Poterant alia multò plura ex Aristot. hauriri, sed omnia persequi

Principio  
rum cognit  
tio quomodo  
desinat.

non est nostri instituti. Res postulat, ut ad explicandas  
alias ratiocinationis formas properemus, atq; huic libro  
finem imponamus.

Finis libri septimi.

# COMPOSITIONIS

DIALECTICAE DE LOCIS

*Dialecticks Liber Octauus, siue de ratio=  
cinatione Dialectica.*

Quid Inuentio, quot Dia=  
lecticae utilitates.

E A P. I.



**D**IALECTICA (quemadmodum alio  
loco satis copiose diximus) in duas par=  
tes est distributa, iudicandi alteram, al=  
teram inueniendi. Iudicandi praecepta,  
quatenus institutionis huius modus  
postulabat diligenter haecenus sumus  
persequuti: reliquum est, ut de Inuentione dicamus. Est  
autem Inuentio ratio seu methodus inueniendorum lo=  
corum, ex quibus promuntur argumenta probabilia ad  
faciendam fidem rei de qua queritur. Haec disciplina ue=  
rè sibi Dialecticae nomen uendicat, & sola hac appella=  
tione ab Aristot. insignitur: quae docet ex quibus Diale=  
ctica & probabilis ratiocinatio componatur: & locos  
suppeditat, ex quibus instrumenta omnia faciendae fidei  
eruntur.



eruantur. Huius complures Aristot. numerat utilitates non contemnendas. Confert primum ad gymnasticos cō *Primarius* silius, quod uel ipsum Dialecticæ nomen declarat: dicta *lis ar.* est enim à differendo, seu disputando. Deinde conducit ad familiaria colloquia. Ad tractandas quoque questiones Philosophicas maxime utilis est, eius enī in ope propositæ cuiusvis questionis pars utraque potest disputari. *2. Utilis* Quod qui facit, facillime quid uerum sit, quid falsum *3. Utilis* in singulis perspicere ualebit. Postremo ad probanda principia disciplinarum omnium, sola uiam tradit *4. Utilis* et rationem. Cum enim primis artium principijs, ex his, quæ ipsorum sunt propria, fides haud quaquàm fieri possit, ex probabilibus ac uerissimilibus sunt confirmanda.

Quid sit ratiocinatio Dialectica, quid propositio Dialectica, quid dialecticum problema, et quotuplex.

## CAPVT. II.

**D**ialectica ratiocinatio ea dicitur, quæ ex probabilibus uerè conflatur; qua postrema parte à demonstratione et captiosa ratiocinatione separatur: quarum altera ex necessarijs, altera ex ijs, quæ sunt in speciem tantum probabilia, componitur. Probabilis nomen quidam nimis latè tendunt: id enim omne probabile esse iudicant, quod aptè et consentaneè de re proposita dici potest. Sed Aristot. Probabile uocat, quod uidetur omnibus, pluribus, aut sapientibus, et ijs, uel omnibus, uel pluribus, uel uni alicui ex maxime probatis. Horum omnium exempla, tum quo pacto diffirat probabile à uero et necessario, cum de Dialecticæ artis diffi-

*Dialecti-  
ca propo-  
sitiō.* nitione ageremus, expliculmus. Ceterum, quoniam to-  
ta hæc disputatio ad tractandas quæstiones Dialecticas  
refertur, tractatur autem quæstio ac explicatur Diale-  
cticis propositionibus, prius quàm ad alia progredia-  
mur, quid ista sint, breuiter est dicendum. Dialectica  
propositio est, interrogatio probabilis, quæ uidetur o-  
mnibus, aut pluribus, aut sapientibus: & his, uel omni-  
bus, uel pluribus, uel maxime probatis: Dialectica pro-  
positionis gradus quidam sunt ac formæ. Nam quæ sunt  
similes probabilitibus, probabiles uocantur, & Dialecti-  
cæ: ut cùm sit probabile contrariarum eandem esse di-  
sciplinam, probabile quoq; erit sensum eundem esse con-  
trariorū. Tum quæ contraria sunt probabilitibus secun-  
dum contradictionem sumpta: ut cùm sit probabile ami-  
cis esse benefaciendum, si contrarium secundum cōtra-  
dictionem sumatur, probabile erit, non esse amicis ma-  
lesaciendum. Postremo Dialectica propositio uocatur,  
quæ unicuiq; in sua arte uidetur esse probabilis: ut Me-  
dico quod ad medendi artem pertinet. Dialectica quæ-  
stio, seu Dialecticum problema, est interrogatio utriusq;  
partis cōtradictionis. cuius tria genera constituit Arist.  
cognitionis, actionis, & quod adiuumentum adfert ad a-  
liiquid aliud utriusq; generis. Cognitionis est, quod ad ue-  
ritatem & scientiam pertinet, hoc est, cuius finis est sci-  
tia: ut si quærat, sitne mundus sempiternus. In hoc e-  
nim soli spectatur cognitio & ueritas, quæ inuenta cō-  
quiescit animus. Actionis est, quod ad persequendum  
quid, & declinandum, id est, ad expetendum uel asper-  
nandum pertinet: cuius generis est, sitne uoluptas in bo-  
nis, necne: id enim idcirco quæritur, ut si in bonis inuen-

et si fuerit, eam persequamur: sin minus, fugiamus. Tertij  
 generis sunt Dialecticorum quæstiones propriæ, quæ Dialecticæ  
cum proble-  
mata.  
 uel ad rerum expetendarum & fugiendarum, uel ad ue-  
 ri & falsi inuentionem cognitionemq; conducunt: ut si  
 queratur sitne homo species, necne? Et si quæ sunt eius  
 generis: nec enim earum est finis scientia, nec prosecu-  
 tio aut fuga, sed ad ueritatem cognoscendam adiuuen-  
 tum adferunt. Genera problematum, seu Dialecticarum  
 quæstionum, quatuor dumtaxat constituit Aristoteles,  
 Generis, Definitionis, Proprietatis, & Accidentis. Gene-  
 ris quæstio est, cum sitne attributum subiectum genus,  
 an non, querimus: ut sitne animal hominis genus, an nō  
 sit. Definitionis, cum querimus sitne definitio, an nō sit:  
 ut sitne animal rationis particeps definitio hominis, an  
 nō sit. Proprietatis, cum proprietates de re subiecta que-  
 ritur: quale fuerit, estne sursum ferri ignis proprium, an  
 non? Accidentis quæstio est, cum querimus insitne attri-  
 butum subiecto, an non insit, nil præterea addentes: ut  
 sintne elementa colore aliquo affecta, an non sint: & rur-  
 sum cum insitne ut accidens interrogamus: ut cum ita  
 querimus, estne niuis candor accidens, an non est? Ad  
 hæc quatuor genera, Dialecticæ omnes quæstiones  
 reuocantur, & in aliquod horum omnes cadunt  
 quotquot sunt, quicquid Rodolphus Agricola, uir  
 aliqui acerrimi iudicij, contra Aristotelem statue-  
 rit: quem existimauit rem latè patentem nimis angustis  
 finibus circumscripsisse. Problemata eiusdem & di-  
 uersi reuocantur ad quæstionem definitionis: qualia  
 ea sunt, in quibus sitne idem attributum cum subiecto  
 querimus, an ab eo diuersum. Ad quæstionem ge-

Quatuor  
 quæstionū  
 genera.

neris pertinent quæstio differentie, & quæstio omnis, quæ sintne aliqua sub eodem genere, an non sint, quærimus: ut sintne homo & equus sub eodem animalis genere, an sub alio & alio? Problemati Accidentis annexæ sunt quæstiones comparationis: cuiusmodi est illa, sitne utile magis expetendum, quàm honestum. His quæstionibus confirmandis, aut refellendis, loci nobis argumenta suppeditant, de quibus nunc est sigillatim disserendum.

Quid locus, & quomodo diuidatur.

## CAPUT III.

Quid lo-  
cus.

**L**ocus à Cicerone definitur, argumenti sedes. Dici quoque potest communis nota, cuius admonitu quid in unaquaque re sit probabile licet inuenire. Nam in se continet instrumenta omnia parandæ fidei, & nos uelut manu aprehensos ad id inueniendū, ducit, quod quærimus. Comparatur aptè locus manibus in biuijs affixis, quæ quæ uertendum sit iter, nescienti demonstrant. Nomina locorum alij non imperitè esse tanquam lemmata narthesiorum apud unguentarios, & pharmacopolas iudicarunt, quibus illi admonentur, quid in unoquoque sit narthesio, aut capsula: ne omnia euoluere sit necesse, cum uno aliquo opus fuerit. Argumentum est, ratio rei dubiæ faciens fidem. Dictum ab arguendo, quod rem de qua quæritur, arguat, ac demonstret. Locum Seuerinus Boëtius in duas partes distribuit, propositionem maximam, quem communem locum appellare possumus, & differentiam maximæ propositionis. Maximæ propositiones appellatur, cōmunia quædam principia, ex quibus argumentationes ipse uim accipiunt. Quæ aliquan-

Argum-  
tum.

Locus du-  
plex.

do in

do in ipsis argumētationibus inferuntur: ut si quis probaturus regnum maius bonum esse Consulatu, ita ratio-  
cinetur: Quod diuturnius bonum est, maius bonum est,  
sed regnum diuturnius bonum est Consulatu, est igitur  
maius bonum. Aliquando posita extra argumentatio-  
nem vires illi exhibent: ut si probet aliquis plantas ani-  
malia non esse, quia non sunt substantiæ sensus partici-  
pes: Argumentum nititur pronunciato, cui definitio  
non conuenit, nec res definita potest conuenire, quod  
extra argumentationem positum est. Locus differentia  
maximæ propositionis appellatur, quo pronūciata ipsa  
& cōmunes sententiæ distinguuntur, ut locus à genere, lo-  
cus à forma, locus à definitione. Cū enim sint hæc duo  
axiomata, à quo remouetur definitio, remouetur etiam  
& res definita: A quo remouetur genus, remouetur for-  
ma, in eo differunt, quòd alterum sumitur ex loco gene-  
ris, alterum ex loco definitionis. Non ignoro diuisionem  
hanc à quibusdam reprehendi, sed Aristot. uideo maxi-  
mè probari, qui frequentissimè locum explicans, ex quo  
argumentum depromptum est, communem aliquam sen-  
tentiam adducit in medium. Quod facile intelliget, qui  
libros Topicorum attentè perlegerit.

De diuisione Loci, qui uocatur Diffe-  
rentia maximæ propositionis,

## CAPVT III.

**E**X uno atq; eodem loco communes sententiæ non  
pauca eruuntur: ita eorum locorum, qui uocan-  
tur differentie maximarum propositionum, minor est  
numerus. Horum igitur explicanda nobis erit diuisio.  
De partitione autem eorum magna est disceptatio, sed

Duplex  
locus.

minus utilis, quàm ut tractari debeat à nobis. Parùm enim refert quo modo diuidantur loci curiosè & anxie nimis disputare. Illud potius curæ esse debet, ut certus eorum numerus teneatur, tum quæ sit uniuscuiusq; vis & natura, postremò quo pacto ex singulis ad confirmanda, aut refellenda problemata argumenta ducantur. Sequemur igitur diuisionem locorum in Rhetoricis ab Aristotele traditam, & à Cicerone receptam. Loci bifariam diuiduntur. Alij sunt interni ac rei insiti, alij assumpti, hoc est, à re, de qua queritur, longè lateq; disiuncti. Quæ diuisionis ita commodè explicabitur. Quæstio omnis de qua suscipitur disputatio, duabus partibus continetur, subiecto scilicet & attributo. Hæc suas habent essentias atque naturas, partes ex quibus constatur, postremò alia per multa, quæ tametsi in numerum partium non recipiantur, ipsam tamen substantiam quodammodo respiciunt. Hæc omnia insita rei à Cicerone uocantur. Aliæ, quibus nihil horum conuenit, externæ & foris assumptæ. Internus igitur locus is erit, qui aut totam rei substantiã declarat, aut partem indicat, aut aliquid continet, quod substantiam alicuius extremorum quodammodo attingit ac respicit. Externus uerò, qui nil prorsus cum extremis quæstionis habet commune: cuius generis sunt locus à testimonijs, locus ab autoritate.

De locis internis, qui rei substantiam  
comprehendunt,

## CAP. V.

**L**oci interni duplices sunt, alij in toto, id est, qui totam rei substantiam comprehendunt: alij, qui ad rem ipsam de qua agitur, quodammodo sunt affecti, qui uel partem



partem tantum continent substantiæ, uel aliquid, quod ad substantiam quodammodo est affectum. Prioris generis sunt tres tantum loci, à definitione, ab enumeratione partium, ab æthymologia. Locus à definitione primus est ac potissimus. Ex ea enim efficax argumentum ducitur, & certissima omnium argumentationum conficitur demonstratio. Per definitionem autem non solum substantialis definitio intelligenda est, sed descriptio. Hic locus ualet ad confirmandum & refellendum: & argumenta, quæ ex eo ducuntur, ex ijs principijs uim accipiunt: Cui definitio conuenit, necesse est rem definitam conuenire: Et à quo remouetur definitio, remouetur quoq; & id, quod definitur. Quibus duo alia altera ex parte respondent: cui definitum competit, competit etiam & definitio: & cui definitum non tribuitur, nec definitio tribui potest. Confirmationis hoc potest esse exemplum: Si sit probandum Astrologiam Medico esse necessariam, ex definitione subiecti ita argumentabimur: Ars quæ loca & motus syderum, positum & constitutionem astrorum docet, & ex ijs futura prædicere, necessaria est medico: Astrologia autem est huiusmodi: necessaria igitur est Medico Astrologiæ cognitio. Ex eodem loco ad confutandum & refellendum ita ducitur argumentum. Sit questio, Necromantiam hominem Christianum non decere, illa sic confutabitur: Ars, quæ per umbrarum euocationes & inferorum colloquia docet futura diuinare, indigna est Christiano homine: Necromantia est huiusmodi: ergo non decet hominem Christianum. Idem fieri potest sumpta definitione attributi ad hunc modum: Christianus est, qui Christi legem profitetur &

*Primus locus à definitione.*

ser=

seruandam promissit, sed hunc non decet Necromantia, ergo non conuenit homini Christiano. Hinc constat, usum huius loci latissimè patere, non solum quia ad cōfirmandum ualet & refellendum, sed quoniam ex definitione subiecti & attributi, ac utriusq; ad ista præstanda, necessaria argumenta sumi possunt. Secundus locus eorum, qui sunt in toto, est ab enumeratione partium: qui multiplex est, quemadmodum sunt & multæ partiū differentie: quæ sumuntur ex differentijs totius. Totum enim multifariam dicitur. Aliud est totum uniuersum multas sub se partes complectens, quarum unaquæq; est ipsum totum, ut animal. Aliud est totum integrū, quod ex multis partibus constat, sed de singulis non effertur, ut domus. Nam nec fundamentum domus est, nec paries domus. Totum integrum est etiam duplex, similiū partium, & dissimilium. Similium, cuius partes nomen totius accipiunt, ut aër, aqua. Omnis enim pars aëris est aër. Dissimilium uerò, cuius partibus non conuenit nomen totius, ut homo. Partium quoq; duplex est diuisio. Aliæ sunt sub toto uniuerso contentæ, & formæ uocantur. Aliæ totius integri. Hæ uerò aut totum necessario sequuntur, ut in homine caput, cerebrum, cor. Quauis enim harum sublata interimitur homo. Aut non sequuntur totum ex necessitate, ut manus, pes, digitus. Absque his enim nihil prohibet hominem uiuere. Locus ab enumeratione partium totius uniuersi, ad confirmandum ualet & ad refellendum. Confirmamus autem ex eo loco duobus modis, aut cum ex partibus singulis colligimus totum: ut particeps rationis est, igitur animal: aut cum partes alias interimimus & auferimus: ut unam astruamus:

Locus ab  
enumera  
tione par  
tium.

astruamus:

astruamus: ut animal omne aut particeps rationis est, aut expers, homo est animal non expers rationis, igitur particeps. Ad refellendum uerò argumentum ex hoc loco ducitur ad hunc modum, aduersa eidem subiecto inesse non possunt, nec contradicentia, nec priuantia, aut relata: ergo contraria non possunt eidem subiecto conuenire. Quæ argumētatio uim habet ex hoc principio: Quod nulli parti conuenit totius, id nec toti potest conuenire. sublati q̄q; omnibus partibus totius uniuersi, necesse est & ipsum totum interimatur. Locus ab enumeratione partium totius integri ad utrunq; ualeat, & ad confirmandum & ad refellendum. Argumentum ad confirmandum ita tractatur, fundamentū est, parietes sunt, tectū est: ergo domus est. Radix est, caudex, rami, frōdes: igitur arbor est. Quibus argumentis uires exhibet hic communis locus: Quod conuenit partibus totius integri omnibus, id necesse est toti conueniat. Ad refellendū ita ducitur argumentum, ut sublatis partibus omnibus aut certē necessarijs, totū etiam interimatur: ut nec inuentio est, nec iudicium: ergo nec Dialectica: nec causas nouit humanarum rerum nec diuinarum, non est igitur Philosophus: caput non habet, ergo non est homo. Quemadmodum autem à partibus argumenta ducuntur, ita quoq; à toto & uniuerso & integro. A toto uniuerso, quæ sit argumentandi uia, in loco generis explicabitur. Quod ad totum integrum attinet, efficax ex eo argumentum ducitur ad confirmandum, non ad refellendum. Si enim sit totum, necesse est partes existere: ut fundamentum, si domus existat: & inuentionem ac iudicium, si sit Dialectica. At toto interempto non

*A toto in  
tegro du-  
citur ar-  
gumentū  
ad confir-  
mandum  
eansum.*

*simula*

*Alibi ge* simul partes interimantur. Nam si domus non sit, nō  
*hinc totius* propterea sequitur fundamentum non esse. Hec de to-  
 to integro intelligenda sunt. Nam in eo genere totius,  
 cuius partes facultates sunt & potentie, cuiusmodi est  
 anima, argumentum ad utrumq; ualet, & ad confirman-  
 dum & ad refellendum. Recte ita colligimus, rationa-  
 lis anima est, ergo & uoluntas est & intellectus; Non  
 est rationalis anima, igitur nec intellectus neq; uo-  
*Locus ab* luntas. Postremus locus est ab Ethymologia seu no-  
*etymolo-* tatione uerbi, ex quo argumentum ducitur & ad con-  
*Gia.* firmandum & ad refellendum, efficax quidem & uali-  
 dum, quando nominis interpretatio cum ipso nomine  
 mutuo reciprocatur & comineat: ita ut definitionis  
 uim obtineat. Vt ius statuere utile est, ergo iustitia uti-  
 lis: non est sapientiæ studiosus, ergo nec Philosophus.  
 Quando autem uerum etymon uocabuli non conflat, &  
 nominis interpretatio non reciprocatur cum nomi-  
 ne, argumentum quod hinc ducitur, mouere suspitio-  
 nem aliquam potest, & ab Oratoribus frequenter usur-  
 patur. Ad probandum autem, aut ad refellendum, pa-  
 rum aut nihil habet uirium: ut si quis ita argue-  
 tur, lædit pedem, lapis igitur est. Argumenta, quæ ex  
 isto loco ducuntur, hinc habent uim, quòd nomina re-  
 bus ita sunt indita, ut cum earum naturis & affectioni-  
 bus quadrent atq; conueniant. Sic enim existimare o-  
 portet, eos, qui rebus nomina indiderunt, diligenter  
 prius rerum naturas & affectiones scrutatos fuisse, &  
 unicuiq; accommodasse nomen, non casu aut temere,  
 sed quale rei natura exigebat.

De

De locis, qui ad rem de qua agitur  
sunt quoddammodo affecti.

## CAP. VI.

**H**Aftenus de locis, qui sunt in toto: nunc de illis a-  
gendum est, qui ad rem, de qua agitur, sunt quo-  
dammodo affecti: quorum primus est locus à coniuga-  
tis. Aristoteles casus à coniugatis distinguit. Casus uo-  
cat, ut, iuste, fortiter: cōiugata, iustus, iuste, iustitia. Nos  
coniugatorum nomine omnia complectamur, defini-  
musq; cum Cicerone, quæ ab eodẽ orta, uariè commu-  
tantur. Sic dicta, quod similitudine uocis sint quasi sub  
idem iugum deducta. Valeat hic locus & ad confirman-  
dum & ad refellendum. Quod enim in altero coniuga-  
torum uerum est aut falsum, id uerum sit aut falsum in  
altero oportet: ut si iustitia laudabilis est, ergo quod  
iuste, sit laudabile erit: homo sum, humani à me nil putō  
alienum. Seruandum est in hoc loco, ut coniugatis ut a-  
mur in ea significatione, qua coniugata sunt, aliōqui nō  
est ualidum argumentum. Si quis enim ita argue-  
tur, homines sumus, humana igitur tantum curare debē-  
mus: humana autem uocet terrena & caduca, fallax est  
argumentatio. Quoniam nomen in aliam significationē  
transfertur, ab ea, qua est alteri cōiugatum. Secundus  
locus est à genere. Hic nomine generis paulò latius uti-  
mur, quatenus complectitur id orine, quod commune  
est ac generale. Vocabiturq; species, quicquid contine-  
bitur sub aliquo communi ac generali. Ex hoc loco ar-  
gumentum ducitur ad refellendum, non ad confirman-  
dum. rectè sic argumentamur: Non est animal, igitur nō  
est homo. Nullus color auditu percipitur, ergo nec al-  
bor.

Coniuga-  
torū defi-  
nitio.

Coniuga-  
torū defi-  
nitio.

Locus à  
genere.

Locus à  
forma.

bor. Communis locus, quo argumenta innituntur, hic est, interempto genere, interimitur species, & quod generi non conuenit uniuersè sumpto, nec speciei ulli cōuenire potest. Ad confirmandum siue sumatur genus in definita, siue uniuersè, non ualet argumentum. Primum enim nō rectè sic colligimus: Quoddam animal mouetur, ergo homo mouetur: neq; hoc pacto recta sit argumentatio ac necessaria: Omne animal sentit, ergo omnis homo sentit: omnis homo uiuit, ergo Petrus uiuit. Nam re singulari interēpta, uerum est antecedens, falsum consequens. Loco generis coniunctus est maximè locus à forma: non minus quàm genus & species. Ex hoc loco efficax ad confirmandum ducitur argumentum. Nam cui forma conuenit, necesse est & genus conueniat, ut si homo est, rectè colligitur esse animal: si iustitia, uirtus. Ad refellendum non ualet hic locus. Sublata enim forma una, non est necesse genus interimiri. Quòd si omnes formæ simul iungantur, interemptis omnibus genus etiam ipsum aufertur: & quod nulli conuenit formæ, uerè etiam à genere remouetur. Hoc modo argumentum hinc quoq; ducitur ad refellendum: ut si nec iustitia, affectus est, nec temperantia, nec fortitudo, rectè sequitur, nullam uirtutem esse affectum.

De locis à simili & dissimili.

CAP. VII

Locus à si-  
mili.

Similitudo rerum diuersarum ac differentium eadem est qualitas. A comparatione ita distinguitur, in similitudine res diuersæ comparantur, non in uno & eodem tertio, sed diuersis ac differentibus: in comparatione



tione uerò in uno atq; eodem tertio fit rerum diuersarum comparatio, ex quo uis pendet totius argumentationis. Valet hic locus ad affirmationem concludendam, & negationē. Argumenta autem ad hanc regulam diriguntur. Quod uerum est aut falsum in uno similium, probabile est, in alijs uerum aut falsum esse: ut quemadmodum nascentem flammam sequitur fumus, ita crescētem gloriam inuidia, quod confirmationis exemplum est. Confutationis erit ad hunc modum: quod est oculus in corpore, id est mens in anima, sed oculus dum humoribus uitatur & obruitur, suo fungi munere non potest, ergo neque mens cum affectibus perturbatur. Ad hunc locum pertinet argumentum, quod ducitur à transmutata proportionē: in quo sumptis quatuor extremis, quorum primum sese habet ad secundum, quemadmodum tertium ad quartum, concludimus ita se habere secundum ad quartum, quēadmodū primū ad tertium: ut quod est octonarius ad quaternariū, id ipsum est senarius ad ternarium: ergo quod erit octonarius ad senarium, idem erit quaternarius, ad ternarium. Dissimilitudo diuersa est habitudine rerum, quæ & ad confirmandum ualeat & ad resellendum. Vim argumentis ex hoc communi loco suppeditat, quod uerum est in uno dissimilium, probabile est in alijs esse falsum, & quod in uno falsum est, probabile est uerū esse in altero: ut belluarum est uiuere in diem, igitur hominum consilia non id tantum, quod præsens est spectare debent, sed quod futurum ac sempiternum. Et rursus, non quemadmodum tenuis ac exigua cœna multis non sufficit, ita uox quantumuis exilis à multis audiri non potest. Quorum alterum confirmationis exemplum est, alterum confutationis. In argumentis, quæ

Locus à  
dissimili-  
bus seu  
differen-  
tiis.

T ex his

ex his locis petantur, cauendum est, ne aut similia pro dissimilibus, aut dissimilia ac differentia pro similibus accipiantur: aut conclusio inferatur, quæ ad id in quo res sunt similes aut dissimiles, nullatenus pertineat. Fit enim, ut quicumq; error horum committatur, uim omnem ab ipsa argumentatione auferat. Ut si quis ita argumentetur: Quod est in artibus Dialectica, id ipsum est Rhetorica: Dialecticæ autem finis est rei cuius propositæ fidem facere differendo, ergo Rhetoricæ idem erit finis. Quod argumentum ualidum non est, quia conclusio illud non spectat, in quo Rhetorica & Dialectica sunt similes: quæ duæ artes in eo tantum conuenire dicuntur, quod eandem habent materiam subiectam. Potest etiam eiusdem esse exemplum, si quis ita colligat: Quod est oculus in corpore, idem est mens in anima; at mens, quæ uniuersa sunt percipit, & intelligit, & quæ non existunt: ergo oculus cernit quoq; res uniuersas & futuras. Hoc argumentum eodem errore peccat: in alio enim sunt similes oculus & mens, & conclusio aliud spectat longe diuersum. Idem uitium accidit in dissimilitudine, si sic argumentemur: Belluarum & hominum diuersa admodum ratio est: uiuunt autem belluæ, ergo homines non uiuunt. Nam belluæ ab hominibus in eo distinguuntur, quod ratione careant ac prouidentia, quibus præditi sunt homines: conclusio autem quæ inferitur, ad aliud pertinet: Ita non est efficax argumentum. Sequitur contrariorum locus multiplex quem admodum & ipsa contraria in multiplici sunt differentia. Vocatur autem contraria, quæ inter se repugnant. & eidem subiecto conuenire non possunt facta ad rem eandem

eandem comparatione. Quæ ultima parte relata cõpre-  
henduntur, quæ tamen si eidem subiecto conueniant, nõ  
tamen comparatione facta ad eandem rem. Genera con- *Quatuor*  
trariorum quatuor sunt, aduersa, priuantia, relata, & *genera cõ*  
contradicentia. Quenam aduersa sint, & quomodo diui- *trariorum*  
dantur constat ex Postprædicamentis: nunc de usu huius  
loci dicendum est. Locus hic ualet ad resellendum, cuius  
maxima propositio est: Cui alterum ex aduersis conue-  
nit, conuenire alterũ nullo modo potest: ut si album est,  
non est nigrum: si bonum est, non est malum. Ad confir-  
mandum non ualet hic locus, nisi aduersa sumantur me-  
dio carentia, & ad proprium subiectum comparentur:  
Recte itaq; in hunc modum colligimus, animal est &  
non sanum, igitur ægrum: numerus est non par, ergo im-  
par. In his autem, quæ habent medium non ualet argu-  
mentum. Neq; enim si quippiam album nõ sit, protinus  
sequitur esse nigrum, cum possit medio colore esse affe-  
ctum. Præter has argumentandi formas duæ aliæ ex eo-  
dem loco ducuntur, & ad confirmandum, & ad re- *Aliæ ar-*  
sellendum utiles. Prior est, quando sumptis quatuor ad- *gum tan*  
uersis duobus subiectis & duobus attributis, si alterum *di forma*  
ex attributis alteri ex subiectis conueniat, aut non con- *ab adue-*  
ueniat, concludimus alterum alteri similiter aut conue- *sir.*  
nire aut non conuenire: ut uirtus est expetenda, ergo  
uitium fugiendum: uitium bonum non est, ergo nec uir-  
tus mala. Altera argumentandi ratio est, quæ ostendi-  
mus, si unum contrariorum sub aliquo genere contineat-  
ur, alterum sub eodem contineri debere: & quod non  
est alterius genus, nec alterius esse posse. Vt uirtutis ge-  
nus est habitus, ergo & uitij idem erit genus: numerus

nigri genus non est, ergo neq; albi. Quæ argumentationes ex hoc principio uim habent: aduersorum idem est genus. Verum ista uera esse intelligentur in his tantum, quorum generi nihil est contrarium. Cuiusmodi sunt uirtus & uicium, album & nigrum. In ijs autem, quorum genera contrarium habent, neq; ad confirmandum ualeat argumentum, neq; ad refellendum: ut si sumantur liberalitas & auaritia, quæ sub eodem genere non continentur proximo, sed sub contrarijs: liberalitas sub uirtute, auaritia sub uicio. Alter contrariorum locus est priuantium, ex quo loco ad concludendam negationem efficax argumentum ducitur: cæcus est, ergo non uidet: mouetur, igitur non quiescit. Non enim possunt priuantia in eodem esse simul. Ad confirmandum ualeat quidem argumentum, si proprium eorum accipiatur subiectum, & eo tempore, in quo natura constituit altero affectum esse debere. Vt animal est, & non uidet, ergo est cæcum: Alioqui si aut non comparentur priuantia ad propriū subiectum, aut ante tempus à natura præfinitum, non ualeat argumentum. Non enim sequitur, lapis non uidet, igitur est cæcus: & quamprimum animal nascitur, etiā si dentibus careat, non promde uerè edentulum dicetur. Alius quoq; in priuantibus est argumentandi modus, quemadmodum in aduersis, quando sumptis duobus subiectis, & duobus attributis, si attributum unum alteri subiecto conueniat, aut non conueniat, concludimus alterum alteri inesse, aut non inesse. Vt uisus est sensus, cæcitas igitur erit carentia sensus. Illa quoq; pars definitionis priuantium, quæ priuantia circa idem subiectum fieri dicuntur, hanc suppeditat argumentandi formam, ut pri

Locus à  
priuantibus.

Alia argumentandi ratio à priuantibus.

ut priuationem illi cōuenire nō posse uerē affirmemus, quod habitus non est capax: ut lapis aspicere non potest, ergo nec cæcus esse. Ex relatis tertio contrariorum genere, argumentum ad resellendum ducitur, non ad confirmandum. Vt si cui conueniat patrem esse, rectē sequitur non esse filium, comparatione saltem facta ad rem eandem. At si cui non conueniat esse patrem, non propterea rectē concludimus esse filium. Quoniam autem relatorum proprietas est, ut sint simul natura, si argumentum paulò aliter tractetur, ualebit et ad confirmandum, et ad resellendum: ut, dominus est, ergo seruus est: non est dominus, ergo nec seruus. Simul enim naturā ea dicuntur, inter quæ reciprocatur status consequentia. Postremus locus est à contradicentibus, ex quo loco tam ad concludendam affirmationem, quā negationem necessarium argumentum ducitur: et ex ijs principijs uim habet: necesse est alterum ex contradicentibus omni rei conuenire, et utrunq; fieri non potest, ut de eodem simul dicatur. Quod Aristoteles his uerbis expressit: De omni uera est affirmatio, aut negatio de nullo ambæ simul. Rectē itaq; sic argumentamur, homo est, igitur non est non homo: non est homo, est igitur non homo. Quorum alterum confirmationis exemplum est, alterum confutationis.

A relatis

A cōtra-  
dicentibus

## De loco à comparatione.

## CAP. VII.

**L**ocus à comparatione tres habet formas, maius, minus, et par. Hæc plerisq; ex magnitudine metiuntur: ut sit maius, quod rei magnitudine superat. Ita ar-

Locus à  
cōparatio  
ne.Formæ cō  
paratiōis  
tres.

T 3 qu=

gumentum hoc à maiori ductum esse putant. Licet adul-  
 terum interficere, ergo licet loris cadere. Interficere  
 enim maius quippiā est. Hæc si uera essent, ualeret qui-  
 dem argumentum à maiori ad confirmandum: quod ta-  
 men in multis fallax est. Non enim sic recte argumenta-  
 mur: Bona existimatio expetenda est: ergo diuitiæ sunt  
 expetendæ: cum sit maius quippiam bona existimatio  
 & præclarius, quàm opes. Præstat igitur, ut cum Aristo-  
 tele ista non ex magnitudine, sed ex probabilitate me-  
 tiamur, & maiora dicamus, quæ sunt magis probabilia:  
 minora, quæ minus uerissimilia: paria uerò, in quibus æ-  
 qua est probabilitatis ratio. Locus à maiori ualeat ad re-  
 fellendum: uim ex hoc principio argumētis suppeditat,  
 si quod magis rei inesse uidetur, non inest, ergo neq; illud  
 meret, quod minus uidetur conuenire. Vt summum bo-  
 num in bona existimatione non est collocandum, ergo  
 neq; in diuitijs. Ad confirmandum non ualeat argumen-  
 tum ex hoc loco. Non enim si id uerum est, quod est ma-  
 gis probabile, uerum illud esse oportet, quod minus pro-  
 babile ac minus credibile. A minori argumentum effi-  
 cax ducitur ad confirmandum ex hoc principio: Si quod  
 minus rei uidetur inesse, inest, meret etiam quod magis  
 uidetur eidem conuenire: ut si potest Reipublicæ consu-  
 lere, poterit & domui suæ: si miles expugnare urbem po-  
 test, poterit & exercitus. Ad refellendum non ualeat hic  
 locus. Non enim si non licet furem interficere, neq; lice-  
 bit loris cadere. Postremus locus est à pari, qui ualeat ad  
 utrunq; , ad confirmandum & refellendum. Parium e-  
 nim ueri & falsi idem est iudicium, & quod uni conue-  
 nit, aut non conuenit, alteri quoq; conuenire, aut non  
 conue-

Locus à  
 maiori.

A minori

A pari.



conuenire probabile est. Vt quæ pœna iusta est aduersus  
interfectorem matris, eadem aduersus interfectorem pa-  
tris iusta erit. Qui ob iudicandum pecuniam accipit, ob  
falsum testimonium etiam accipiet. Ad hunc compara-  
tionis locum argumenta omnia referuntur, quæ aliquo  
exemplo rei propositæ fidem faciunt. Nam exemplum  
non est aliud, quàm maius aliquid, aut minus, aut par,  
quod ad rem aut confirmandam, aut refellendam duci-  
tur: ut licuit Catoni sequi bellum ciuile, ergo licebit Ci-  
ceroni. Ab exemplo est & à pari. Illud quoq; Iunonis a-  
pud Virgilium: Pallásne exurere classẽ Argiuũ po-  
tuit: Ast ego, quæ diuũ regina incedo, & reliquæ. Ar-  
gumentum est à minori, cuius uis ita explicatur: Palladi  
licuit Argiuũ classẽ exurere, ergo licebit mihi has  
Troianorum reliquias perdere. Hactenus de loco com-  
parationis. Sequuntur loci antecedentium, consequen-  
tium, & repugnantium. Antecedentia uocantur, quæ rē  
ipsam ex necessitate antecedunt, non tam tempore, aut  
natura, quàm consecutione: sic homo antecedit animal,  
qui alioqui natura est animali posterior. Fit etiam ut  
simul in idem ista cadant, hoc est, quòd consecutione an-  
tecedit & naturæ ordine. Nam homo suis affèctionibus  
consecutione prior est & natura: Aethiops nigrore,  
candore cygnus. Consequentia sunt, quæ rem ex neces-  
sitate sequuntur: ut animal hominem, lumen solem. Repu-  
gnantia sunt, quæ in idem cadere non possunt: ut diem  
esse, & non esse lumen. Locus ab antecedentibus in con-  
firmatione ualet in omnibus. Continet autem hæc prin-  
cipia: Si quod antecedens rei cuiuspiam conueniat, ei etiã

Loci ante-  
cedentiũ,  
consequen-  
tiũ, repu-  
gnantiũ.

Ab ante-  
cedentibus

id quod est eius consequens conuenire oportet: Si quid antecedenti conuenit, id consequenti necesse est conueniat. Ex his ita argumentamur: Præmijs afficere bonos expetendum est, iustitia igitur est expetenda. Intemperantia est uitium, intemperantia igitur est habitus. In refutatione ualeat hic locus in his, quæ cum consequentibus reciprocrantur, cuiusmodi sunt species & differentia, forma & proprietas: quod enim in unum eorum cadit aut non cadit, id quoque cadat aut non cadat in alterum est necesse. In cæteris locus non est utilis. Locus à consequentibus ad confirmandum non ualeat, nisi huiusmodi sumantur consequentia, quæ cum antecedentibus uicissim committuntur: cuiusmodi sunt, species & proprietas. Ad refellendum firmus est & efficax. Argumenta ex his principijs uim accipiunt: Cui consequens non cõuenit, nec conueniet antecedens. Si consequenti aliquid non conueniat, idem nec antecedenti potest conuenire. Ex quibus ita colligimus, ignis non est, ergo nec fumus. Nulla uirtus est perturbatio, ergo nec iustitia. Locus à repugnantibus ad refellendum firmus est: Quod enim cadit in unum repugnantium, id in reliquum cadere non potest: & cui unum conuenit, non potest alterum conuenire: ut homo est, non igitur erit sensus expers: amicus est, non igitur tenebitur nocendi cupiditate. In confirmatione locus non ualeat. Non est enim necesse, ut si cui non conueniat alterum repugnantium, alterum conueniat. Id tantum est eorum proprium, quæ contradictorio nomine opponuntur. Nihilominus argumentatio hæc ex loco repugnantium ducta esse putatur. Non & afficere præmijs bonos expetendum est, & non est iustitia

A conse-  
quētibz

A repu-  
gnantibus

stitia expetenda: efficere autem præmijs bonos expetendum est, iustitia igitur est expetenda: quam tamen ex loco antecedentium uim potius habere existimauerim.

## De loco à causis.

## CAPVT IX.

**C**um sint genera causarum quatuor, materia, forma, finis, & efficiens: à forma argumentum ducitur ad refellendum in omnibus, ut si non est rationalis anima, nec homo erit: non est anima sentiens, ergo neq; animal. Sublata enim forma, id quoq; auferatur est necesse, cuius est forma. Ad confirmandum ualeat argumentum in ijs formis, quæ separari non possunt: in ijs uerò, quæ separantur, nõ est efficax. Non enim rectè sequitur, rationalis anima est, igitur homo est. Ab effectu ad causam in hoc genere argumentum ualeat in omnibus ad concludendam affirmationem: ut si homo est, necesse est animam esse rationis participem. Ad concludendam uerò negationem, in ijs tantum formis, quæ non separantur. A materia argumentum ad refellendum efficax ducitur: ut si non sunt lapides, nec ligna, domus igitur non erit. Ad confirmandum non ualeat: non enim si illa sint, protinus necesse est, domum esse. In hoc genere effectus firmam habet confirmationem cause. Si enim domus est, materia quoq; erit, ex qua constat: confutationem infirmam. Nam sublata domo, non tollitur materia. Ex fine de medijs censetur, quibus finis comparatur. Itaq; si finis sit in bonis, media itidem in bonis erunt, & si non sit in bonis, neq; media. Rectè sic argumentamur, bene dicere ad persuadendum honestum est & utile, ergo

Locus à  
causis, à  
forma.

A materia.

A fine.

honestā & utilis Rhetorica: Interficere quenquam im-  
 pium est & malum, ergo pecuniam dare aut accipere  
 ad interficiendum, malum est. Valet quoq; ad refellen-  
 dum. Postremus locus est ab efficiente causa. Sunt autem  
 efficientis causæ diuisiones tres. Prima est, causæ aliæ  
 necessitatem in agendo sequuntur: aliæ delectum. Ne-  
 cessitate ad agendum ducuntur, quæ citra cognitionem  
 agunt, ut ignis. Sequuntur delectum, quæ cognoscunt &  
 liberum habent arbitrium, ut homines. Illæ ut agant id  
 tantum exigitur, ut possint agere, & materiam habeant  
 in quam opus suum explicent. In ijs uero, quæ poste-  
 rioris sunt generis, duobus opus est, ut possint, & ut ue-  
 lint. Ita cum de factio questio est, primum potuisse rem  
 facere eum, qui accusatur, ostendimus: deinde uoluisse.  
 quæ si constiterit esse uera, quod reliquum est, facile  
 probatur, hoc est, fuisse rem factam ab eo, qui eius au-  
 tor esse perhibetur. Secunda diuisio, causæ aliæ solæ uim  
 habent efficiendæ rei: hoc modo, sol causa est diei. Sola  
 enim eius latitudo diem efficit. Aliæ rem quidem effice-  
 re, possunt, sed non solæ: ut ignis calorem efficit, sed po-  
 test calor ex alijs quoque causis proficisci. Tertia cau-  
 sarum diuisio est, ut aliæ sint principes ac præcipuæ,  
 quas imperantes appellant: aliæ, quæ obsequuntur, &  
 eæ, quædam ita obsequuntur, ut aliquid efficiant: aliæ  
 adiuuantes causæ sunt, & accessiones quædam ad agen-  
 dum, ut locus, tempus, instrumenta. Harum omnium exē-  
 pla in edificanda domo cernuntur. Architectus, qui præ-  
 est operi extruendo, princeps ac præcipua causa est.  
 Quid enim fieri debeat, & quomodo, iubet ac imperat.  
 Qui ligna cædunt, lapides parant, causæ sunt, quæ obse-  
 quuntur.

quuntur & efficiunt aliquid. Instrumenta autem nil efficiunt sed conferunt ad agendum. Sic quoque in re militari Imperator causa præcipua est ac imperans: milites cause sunt, quæ obsequuntur: tormenta autem bellica & totius belli apparatus, sub ultimo genere continentur. Nunc de usu huius loci dicendum est. Primum ex ijs causis, quæ necessitatem in agendo sequuntur, & solæ uim habent efficiendæ rei, argumentum ad confirmandum ducitur & resellendum, & ab effectu quoque ad causam argumentatio conuertitur ad utrumque: ut si sol est, dies est: si non est sol, nec dies. Si dies est, necesse est solem supra nostrum hemispherium ferri: & si non est dies, non est solis latitudo. In ijs autem causis, quæ solæ non habent uim efficiendæ rei, argumentum ualet ad confirmandum, non ad consutandum: ut ignis est, igitur calor est: non est ignis, igitur non est calor, non rectè sequitur. Est etiam in hoc genere alia argumentandi ratio, quæ non concludimus ex causa effectum esse, aut non esse: sed effectui conuenire, aut non conuenire, quæ cause insunt aut non insunt. Argumenta uero, quæ ita tractantur, uim habent, si ex aliquo communi principio & capite ducantur. Quæ tametsi multa sunt, tria tamen hæc maxime sunt in usu. Primum est, si causa sit in bonis, laudabilis aut expetenda, effectus similiter in bonis erit & expetendus: si fugienda causa, itidem & effectus: ut si expetenda est frugalitas, ergo & liberalitas: si cupiditates malæ, & fugiendæ: ergo inimicitia, bella, quæ ex illis nascuntur, fugienda sunt. Alterum principium est, si causa à natura profecta est, & effectus: ut si natura coniunxit homines & cœgit in unum, eadem quoque

Respu=

Respublicas procreauit. Tertium principium est, si principium habuit causa, & effectus: & si causa habitura est finem, habebit etiam effectus. Vt cœlum principium habuit, ergo generatio harum rerum, quæ sunt in hoc mundo sensibili, cœpit aliquando. Rursus motus cœli aliquando cessabit, ergo generationes quoque & transformationes elementorum finem habebunt. Ex causis, quæ adiuvantes uocauimus, etiam argumenta petuntur. Ex loco, ut natus est cœlo temperato, ergo ingeniosus est. Boreas spirat ex locis polo subiectis, est igitur uentus frigidus. Ex tēpore, plures quadraginta dies natus est puer, ridere igitur potest: uix integrum annum uersatus est in studijs Philosophiæ, non igitur potest in ijs esse perfectus. Ex instrumentis, non habet argumenta, nec fidem igitur faciet rei. In causis, quæ sequuntur in agendo delectum, quoniam duobus opus est, ut agant, ut possint, & uelint, ad refellendum ualebit argumentum. Nam si utrumuis eorum auferatur, non sequetur effectus: ut si ambulare non potest, nec ambulabit. Non ambulat, quia ambulare non uult. Contrà ex effectū ualeat argumentum ad confirmandum: ædificat, ergo ædificare uult & potest. Ad refellendum non ualeat. Non enim si quis non ambulet, protinus sequitur nō posse ambulare, aut nō uelle.

De loco ab adiunctis.

## CAPVT X.

Locus ab  
adiunctis

**V**Ltimus locus est ab adiunctis. Vocantur adiuncta, quæ rem uel antecedunt, uel sequuntur, uel cū ipsa coniuncta sunt, non tamen ex necessitate. Argumētis ex hoc loco petitis res nō certō probatur: ualent ad mouendam suspicionem aliquam. Vnde fit, ut Oratorum sit potius



tius hic locus, quàm Dialecticorum: cuius frequentissimus est usus in cōiecturalibus causis. Nam cum de facto quæstio est, sitne quispiam ab aliquo interfectus, ex adiutis argumenta ducuntur ex *ys*, quæ rem præcesserunt, ex colloquijs, ex apparatu, ex quæ cum re sunt coniuncta, strepitu fuga. Ex *ys* quoq; quæ sequuta sunt re, ex pallore, metu, titubatione: quæ etiam si rem non necessariò probent atq; demonstrent, uerisimilem tamen illam utcunq; efficiunt. A Dialecticis hinc etiam aliquando ducuntur argumenta: ut cum ingeniosum esse concludimus cum sit Dialecticus: cogitabūdum, quia Mathematicus: fallacem ac deceptorem, quia Sophista. Haftenus de locis Dialecticis internis.

## De locis externis.

## CAPVT XI.

**H**I sunt, quos diximus interni loci, hæc, quæ explicauimus ipsorum tractatio. Reliquum est ut de externis agamus, quorum argumenta artis expertia uocantur, non quòd sine arte tractentur, sed quòd sine arte inueniantur. Probationes omnes artis expertes sola ea, quæ à testimonijs ducitur, comprehenduntur. Ita unus erit externus locus à testimonijs, uel Cicerone autore, qui reliquos omnes complectitur. Vocabitur autem testimonium, omne quod ab aliqua re externa sumitur ad faciendam fidem. Fabius Quintilianus testimonia siue diuina, siue humana in octo species distribuit, in præiudicium, rumore, tormenta, tabulas, insurādum, testes, iudicium siue gentis, siue populi sapientis siue clari uiri, tum deniq; in auctoritatem Dei. Præiudicium est, res, quæ cum statuta fuerit, adfert iudicaturis exemplum. quod sequantur. Fama est, ciuitatis consensus et uelut

public

publicum testimonium: uel sermo sine certo autore dispersus. Questio dicitur, ueritatis per cruciatus & tormenta corporis inquisitio atq; expressio. Per tabulas omnia litis instrumenta intelliguntur, ut chyrographa. Iurandum est, per religionem expressa oratio eruenda ueritatis gratia. Testes qui sint satis apertum est. Iudicium est, ut si quid uisum est gentibus, populis, sapientibus, claris uiris, Poëtis, ut differenti de uite incommodis conferret plurimum earum nationum cōsuetudo, quæ fletibus natos, letitia defunctos prosequuntur. Si quis ad uirtutem hortetur, apte ex sapientium præceptis summet autoritatem. Præterea ex Poëtis trahet sententias, qualis est illa Virgilij.

Stat sua cuiq; dies, breue & irreparabile tempus

Omnibus est uitæ: sed famam extendere factis

Hoc uirtutis opus.

Ea quæ uulgo recepta sunt, hoc ipso quòd habeant incertum autorem, fiunt uelut omnium: qualia sunt Adagia ab hominibus recepta & probata. Autoritas dei prima est, & earū rerum, quas scimus à deo profectas. Dei uoluntas à Christo unigenito eius filio declarata est nobis in responsis, quæ patres & sancti Dei homines acceperunt, & ante Christum natum & post. His accedunt somnia & signa ea, quæ pro certo habemus à Deo immitti: uaticinia hominum diuino numine instinctorum uel Prophetarum. Dei autoritati proximus est consensus generis humani, in quo sunt naturales quedam informationes animorum: unde existunt æquitas & humanitatis officia. Cuius generis sunt, quæ quisq; ab alijs optat sibi, eadem & faciat: & quæ sibi

non uult, alijs ut non fiat curet. Ex hominibus grauissi-  
mi ponderis ad fidem sunt, sapientes & probi: ut phi-  
losophi, legum latores, Rectores patrie: à quibus popu-  
li ad uirtutem & recti custodiam formantur. Amicis  
plurimum tribuimus, de quorum ingenio & peritia be-  
ne sentimus. Sic quoq; magnoperè fidimus ijs, quæ à pa-  
rentibus accipimus, præceptoribus, à quibus nunquam  
nos falli suspicamur. Ad quem locum pertinent ea, quæ  
magni uiri ijs præceperunt, quos habebant charissimos.  
Dei autoritati nemo ausit repugnare, quæ certò scimus  
nec uelle, nec posse quenguam fallere. Hominum auto-  
ritas multis modis eleuatur. Primum quòd qui dicit, *Autori-  
tas quo-  
modo ele-  
uatur.*  
ignoret quibus loquitur, uel natura, uel imperitia. Con-  
tradocere sibi quæpià, alijs ipsius dictis fidem detrahit:  
tum ostensum esse aliquid falsum asseruisse. His, quæ ci-  
tra studium ac diligentiam dicta esse probantur minus cre-  
dimus. In scriptoribus, si quid reprehenditur, sic excu-  
sare solemus, exèpli causa positum est, dixit aliena fide.  
Locus & tēpus detrahunt, aut addūt dictis autoritatē.  
Quod inter pocula, inter nugandum dictum est, parui  
est momenti apud homines. Contrà, si quid in Senatu,  
apud populum, plurimum habet autoritatis. Spectatur  
modus: iocò dixit, ridens, seriò: quæ signa esse solent,  
quemadmodum quis sentiat. Autoritati pondus detra-  
hitur, si existimatur is qui dixit uoluisse fallere. Locus  
& tempus mutant uim dicti uel facti. Multa olim re-  
cte aut facta aut dicta sunt, quæ hoc tempore non expe-  
diunt. Licuisset nobis hoc loco finem huic disputationi  
imponere, nisi unus superesset scrupulus, quòd cū sint  
quatuor genera questionum exempla omnia, quæ con-  
firmari

firmari ex locis, aut refelli monstrauiamus, solam ad accidentis questionem pertinere uideantur, cetera uero quo pacto ex iisdem locis probari, aut confutari possint, non ostendimus. Sed ne hic scrupulus quæmpiam male habeat, quæstiones alias tractari ex iisdem locis paucis docebimus. Quæstio generis est, sit ne animal hominis genus, an non sit? Hæc ex definitione generis, hoc modo, confirmabitur: Animal ita in hominibus intelligitur, ut de ijs, ac de alijs præterea specie differentibus in quæstione, qua quid res sit queritur dicatur, animal igitur genus est hominis. Idem locus magnam in refutatione suppeditabit copiam. Nam cum generis definitio multas partes complectatur, si quæ absit, non esse genus quod queritur ostendemus. Locus à genere confert etiam ad eandem tractandam quæstionem. Sit probandum, nigrum non esse genus corui, ostendetur hoc pacto, Coloratum, quod genus est nigri, non est genus corui: non igitur nigrum corui genus esse poterit. Locus communis, Cuius genus non est id quod supra est, eius non est quod infra est genus. A coniugatis exemplum erit huiusmodi: Quod scienter fit, non est genus eius quod iuste fit, ergo neque scientia genus erit iustitiæ. In confirmatione ualeat idem locus, sentiendi iudicare genus est: sensus igitur genus erit iudicium. Locus contrariorum etiam ualeat ad eandem quæstionem et confirmandam et refellendam. Exemplum hoc erit confirmationis: Virtus temperantiæ genus est, ergo uitium erit intemperantiæ. Locus communis, si contrarium contrarij genus est, et propositi id, de quo agitur, genus sit necesse est. Confutationis, actionis qualitas non est genus, ergo nec perpeffionis est.

est. Locus cōmunis: Quorum cōtrariorum alterius nullū genus est, nec alterius esse. Ad quæstionem generis problemæ differentia reuocatur, quod ex ijsdem locis potest explicari. Id uerò qua ratione fiat, per ea quæ de genere diximus, potest facillè intelligi. Ad cuius etiam normam & similitudinem dirigenda est quæstio speciei: & ea quoq; qua querimus, sint ne aliqua sub eodem genere, an non? Quæstio definitionis per eosdem locos tractatur. Sit quæstio, animal particeps rationis, an sit hominis definitio? Hæc ex loco definitionis ad hunc modum confirmabitur. Oratio explicans hominis naturam ambitu quàm breuissimo, est hominis definitio, atque animal particeps rationis est huiusmodi, erit igitur hominis definitio. Ex eodem loco confutabitur definitionis quæstio, si partem aliquam earum, quæ desiderantur, abesse monstrauerimus. Locus ab aduersis confert ad idem genus tractandum hoc modo: quod bono afficit, eius quod prodest est definitio: ergo quod malis afficit, erit eius definitio quod obest. Locus communis, contrarij contraria est definitio. Loci quoq; generis & differentie ad explicandam definitionis quæstionem plurimum conferent, præsertim cū ex his partibus definitio coalescat. Sequitur quæstio proprietatis, cui tractandæ ijsdem loci seruiunt. In primis definitionis locus, si conuenit omni, soli ac semper, & uicissim commeet, proprium erit: si quid horum non conueniat, non erit proprium. A consequentibus, non semper conuenit, igitur non est proprium. A repugnantibus, dicitur in quæstione quid est, non est igitur proprium. Vtile quoq; erit ex generis; speciei, differentie, accidentis definitioni-

bus id, quod alicuius proprium esse dicitur, non esse ostendere. Accidentis quæstio ea, in qua sit ne attributum subiecti accidens queritur, an nō sit, ex iisdē locis aptissimè confirmatur ac refellitur. Ex definitione, potest in re inesse & à re abesse sinè eius interitu, est igitur eius accidens. Non potest, igitur rei non accidit. Ab enumeratione partium, non est rei accidens separabile, nec inseparabile: igitur non est accidēs: In confirmatione hoc modo: est accidēs separabile aut inseparabile rei, igitur est eius accidens. Ex repugnantibus, dicitur in quæstione quid est, igitur rei non accidit. Potest hæc quæstio atque adeò priores illæ omnes, argumentis ex alijs locis ductis, tractari, sed nobis propositum non est omnes persequi. Ac de Dialectica ratiocinatione & locis ex quibus Dialectica argumenta promuntur, tum de Dialecticis quæstionibus & earum generibus, ac quis sit earum tractandarum modus, dictum est.

Libri octauī finis.

Composi-



# COMPOSITIONIS

DIALECTICAE DE SOPHISTICIS REPREHENSIONIBUS, Liber primus.

Quae sint communia Dialectico & Sophistae,  
& quibus differentijs separantur.



Cum non sit satis quae bona sunt praecipere, nisi etiam quae nocent, quemadmodum vitentur, eisq; occurri possit, doceas: sitq; periti medici non solum eorum exactam rationem tenere, quae salubria sunt, sed illa quoq; nouisse ac docere posse, quae grauius nocent, Dialectici quoq; intererit non modo pracepta, quibus necessaria argumentatio confici docetur, intelligere ac tractare, sed quae fallaces sunt & deceptoriae, ut cauere ab illis possit: & si quando in disputationibus occurrant, quomodo soluendae sint, non ignoret. Inscribitur haec tractatio de Sophisticis redargutionibus, propterea quod loci in ea traduntur, ex quibus captiosae argumentationes depromi solent: tum quia uia & ratione sint diluendae, docetur. Quod Aristote. duobus libris Elenchorum complexus est. Redargutio uocatur, quando is qui respondet, ut alicuius argumentationis negare cogitur, quod antea concesserat, aut concedere quod negauerat. Quod si necessaria argumentatione praestetur ac fiat, uera redargutio dicitur: si autem captiosa & apparenti, falsa & apparens tantum. Qualis fuerit, si

quis hac argumentatione conuictus, homo est animal, animal est genus, ergo homo est genus: conclusionem fateatur ueram esse, quam antea negauerat. Porro inter dialecticum & sophistam discrimina sunt multa, quibus separantur. Nec omnino tamen diuersi sunt artifices, ut nihil habeant commune. Sunt enim in utroq; multa eadem, de quibus omnibus breuiter est dicendum. Ac de ijs primum, quibus distinguuntur. Quæ, ut prætermittantur alia non pauca, tria sunt potissimum, genus disputationis, finis, & instrumenta. Genus disputationis in utroq; diuersum est. Nam Dialectica disputatio per ea exercetur, quæ uerè probabilia sunt & fidem rei propositæ uerè faciunt. Sophistica autem constat ex captiosis argumentationibus & apparentibus, quæ speciem quidem habent probabilium, uerè autem probabiles non sunt. Alterum discrimen sumitur ex fine. Est enim Dialectici finis, in rebus omnibus explorare, quid uerum sit, quid falsum, & in disputatione uerè conuincere respondentem. Sophistæ uerò, quoniam id uehementer exoptant, ut sapientes habeantur, in id tantum incumbunt, atque hunc habent finem sibi propositum, ut uideantur respondentem uicisse, etiamsi nil minus præstiterint. Quæ ut consequantur, incommoda statuerunt quinque; apparentem redargutionem, manifestè falsum, inopinabile, solœcismum, nugationem. Semperq; in disputationibus student ad aliquod ex his incommodis respondentem pertrahere. Id enim si fuerint assequuti, respondentem uicisse plani uidebuntur. Apparens redargutio, quænam sit diximus. Manifestè falsum uocatur id, de quo falsum sit nec ne, uix ullus ambigit. Quod Sophistica argumen-

tatione ita concludi potest, omnis taurus est animal,  
 taurus est mons, mons igitur est animal. Inopinabile di-  
 citur, quod est præter communem opinionem & omnino  
 ferè sententijs repugnat. Quale est in philosophia, ex ni-  
 hilo aliquid fieri. Quod etiam captiosa argumentatione  
 ita potest colligi, ex priuatione fit aliquid, priuatio au-  
 tem nil est, ergo ex nihilo fit aliquid. Quartum incom-  
 modum solæcismus est, ad quod pertrahitur respondens,  
 cum sophistica argumentatione conuictus, conclusio-  
 nem fatetur, in qua committitur hoc uitium. Quod fie-  
 ri potest ad hunc modum, hoc quod uides tu nosti, hoc  
 autem quod uides Aristoteles est, ergo Aristotel. nosti.  
 Vltimum incommodum est nugatio, quæ definitur in-  
 utilis eiusdem rei repetitio. Hæc autem aut expressa est  
 & manifesta, aut occulta & tacita. Manifesta est quan-  
 do bis eadem uox sumitur. Vt homo, homo est animal.  
 Tacita uerò quædo bis idem accipitur, non tamè sub ea-  
 dem uoce. Idq; fit quotiescunq; minora maioribus præ-  
 ponuntur, & particularem uocem sequitur generalis. Vt  
 si quis dicat homo animal. Hic enim animal bis sumitur.  
 Nam & in homine iam continetur, & iterum exprimi-  
 tur secundo loco. Quod si transponantur uoces ad hunc  
 modum, animal homo, non committitur nugationis ui-  
 tium. Continetur enim in animali homo, non actu tamè,  
 sed uirtute solum & potestate. Tertium discrimen sumi-  
 tur ex instrumentis. Dialecticorum enim instrumen-  
 tum est, illogismus, qui cõficitur ex uerè probabilibus.  
 Sophistarum autem, Sophisticus, in quo sumuntur, quæ  
 speciem quandam habent probabilium, uerè tamen pro-  
 babilia non sunt. Quale est illud: Quod quis non amia-  
 V 3 sit,

fit, hoc ipsum habet. Hoc enim etiā si primo aspectu uerum esse uideatur, protinus tamen falsum esse deprehenditur. Sophisticus syllogismus in tres partes diducitur. Alius in materia peccat, alius in forma, alius in utroq. Peccat in forma, qui in concludendo leges syllogismi nō obseruat, ut cū in primo genere syllogismorum negat assumptio, aut enunciata sunt particularia. Peccat in materia, qui quamuis recte concludat, sumit quæ falsa sunt: ut omnis lapis est animal, quoddam lignum est lapis, ergo quoddam lignum est animal. In utroq; uerò, cuius & uitiosa est cōnexio, & falsæ sumptiones. Addēdus hīc est, qui pseudographus dicitur, seu falsigraphus. In quo principium alicuius disciplinæ proprium accipitur, sed malè intellectum. ut Omnes lineæ ductæ à centro circuli ad circumferentiam sunt æquales; lineæ recta & obliqua ducuntur à centrō circuli ad circumferentiam, ergo sunt æquales. Nam propositio principium est proprium Geometriæ, uerū quidem, si de rectis tantum lineis intelligatur, & in argumētatione aliter accipitur, perinde scilicet ac si posset lineis omnibus accommodari. Dialectico & Sophistæ duo sunt communia. Communis est in primis materia. Nam Dialecticorum materia res omnis est, cū possint de rebus omnibus argumentis probabilibus differere: ita & Sophistæ res omnis erit subiecta, quia de omni potest disputare captiosis argumentationibus. Conueniunt etiā in eo, quod uterq; habeat peculiare locos, ex quibus instrumenta omnia faciendæ fidei eruit, Dialecticus quidem ueros, Sophista autem in speciem tantum. Porro Sophisticum locū licet nobis in illas easdē partes distribuere, per quas Dialectici

cum

cum partiti sumus : ut sit alius communis locus, scilicet commune quoddam enunciatum: falsum quidem, sed habens speciem ueri: ex quo uim accipit Sophistica argumentatio, & certo studio comparata: cuiusmodi sunt, quicquid subiecto conuenit, conuenit accidenti, uox una rem unam declarat. Alius, differentia, qua communia hec enunciatata distinguuntur: ut homonymia, amphibolia, accentus. Quorum locorum diuisionem & numerum in sequentibus proponemus.

De locis Sophisticis, & in primis de Homonymia, & Amphibolia.

## CAP. V. T. II.

**L**oci Sophistici uulgò fallaciae dicuntur, quos ita *De homonymia & amphibolia.* partitur Aristoteles, ut alios dicat esse in dictione positos, alios extra dictionem. In dictione positi sunt, qui captiosis argumentationibus uim, quam habent, ex dictione aliqua, aut oratione suppeditant. Extra dictionem uerò, qui nō ex dictione, sed aliunde uim Sophisticis argumentis subministrant. Loci in dictione positi sex sunt, homonymia, amphibolia seu amphibologia, compositio, diuisio, accentus, figura dictionis. Homonymia est, cum nomen unum & idem multa significat rationibus diuersis. Cuius tres constituit modos Aristoteles. Primus est, quando nomen homonymum, quod in argumentatione sumitur, ex aequo multa significat. Ut omne expediens est bonum, malum est expediens, ergo malum est bonum. Expediens enim dicitur & id quod bonum est, & quod aliter fieri non potest. Secundus modus est, quando nomen, quod rem unam antea significabat, ex usu &

consuetudine loquentium ad aliam significandam traditum est. Vt sanum, ridere. Potestq; sic connecti argumentatio captiosa, omne quod ridet habet os, pratum ridet, ergo pratum habet os. Tertius est, quando uoces per se simplices sunt, sed alijs adhibitæ significationes mutant. Quod fit in hac argumentatione, quicumq; surgebat stat, sedens surgebat, ergo sedens stat. Nam dictio illa sedens in assumptione, quæ uerbum habet præteriti temporis, significat eum, qui sedebat antea: in conclusione uerò, quæ uerbo constat præsentis temporis, eum tantum, qui in præsentis tempore sedet. Secundus locus est amphibolia, quæ ab homonymia ita distinguitur, quòd illa in simplici tantum uoce reperiatur, hæc in oratione integra: fitq; duobus modis, aut cum oratio duplicem habet sensum & utrumq; simul obtinuit: aut cum alter sensus orationi antea inerat, alterum uerò ex consuetudine loquentium sortita est. Prioris modi exemplum est, omne quod uidet aliquis hoc ipsum uidet, lignum uidet aliquis, ergo lignum uidet. Posterioris, quicumq; littus arat, littus scindit aratro, qui rudem docet, littus arat: ergo qui rudem docet, littus scindit aratro. Principium quo nituntur argumenta ex homonymia ducta est, uox una rem unam notat. Huic simile est quod locus amphiboliæ continet, una oratio unum tantum sensum continet.

De alijs duobus locis Compositionis & Diuisionis.

## CAPVT III.

De locis  
compositionis & diuisionis.

**E**Nunciationes, in quibus modus possibile collocatur, uel impossibile, reddere duplicem sensum possunt, compositum & diuisum. Compositus est, quando ad idem tempus componuntur ac referuntur extrema.

Diuisus



Diuisus, quando diuidūtur ad diuersa tempora. Vt possibile est non scribingentem scribere. Potest penes utrunq; sensum distingui. Compositus sensus sic explicatur, fieri potest, ut is qui non scribit, eodem tempore scribat. Diuisus ad hunc modum, fieri potest, ut qui non scribit, alio tempore scribat, & hic uerus est, alter falsus. Sunt præterea, & alia pronunciata, quæ utrunq; sensum reddunt, quia uel subiectum, uel attributum diuim accipi potest & coniunctim. Cuiusmodi sunt, quinarium est duo & tria: quicquid est particeps rationis uel expers, est homo. In his compositus sensus est, quando fit simplex enuntiatio & una: quando uerò una in duas diducitur, sensus est diuisus: ut in secundo pronunciato explicabitur sensus compositus hoc pacto, omne illud, cui conuenit ut sit particeps rationis uel expers, est homo. Diuisus autem sic, omne quod est particeps rationis, est homo, uel omne quod est expers rationis, est homo. Præter hæc enunciationum genera, alia quoq; reperiuntur, utrunq; etiam sensum reddentia, propterea quòd uox aliqua, quæ in ijs collocatur, cum alijs partibus, aut coniungi potest, aut ab eisdem diuidi. Cuius generis est hæc, omne quod uiuit semper erit. In qua aduerbium illud semper, si cum uerbo erit, quod præcipuum in enunciatione locum obtinet, componatur, sensus compositus fit & falsus, significat enim id, quod uiuit perpetuò esse futurum: si uerò diuidatur ab eodem uerbo, diuisus sensus est, qui sic explicatur: omne quod uiuit semper, ac sempiternam uitam habet, erit. Quem sensum constat esse uerum. Ex duplici harum enunciationum sensu, duplex in argumentationibus nascitur locus, alter compositionis, alter di-

uisionis. Cōpositionis est,quādo sensus cōpositus est falsus. Diuisionis uerō,quādo diuisus sensus falsus est. Et quemadmodū tria sunt enunciationū genera, quæ in utroq; sensu accipi possūt, ita triplex est utriusq; loci modus. Primus est,quādo sumitur in argumentatione enūciatio aliqua primi ordinis. Vt quem possibile est scribere, fieri potest ut scribat, non scribentem possibile est scribere, ergo fieri potest, ut non scribens scribat. Et rursus, quem impossibile est ambulare, fieri non potest, ut ambulet: sedentem impossibile est ambulare, ergo fieri non potest, ut sedens ambulet. Prior argumentatio uitiosa est propter compositionis locum. Secunda propter locū diuisionis. Nam assumptionis sensus diuisus falsus est, & cōpositus uerus. Secundus modus est,quādo sumitur in argumentatione pronunciatum aliquod secundi ordinis. Vt omne quod est particeps rationis uel expers, est homo, omnis equus est particeps rationis uel expers, ergo omnis equus est homo: omnis numerus, qui componitur ex duobus & tribus, est duo & tria, quinarium non est duo & tria: ergo quinarium non componitur ex duobus & tribus. In his argumentationibus error est compositionis. Nam in altera propositio cōpositum sensum reddit falsum, in altera assumptio. Tertius modus est,quādo in argumentatione sumitur enunciatio tertij generis. Vt omne quod uiuit, semper erit: quidam homo uiuit, ergo quidam homo semper erit: quicumq; scit literas, nunc didiscit illas, qui diu studuit Philosophiæ, scit literas, ergo qui diu studuit Philosophiæ, nunc didiscit illas. Locus communis diuisionis & cōpositionis est, una oratio

oratio rem unam notat, siue unum reddit sensum. Distat autem oratio huius loci ab ambigua, quod illa secundum uocem omnino una sit, & eadem continens extrema: hæc uero tametsi constet ex eisdem uocibus, in utroque sensu, non eadem retinet extrema.

De loco accentus, & figura dictionis.

CAPVT IIII.

**L**ocus accentus est, quando mutato dictionis accen- Locus ab  
tu, aut uariata syllabæ quantitate, mutatur etiam accentus.  
& significatio: cuius tres modi constitui possunt. Pri-  
mus est, quando accentus ex una syllaba in aliam trans-  
fertur. Vt si quis ita argumentetur, qui occidit moritur,  
qui alium interficit occidit, ergo qui alium interficit mo-  
ritur. Si in medio termino in propositione accentus in  
antepenultima collocetur, in assumptione uero in penul-  
tima. Secundus modus est, quando uariatur syllabæ qua-  
ntitas, quam sequitur significationis mutatio. Vt omnis  
populus est arbor, hominum congregatio populus est,  
hominum igitur congregatio est arbor. Populus enim  
producta prima syllaba arborem significat, si uero cor-  
ripiatur, conuentionem multorum. Tertius modus est,  
quando dictiones multæ, quæ multis accentibus profe-  
runtur, coeunt in unam, aut contrâ. Vt quicquid sit in-  
uite, sit coactè, uinum sit in uite, igitur uinum sit coa-  
ctè: tu es qui es, quies autem priuatio est motus, tu igitur  
es priuatio motus. Refertur quoq; ad eundem locum ar-  
gumentatio, in qua uox eadem alio atque alio spiritu  
prolata, aliam atq; aliam obtinet significationem: cuius-  
modi est hæc, ora aquis proxima est, hora pars est tem-  
poris,

poris, pars igitur temporis a qua proxima est. Locus communis accentus est, uox una rem unā declarat. Dif-  
fert autem uox cuius accentus mutatur, ab homonyma  
eodē discrimine, quo ambigua separatur, ab ea, quæ sen-  
sum reddit compositionis & diuisionis. Nā homonyma  
una est prorsus uoce, altera partim eadem, partim alia  
atq; alia. Locus figuræ dictionis, qui postremus est eorū,  
quos diximus in dictione positos est, quoties quæ dictio-  
nis figura conueniunt, uim eandem habere putatur &  
significationem, fitq; tribus modis. Primus est, quando  
quod masculinum est, femininū interpretamur, aut cō-  
trā. Vt substantia omnis calore affecta, est calida, uir  
est substantia calore affecta, ergo est calida. Secundus  
modus est, quando nomen, quod modum habet signifi-  
candi prædicamenti unius, in id mutatur, cui conuenit  
longè diuersa significandi ratio. Vt quot digitos olim  
habuisti, hodie habes, paruos autem olim habuisti digi-  
tos, paruos igitur & nunc habes. In qua argumentatio-  
ne quantitas in relationem mutatur. Tertius modus est,  
cū uox significans quale aliquid, in uocem mutatur  
hoc aliquid significantem: Socrates est alius ab homine,  
Socrates est homo, igitur est alius à se: Socrates est ho-  
mo, homo est species, igitur socrates est species. Locus  
communis est, uoces aliquo modo similes, uel sola figu-  
ra, eandem habent significationem.

De locis extra dictionem positis

## CAP. V.

**L**oci positi extra dictionem septem sunt. Primus  
est accidentis, in quem uaria fallacium argumen-  
torum genera cadunt. Possunt autē omnia in tres modos

reduc-

Locus fi-  
gura di-  
ctionis.

reuocari. Primus est, cum ea, quæ subiecto tribuuntur, tribuuntur etiam eius accidētī, aut contrā: ut cognosco Socratē. Socrates est ueniens: igitur cognosco ueniētem. Secundus, quando quicquid superiori, ut generi accom- modatur, inferiori etiam putatur conuenire, aut cōtrā: ut homo est animal, animal est genus, igitur homo est genus. Tertius, quando duobus uicissim commeantibus: quod cadit in alterum, ad alterum transfertur: ut ho- mo est disciplinæ capax, disciplinæ capax, est propriū, igitur homo est proprium. Locus communis accidentis est, ijs, quæ aliquo modo conueniant, omnia similiter in- sunt, aut non insunt. Ad hunc locum referuntur argu- mentationes non paucae, quæ ex illo Dialectico princi- pio uim habere uidentur: Quicquid ex consequenti se- quitur rectæ argumentationis, sequitur ex antecedenti: cuiusmodi hæ sunt; si nullum tempus est, dies non est: si dies non est, nox est: ergo si nullum tempus est, nox est: homo est equus, igitur homo est: homo est, igitur particeps rationis est: quare si homo est equus, erit particeps rationis. Ex his perspicuū euadit, cum sint duo principia Dialectica, alterum de quo modò diximus, ad dirigendas argumentationes pertinens: alterum ad modum dicendi simplicium uocum: Quidquid de attri- buto dicitur, dicitur etiam et de subiecto, argumen- tationes, in quibus error accidentis committitur, ex eo uiciosus esse atq; fallaces, quòd à uera horum princi- piorum intelligentia longè recedant. Quis sit autem ue- rus principiorum sensus, ex locis illis requirendum est, in quibus fuerunt à nobis satis copiosè exposita. Sequi- tur locus consequentis, ex quo duobus modis potest ar- gumen-

gumentum duci. Prior est, quādo quemadmodum ex antecedenti sequitur consequens, ita quoq; ex consequenti colligitur antecedens: ut si mel est, flauum est: ergo si flauum est, mel erit. Alter modus est, cū ex antecedentis contrario colligitur contrarium consequentis, ut si genitum est, principium habet; ergo si non est genitum, non habet principium: animus non est genitus, ergo carebit principio. Principium fallax loci huius est, quemadmodum sequitur ex antecedente consequens, ita uicissim retro com meat, ut ex consequente colligatur antecedens. Tertius locus est ab eo, quod cum adiectione conuenit, & absolutē ac simpliciter conuenire, dicitur: cuius duo sunt modi. Prior est, quādo quod secundum partē cōuenit, tribuitur toti. Vt Aethiops est albus dētibz, ergo est albus. Tribui autē toti, quod parti tantū inest, non semper uitium est. Fieri id uerē potest, quando sumitur accidens, quod parti alicui dumtaxat natum est inesse, atq; ab eo totum nomen accipit. Vt est sinus naribus, ergo est sinus. Quando uerō accidens non unam tantū partem afficit, sed alijs quoq; potest inherere, error est tribuere toti, quod parti conuenit. Secundus modus est quando quod cum adiectione conuenit rei, sine adiectione ulla simpliciter tribuitur. Vt est homo mortuus, ergo est homo: est pīctum animal, ergo est animal: est opinabile, igitur est: est sutor bonus, ergo est bonus: & in summa quotiescunq; coniuncta attributa diuiduntur, quae uere diuidi non possunt, accidit secundus huius loci modus. Argumenta ex hoc loco ducta hoc nuntantur principio, quod aliquo modo conuenit, omnino ac simpliciter rei tribui potest. Sequitur locus peti-

Locus ab eo quod cū adiectione cōuenit.

Petitio principij



tionis principij. Petere autē principium est, quando aduersarius postulat à respondente id concedi sibi, de quo in principio suscepta est disputatio. Huius loci modi sunt quinque. Primus ac manifestissimus est, quando idem adducitur ad sui ipsius probationem. Vt si probetur anima immortalis esse, quia sit immortalis. Secundus est, quando quod in parte ostendendum est, petitur in toto genere. Vt si quis ostensurus contrariorum eandem esse disciplinam, postulet oppositorum omnium esse eandem disciplinam. Tertius est, quando quod ostendendum est in toto genere, in aliquibus partibus postulatur concedi: Vt si quis ostensurus contrariorum eandem esse disciplinam, uelit respondentem fateri sani et ægri eandem esse disciplinam, ueri itidem et falsi. Verisimile enim est, si horum una sit facultas, eandem quoque aliorum fore disciplinam. Quartus modus est, cum postulatur diuissim; quod coniunctim probandum est. Vt si sit questio, medicinam disciplinam esse sani et ægri, et illa diuissim postulentur. Postremus modus est huic contrarius, quando postulatur cōiunctim, quod diuissim probandum est. Vt si quis probaturus Dialecticam esse disciplinam ueri, eandem quoque esse disciplinam falsi, postulet cōiunctim concedi. Locus cōmunis in petitione principij erit. eorum, quæ diuersa apparent, potest alterum ad ostensionem alterius aptè postulari. Quintus locus est, non causam ut causam ponere, quæ accidit quotiescunq; falsa conclusione illata, causa eius esse putatur enunciatio, quæ uerè causa non est. Vt si quis ita argumentetur, omne animal est substantia, omne animal est expers ratiōis, omnis homo est animal, igitur omnis homo est

Non causam  
ut causam  
ponere  
re.

mo est expers rationis. Hæc conclusio est falsa, ergo prima illa enuntiatio est falsa, omne animal est substantia. Si quis ita argumētetur, in hanc fallaciam incurrit. Locus hic commune hoc, sed falsum habebit principiū, cum ex multis sumptionibus sequitur conclusio falsa, omnes ex æquo illius causæ existimandæ sunt. Sexta est, plures interrogationes unam facere. Est autem interrogatio plures, uel multiplex, quando aut unum de pluribus querimus, ut sunt ne Aethiops & cygnus albi, an nō sunt: aut plura de uno, ut est ne homo albus & musicus, an non est: aut plura de pluribus, ut sunt ne homo & equus participes rationis, an nō? Hæc igitur fallacia accidit, quando in argumentatione falsum concluditur, propterea quod multiplici interrogationi una tantum adhibetur responsio. Ut si proposita interrogatione illa, sunt ne Aethiops & cygnus albi, an nō? respondeat aliquis albos esse, alius uerò ita argumentetur, Aethiops & cygnus sunt albi, ergo Aethiops est albus: falsum conclusum est, propterea quod interrogationi multiplici unica tantum adhibita est responsio, cui debuit multis responsionibus satisfieri. Quæ ex hoc loco petuntur argumenta hinc fidem accipiunt, uni interrogationi una adhibenda est responsio. Postremus locus est ex ignorantia Elenchi, qui si tractetur qua generalis est deceptio, omnes alias suo ambitu complectens, sic definiendus est, locus ex ignorantia Elenchi est, quando prætermittitur in argumentatione aliquid eorum, quæ pertinet, uel ad syllogismum, uel ad contradictionem. Nos uerò in præsentia de eo differimus, quatenus specialis locus est ab alijs distinctus: definiturque deceptio, quæ accidit, propterea

Locus i-  
gnorantia  
Elenchi.

reà quòd prætermittatur pars aliqua earum, quæ ad cōtradictionem exiguntur. Et quemadmodum quatuor sunt contradictioni necessaria, ut fiat ad idem, secundum idem, similiter, & eodem tempore: ita sunt quatuor huius loci modi. Primus est, quando pars illa ad idem prætermittitur. Vt quaternarius duplus est ad binarium, & non est duplus ad ternarium, est igitur duplus & non duplus. Secundus est, quando pars altera prætermittitur secundum idē: ut hoc corpus est maius illo secundum longitudinem, & non est maius eodem secundum latitudinem: ergo hoc corpus altero maius est, & non est maius. Duo alij modi fiunt duabus alijs partibus prætermiſſis, similiter & eodem tempore. Prioris exemplum erit, cælum mouetur motu circulari, & non mouetur motu recto: cælum igitur mouetur & non mouetur. Posterioris uerò, Aristoteles uixit, & Aristot. non uiuit: uiuit igitur & non uiuit. Argumēta hæc hoc principio niti uidentur, contradictio in affirmatione & negatione consistit, quod non est omnino uerum, desyderantur enim ad contradictionem, quæ diximus omnia.

Quis sit soluendarum omnium Sophistarum captionum modus.

## CAP. VI.

CVM disputatio de Sophisticis reprehensionibus à Dialectico idcirco suscipiatur, ut si quando occurrant, quo pacto soluendæ sint teneat exactè: his enim ueri inquisitio non mediocriter perturbatur, id tandem præsens tractatio uidetur exigere, ut quo pacto fallaces argumentationes ex his, quos explicauimus, locis

X ductæ

ducta sint diluenda, paucis doceamus. Rectam ac ueram solutionem Aristot. appellat manifestationem falsæ ratiocinationis. Vocatur autem falsa aut quæ nil colligit, aut quæ ex falsis sumptionibus. Ac primum quidem spectandum est, colligat necne, deinde sint ueræ, an falsæ pronuntiationes. Hæc in genere dicta sunt, sed ad singula sophismata dissoluenda ueniamus. Quæ ex homonymia, amphibolia, compositione, diuisione & accentu ducuntur, uno atq; eodem modo soluuntur captiones, distinctione scilicet multiplicis, aut nominis, aut orationis, & uarijs sensibus, significatis uel expositis: ut si sit proposita argumentatio, quæ possibile est ambulare, fieri potest, ut ambulet: sed eadem possibile est ambulare, fieri ergo potest ut sedens ambulet, ad hunc modum diluetur, si assumptio sensum reddat compositionis, colligendi ratio recta est, sed hæc ipsa assumptio falsa est, quemadmodum & conclusio. Si uerò diuisum sensum reddat, ueræ sunt sumptiones, & falsa complexio, sed fallax & uitiosa argumentatio, in qua uitium est compositionis. Idem in cæteris, quos diximus, seruandus est modus. Argumentatio, quæ ducta est ex figura dictionis, soluitur aptè, si recta esse negetur colligendi ratio & causa assignetur, diuersitas eorum, quæ sunt in diuersis Categorijs. Hæc enim quæuis similia sint secundum dictionis figuram, non necesse est modum habere significandi eundem. Sophismata, quæ ex accidente, consequente, ab eo quod aliquo modo conuenit, & omnino dicitur conuenire, ex ignorance reprehensionis, ex eo quod non causa ut causa ponitur, uno modo soluuntur omnia, si consecutionis modus negetur, & causa præte-

reà erroris explicetur. In accidente, quòd non sit necesse  
 ijs, quæ aliquo modo conueniant omnia similiter inesse,  
 aut non inesse. In consequente, quòd non retro uicissim  
 commeet argumentatio ex consequente ad antecedens.  
 in eo quod aliquo modo conuenit, & omnino rei tri-  
 buitur, non oportere, quæ secundum partem secundum  
 aliquè locum & modo aliquo rei insunt, absolutè inesse.  
 In eo quod non causa ut causa ponitur, non esse necessa-  
 rium conclusionem existente falsa, sumptiones omnes i-  
 terimi, sed eà solam cuius causa falsa sequitur cõplexio.  
 In ignorance elenchi, quòd in sumptionibus desydere-  
 tur aliquid eorum, quæ sunt ad contradictionem neces-  
 saria. Captioni quæ ducitur ex multiplici interrogatione  
 occurreretur, si multiplici interrogationi multiplex  
 adhibeatur responsio: ei uerò, quæ est ex petitione prin-  
 cipi de prompta, non concesso eo quod postulatur. Ac  
 de locis, ex quibus sophisticæ ratiocinationes promun-  
 tur, quot ac qui sint, quo pacto ex his argumenta eruun-  
 tur, tum quis sit captionum omnium soluendarum mo-  
 dus, atq; adeò de præceptionibus ad comparandam dis-  
 ferendi rationem necessarijs, quæ sola nostro hoc opere  
 tradere institueramus, hæc dicta sint.

*Finis.*

# ELENCHUS EORUM qua in hac Compositione Dialectica continentur.



Abstractio quid & quotu=	Antecedens quid.	ibidem.
plex.	<u>49</u>	Antecedentia que.
Accidēs duo significat.	57	Argumentum quid.
Accidens quid & quotu=	Argumentum quomodo ad	<u>39</u>
plex.	ibidem.	argumentationem affe=
Accidētia duobus modis in=	ctum.	ibidem.
telliguntur	<u>60</u>	Argumentatio quid, quæq; ad
Acroamatica que. in præfa.	eā <u>pertinet.</u>	<u>39, 40, 41, 42.</u>
Actio quid, & que ad eam	Argumentatio à coniunctis	
pertinent.	69	ad disiuncta, & contra
Adamus primus rebus nomi	quando ualeat.	112
na imposuit.	<u>80</u>	Arist. quo scribendi genere
Adiuncta que.	132	sit usus.
Aduersa que	<u>71</u>	Arist. dialecticæ <u>inuētor.</u>
Aduersa duplicia.	<u>72</u>	Aristoteles compositionem
Affectio quid.	<u>66</u>	maximè probat.
Analysis duæ potissimæ for=	Aristote.	cur methodi men=
mæ.	<u>3</u>	tionem non fecit.
Andistrophos siue conuer=	Aristotel.	partem inuenien=
sio.	111	di diffinitione tradi=
Antecedēs, argumētū, ratio,	dit.	ibidem.
propositum idē.	<u>39</u>	Arithme. & Geomet. sin=
		ceræ



# INDEX.

cera Mathema.	5	Causa qu, d & quoduplex.	
Ars non eget instrumen-			36
tis.	32	Cause obscuritatis librorū	
Artes, quæ in actione uer-		Aristot.	in praef.
santur aut operis ali-		Comparatio quid.	1.7
quid post se relinquunt,		Compositio quid.	2.4
definitione aut resolu-		Cōpositio tradendis artibus	
tione commodè docen-		aptissima.	in praef.
tur.	6	Coniugata quæ & quare	
Artes spectatiuæ cōpositio-		sic dicta.	126
ne docentur.	ibidē.	Coniunctio & eius modi.	97
Artes sub se inuicē posite.		Connexum quid & quando	
	117	uerum.	97
Ars differt ab artis opere		Contingens duobus modis.	
	12		94
Artes quomodo diuidatur.		Contra dicētia quæ & quot	
	21	modis.	86
Ars quid.	30	Contradicientium leges.	88
Astrologia quid.	72	Contraria quæ & quot ge-	
Attributa Dialectica qua-		nera eorum.	72, 72.
tuor.	51	Corpus Mathema.	71
Attributum quid.	82	Demonstratio præcipua for-	
Attributio quid & quot e-		ma ratiocinationis.	113
ius forme.	58	Demōstrationis duplex de-	
Autoritas quid.	133	finitio.	115
Autoritas duplex. ibidem.		Demonstratio constat ex ne-	
Autoritas quomodo eleue-		cessarijs.	116
tur.	134	Demonstratio constat ex	
Categoria, & quæ ad eam		proprijs.	117
pertinent	52	Demonstrationis forme ua-	

# INDEX.

via, & præstantior.	117	Dialectica ars interrogandi	
Descriptio quid.	35	& respondendi.	32
De toto genere dici de nul-		Dialectica in duas partes di-	
la generis parte.	99	tributa est.	30
Dialectica uox homonyma		Dialecticæ utilitates qua-	
	(10	tuor.	121
Dialecticus qualis artifex.		Dialectico & Sophiste qua-	
ibidem.		communia, quibus differe-	
Dialecticus differt à Sophi-		rant.	136, 137.
sta.	ibidem.	Dialectica disputatio ex	
Dialecticæ opus.	12	quibus.	136
Dialectica quomodo effecta		Differre, & diuersum esse	
	(13	quo pacto affecta.	54
Dialectica instrumentum ad		Differentia triplex.	55
inueniendas artes.	15	Diffinitio & compositio do-	
Dialecticæ duplex materia.		cendis artibus aptæ.	5
	(16	Diffinitio, & quæ ad eam	
Dialectica unde dicta.	18	pertinent.	34, 35, 36, 37.
Dialectica quid præstet in-		Diffinitio alia principium	
ueniendis artibus, &		Demonstrationis, alia cō-	
explicandis quæstioni-		clusio, alia differt situ à	
bus.	18	Demonstratione.	119
Dialectica & Rhetorica		Dignitas quid.	115
artes ualde similes.	19	Dilemma cornutum argu-	
Dialectica similis manui in		mentum.	111
pugnum contractæ.	21	Disiunctio quid, quæ uera	
Dialectica ars.	28	quæ falsa, quis negantis	
Dialectica quid, & quæ		sensus, cui opponatur	
ad eandem pertinent.	28.	contradictorio nomine.	
	(30, 31.		(97
			Diffosi-

# INDEX.

Dispositionis ut in omni- bus.	1	plici rerum differentia, necessaria, impossibilis, contingens.	92
Dispositio orationis potis- sima uirtus.	ibidem.	Enunciationes necessariae & impossibiles duplices.	ibidem.
Dispositio quid significet.	2	ibidem.	
Differendi initium dedit na- tura, artis observatio.		Enunciatio contingens tri- plex.	92
	13	Enunciatio certo & definitio uera ac falsa.	ibidem.
Dissimilitudo quid.	127	Enunciationum infinitarum affectiones.	94
Diuisio methodus.	2	Enunciationes priuantes.	ibidem.
Diuisio an sit apta traden- dis artibus.	7	Enunciationes modificate	
Diuisiois magnus usus.	ibidem.	quæ.	94, 95.
Diuisio quid, & quæ ad eam pertinent.	38, 39.	Enunciationum modifica- tarum reciprocatio.	96
Enumeratio quid.	38	Enunciatio copulata.	97
Enunciationis partes	100	Enthymema uox homonyma.	110
men & uerbum.	90	Enthymematum duo gene- ra.	ibidem
Enunciatio quid, quot es- sæ forme, & quæ ad eam pertinent.	82, 83.	Enthymema quid & quo pacto ad Syllogismum re- uocetur.	ibidem.
Enunciationes contrariæ.	85	Eorum quæ per se dicuntur quatuor modi.	118
Contrariarum enunciatio- num usus.	89		
Enunciatio triplex ex tri-			
		X 4	Exem

# INDEX.

Exemplum uox homony = Geometria & Astronomia ma.	111	ab Egyptijs inuentæ. 14.
Exemplum quid, & quo p <sup>a</sup> Geometria cōpositione in = cto reuocetur ad syllogis = uentæ.		5
mum.	ibidem.	Gradatio quid. 112
<u>Ex falso, ex uero, ex contin =</u> Habere quid, quot modis di genti, ex necessario, ex catur, quas uoces admit = impossibili quid sequa = tat. 71		
tur.	41.42.	Habitus principiorum in =
Exoterica quæ. in præf. telligentia. 120		
Experimentum quid. 120		Habitus quid. 66
Extremitas quid. 71		Habitus & affectio quo p <sup>a</sup>
Fama quid 133		cto differant. ibid.
Fides quid 24		Heteronyma quæ, & quo
Finis quid. 21		pacto differant ab homo
Finis quæ propria. ibid.		nymis. 62
Finis Dialecticæ fides. 24		Homonyma quæ, & quo =
Finis artis & artificis idē. 25		tuplicia, quare de ijs an =
		te Categorias agatur.
Genera causarum quatuor. 61		
	131	Imbecillitas naturalis. 66
Genera diuersa quæ 65		Incommoda Sophistarum.
Genera sub se inuicem po = 136		
sita. ibidem.		Inductio quid, quæ Rheto =
Genera motus sex. 74		rica, quo pacto ad Syllo =
Genera questionum qua = gismum reuocetur. 109		
tuor. 119		Ingenium & iudicium na =
Genus quid, & quæ ad ipsū turæ præsidia. 12		
pertinent. 52		Interrogantis munus & of =
		ficiū

# INDEX.

ficium.	<u>44</u>	Locus à simili.	127
Isodynamia quid, & eius u-		Locus ab aduersis.	<u>128</u>
fus.	89	Locus à priuantibus. ibidē.	
Instrumenta inueniendarū		Locus à relatis.	129
artium.	5	Locus à contradicentibus.	
Interpretatio quid.	77	ibidem.	
Interpretationis partes. ibi		Locus à cōparatione. ibid.	
dem.		Loci à maiori, minori, &	
Intima quæ dicantur. <u>14.</u>		pari.	ibidem.
Inuentio pars Dialecticæ.		Loci ab antecedentibus, cō-	
	30	sequentibus, & repugnā	
Inuentio quid.	30	tibus.	130
Iudicium Dialecticæ pars.		Locus à causis.	131. 132
		ibidem. Locus ab adiunctis.	132
Iudicium duplex	<u>31</u>	Loci externi uno testimo-	
Iudicium.	<u>133</u>	ni nomine comprehen-	
Iururandum	ibidem.	duntur.	133
Lineæ quid.	<u>70</u>	Loci Sophistici Diuisio	
Logica quid.	<u>27</u>		138
Locus quid & quotuplex.		Loci ab homonymia & an-	
	122	phibolia.	<u>138</u>
Loci diuisio alia in maximā		Loci compositionis & diui-	
propo. &c.	123	sionis.	139.
Loci à definitione & enu-		Loci accentus & figure di-	
meratione partium.	124	ctionis.	<u>140</u>
Locus ab ethymologia.	<u>125</u>	Loci extra dictionem posi-	
Locus à coniugatis.	126	ti.	ibidem.
Locus à genere.	ibid.	Locus ab accidente.	<u>141</u>
Locus à forma.	ibidem.	Locus à consequente.	ibid.

# INDEX.

Locus à petitione principij	mx.	2
	ibidem. Methodus triplex.	3
Locus ab eo quod cum adie	Methodus resolutionis tra-	
ctione conuenit.	ibid. dendis artibus utilis.	5
Locus ab eo quod non <i>causa</i>	Methodus compositionis re-	
ut causa ponitur.	142 liquis præstantior.	6
Locus ab eo quod est plures	Methodus quæuis suas ha-	
interrogationes unam fa-	bet uirtutes.	7
cere.	ibidẽ. Methodus inuestigandæ finit-	
Locus ab ignorantia elen-	tionis.	37
chi.	ibidem. Modi qui contrarij.	23
Materia & subiectum ge-	Modi uocibus explicantur.	
nus idem.	15 ibid.	
Materia duplex.	ibid. Modorum ordines & repu-	
Materia Dialecticæ argu-	gnantia.	ibidem.
mentatio.	ibidẽ. Modi Syllo.uarij, & eorum	
Materia Dialecticæ res o-	uocabula.	101
mnis.	17 Modi perfecti primæ formæ	
Mathemata puerorum ex-	quatuor.	102
ercitamenta.	14 Modi secundæ formæ qua-	
Mathemata ante Dialecti-	tuor.	104
cam tradenda.	15 Modi terciæ formæ.	105
Metaphysica differt à Dia-	Modorum imperfectorũ re-	
lectica & Sophistica.	17 ductio ad perfectos quo	
Metaphysicus, Dialecticus,	principio nitatur.	106
& Sophista artifices cõ-	Modus soluendarum captio-	
munes.	17 num.	143
Methodus quid significet.	2 Naturalis facultas.	66
Methodi diuisiones & for-	Nomina primæ & secundæ	
	posi-	



# INDEX.

positionis.	63	pellet.	10
Negatio quid & quotuplex	137	Polyonyma quæ.	60
Numerus quid.	71	Positio quid, & eius gene=	115
Officiū Dialectici.	25, 26	74.	115
Officio quæ conueniant.	25	Posterius & prius quot mo=	73
Officium artificis unum, ut	26	dīs dicantur.	107
artis finis unus.	26	Præcepta inueniendi medij.	113
Officium generalis Dialecti	27	Prænotanda aliqua in de=	114
ci	116	monstratione.	113
Omni inesse.	116	Prænotionum duo genera.	114
Opiniones uariæ de fine Dia=	23	Præiudicium quid.	115
lecticæ.	23	Primum & immediatum.	115
Opinio quid, quo pacto pro=	118	Principium quid, & eius for=	115
betur, & differat à scien=	81	ma.	115
tia.	81	Principijs magis credendam	116
Oratio quid & quotuplex.	67	quàm conclusioni.	116
Oratio recipit cōtraria.	70	Principiorū cognitio quo=	120
Ordo partium duplex.	61	modo fiat.	120
Paronyma quæ.	61	Principia artiū ex proprijs	121
Paronymorū genera.	ibid.	ip/arum nō probātur.	121
Partes duplices.	124	Prinatio duplex.	72
Partitio quid.	38	Prænotanda quæ.	ibid.
Passio quid, & quæ ad eam	79	Probabile quid.	29, 121
pertinent.	79	Probabile quo pacto disse=	29
Patibilis qualitas, seu per=	67	tat à uero & falso.	29
turbatio.	67	Problema Dialecticum.	122
Plato quid Dialecticam ap=		Pro=	

# INDEX.

Problema quadruplex. ibid.	Quatuor in re quibus cog-		
Problemata omnia ex locis	noscentur.	119	
tractantur.	<u>134.135</u>	Ratiocinatio quid.	42
Propositio Dialectica.	<u>121</u>	Ratiocinationū formæ tres	
Propositionis dialecticæ gra	tantum.		100
duæ tres.	ibidem.	Ratiocinatio recta & obli-	
Proprium quid & quotu-	plex.		107
plex.	56	Ratiocinationum genera-	
Punctum quid	70	præcepta.	106
Quæ dicuntur de subiecto	<u>64</u>	Ratiocinatio ex hypothesi	
Quæ in subiecto insunt. ibi.	duplex.		107
Questio quid.	<u>133</u>	Ratiocinatio in orbem	108
Questionū numerus ijs quæ		Ratiocinatio copulata &	
sciuntur par.	119	eius formæ.	112
Questionum diuisio.	ibid.	Redargutio quid & quotu-	
Questio omnis ad medium	plex.		130
refertur.	ibid.	Reciprocatio quid, quotu-	
Quæ recipiantur per se in	plex, eius utilitas.		90.91
Categorijs.	<u>69</u>	Relatio quid, & quæ ad eam	
Quæ ab yisdem excludan-	pertinent.		<u>63.64.65</u>
tur.	<u>67</u>	Rhetorica respondet altera	
Qualia artiū præcepta.	<u>78.</u>	parte Dialecticæ.	<u>19</u>
Qualitas, & quæ ad ipsam		Rhetorica germen & pro-	
pertinent.	<u>66</u>	pago Dialect. & pars.	20
Quando quid.	<u>70</u>	Rhetorica quibus utatur	
Quando quas uoces admit-		probationibus.	ibidem
tat.	ibidem.	Rhetoricæ & Dialecticæ dif-	
Quantitas, & quæ ad ipsam	crimina.		<u>20.21</u>
pertinent.	70	Rhetorica similis manui in	
		palman	

# INDEX.

palnam extense.	21	Synonymia & homonymia	
Rhetoricæ finis	<u>122</u>	in uocibus præcipue.	61
Respondentis munus & offi-		Synonyma quæ.	ibidẽ.
cium.	44	Tabule quæ.	133
Regulæ ad quas recta argu-		Testimonium quid.	ibidẽ.
mentatio dirigitur.	41	Transcendentia quæ.	67
Regulæ censuræ ueri & fal-		Tempus quid.	71
si.	84.85	Terminus communis.	ibid.
Scientiæ & Demonstratio		Totum dicitur multis mo-	
quomodo affecta.	114	dis integrum uniuersum,	
Scientia finis & effectus de-		secundum potestatem.	124
monstrationis.	ibidem	Varie sententiæ de metho-	
Scientia differt ab opinio-		do quam sequitur Arist.	2
ne.	118	Vbi quid, & quas uoces ad-	
Scientia & opinio an pos-		mittat.	70
sint esse simul.	118	Verbum quid.	80
Scire quid.	114	Vis cognoscendi in nobis du-	
Similitudo quid.	127	plex.	42
Simul quot modis dicatur.		Vna causa potest per alterâ	
	74.	demonstrari.	119
Situm esse quid, & quas uo-		Vniuersum an sit, quid sit,	
ces admittat.	71	& quotuplex.	48.49.50
Sonus quid.	79	Voces cõmunes quinq;	50.51
Sophisticus syllogismus tri-		Vox q1, et eius formæ.	79.80
plex.	137	Vox cõmuns, quæ uulgò	
Species quid & quotuplex.		prædicabilis.	45
	62	Voces significant natura, an	
Subiectum quid	81	positione.	80
Substantia quid, & quæ ad		Vsus quinq; uocum.	58
ad eam pertinent.	64.69	Vsus Categoriarum.	75.76

FINIS.





ducta sint diluenda, paucis doceamus. Rectam ac ueram solutionem Aristot. appellat manifestationem falsæ rationationis. Vocatur autem falsa aut quæ nil colligit, aut quæ ex falsis sumptionibus. Ac primum quidem spectandum est, colligat necne, deinde sint ueræ, an falsæ pronuntiationes. Hæc in genere dicta sint, sed ad singula sophismata dissoluenda ueniamus. Quæ ex homonymia, amphibolia, compositione, diuisione & accentu ducuntur, uno atq; eodem modo soluantur captiones, distinctione scilicet multiplicis, aut nominis, aut orationis, & uarijs sensibus, significatis uel expositis: ut si sit proposita argumentatio, quæ possibile est ambulare, fieri potest, ut ambulet: sed etem possibile est ambulare, fieri ergo potest ut sedens ambulet, ad hunc modum diluatur, si assumptio sensum reddat compositionis, colligendi ratio recta est, sed hæc ipsa assumptio falsa est, quemadmodum & conclusio. Si uerò diuisum sensum reddat, ueræ sunt sumptiones, & falsa complexio, sed fallax & uitiosa argumentatio, in qua uitium est compositionis. Idem in cæteris, quos diximus, seruandus est modus. Argumentatio, quæ ducta est ex figura dictionis, soluitur aptè, si recta esse negetur colligendi ratio & causa assignetur, diuersitas eorum, quæ sunt in diuersis Categorijs. Hæc enim quauis similia sint secundum dictionis figuram, non necesse est modum habere significandi eundem. Sophismata, quæ ex accidente, consequente, ab eo quod aliquo modo conuenit, & omnino dicitur conuenire, ex ignoratione reprehensionis, ex eo quod non causa ut causa ponitur, uno modo soluantur omnia, si consecutionis modus negetur, & causa præte-



red erroris explicetur. In accidente, quòd non sit necesse  
 ijs, quæ aliquo modo conueniunt omnia similiter inesse,  
 aut non inesse. In consequente, quòd non retro uicissim  
 commeet argumentatio ex consequente ad antecedens.  
 in eo quod aliquo modo conuenit, & omnino rei tri-  
 buitur, non oportere, quæ secundum partem secundum  
 aliquè locum & modo aliquo rei insunt, absolutè inesse.  
 In eo quod non causæ ut causæ ponitur, non esse necessa-  
 rium conclusionem existente falsa, sumptiones omnes in-  
 terimi, sed eam solam cuius causa falsa sequitur cõplexio.  
 In ignoratione elenchi, quòd in sumptionibus desydere-  
 tur aliquid eorum, quæ sunt ad contradictionem neces-  
 saria. Captioni quæ ducitur ex multiplici interrogatione  
 ne occurreret, si multiplici interrogationi multiplex  
 adhibeatur responsio: ei uerò, quæ est ex petitione prin-  
 cipi deprompta, non concessio eo quod postulatur. Ac  
 de locis, ex quibus sophistica ratiocinationes promun-  
 tur, quot ac qui sint, quo pacto ex his argumenta eruun-  
 tur, tum quis sit captionum omnium soluendarum mo-  
 dus, atq; adeò de præceptionibus ad comparandam dis-  
 ferendi rationem necessarijs, quæ sola nostro hoc opere  
 tradere institueramus, hæc dicta sint.

*Finis.*

# ELENCHUS EORUM qua in hac Compositione Dialectica continentur.



Abstractio quid & quotu=	Antecedens quid.	ibidem.
plex.	49	Antecedentia quæ. 130
Accidēs duo significat.	57	Argumentum quid. 39
Accidens quid & quotu=	Argumentum quomodo ad	
plex.	ibidem.	argumentationem affe=
Accidētia duobus modis in=	ctum.	ibidem.
telliguntur	60	Argumentatio quid, quæq; ad
Acroamatica quæ. in præfa.	eā	<u>pertinet. 39, 40, 41, 42.</u>
Astio quid, & quæ ad eam	Argumentatio à coniunctis	
pertinent.	69	ad disiuncta, & contra
Adamus primus rebus nomi	quando ualeat.	112
na imposuit.	80	Arist. quo scribendi genere
Adiuncta quæ.	132	<u>sit</u> usus. in præfa.
Aduersa quæ	71	Arist. dialecticæ inuētor. 41
Aduersa duplicia.	72	Aristoteles compositionem
Affectio quid.	66	maximè probat. 8, 9.
Analysis duæ potissimæ for=	Aristote. cur methodi men=	
mæ.	3	tionem non fecit. 9.
Andistrophos siue conuer=	Aristotel. partem inuenien=	
sio.	111	di diffinitione tradi=
Antecedēs, argumētū, ratio,	dit.	ibidem.
propositum idē.	39	Arithme. & Geomet. sin=
		ceræ

# INDEX.

<b>C</b> etera Mathema.	5	<b>Causa</b> qu, d & quoduplex.	
<b>Ars</b> non eget instrumen-			36
tis.	32	<b>Cause</b> obscuritatis librorū	
<b>Artes</b> , quæ in actione uer-		Aristot.	in praef.
santur aut operis ali-		<b>Comparatio</b> quid.	1:7
quid post se relinquunt,		<b>Compositio</b> quid.	2:4
definitione aut resolu-		<b>Cōpositio</b> tradendis artibus	
tione commodè docen-		aptissima.	in praef.
tur.	6	<b>Coniugata</b> quæ & quare	
<b>Artes</b> spectatiuæ cōpositio-		sic dicta.	126
ne docentur.	ibidē.	<b>Coniunctio</b> & eius modi.	97
<b>Artes</b> sub se inuicē posite.		<b>Connexum</b> quid & quando	
	117	uerum.	97
<b>Ars</b> differt ab artis opere		<b>Contingens</b> duobus modis.	
	12		94
<b>Artes</b> quomodo diuidatur.		<b>Contra</b> dicētia quæ & quot	
	21	modis.	86
<b>Ars</b> quid.	30	<b>Contradicentium</b> leges.	88
<b>Astrologia</b> quid.	72	<b>Contraria</b> quæ & quot ge-	
<b>Attributa</b> Dialectica qua-		nera eorum.	7:72.
tuor.	51	<b>Corpus</b> Mathema.	71
<b>Attributum</b> quid.	82	<b>Demonstratio</b> præcipua for-	
<b>Attributio</b> quid & quot e-		ma ratiocinationis.	113
ius formæ.	58	<b>Demōstrationis</b> duplex de-	
<b>Autoritas</b> quid.	133	finitio.	115
<b>Autoritas</b> duplex. ibidem.		<b>Demonstratio</b> constat ex ne-	
<b>Autoritas</b> quomodo eleue-		cessarijs.	116
tur.	134	<b>Demonstratio</b> constat ex	
<b>Categoria</b> , & quæ ad eam		proprijs.	117
pertinent	59	<b>Demonstrationis</b> formæ ua-	
			X 3 rie

# INDEX.

ria, & præstantior.	117	Dialectica ars interrogandi	
Descriptio quid.	35	& respondendi.	32
De toto genere dici de nul-		Dialectica in duas partes di-	
la generis parte.	99	tributa est.	30
Dialectica uox homonyma		Dialecticæ utilitates qua-	
	(10	tuor.	121
Dialecticus qualis artifex.		Dialectico & Sophista qua-	
	ibidem.	communia, quibus disse-	
Dialecticus differt à Sophi-		rant.	136, 137.
sta.	ibidem.	Dialectica disputatio ex	
Dialecticæ opus.	12	quibus.	136
Dialectica quomodo effecta		Differre, & diuersum esse	
	(13	quo pacto affecta.	54
Dialectica instrumentum ad		Differentia triplex.	55
inueniendas artes.	15	Diffinitio & compositio do-	
Dialecticæ duplex materia.		cendis artibus aptæ.	5
	(16	Diffinitio, & quæ ad eam	
Dialectica unde dicta.	18	pertinent.	34; 35; 36; 37;
Dialectica quid præstet in-		Diffinitio alia principium	
ueniendis artibus, &		Demonstrationis, alia cō-	
explicandis quæstioni-		clusio, alia differt situ à	
bis.	18	Demonstratione.	119
Dialectica & Rhetorica		Dignitas quid.	115
artes ualde similes.	19	Dilemma cornutum argu-	
Dialectica similis manui in		mentum.	112
pugnum contractæ.	21	Disiunctio quid, quæ uera	
Dialectica ars.	28	quæ falsa, quis negantis	
Dialectica quid, & quæ		sensus, cui opponatur	
ad eadem pertinent.	28,	contradictorio nomine.	
	(30; 31.		(97
			Diffosi-

# INDEX.

Dispositionis us in omni- bus.	1	plici rerum differentia, necessaria, impossibilis.	
Dispositio orationis potis- sima uirtus.	ibidem.	contingens.	92
<u>Dispositio</u> quid significet.	2	Enunciationes necessariae & impossibiles <u>duplices</u> .	
		ibidem.	
Differendi initium dedit na- tura, artis observatio.	13	Enunciatio contingens tri- plex.	92
Disimilitudo quid.	127	Enunciatio certo & definitio uera ac <u>falsa</u> .	ibidem.
Diuisio methodus.	2	Enunciationum infinitarum affectiones.	94
Diuisio an sit apta traden- dis artibus.	7	Enunciationes priuantes.	ibidem.
Diuisiois magnus usus.	ibidem.	Enunciations modificatae	
Diuisio quid, & quae ad eam pertinent.	38, 39.	quae.	94, 95.
Enumeratio quid.	38	Enunciationum modifica- tarum reciprocatio.	96
Enunciationis partes	100	Enunciatio copulata.	97
men & uerbum.	90	Enthymema uox homonyma.	110
Enunciatio quid, quot e- ius formae, & quae ad eam pertinent.	82, 83.	Enthymematum duo gene- ra.	ibidem
Enunciationes contrariae.	85	Enthymema quid & quo pacto ad Syllogismum re- uocetur.	ibidem.
Contrariarum enunciatio- num usus.	89	Eorum quae per se dicuntur quatuor modi.	115
Enunciatio triplex ex tri-			
		X 4	Exem

# INDEX.

Exemplum uox homony = Geometria & Astronomia m.a.	111	ab Egyptijs inuenta.	14
Exemplum quid, & quo pa Geometria cōpositione in = cto reuocetur ad syllogis = uenta.			5
mum.	ibidem.	Gradatio quid.	111
<u>Ex falso, ex</u> uero, ex contin = Habere quid, quot modis di genti, ex necessario, ex catur, quas uoces admit = impossibili quid sequa = tat.			71
tur.	41.42.	Habitus principiorum in =	
Exoterica quæ.	in præf.	telligentia.	120
Experimentum quid.	120	Habitus quid.	66
Extremitas quid.	71	Habitus & affectio quo pa	
Fama quid	133	cto differant.	ibid.
Fides quid	24	Heteronyma quæ, & quo	
Finis quid.	21	pacto differant ab homo	
Finis quæ propria.	ibid.	nymis.	62
Finis Dialecticæ fides.	24	<u>Homonyma</u> quæ, & quo =	
Finis artis & artificis idē.		tuplicia, quare de ijs an =	
	25	te Categorias agatur.	
Genera causarum quatuor.			61
	131	Imbecillitas naturalis.	66
Genera diuersa quæ	65	Incommoda Sophistarum.	
Genera sub se inuicem po =			136
sita.	ibidem.	Inductio quid, quæ Rhetorica, quo pacto ad Syllo =	
Genera motus sex.	74	gismum reuocetur.	109
Genera questionum qua =			
tuor.	119	Ingenium & iudicium na =	
Genus quid, & quæ ad ipsū		tura præsidia.	12
pertinent.	52	Interrogantis munus & of =	
		ficiū	



# INDEX.

ficium.	<u>44</u>	Locus à simili.	127
Isodynamia quid, & eius u-		Locus ab aduersis.	128
fus.	<u>89</u>	Locus à priuantibus. ibidē.	
Instrumenta inueniendarū		Locus à relatis.	129
artium.	<u>5</u>	Locus à contradicentibus.	
Interpretatio quid.	77	ibidem.	
Interpretationis partes. ibi		Locus à cōparatione. ibid.	
dem.		Loci à maiori, minori, &	
Intima quæ dicantur. <u>14.</u>		pari.	ibidem.
Inuentio pars Dialecticæ.		Loci ab antecedentibus, cō-	
	30	sequentibus, & repugnā	
Inuentio quid.	30	tibus.	130
Iudicium Dialecticæ pars.		Locus à causis.	131, 132
		ibidem. Locus ab adiunctis.	132
Iudicium duplex	<u>31</u>	Loci externi uno testimo-	
Iudicium.	133	ni nomine comprehen-	
Iururandum	ibidem.	duntur.	133
Lineæ quid.	<u>70</u>	Loci Sophistici Diuifio	
Logica quid.	<u>27</u>		138
Locus quid & quoduplex.		Loci ab homonymia & am-	
	122	phibolia.	<u>138</u>
Loci diuifio alia in maximā		Loci compositionis & diui-	
propo. &c.	123	sionis.	139.
Loci à definitione & enu-		Loci accentus & figuræ di-	
meratione partium. 124		ctionis.	<u>149</u>
Locus ab ethymologia.	125	Loci extra dictionem posi-	
Locus à coniugatis.	126	ti.	ibidem.
Locus à genere.	ibid.	Locus ab accidente.	<u>141</u>
Locus à forma.	ibidem.	Locus à conſequentē.	ibid.

# INDEX.

Locus à petitione principij	mx.	3
	ibidem. Methodus triplex.	3
Locus ab eo quod cum adie	Methodus resolutionis tra-	
ctione conuenit.	ibid. dendis artibus utilis.	5
Locus ab eo quod non causa	Methodus compositionis re-	
ut causa ponitur.	142 liquis prestantior.	6
Locus ab eo quod est plures	Methodus quæuis suas ha-	
interrogationes unam fa-	bet uirtutes.	7
cere.	ibidē. Methodus inuestigandæ finē	
Locus ab ignorantia elen-	tionis.	37
chi.	ibidem. Modi qui contrarij.	25
Materia & subiectum ge-	Modi uocibus explicantur.	
nus idem.	16 ibid.	
Materia duplex.	ibid. Modorum ordines & repu-	
Materia Dialecticæ argu-	gnantia.	ibidem.
mentatio.	ibidē. Modi Syllo.uarij, & eorum	
Materia Dialecticæ res o-	uocabula.	101
mnis.	17 Modi perfecti primæ formæ	
Mathemata puerorum ex-	quatuor.	102
ercitamenta.	14 Modi secundæ formæ qua-	
Mathemata ante Dialecti-	tuor.	104
cam tradenda.	15 Modi tertiæ formæ.	105
Metaphysica differt à Dia-	Modorum imperfectiorū re-	
lectica & Sophistica.	17 ductio ad perfectos quo	
Metaphysicus, Dialecticus,	principio nitatur.	106
& Sophista artifices cō-	Modus soluendarum captio-	
munes.	17 num.	143
Methodus quid significet.	2 Naturalis facultas.	66
Methodi diuisiones & for-	Nomina primæ & secundæ	
	posita	

# INDEX.

positionis.	68	pellet.	10
Negatio quid & quotuplex	137	Polyonyma quæ.	60
Numerus quid.	71	Positio quid, & eius gene=	115
Officiū Dialectici.	25, 26	74.	115
Officio quæ conueniant.	25	Posterius & prius quot mo=	73
Officium artificis unum, ut	26	d/s dicantur.	107
artis finis unus.	26	Præcepta inueniendi medij.	113
Officium generalis Dialecti	27	Prænoscentia aliqua in de=	114
ci	116	monstratione.	113
Omni inesse.	116	Prænotionum duo genera.	114
Opiniones uariæ de fine Dia=	23	Præiudicium quid.	115
lecticæ.	23	Primum & immediatum.	115
Opinio quid, quo pacto pro=	118	Principium quid, & eius for=	115
betur, & differat à scien=	81	mæ.	116
tia.	81	Principijs magis credendum=	116
Oratio quid & quotuplex.	67	quàm conclusioni.	120
Oratio recipit cōtraria.	70	Principiorū cognitio quo=	120
Ordo partium duplex.	61	modo fiat.	121
Paronyma quæ.	124	Principia artiū ex proprijs	121
Paronymorū genera.	124	ip/arum nō probātur.	122
Partes duplices.	38	Prinatio duplex.	72
Partitio quid.	38	Prinatio quæ.	ibid.
Passio quid, & quæ ad eam	79	Probabile quid.	29, 121
pertinent.	79	Probabile quo pacto disse=	29
Patibilis qualitas, seu per=	67	tat à uero & falso.	122
turbatio.	67	Problema Dialecticum.	122
Plato quid Dialecticam ap=		Pro=	

# INDEX.

Problema quadruplex. <i>ibid.</i>	Quatuor in re quibus cog-	
Problemata omnia ex locis	noscuntur.	119
tractantur.	134. 135	Ratiocinatio quid. <u>42</u>
Propositio Dialectica.	121	Ratiocinationū formæ tres
Propositionis dialecticæ gra-	tantum.	100
dus tres.	<i>ibidem.</i>	Ratiocinatio recta & obli-
Proprium quid & quotu-	qua.	107
plex.	56	Ratiocinationum generalia
Punctum quid	70	præcepta. 106
Quæ dicuntur de subiecto	<u>64</u>	Ratiocinatio ex <u>hypothesi</u>
Quæ in subiecto insunt. <i>ibi.</i>	duplex.	107
Quæstio quid.	133	Ratiocinatio in orbem 108
Quæstionū numerus ijs quæ	Ratiocinatio copulata &	
sciuntur par.	119	eius formæ. 112
Quæstionum diuifio. <i>ibid.</i>	Redargutio quid & quotu	
Quæstio omnis ad medium	plex.	130
refertur.	<i>ibid.</i>	Reciprocatio quid, quotu
Quæ recipiantur per se in	plex, eius utilitas. <u>90. 91</u>	
Categorijs.	<u>69</u>	Relatio quid, & quæ ad eam
Quæ ab iisdem excludan-	pertinent. <u>63. 64. 65</u>	
tur.	<u>67</u>	Rhetorica respondet altera
Qualia artiū præcepta. 78.	parte Dialecticæ. <u>19</u>	
Qualitas, & quæ ad ipsam	Rhetorica germen & pro-	
pertinent.	<u>66</u>	pago Dialect. & pars. 20
Quando quid.	70	Rhetorica quibus utatur
Quando quas uoces admit-	probationibus. <i>ibidem</i>	
tat.	<i>ibidem.</i>	Rhetoricæ & Dialecticæ dif-
Quantitas, & quæ ad ipsam	crimina. <u>20. 21</u>	
pertinent.	<u>70</u>	Rhetorica similis manui in
		palman

# INDEX.

palmam extense.	21	Synonymia & homonymia	
Rhetoricæ finis persuasio.	122	in uocibus precipue.	62
Respondentis munus & offici- cium.	44	Synonyma quæ.	ibidẽ.
Regule ad quas <i>recte</i> argu- mentatio dirigitur.	41	Tabule quæ.	133
Regule censuræ ueri & fal- si.	84.85	Testimonium quid.	ibidẽ.
Scientiæ & Demonstratio quomodo affecta.	114	Transcendentia quæ.	67
Scientia finis & effectus de- monstrationis.	ibidem.	Tempus quid.	71
Scientia differt ab opinio- ne.	118	Terminus communis.	ibid.
Scientia & opinio an pos- sint esse simul.	118	Totum dicitur multis mo- dis integrum uniuersum,	
Scire quid.	114	secundum potestatem.	124
Similitudo quid.	127	Varie sententiæ de metho- do quam sequitur Arist.	
Simul quot modis dicatur.	74.	Ubi quid, & quas uoces ad- mittat.	70
Situm esse quid, & quas uo- ces admittat.	71	Verbum quid.	80
Sonus quid.	79	Vis cognoscendi in nobis du- plex.	42
Sophisticus syllogismus tri- plex.	137	Vna causa potest per alterâ demonstrari.	119
Species quid & quotuplex.	62	Vniuersum an sit, quid sit, & quotuplex.	48.49.50
<i>Subiectum</i> quid	81	Voces cõmunes <i>quinque</i> ; 50. 51	
Substantiæ quid, & quæ ad ad eam pertinent.	64.69	Vox qd, et eius formæ. 79. 80	
		Vox cõmuns, quæ uulgõ predicabilis.	45
		Voces significant naturam, an positione.	80
		Vsus quinque uocum.	58
		Vsus Categoriarum.	75.76

FINIS.

